


Graess II 572, Lippkerheide n^o 150.

cf. Leitg. 1642, mass 3 boeken.




Amst. 1923.


Opus doctissimum et quod argumentum hoc haud vulgariter illustrat.
Machet. Polyhistor vol. 1. p. 936.



Digitized by the Internet Archive
in 2015


<https://archive.org/details/octaviiferraride00ferr>







OCTAVII FERRARIJ
DE RE VESTIARIA
LIBRI SEPTEM



OCTAVII FERRARII
DE
RE VESTIARIA
LIBRI SEPTEM.

Quatuor postremi nunc primum prodeunt:
reliqui emendatiores & auctiores.

Adiectis iconibus, quibus res tota oculis subiicitur.




PATAVII, MDCLIV.

Typis Pauli Frambetti Bibliop. Superiorum Permissu.



Æ T E R N Æ
V E N E T O R V M
R E I P V B L I C Æ

Octavius Ferrarius F.



OPVLVS Romanus Quiritium eodem tempore & rerum dominus & togatus esse desit. Nam postquam fatorum inuidia, terrarum, ac maris, nunquam satis libertatis potens, vnus parum viri impotentia, ac libidini Orbis Imperium, seque, ac fortunas autorauit, pristinum quoque cultum mutauit, simulque libertatem exiit, & togam: & quod olim non nisi in luctu publico, Urbisque periculo usurpabatur, perpetuò ad saga transiit. Quasi eos, qui sponte seruitium induerant, ipsius fortunæ rubore in veste ingenuorum conspici puderet. Itaque ex eadem domo rei Romanæ excidio natus adolescens, postquam annona, & donis morientis libertatis reliquias profligasset, vt eius aliquod inane solatium relinqueret, frustra togarum vsum reducere conatus est: nam serò sapiens Martius populus non diu ludibrium illud tulit, & fortu-

næ suæ intelligens cum seruili schema deinceps processit. Ita nullus scriptoribus eorum temporum querendi locus erat, quòd cum togæ in desuetudinem abiissent, sublatum omne esset inter ingenuos, atque seruos in vestitu discrimen: nam quid eo opus erat, cùm omnes priuatim, aut publicè seruitutem seruirent?

Quantò admirabilior publica res vestra, Principes semper Italiæ Viri, quæ sicut singulari omnium seculorum exemplo intactam per omne æuum libertatem, seruiente Orbe seruauit: ita eodem vestitu, quàm graui, ac maiestatis pleno, tam simplici, & virili pacis, atque ingenuitatis argumento perpetuò vsa est. Et cum Latium omne in barbarum, aut hostilem cultum degenerauerit, ac togati quondam populi braccis adstricti, aut sagulis inclusi, certè in re populi placida altius cincti, quos oderunt imitentur: contra magna pars deliciis fracti adeo a gestanda lorica degenerauerint, vt cùm sericum oneri sit, cultus vix nuribus decoros sumant, totque nouis vestium nominibus scædati in publico pelluceant; Veneta grauitas prisca morum, atque amictus sanctimonia ad hanc diem egit, ac maiorum cultum per tot secula nulla aut peregrinitate infecit, aut luxu blandiente corruptit.

Et quamuis Romanæ togæ pondus, ac redundantiam, morosamque rugarum contabulationem aspernata sit panno etiam æstiuis incommodis velata modestia: decoro tamen fluente ad pedes amictu, non colorum superbia, aut cretæ ambitu notabili, sed maxime ciuili gaudens omne luxus certamen submouet, quo maxima olim Imperia pessum ière. Ita quamuis sua magistratibus insignia apud vos sint, murexque, & violæ color palmatas

vestras, ac triumphales illuminet, reliqua promiscuo amictu agitis, similemque caueæ orchestram, & circumdatam sapienti pallio Imperii maiestatem miraretur hospes, nisi nihil admirari a vobis ipsis didicisset.

Ego veterum vestitum, cultumque longa defuetudine abolitum, etiam apud scriptores vix sui vestigia retinentem cum eruditorum oculis subiicere constituissim, ausus sum id opus Sacrario vestro sistere, quod apud vos conceptum, atque editum, quoddamque non exiguam lucem Græcis, ac Latinis scriptoribus allaturum spes esset: quos vestro accitu, atque inuidiæ capaci liberalitate publicè interpretabar.


Nec fortasse præter rem fuerit principis quondam populi, sicut bella, opesque, ita domesticum cultum, ac paratum propius inspicere, reputantibus quàm modicus initio fuerit, atque ipsi naturæ, gentisque primordiis par, mox luxu victus sit: donec eo ventum, ut idem corruptus, ac corruptor, moribus, ipsique demum Imperio labem at. tulerit. Quo magis seculo, vestroque nomini gratulari libet, apud quos cum ex æquo viuatur Imperium, amictus simplicitas cum morum sanctitate contendit, imo abstinentiæ index, ac custos est, potens humanum genus emendare, sicut Venetæ mansuetudinis beneficio Imperio subiecta, exemplo, cuncta terrarum refouentur. Valete, bene rem gerite, Vincite

Virtute vera, quod fecistis ante hac.

Patauii in vestro Athenæo Calend. Decembris Anno
CLO.DCC.XLII.

OCTAVIVS FERRARIVS

Lectori suo S.



Imaiorum gentium Critici, atque harum literarum principes Lipsius, Casaubonus, Salmasius fidem suam aliquando liberaſſent, & quem toties polliciti fuerant Commentarium De Re Veſtiaria non inuidiſſent, ſuperſediſſem ipſe labore hoc, atque aliud interim promiſſem. Sed quoniam beati illi ante fatiſ, quàm ſtudioſorum voto debitum perſoluerunt, quæ diu in hanc rem commentatus ſum non ultra ſupprimere conſtitui, & pro viribus poſteritati conſulere.

Reſ ea quidem, ſi quæ alia in tota vetuſtate, ut maxime utilis, & iucunda, ita ardua in primis, atque obſcura, nondumque ſatis viris doctiſſimis explicata. Nam quæ ad hunc diem hoc argumento prodiere hiantes deludunt, cùmque auctores multum æſtuarint, grandia minati pro Romanis barbaros, ac peregrinos habitus obtrudunt. Lazari Bayſii conatus laudandus eſt, qui tamen ſi nihil aliud ſtatuiam nobis pro togata palliatam dedit, traxitque in eundem errorem non paucos vix excuſandos, cùm in veteribus nummiſ, ac lapidibus tot togata appareant. Sigonius totus in hoc ſui diſſimiliſ eſt, credo diſſentiendi ſtudio, & ne fieret acceſſio alterius.

Primus nugari deſiit iunior Manutius, quem maluerunt recentiores tranſcribere, quam laudare, non multum ſolliciti, ne quiſ manum iniciat, cùm pridem doctõrum monumenta iuuentutis manibus incuria, ac torpor excuſſerit: dum noua

ſectamur veterum incurioſi; Iamque idem fatum Manutii ſcripta premit, quod Beroaldis, Politianis, Domitiis, Val- liſque, & reliquis nocuit, qui harum litterarum inſtauratores Italum nomen ultra Sauromatas porrexerunt; Quorum lu- minibus non tam offecit poſterior cura, quàm alienos ſæuis ſi- bi ſupponendi mala libido, quibus ubi miram verborum vo- lubilitatem non ſine lolligine, & repetitas ad faſtidium ſcri- ptorum ſententias addidere pro ſuis venditant, atque ambi- tioſa commentariorum mole ſcriptores prægrauant, leſtores abſterrent, iis que miraculo ſunt, qui libros oculis metiuntur, titulorum periti, quique bibliothecas in oſtentionem luxus exornant.

Neque hac obtreſcandi cauſa dicta velim, ſed ut ipſe quoque euinceret, quoties culpæ huius affinis forem. Ceterum Manutium non ſemel in hoc opere præluxiſſe initio profiteor, & cum res poſceſſerit indicabo, nec alium quemquam honore ſuo fraudare animus eſt, per quem proficere licuerit. Neque etiam mihi tantum deſero, ut magnis nominibus inferi ve- lim, hiſque optionem dari: ſed id modo, ut quod illi vel altio- ribus curis diſtriſti omiſerunt, vel fato intercepti ad exitum perducere nequiuêre, ſupplerem ipſe, qui ſicut non tantum in- genii, at fortasſe non minorem curam, certe iuuandi litteras ſtudio non impar domo attuliſſem. Quantum porro illud ſit Leſtor incorruptus iudicabit, & quidem minores ſincerius. Nobis hercules iidem fontes, unde illi arua Muſarum irri- garunt, patuere, & quidem pronius, ad quos illi digitum in- tenderant.

Quid porro hoc argumento præſtiterint, qui adhuc vitales auras carpunt, ſequæ ac ſeculum exornare pergunt, in ipſo ope- re apparebit. Neque ægrè laturos ſummos viros exiſtimo, quod

*ſepe ab iis modeste diſſentiam. Quam ſibi veniam in aliis
refellendis concedi illi poſtularunt, haud mihi denegatum iri
certus ſum. Ceterum niſi ingentia in me merita eſſent Fran-
ciſci Putei Venetorum patronorum diſertiſſimi, cuius domus
perpetuum Muſarum hoſpiti-um eſt, ac commune Prytaneum,
hoc illi nomine plurimum deberem, quod non pauca Romani
cultus monumenta nondum vetuſtatis iniuriâ victa transmi-
ſerit, quo res ipſa ſub aſpectum caderet.*

*Hæc erant, quæ præfari neceſe fuit, reliqua ſcriptorum ſo-
lemnia, leniendo liuori, aut faſcino depellendo ne tangam
quidem. Ambitioſi ſimuleſt, et meticuloſi ægros oculos, ac
municipalem rubiginem expectare, aut reformidare. Nimis
preclare mecum actum crederem, ſi hæc inuidia digna vide-
rentur. Lector*

*Vive, vale; Si quid nouiſti rectius iſtis,
Candidus imperii: ſi non his vtere mecum.*

VLP IANVS D:

DE AVRO ET ARGENTO LEGATO.

VEstimentorum sunt omnia lanæa, lineaque, vel serica, vel bombycina, quæ induendi, præcingendi, amiciendi, insternendi, iniiciendi, incubandive causa parata sunt: Et quæ his accessionis vice cedunt, quæ sunt institæ, picturæ, clauique, qui vestibus insuntur. Vestimenta omnia aut virilia sunt, aut puerilia, aut muliebria, aut communia, aut familiarica. Virilia sunt quæ ipsius patris familiæ causa parata sunt, veluti togæ, tunicæ, palliola, vestimenta stragula, amfitapa, & saga, reliquaque similia. Puerilia sunt quæ ad nullum alium usum pertinent nisi puerilem, veluti togæ prætextæ, aliculæ chlamydes, pallia quæ filiis nostris comparamus. Muliebria sunt, quæ matris familiæ causa sunt comparata, quibus vir non facile uti potest sine vituperatione, veluti stolkæ, pallæ, tunicæ capitia, zonæ, mitræ, quæ magis capitis tegendi, quam ornandi causa sunt comparata, plagulæ, pænulæ. Communia sunt, quibus promiscuè vitur mulier cum viro: velut si eiusmodi pænula palliumue est, & reliqua huiusmodi quibus sine reprehensione vel vir, vel vxor vtatur. Familiarica sunt, quæ ad familiam vestiendam comparata sunt: sicuti saga, tunicæ, pænulæ, lintea vestimenta, stragula & consimilia.

O D E.

I Actura facta est tum nimium grauis
 Antiquitatis quum venerabilis
 Mos vestiendi temporum æstu,
 Et vitio periit nepotum.
 Hi facta maiorum inclyta quum parum
 Sint æmulati, penfaque gloriæ
 Languore inertinegligentes
 A studiis abiire honesti.
 Hinc exulauit tam Latio toga,
 Quàm pallium Argis, atque simul decus
 Vtrinque virtutis recessit
 Crimine desipientis æui.
 Mutata vestis, mutat & urbibus
 Mores auitos, & ruit in nefas
 Gens omne præceps, Barbarorum
 Dum capit indecores amiæctus.
 Frugalitatis lex moderans domos
 Hinc spreta; constans posthabita est fides;
 Humanitatis nulla, paciſque
 Innocuæ fuit inde cura.
 Quin fluxit omnem luxus in angulum,
 Qui ciuium rem distrahit artibus
 Congestam anhelis, atque turpi
 Delidiâ temerat potentes.
 Obducta passim nomine gratiæ
 Egeriminarunt perfidia, & doli,
 Et coëpit illic stare vultu
 Barbara sæuities superbo.
 Ad arma ciues mox pepulit furor
 Quaqua solutus, diffidiis faces
 Subdens cruentas, unde cædes,
 Et trepidus metus usque creuit.

Imbellem ab annis, & tremulum patrem

Nati bipennis terruit impia;

Et sæpè pugnavit propinqui

Sanguinis immemores amandi.

Permissa ferro sæclamalignor

Vis asperavit legibus obrutis,

Astræa, postquam exosa vulgus

Tot scelerum, ulma reuisit astra.

Nonne ista fraudum tempora nunc forent

Dicenda verè ferrea, ubi minas

Inter frementes cuncta ferri

Arbitrium temerè occupavit?

Corrupti cheu consilii propè

Ferrugo nostri currialum furens

Aevi, peracri dama ferro,

Glandee fulmineâ ferentis.

Occurris at tu luctifio malo

Prisci reducens ingeni typum,

Insuæ, Ocræ, feracis

Lux, celebre aque decus Mineræ;

Sub involucro dum modò vestium

Virtutis antiquæ inuicis indolem,

Aurique purum redis æuum,

Quo probitas generosa fulsit.

Scriptis in auras auriflis tuis

Orbem, atque pulchris diuitiis beas,

Quas non habet Patolus æque,

Nec Tagus Hespriis in undis;

Tuâ disertâ quum sapentiâ

Fulgere possit nil pretiosius,

Quâ promissæ apte altrusa rerum

Sepositâ peregrinitate.

Fœlix ò ætas nupera vstibus

Priscis resumptis, si roetat simul

Mores decentes æquitatis,

Aurea quos coluit ætas.

Egressus Argo cum iuuenum manu
Iason decorá, primus Achaicâ
Contempsit audacter carinâ
Aequoris imperium tremendi
Claustris revulsis sæua licet cohorti
Erumpat amens Aeolio è specu,
Totumque conturbet profundum,
Nil timet vndiagus phaselus.
Nam Graia pubes per varios sinus
Excurrit, anceps siue periculum,
Seu dura fortunæ molestæ
Indomito subiens labore.
Ausus præaltos nec potuit virum
Armata messis flectere concita,
Nec semper insomnis Draconis
Faucibus eiacularus ignis;
Quin ferret auratam Aesonides mri
Ab usque Colchis pellem, & Apollinis
Ornatus altâ fronde crines
Exuviis decoraret Argon.

Io. Iacob Cruccolani Mediolanensis.

INDEX CAPITVM

LIB. I.

Cap. I.	T oga : τῆβενος : περιβόλαιον. Vestimenti genus fuisse rotundum, ac clausum. P. I	
II.	Sigonii opinio refellitur Togam quadratam consentis. Athenæus explicatur.	5
III.	Docti Viri opinio de Vestimentis quadratis expenditur.	6
IV.	Nova opinio de Vestimentis quadratis affer- tur. Quod inter vulgare pallium, ac Philo- sophicum discrimen fuerit.	8
V.	Sigonii sententia reiecta consentis Togam se- micircularem, & apertam fuisse.	11
VI.	Modus gestandi togam. Quid sinus & umbo. Quintilianus explicatus.	12
VII.	Brachium toga continere. Ciceronis locus ex- plicatus.	22
VIII.	Mittere trans pondera dextram. Horatius explicatus. Cur anno tirocinii brachium to- ga cohibitum.	24
IX.	Brachium exerere. Cethegi exerti, ac cinctuti. Horatius, & Lucanus illustrati.	29
X.	Toga caput inuoluere. Caput aperire.	32
XI.	Caput pallio inuoluere : Palliolum : Ciceronis Scholiastes notatus: Petronius explicatus.	36
XII.	An toga cingeretur. Macrobi sententia reie- cta. Caesaris cinctus.	38
XIII.	Cinctus Romanus. Modus cincturae Caesaris cur	

- cur notabilis. Dionis interpres notatus. 41
- XIV. Expenduntur scriptores, qui togam cingi solitam docere videntur. Cinctus Gabinus. 43
- XV. Docti viri opinio refutata de cinctu Gabino Catonis cum ius diceret. Tertullianus de pallio explicatus. 47
- XVI. Nullum in toga fibula usum fuisse. Panciroli nō unus error in re vestiaria perstringitur. 51
- XVII. De Toga materia. Lanarum varia genera. Toga pexa, & detrita. 53
- XIIX. Lana coacta. Plinius uno capite non semel correctus, & explicatus. 56
- XIX. Vestis serica. Bombyx Coa, & Assyria. Plinius defensus. 60
- XX. Vestes bobycina: serica: subserica: multiita. 63
- XXI. Togæ color. Candidati. 66
- XXII. Albus color lætitiæ causa adhibitus. Albati. 69
- XXIII. Pullus color in luctu. Atrati. An idem a matronis usurpatus. 71
- XXIV. Togæ mensura. Togæ talaris. Quintilianus explicatus. 72
- XXV. Togam antiquis temporibus commune vestimentum fuisse tam virorum, quam sæminarum. Recinium. Festus emendatus. Toga meretricum gestamen. Ovidius, & Varro explicati. Plebs infima quandoq; togata. Gladiatores in toga producti. 74
- XXVI. Imperatores toguti. 79
- XXVII. Togas in luctu, & calamitate publica depositas.

Index Capitulorum.

	<i>tas. Quae vestis earum loco sumpta.</i>	81
XXIIX.	<i>An toga vestis domestica fuerit.</i>	83
XXIX.	<i>Toga in conuiuiis adhibita. Toga submissa.</i>	84
XXX.	<i>Vestis conuiualis. Canatoria. Synthesis.</i>	86
XXXI.	<i>Quale vestimentum fuerit Synthesis. Lipsii sententia examinatur.</i>	88
XXXII.	<i>An extra Urbem togae usus fuerit. Toga etiam in militia.</i>	93
XXXIII.	<i>Quando toga in desuetudinem abierit. Aue togatorum. Patroni togati.</i>	95
XXXIV.	<i>Togas Imperatorum auro non ita totum depositas.</i>	100
XXXV.	<i>Tunicatus populus. Pullatus circulus.</i>	102
XXXVI.	<i>Christi Sacerdotum vestem exteriorem Mis- sarum Sacris adhibitam togam fuisse vide- ri. Panula: Planeta: Casula.</i>	104
XXXVII.	<i>Modum gestandi Casulam diuersum a toga gestatu fuisse. Lineus amictus.</i>	106
XXXIIX.	<i>Planetam, & Casulam etiam extra sacra in communi vestitu fuisse.</i>	109
XXXIX.	<i>Dalmatica. Lacernum byrrhum. Cardinalium Vestitus. Baronii opinio reiecta.</i>	111

LIB. II.

Cap. I.

II.

III.

DE Pretexta.

De Pretexta Sacerdotum.

Pretexta Magistratum. Varii Interpretum
errores in uoce περισσόπους explicanda casti-
gantur.

134

135

136

At

Index Capitum.

IV.	An Senatores Prætextati. An Tribuni plebis.	140
V.	De Trabea. Toga ποινικοπάρυφος. Halicarnas- seus explicatus.	144
VI.	Scholiastæ Ciceronis error Trabeam cum Pa- ludamento confundentis.	145
VII.	De purpura, & eius generibus. Plinius corre- ctus, & explicatus.	147
VIII.	Toga triumphalis, purpurea, picta, palmata, Capitolina.	152
IX.	Jus togæ triumphalis ad privatos translatum. Purpura summa.	156
X.	De Vestibus holoueris.	158
XI.	Togarum diversa genera enumerata magis, quàm indicata. Auctorum sententiæ expen- sa. Varro explicatus, & correctus.	160
XII.	Abollam non fuisse togam, aut vestem Sena- toriam. Quid ea fuerit.	164
XIII.	Quod vestimenti genus fuerit Lana. Seruii opinio reiecta.	168

LIB. III DE TVNICA.

Cap. I.

Tunica. χιτών. Dionis Interpres, &
Manutius notati. Maldonati sententia
reiecta.

172

II. Tunicas in petitione honorum depositas. An
Cynici tunicas gestarint. ὀθόν. πάντες.

177

III. Tunica Lineæ. Paragaudes.

180

Index Capicum.

IV.	Ministros conuiuiorum in tunica & ferme lineas solitos ministrare.	182
V.	Linea Vestis sacrificantium. Camisia: Camisium: Cotta.	187
VI.	Tunica superior. Eius mensura. Talaris probrosa. Propertius, Iuuenalis, Cicero explicati.	190
VII.	De Cinctu.	194
II X.	Tunica Manuleata. Colobia.	196
IX.	Dalmatica. Non unus Baronii error notatus.	199
X.	De Tunica colore. Non fuisse purpureum. Manutii opinio reiecta.	203
XI.	Tunica palmata. Russa. Galbina.	205
XII.	De Tunica ernamentis. Latus clauus. Doctissimorum virorum sententia explosa. Quintilianus explicatus.	206
XIII.	Laticlauii etiam Senatorum filii. Dionis Interpreter notatus.	210
XIV.	Angustus clauus. Angusticlauii.	212
XV.	Tunica Asemæ. Clauis mappis & linteis assuti. Alia tunica ornamenta.	215
XVI.	De Tunica Christi Domini inconsutili. Doctissimi viri opinio reiecta.	216
XVII.	De Tunica Muliebri. Stola Instituta. Segmenta. Plinius explicatus.	222
XII X.	Pallium muliebre. Palla. Citharædicus ornatus. Palla Gallica.	231
XIX.	De Amiculo.	237
XX.	Varia muliebrum vestimentorum nomina ex	

Index Capitum.

	<i>Plauto recensentur.</i>	238
XXI.	<i>Alia in Plauto, quæ ad muliebrem mundum pertinent, expenduntur.</i>	245
XXII.	<i>De Variis coloribus muliebris cultus.</i>	249
XXIII.	<i>De Veste Ancillari, & Meretricia. Juvena. lis, & Ovidius explicati.</i>	252
XXIV.	<i>Vestis servilis. Lipsii sententia reiecta. Inter- pres Juvenalis correctus. Fabri opinio ex- pensa.</i>	256

OCTAVII FERRARII

DE RE VESTIARIA

LIBER PRIMVS.

QVI EST DE TOGA.

Toga: τήβεννος: περιβάλαιον. Vestimenti genus fuisse rotundum, ac clausum. Cap. I.



TOGA, Romanum tegmen, ipsis Quiritibus longè vetustior scriptoribus perhibetur. Nam circummeasse a Pelasgis ad Lydos, a Lydis ad Romanos auctor est Tertull. de Pallio: & cum Suida Artemidorus eius originem ab Temeno Arcade deducunt, qui ad Ionij maris accolæ nauigans primus eo modo chlamydem induit, a quo indigenæ edocti eadem ratione habitum suum composuere, vestemque Tebennam corrupta voce a Temeno appellarunt. Verba Artemidori sunt lib. 11. cap. 111. prout ea viri doctissimi ad Tertullianum emendarunt. Τα δ' αὐτὰ καὶ ἡ Ρωμαϊκὴ, ἐσθῆς, ἣν νῦν τήβεννον καλεῖσιν ἀπὸ Τημενῶν τῷ Ἀρκάδος, ὃς πρῶτος τὴν αὐτοῦ χλαμύδα. Ἐπὶ τὸν περιεβάλετο τὸν τρόπον ἐπαλῶσας καὶ τὸν Ἰόνιον κόλπον, καὶ ὑποδεχθεὶς ὑπὸ τῶν ταῦτη κατοικούντων, ἀφ' ὧν μαδόντες καὶ οἱ ἐγγύχωροι τὸν αὐτὸν ἐσκεδάσαντο. Ἔσπερον, καὶ ἐκάλουν τὴν ἐσθῆτα Τημένιον ἐπώνυμον Τημενῶν τῷ Ἐσπερον, δὲ χροῶν παραφθαρὲν τὸ ὄνομα τήβεννος ἐκλήθη. Eadem significat, & vestis Romana, quam nunc Τήβεννον vocant a Temeno Arcade, qui primus suam chlamydem hoc modo circumdedit cum per sinum Ionium nauigasset, & ab his, qui isthic habitant susceptus esset, a quo indigenæ edocti eodem modo aptarunt, & vestitum Temenium vocauerunt a Temeno inuentore, verum secutis temporibus corrupta voce Tebennus appellatus est. Ab hoc igitur Temeno Arcade Τημένιον, mox

Τήβεννον togam dixere . Helychius Τήβεννος εἶδος περιβολαίης παρὰ Ῥωμαίοις . Vbi doctissimus Criticorum Περιβόλαιον appellat , quemadmodum Artemidorum voce περιβάλετο vsus est , quod nempe toga , vt dicemus , ita iniiceretur siue circumijceretur , vt totum corpus inuolueret . Etymologo Τήβεννος dicitur Regium gestamen . Sed si Romani Reges excipiantur nullus exterorum Tyrannorum toga vsus reperietur , nisi ex dono Pop. Romani , aut eius imitatione . Malè itaque ex Polybio apud Athenæum id firmare docti conantur , qui Antiochum Epiphanem memorat deposito Regio cultu amictum toga forum circumire solitum . Πολλὰκις δὲ καὶ τῷ Βασιλικῇ ἀποθέμενος ἐσθῆτα τήβενναν ἀναλαβὼν περιῆ τῷ ἀγορᾷ . Id enim & præter morem fuisse notat Polybius , & ad imitationem Romanorum fecisse subiicit . Καὶ καθίσας ἐπὶ τὸν ἐλεφαντίνον δίφρον καὶ τὸ παρὰ Ῥωμαίοις εἶδος .

Togam ergo Romanorum gestamen fuisse nemo est qui ignoret : sed quæ eius forma , quodque a Græcanico pallio discrimen viri doctissimi delitigant , nec satis rem expediunt . Glossæ Veteres Persij . *Toga est purum pallium forma rotunda & fusore , atque inundante sinu .* Manutius in quæsitis Vestimentigenus fuisse censet a summo ad imum clausum nullis manicis , quodq; totum corpus tegeret , & inuolueret . Contra Sigonius in lib. de Iudicijs Togam apertam fuisse contendit , & quadratam . Quòd Athenæus lib. v. narret Romanos in Asia , vt vim Mithridatis effugerent ad Tempia confugisse , & quadratis vestimentis abiectis pallia sumptisse . Ea autem quadrata vestimenta fuisse Togas Cicero indicare videtur pro Posthumo . *P. Rutilium facilius inquit , necessitatis excusatio defendet , qui cum a Mithridate Mytilenis oppressus esset , crudelitatem Regis in Togatos , vestitus mutatione vitauit . Ergo ille P. Rutilius , qui documentum fuit hominibus nostris virtutis , antiquitatis , prudentiæ , foccos habuit & pallium .* Ex quo colligit Sigonius quadratam togam fuisse , eandemq; apertam ex eo contendit , quòd Val. Maximus lib. 111. de Nasica in Gracchum impetum facturo loquens ait , *eum laeuam manum apertæ togæ circumdeditisse .*

Nihilominus Togæ vestimentum clausum, & rotundum fuisse, quodque vno iniectu corpus inuolueret, multa sunt quæ conuincunt. Primum antiquæ statuæ, veteresque nummi talem Togæ formam oculis subiiciunt, quæ licet satis id superque comprobent, argumenta tamen non leuia adijcimus. Quod enim primo loco a Manutio affertur, nullius momenti est, qui existimat ita clausam togam fuisse, vt a summo ad imum nullam scissuram habuerit, & proinde ait, *indecorum visum esse pectus nudum patuisse*. Hoc enim omnino falsum est; Nam licet Togæ vt dicemus rotundæ & per imum ambitum essent conclusæ in superiori tamen ora ad ceruices laxè patuisse necesse est, tum vt dextrum brachium exereretur, tum vt clauī in tunica Equitum, & Senatorum apparent, vt in statuis togatis videre est. Plutarchus etiam in Coriolano tradit, consueuisse Magistratum petentes sine interiori tunica in forum opertos toga descendere, vt qui cicatrices haberent signa fortitudinis aperirent; quod fieri minime potuisset, si per totum clausa toga fuisset, & ceruicibus adstricta.

Illud ergo potius quod idem Manutius vidit, cum antiquissimi Romanorū vt tradit Gellius l.vii. nullis tunicis vterentur, solisque togis amicti incederent, nisi Togæ a pectore ad ima clausæ fuissent, nihil velando pudori reliquum fuisset: idem dicendum de petitoribus, quos solis togis amictos in campū descendisse tradit ibi Plutarchus, siue vt cicatrices aduerso pectore ostenderent, siue ne pecuniam ad suffragia mercanda tunica occultarent, siue vt supplicarent humilioribus. Et quamuis cum solas togas Romani induerent etiam campestribus velando pudori succincti essent (quod de Catone tradit Pædianus pro Scauro, quem locum infra examinabimus,) id factum est, non quod toga aperta esset, sed cum sinistro brachio læua eius par subduceretur, ne aliquid Romano pudori deperiret.

Hinc est quod Cæsar infestis coniuratorum pugionibus petitus togæ sinum sinistra manu ad ima crura deduxit, quod, vt ait Tranquillus, *honestius caderet*: quod frustra fecisset, si

toga fuiſſet aperta; Obtendit ergo ſinum, ideſt læuam togæ partem brachio ſubductam demitit ad pedes, ne dum moribundus prolabitur, tunica, quæ tunc ferè ad medium crus pertinebat, nullis etiam tunc fœminalibus, aut braccis, eas partes denudaret, quæ numquam ſatis obuelantur. Poſtremò Quintilianus lib. xi. cum cultum Oratoris deſcribit, *Siniſtrum brachium eò uſque allenandum docet* (nempè ſub toga clauſa latens, nam dextrum ſupernè exerebatur) *ut quaſi normalem angulum faciat, ſuper quod ora ex toga duplex* (ideſt hinc indè brachio pendens) *æqualiter ſedeat*. Cui hæc non ſufficiunt ſubiectas Togatorum imagines accuratè perluftrèt, & oculis ſuis credat. Primum monumentum Romæ extrat, idq; accurate delineatum tranſtulit in Itinerarium ſuum Abrahamus Ortelius adiecta Inſcriptione.

Q. FVRFANIO. C. P. NIGRINO.
PROC. FABRORVM.
VIXIT . ANN. XXIV. M. VII.
SEX. FVRFANIVS . TYRANNVS.

FVRFANIAE . FLORAE
CONIVGI . SANCTISSIMAE.
VIXIT . ANN. XXII. M. III.

HER. FVNER. ET AR. FECIT. III. ID. APRIL.

M. AIMILIO . II. ET. MVNATIO . PLANCO . COSS.

Quod indicat hoc monumentum poſitum Anno ab v. c. dccxii. primis Auguſti temporibus, ut appareat qualis togæ geſtandæ modus illo æuo fuerit. Altera ſtatua togata viſitur in Atrio Palatij Veneti ad partem dextram Horologij, media inter duas palliatas, quarum altera capiti incumbit, altera pedibus ſubiecta eſt. Fortaſſe Ciceronis: certe Oratoris, quod libelli in dextra indicant, & libellorum theca ad pedes ſtatuae. At nummos veteres e Cimeſijs Caroli Stephani Littæ Mediolanenſis V. C. deprompſimus, cuius præclaro nomine operis veſtibulum colluſtraſſe inuat.

Tabula. I. II. III. IV.

Tabula I







Roma in Aedibus Cæsiorum

Jo. Georg. sculp.



Tabula III.



To Georg. sculp.



Tabula IV.

M. Aurelij.



Plantilla.



Titi.



Domitiani.



*Sigonij opinio refellitur Togam quadratam censentis .
Athenaus explicatur. Cap. II.*

EX his quæ suprâ adduximus satîs liquidò apparet, Togam vestimentum fuisse clausum, & rotundum. Nam Marcelli Donati opinio censentis partim quadratum esse, partim circulare, vt mitissimè dicam ridicula est. Sed fuisse quadratum ex Athenæi loco laudato Sigonius contendit, quod ante notauerat Victorius lib. xix. Variarum. Vbi Athenæus sequitiam Mithridatis in togatos commemorans, ait Romanos ab ipso oppressos in Asia quam occupauit, aut ad simulachra Deum confugiendo, aut quadratis vestimentis abiectis ad pallia redeundo, antiquasque patrias iam relictas ab ipsis agnoscendo vitam conseruasse. Sed diligentius Athenæi locum expendenti mihi manifesto apparet, non modo interpretem Dalechampium, sed summos viros Victorium, ac Sigonium aliquid humani passos esse; Verba Græci scriptoris hæc sunt. *Τῶν δὲ ἄλλων Ῥωμαίων οἱ μὲν θεῶν ἀγάλμασι προσεπτάκασι, οἱ δὲ λοιποὶ μεταμφιεσάμενοι τετραγῶνα ἱμάτια τὰς ἐξ ἀρχῆς πεζίδας πάλιν ὀνομάζουσι.* Quæ sic verterunt docti viri. *Romanorum quidem alij ad simulachra Deum confugerunt: alij mutata veste quadrata patriam quam principio gestabant nunc rursus induunt.* Perperam & contraria planè sententia. Sic enim vertenda erant. *Alij quidem ad simulachra Deum confugerunt: alij togam vestimentis quadratis mutantes: siue, deposita toga pallia sumentes priorem quisque patriam fatentur.* Nam μεταμπίεννυμαι, & μεταμφιάσμαι est vestibis exutum alias induere, ita μεταμφιάσθαι τετράγωνα ἱμάτια est deposita priori veste, idest, toga, quadratum pallium induere. Lucian. *τὴν πορφυρίδα μεταμφίεσσαι, relicto pallio philosophico, purpuram induar.* Et Socrates lib. i. i. cap. xxiv. Hist. Ecclesiast. *οἱ τὸ ξίβωνοφόροι τοὺς ξίβωνας ἀπέτιθεντο, καὶ εἰς τὸ κοινὸν χῆμα μετήμφιεννυντο.* Loquitur de Philosophis qui extincto Iuliano deposito tribonio communem habitum resumpsere. Ergo μεταμφιεσάμενοι τετράγωνα ἱμάτια est, mutantes togas quadratis pallijs, siue quadrata vestimenta resumentes, & vt ita dicam, mutantes ro-

tunda

unda quadratis, siue ut simplicius, quadrata vestimenta induentes. Idque miror a Magno Casaubono prætermisum, cum tamen vltimorum verborum ἐξ παλαιάς veram interpretationem solus attulerit, priorem quisque patriam fatentes; (scilicet vestitu,) nec omiserit notare, Τετραγωνα ἰματῖα esse Græcorum, non Romanorum, adductis in id Appiani verbis ciuil. lib. v. ἀπέλθαν ἡ ἰδιωτὶς καὶ αὐτῆς ἐξ ἡγεμονίας καὶ γῆμα τετραγώνον ἔχων καὶ ὑπόδημα Ἀττικόν. *Simplicitatem vero privati hominis rursum ex ducatu, & habitum quadratum habens, & calceamenta Attica.*

*Docti Viri opinio de Vestimentis quadratis
expenditur. Cap. 111.*

A Thenæi locus monet me, ut de vestimentis quadratis aliquid adjiciam: quia quid ea fuerint, inter eruditos minime conuenire video. Vir doctissimus in Notis ad Tertull. Pallium per hoc rectè Togam a Græcorum pallio distinguit, quod illa clausa, & rotunda, hoc apertum, & quadratum fuerit. Vestimentum autem omne apertum quadratum intelligi vult, quod nempe quatuor angulos habuerit; Angulos vocat extremam vestis partem vbi aperta est, quæ in acumen definit, ut scilicet duo anguli in ima ora vestis, duo in summa fuerint, qualia nunc vulgo pallia gestantur. Tale non modo Græcorum pallium fuisse, sed & matronarum pallas, virorumque Chlamydes, ac Romana paludamenta.

Hanc opinionem nititur conuellere Kercoetius, neque tamen quid vestimenta quadrata fuerint exponit. Eidem opinioni ne ipse adhærescam, illud in causa est, quod adduci non possum ut credam, omne pallium, seu vestimentum apertum fuisse quadratum. Frustra enim quadrati pallij mentio apud scriptores extaret, si omne pallium hac forma fuisset. Nam præter Festi locum de Ricinio allatum a Kercoetio: Petronius. *mox incincta quadrato pallio cucumam ingentē foco apposuit.* Quo loco interpretes nihil sani afferunt. Si pallium omne tam virorum, quam mulierum quadratum fuit & aper-

tum

tum Enothea more reliquarum quadratum pallium habere debuit : satis ergo fuisset dicere pallio incinctam fuisse, si omne pallium quadratum fuit, quemadmodum, & frustra quis toga rotunda indutus diceretur cum omnes togæ tales essent; Sane pallas, idest vestem superiorem mulierum, quæ & pallium dicebatur, apertas fuisse si nihil aliud veteres statux ostendunt. Si ergo omne vestimentum apertum etiam quadratum fuit pallium muliebri quod apertum erat, etiam quadratum fuisse necesse est. Duo ergo notasse videtur Petronius, quod pallio cincta esset, cum tamen pallium non cingeretur; deinde, quod quadrato, & fortasse sacrorum quæ parabat peculiari. Sanè veteres omne vestimenti genus pallium dixere, quam apertum, tam clausum, ut toga *pallium rotundum* Isidoro dicatur, nihilominus propriè ac simpliciter communique loquendi usu pallium accipitur pro Græco indumento, ut a toga distinguitur. Hinc *transire a toga ad pallium, & palliatum, incedere*: ut quoties quadrati pallij mentio incidit, non pro ut a pallio rotundo, idest toga distinguitur accipiendum sit, sed a pallio quod minime quadratum fuit. Sagum etiam vestimentum apertum fuisse constat, quare horum sententia & quadratum. Atqui Isidorus lib. xix. c. xxii. Linna Gallorum vestes saga quadra appellat: frustra, si talia omnia saga fuissent. Idem cap. xxiv. *Sagum autem Gallicum nomen est: dictum autem sagum quadrum, eo quod apud eos primum quadratum, vel quadruplex esset.* Et cap. xxv. *Palla est quadrum pallium muliebris vestis.* Ac ne quis hoc positum ad distinctionem stolæ, siue cycladis putet, quæ rotunda, hæc tunicæ fuere non pallia. Si ergo omnia pallia aperta quadrata, satis fuisset pallam pallium appellare, illico enim quadratum intelligeretur.

Pallia quæ a nobis gestantur, quadrata esse contendunt, sed si formam eorum attendamus, non tam quadrata, quam semirotunda apparebunt, & si qua parte patent consuantur, rotunda efficiuntur ut si quis cycladem muliebrem in anteriori parte discindat istorum sententia ex rotunda quadratam efficiet, & cum libuerit refinget rotundam. Præterea si omnia

omnia pallia fuere quadrata, quod inter vulgare pallium, & philosophicum discrimen fuit? Nam distincta fuisse, non est dubitandum: & præcipuum Philosophiæ insigne cum pèra, ac barba pallium olim fuit. Non enim sola materiæ vilitate, aut colore distinguebatur, quod philosophicum tribonium rude, ac detritum palliastrum esset, & ferme pullum, alioqui pauperes ac plebei, & quicumque exoletò pallio incessisset, pro philosopho habitus fuisset; Forma ergo, non materiæ vilitas, aut color vestimenta distinguit: atqui forma eadem omnino fuisset, si omnia pallia quadrata fingamus.

Nova opinio de vestimentis quadratis affertur. Quod inter vulgare pallium, ac Philosophicum discrimen fuerit. Cap. IV.

VT igitur & ipse quod sentio expromam, vestimenta quadrata illa tantum fuere, quæ ex duabus plagulis confecta erant, quarum vtraque quadrata erat, hoc est, quatuor angulos habebat, fibula autem in humeris nececebatur, atque ita hinc inde a lateribus aperta quales Diaconorum sacris operantium vestes visuntur. Tales veterum Carthaginensium tunicas fuisse Tertullianus tradit & *quadrangulas* appellat, non quod in medio apertæ essent, alioqui vel corpus renudassent, vel alijs interioribus tunicis iniectæ fuissent, sed quod ex duabus quadratis partibus confectæ, & a lateribus apertæ (non quales ætate Tertulliani gerebantur rotundæ & clausæ) quadrata iustitia starent, idest æquali vtriusque plagæ ora, nec cingulo inæqualiter suspensæ, vt rectè doctis obseruatum.

Quare non aliud discrimen inter vulgare pallium ac philosophicum fuisse videtur, quam quòd vulgare quadratum fuit, quod ex duabus plagulis confectum fibula in humeris nececebatur: at Philosophicum fufius, ac semirotondum ad instar nostri, quod nempe & reijci in humerum poterat, & duplicari totumque corpus inuoluere, quod a Cynicis fiebat, licet sola materia diuersum pallium reliqui Philosophi gestarent

rent, & ideo Iuuenalis dixit Cynica dogmata Stoicis sola tunica distantia. Nam in pallio conueniebant: tunicati Stoici, Cynici ἀχιτορες, vt iidem obseruarunt. In hoc autem pallio Philosophico opus fibula non fuit, alioqui nec reijci in humerum, nec duplicari potuisset, vulgare pallium quadratum, quod infibulatum nec reijciebatur in humerum, nec duplicabatur. Tales, aut non omnino dissimiles lacernæ, ac chlamydes Romanorum fuerunt, quadratæ nempè, & a latere apertæ, licet breuiores & vt plurimum non totam partem anteriorem operirent. Et ideo a veteri Interprete Persij lacernæ, ac pænulæ pallia dicuntur ad illud. *Scis comitem horridulum trita donare lacerna. Scis (inquit) birrum attritum comiti condonare. Lacerna pallium fimbriatum, quo olim soli milites velabantur. Pænula, pallium cum fimbrijs longis.*

Coniecturam nostram, quod vulgare pallium ita quadratum fuerit, vt quatuor in imo angulos habuerit, & propterea ex duabus partibus confectum quales Diaconorum vestes, illud iuuat, quod similia Iudæorum, ac Græcorum pallia docti tradiderunt. Atqui pallium Iudaicum quatuor in imo angulos habuit. In illis enim ex Dei præcepto fimbrias & vittas hyacinthinas gestabant. Num. xv. *Loquere ad filios Israel, & dices ad eos, vt faciant sibi fimbrias per angulos palliorum ponentes in ijs vittas hyacinthinas, quas cum viderint recordentur omnium mandatorum Domini.* Eas fimbrias etiam Christū Dominum gestasse verisimile doctis videtur, quod venerat legem non soluere, sed adimplere. Gestari has hodie a Iudæis docet Serrarius, cuius narratio nostram de quadratis vestimentis sententiam maxime confirmat. *Exiguam enim vestem habere eos tradit, gentis characterem, & insigne, quæ quadrata sit & dorsum pectusque tegat, a lateribus aperta, vt cilicia quadam esse solent. Ex imis quatuor vesticula huius angulis pendere chordulas totidem, in quarum singulis nodi quinque ad quinque Moyses librorum, vt aiunt, memoriam.* Præterea Epiphanius hæresi XV. cuius locum attulit Kercoetius, ait in scribarum pallio quatuor angulos fuisse, a quibus mala Punica penderent, quæ certè in imis angulis fuere, & non ad ceruicem, nam in veste pariter Pontificali in

ima ora mala Punica appenſa erant. Verba Epiphanij ſunt :
 ποῖστος ὃς τίνας ὄντι τὰς ἀπὸ πρὸς τοῦ ἑλισσίου ἑνασος ἐχεν.
 Ex quo tamen male colligit Kercoetius, ideo pallium illud
 Græcanici diſſimile fuiſſe, *quod ad latera ſciſſum & apertum fue-*
rit: nam non aliter quadratum eſſe potuit, & quatuor angu-
 los habere.

Scio poſſe hic mihi pallium obijci, quod veteres Cartha-
 ginenſes geſtaſſe auctor eſt Tertullianus, quod quadrangu-
 lum fuiſſe, & ab utroque laterum regeſtum idem ſcribit; Sed
 non eiſdem formæ fuiſſe omne quadratum pallium illud
 argumento eſt, quod ſubijcit Tertullianus, id pallium ætate
 ſua penes ſolos Aſculapij ſacerdotes permantiſſe; *Inſtar eius*
hodie Aſculapio iam veſtro ſacerdotium eſt. Soli ergo Sacerdo-
 tes Aſculapij vetus pallium geſtabant id temporis, & ta-
 men etiam ipſe Tertullianus & quicumque aſteriori ſapi-
 entiam ſectabantur pallium tunc induebant, & quidem qua-
 drangulum: non igitur eiſdem omnino generis fuere cuncta
 pallia quadrata. Si enim pallium illud idem cum vetere fuiſ-
 ſet, fruſtra peculiare Aſclepiadarum geſtamen dixiſſet Ter-
 tullianus. Diuerſum vetus pallium fuit, quod quomodo fibu-
 la in humeris adſtrictum ab utroque latere regeri poſſet, di-
 ficile eſt explicare.

Nec facile expediri poteſt, quod aiunt, Chriſti Domini
 pallium apertum fuiſſe, & quadratum Philoſophici inſtar ex
 cuius quatuor angulis quatuor partes milites feciſſe; Nam
 ſi pallium illud vulgariſis noſtri ſimile fuit, ut quatuor partes
 fierent decuſſatim & per quadras ſcindi debuit, atque ita la-
 ceratum fuiſſet magis, quam diuiſum. Quamquam ſi pallium
 illud quadratum fuit, ut ſupra explicauimus, quomodo ta-
 men in quatuor partes diuidi potuerit, haud facile dixerim,
 quærant doctiores, nos fortasſe aliquid infra cum de tunica
 inconfutili curatius diſputabimus.

Et hæc de veſtimentiſis quadratiſis paulo vberius dicta ſint
 in re obſcuriſſima, ſi cui tamen altera opinio magis arridet,
 eam per me ſequatur licet.

Sigonij sententia reiecta censentis Togam semicircularem, & apertam fuisse. Cap. V.

M Arcellum Donatum supra reprehendimus, quod Togam partim quadratam, partim circularem statuerit; non minor Sigonij inconstantia, qui postquam vestimentum quadratum esse dixit, semicirculare facit, quod Dionys. Halicarnasæus Togam ἡμικύκλιον τῷ σχήματι. *Figura semicircularem fuisse scribat*: atque ex hoc contendit Sigonius apertam fuisse, quod non aliter semicircularis esse posset. Verum non quod aperta esset sed quod orbem absolutum non faceret, ut muliebres cyclades, ideo semicircularis dicta est, quemadmodum doctissimus Salmasius obseruat. Tota quidem in imo commissa erat, & clausa, sed circulum integrum, & perfectum non efficiebat, quia laciniosa circa imas oras, non æqualiter, nec perfectè rotunda, ut in statuis togatis videre est. Dici etiam posset, quòd licet plane rotunda esset, nihilominus brachio subducta semicircularis efficeretur ea scilicet parte, qua subducebatur.

Neque tamen ex eo apertam fuisse togam dicendum est, etiam si Val. Maximus tradat Scipionem Nasicam cum Gracchum interfectorus esset *laeuam manum aperte toga circumdixisse, sublataque dextra proclamasse*. Nam si quis modum gestandæ togæ, quem infra dabimus, attendat, facile quid sit aperta toga intelliget. Quippe cum læua eius pars siue lacinia subiecto læuo brachio eleuaretur, & contraheretur in sinum, ea parte toga aperta videbatur, quòd nempe lacinia hinc inde brachio dependeret, ac veluti diuideretur, & aperiretur. Velleius de eodem loquens. l. 2. *Scipio Nascia circumdata læuo brachio toga lacinia in Gracchum irruit*. Eas ergo lacinix partes hinc inde pendentes inuoluit brachio Nascia, ut eo veluti scuto vteretur, quòd in repentina pugna vlitatum; Siue etiam ne fufum, ac fluens vestimentum pugnantem impediret. *Laeuam inuoluere toga*, Quintilianus dixit l. xi. *idque penè furiosum esse*. Plutarchus

in Graccho de eodem Nasica . *Lacinia toga super caput posita in Capitolium ire pergit , alij post eum toga circa brachium inuoluta secuti sunt .* Idem tradit, Appianus l. i. ciuiliū . καὶ τὸ κράσπεδον τῆς ἱματίης ἐς τὴν κεφαλὴν περισύρατο . Vbi non recte interpretes *toga Laciniam reiecit in humerum & caput .* Non enim reiecit Piso laciniam in humerum, sed ab imo contractam siue adductam capiti imposuit quod ait Plut. locō paulo supra adducto . τὸ κράσπεδον τῆς ἱματίης θέμενος ὅπῃ τῆς κεφαλῆς . Cur autem hoc fecerit addit Appianus . *Sive multitudinem ad se hoc signo contrahens , siue pugna velut tesseram proferens , siue reuerentia Deorum sua coepta obtegens .* Sed verisimilius est id egisse vt leuior, & expeditior in ea pugna esset . Idem Appian. lib. ii. de Cæsaris interfectores . *Percussores autem voluerant aliquid in senatu dicere , sed quum nemo ibi maneret τὰ ἱματία ταῖς λαφαῖς ὡς ἰσίδας περιπλεξάμενοι togam leua impli- cantes ad instar clypei cruentos gladios , tenentes vociferabantur .*

Contorta toga dixit auctor ad Herennium l. iv. *contorta toga cum pluribus alijs ire celeriter cepit .* Et Pacuius Hermiona . *Currum liquit, chlamyde contorta astu clupeat brachium .* Liu. l. xxv. *Paludamento circum leuum brachium intorto, nam ne scuta quedam, secum extulerant in hostes impetum fecit .* Petronius . *Idem ego ex altera parte feci & intorto circa brachium pallio composui ad preliandum gradum .*

Alia res fuit togam in collum conijcere quod fiebat cum expeditiores esse vellent . Plutarch. in Poplicola de ijs qui in domum Aquiliorum venerant vt literas coniurationis deprehenderent . *Reuersi domum Aquilij nitebantur literas auferre . Hi vero repugnabant, καὶ τὰ ἱματία περιεαλλόντες αὐτῶν τοῖς ἑαχίδου, & coniecta in collum toga impuls, atq; impellentes in forum pertraxerunt .*

Modus gestandi togam . Quid sinus & umbo . Quintilianus explicatus . Cap. VI.

T Ogam vestimentum fuisse clausum, ac rotundum, quodque vno coniectu totum corpus inuolueret & vtrumque brachium operiret, non est dubitandum . Communis

munis autem eius gestandae modus fuit, quemadmodum togatae statuae demonstrant, ut dextrum brachium qua parte ad ceruices patuisse diximus, exereretur: & ita quidem, ut antiquissimis temporibus manus tantum usque ad cubitum porrigeretur, postea totum brachium humerusque extaret. Sinistrum autem brachium non poterat per eundem hiatum exeri (alioqui toga ex humeris prolapsa ad pedes decidisset) sed sub ipsa toga extensum, extremam ipsius oram quae & lacinia dicebatur, in rugas, plicasque contractam subducebat ad pectus laeva manu extante. Quintilianus l. xi. *Sinistrum brachium eo usque allenandum est, ut quasi normalem illum angulum efficiat; Super quod ora ex toga duplex aequaliter sedeat.* Togae ora subiecto brachio subducta speciem normae referebat, siue regulae, fabriliis nempe instrumenti ad quod omnia exigunt; super quod brachium, ait idem, *ora ex toga duplex aequaliter sedeat; hoc est lacinia togae veluti brachio diuisa, æquis partibus contineatur, nec altera longior, aut breuior deformiter cadat.* Rugas eas & plicas tam quae superne a ceruice cadentes exerto brachio dextro colligebantur ad pectus, quam quae in ima ora sinistro brachio subductae contrahebantur veteres *sinum togae* dixere. Vir summus ad Tertullianum de pallio, Sinum in toga nihil aliud fuisse contendit quam laciniam togae, quae sub humero dextro missa ad humerum laeuum recurrebat; & oblique tamquam baltheus ducebatur Sed Quintilianus, ut ipse quoque non ignorat, duplicem togae sinum facit, neque tamen quis alter sinus ille fuerit, explicat. Verba Quintiliani sunt eodem libro. *Sinus decentissimus, si aliquando supra imam togam fuerit, nunquam certe sit inferior. Ille qui sub humero dextro ad sinistrum oblique ducitur velut baltheus, nec fluat, nec strangulet.* Sinus igitur duplex fuit: alter inferior, qui nempe ex lacinia togae sinistro brachio contracta formabatur, ita tamen ut ima ora infra ipsum caderet, qui decentissimus Quintiliano dicitur. De hoc inferiori sinu capiendus est Suetonius in Cæsare. *Ut animaduertit undique se strictis pugionibus peti toga caput ebuluit, simul sinistra manu sinum ad ima crura deduxit quo honestius caderet,*

deret, etiam inferiori corporis parte velata. alter de quo diximus, ex lacinia superiori togæ, quæ porrecto brachio dextro deiecta ad pectus, & in rugas complicata, oblique sub dextro brachio ad læuum humerum ad instar balthei currebat. Factum Cæsaris narrat Val. Maximus l. iv. c. v. *Netribus quidem inquit, & viginti vulneribus, quin verecundia obsequeretur ablierreri potuit, si quidem utraq; togam manu demisit ut inferior pars corporis tecta collaberetur.* Vtraq; manu, sinistra scilicet subductum sinum cadere sinens, dextra eundem ad crura deducens. Quod Appianus expressit *Τὸ ἰμάτιον περιλάυψασθαι, καὶ πεσεῖν ἐχθρῶν.* De sinu togæ inferiori capiendus etiam Liuius lib. xxi. de legatis Romanorum bellum Carthagini indicentibus. *Tum Romanus sinu ex toga facto Hic inquit vobis bellum, & pacem portamus: vitrum placet sumite: sub hanc vocem haud minus ferociter, Daret utrum vellet succlamatum est, & quum is iterum sinu effuso bellum dare dixisset: accipere se omnes responderunt.* Quod nihil aliud fuit quam togæ laciniam læuo brachio subductam dextra manu expandere, & veluti gremium formare. *Τὸν κόλπον ἐπιδύκνυσε* ait Appianus rem eandem narrans.

De eodem sinu capiendus Plutarchus in Romulo qui narrat rapiendarum Sabinarum hoc signum constitutum fuisse *ἐξαναστὰς αὐτὰ τὴν ἀλεργίδα πύξαι, καὶ περιβαλλέσθαι πάλιν.* Sedebat Romulus toga purpurea amictus vt idē narrat. Signum ergo rei aggrediendæ erat, vt surgens ipse togam purpuream in sinum contraheret, ac rursus demitteret, siue explicaret. At sinus superior vt dicebamus ex summa togæ ora fiebat quæ exerto brachio deiecta ad pectus complicabatur in rugas, atque oblique sub dextro brachio ad læuum humerum ad instar balthei currebat. Qui proprie sinus, & qua parte sinistram pectoris partem cum humero velabat inter ipsum & tunicam multa recondebantur. Plutarchus in Romulo tradit, cum ille inter homines apparere desiisset creditum a Patribus discerptum fuisse in aede Vulcani artusque laniatos *ἐιστὸν κόλπον* intra togæ sinum conditos inclatos. Arma etiam eodem sinu occultata. Suet. Oſtaui

cap.

cap. xxxv. Cordus Cremutius scribit ne admissum quidem tunc quere-
 quam Senatorum nisi solum, & prætentato sinu. Ita apud Lium, lib. xxiii. Perolla Campanus toga reiecta ab humero latus succin-
 ctum gladio nudat. Deiecta scilicet toga ab humero sinistro latens intra sinum gladium ostendit. Seneca de clemen-
 tia lib. i. ix. *Iam pugiones in sinu amicorum absconderat.*

Ceterum maior minorue sinus erat prout strictior, laxior-
 ue toga esset. Ita Quintilianus antiquissimis Romanorum nullos sinus fuisse tradit, quod brachium toga continerent. subijcit. *Perquam breues post illos fuerunt:* scilicet postquam brachium exierat, angustis togis, ac corpore adstrictis. At ætate Augusti, & deinceps laxis, fufisq; togis maiores, & fufiores sinus, altiusq; cadentes in usu esse ceperunt, ut in veteribus nummis apparet, ubi videre est longiores, ac breuiore sinus prout laxior, strictiorq; toga erat. In nummo Aurelij Diuorū Fratrum togæ breuissimus cernitur vix pectus excedens. At in nummo Titi Vesp. Togæ sinus ultra genua cadens: ut & in nummo Plautillæ. Vide Tabulam quartam. Tibullus eleg. vii. lib. i.

Tunc procul absitis quisquis colit arte capillos,

Effluit effuso cur toga laxa sinu.

In veteribus libris *lapsa* legitur necinale, nam sinus effluebat cum pars togæ superior labebatur, siue cadebat inpectus. Magis tamen placet Turnebi coniectura legentis *laxa*. Nam laxa toga sinus laxior effluebat. Quod vero addit: Qui laxius cingebantur, neque togam arcto satis nodo adstringebant delicatos habitos fuisse, de togæ cinctura falli eum intra ostendemus. Ouidius etiam de remedio. lib. ii.

Nec compone comas cum sis venturus ad illam

Nec toga sit laxo conspicienda sinu.

Iterum Tibullus eleg. ix.

Nunc si clausa mea est: si copia nulla videndi

Me miserum laxam quid iuuat esse togam?

Quare togæ honestiorum non ita laxæ erant, sicut neque nimis angustæ. Sueton. Augusto cap. lxxii. *Togis usus est neque restrictis, neque fufis: clauo nec lato, nec angusto.*

At

At tenuiorum togæ adſtrictæ, quæ togulæ Martiali lib. iv.

Ignosces togulam Poſthume pluris emo.

Horatius. lib. i. epist. xix.

Stultitiam patiuntur opes, tibi paruula res eſt

Arcta decet ſanum comitem toga.

Vbi nugatur Acron. *Habebant inquit Patres pro qualitate opum togas, quæ erant bis ter vlnarum, id eſt quinque.* Innuic enim quod Horatius in epodis. Od. iv. de Mæna Pompeij liberto.

Vides ne ſacram metiente te viam

Cum bis ter vlnarum toga,

Vt ora vertat huc & huc euntium

Liberrima indignatio?

De anguſta toga alter Horatij locus criticis vexatus lib. i. epist. xx.

Quid ſi vultu toruo ſerus & pede nudo

Exiguæque togæ ſimulet textore Catonem.

Quod ſatis durum videtur ſimulare textore Catonem exigua toga, vt ſit metonymia id quod ſit, pro eo, qui facit vt ait Prophyrio, quaſi textoris opus eſſet maiores, vel minores togas conficere, atque ita totæ, id eſt vtraque pars a textore conficeretur. Quod vix fieri potuiſſe videtur. Quare alij teſquore repoſuerunt, id eſt ſqualore, & aſperitate, quod teſqua, ſiue teſca loca ſint inculta & aſpera vt notat Turnebus lib. xvi i., qui tamen Lambino & veteribus aſſentitur qui *textore* defendunt. Quare textoris vox referenda erit non ad togam exiguam, ſed ad materiam rudem ſcilicet, craſſamque, & vili textura, filoque ſoloci confectam. Nam Lucanus de eiſdem Catonis toga loquens ait.

. . . pretioſaque veſtis

Hirtam membra ſuper Romani more Quiritis

Induxiſſe togam.

Vbi more Quiritis non eſt more veterum Romanorum vt volunt Interpretes, nam & poſteri Quirites, & ipſe Cato, ſed Quiris pro quolibet ex populo, id eſt plebeia vulgariq; toga conteſto, & anguſtâ, rudique textura confectâ.

Ex togæ quidem redundantia in fortuitas rugas tam in ſum.

summo, quàm in imo contracta sinus efficiebatur. Ceterum quoties illæ rugæ arte cogerentur, & nodo constrictæ, ut de toga Hortensij tradit Macrobius, contabularentur, eum *umbonem* vocatum fuisse idem vir magnus ad Tertull. docuit, quem tamen a sinu distinctum fuisse vult, ut inde inciperet sinus, ubi umbo desineret, & ipsum veluti umbonem ambiret. Ea mens Tertulliani est. Adeo nec artifice necesse est, qui pridie rugas ab exordio formet, & inde deducat intiliæ, totumque contracti umbonis figmentum custodibus forcipibus adsignet. Mox. recognito rursus umbone, & si quid exorbitauit reformato, partem quidem de laeo promittat, ambitum vero eius, ex quo sinus nascitur, iam deficientibus tabulis retrahat a scapulis, & exclusa dextra in laeam adhuc congerat, cum alio pariter tabulato in terga deuoto. Umbo iste Tertulliani haud dubie a sinu distinctus, centrum nempe & nodus artifex coeuntium plicarum, ut vir ille doctissimus explicat. Ceterum non semper umbonem arte coactum fuisse docet Persius, qui de communi toga virili loquens ait.

— totaque impune suburra

Permisit sparsisse oculos iam candidus umbo.


Quem quidem eundem cum sinu fuisse crediderim, cum nihil aliud esset, quàm fortuitæ rugæ ad instar umbonis protuberantes, eumque sinum fuisse supra ostendimus. Quamquam quæ de forcipibus, nodoque artifice a Tertulliano, & Macrobio produntur mihi ficta videntur, cum nullus alius veterum huius rei meminerit. Quidquid sit, in togis communibus si nihil aliud sinus fuit, quam lacinia contracta in rugas, plicasque fortuito congestas, adscribere eos oportebit, quid aliud præterea umbo fuerit, quem nos non aliud fuisse statui-
mus, quam rugarum in rotundum, & veluti in umbonem contractionem, eundemque sinum fuisse contendimus. Nam doctissimus Manutius errat probè cum scribit, *sinus, qui etate Quintiliani in usu erant, non attexi, sed insui, vel appendi togis consueuissent*. Primò enim ijdem semper sinus in toga fuere; Quintilianus non tradit, sinus veterum diuersos fuisse, sed apud veteres nullos fuisse, posterioribus perquam breues,
C quod

quod nempe brachium veste continebatur, atque ita nullus superior sinus efficiebatur, quem ex porrecto brachio factum diximus. Deinde si nihil aliud fuit sinus, quam contractio, & corrugatio togæ ad pectus, quomodo tamquam res diuersa adfui, vel appendi togæ potuit?

Ceterum Quintilianus cum duplicem sinum faciat, *inferiorem decentissimum fore tradit, si aliquanto supra imam togam fuerit*, idest, si extrema pars togæ cum sinu non inuoluatur, sed soluta paulo infra rugas cadat. At sinum qui sub humero dextro ad sinistrum obliquè ducitur velut baltheus, *nec strangulet*, inquit, idest non ita ceruicibus adstringatur ut præfocet, *nec fluat*, ne nimis latus sit. Hoc autem ex strictiore, aut laxiore togæ ora, quæ collum ambiebat, petebatur. Addit Quintilianus; *Pars togæ, quæ postea imponitur, sit inferior; nam ita, & sedet melius, & continetur*. Sinus scilicet inferior non iniiciatur priori, sed in ipso brachio resideat alioqui defluet, nec satis contineri poterit. Tum subdit idem, *sinum iniiciendum humero cuius extremam oram reieciſſe, non indecens eſſe; Neque tamen cum toto iugulo humerum operiendum eſſe: alioquin fore, ut amictus fiat angustus, & dignitas, quæ eſt in latitudine pectoris perdatur*. Hanc autem amictus observationem initio dicendi eſſe vult, procedente verò actu sinum ab humero rectè velut sponte delabi, & cum ad argumenta, ac locos ventum eſt, reijcere a sinistro togam, deijcere etiam si hæreat sinum, conuenire. Ceterum ut leuam inuoluere toga, & incingi penè furiosum eſſe, sinum vero in dextrum ab imo reijcere solutum, ac delicatum, ita nihil impedire quominus laxior sinus sinistro brachio subiiciatur. Hæc ex Quintiliano fusius paulò adduximus, quod totam veteris amictus Oratorij rationem, togæque, ac sinus explicarent, & quod locus is sanè perobscurus eſſet, nec illo explicando multum ludans magnus Turnebus hilum profeciſſet.

Cum hæc publici iuris facta eſſent beneficio patruj mei V. C. venere tandem in manus Doctissimi Rubenij Electa multum quæſita, ex quibus Iconiſmum Statuæ togatæ hac noua editione adijci curauimus, quo res tota clarius sub aspectû caderet, adſcriptis etiam denuo Quintiliani verbis, quæ numeris ſuis ad vnâ quâque togæ partem reſponderent.

TABVLA V.
Part I.




Jo. Georg. sculp.

TAB. V.
Part. II.



De Gualtero sculptor

TAB. V.
Pars III.



quæ pi

Jo Georg. sculpsit

1. Sinus decentissimus, si aliquanto supra imam togam fuerit, numquam certè sit inferior. 2. Ille qui sub humero dextro ad sinistrum obliq; ducitur velut balthens, nec strangulet, nec fluat. 3. Pars togæ, quæ postea imponitur sit inferior: nam ita, & sedet melius, & continetur. 4. Subducenda etiam pars aliqua tunica, ne ad lacertum in actu redeat. 5. Tum sinus injiciendus humero cuius extremam oram reieccisse non dedecet. 6. Operiri autè humerum cum toto iugulo non oportet: alioqui amictus fiet angustus, & dignitatem, quæ est in latitudine pectoris perdet. 7. Sinistrum brachium eoque allevandum est, ut quasi normalem illum angulum faciat. 8. Super quod ora ex toga duplex aequaliter sedeat.

In numero tamen quinto assentiri Rubenio non possum, qui sinum humero injiciendum eum intelligit qui a dextro humero in tergum cadit. Nam togæ partem, quæ in tergo erat nemo sinum dixerit, qui tantum ad pectus, neque, ille dextro humero injiciebatur, qui exertus, & togâ liber. Sinus ergo pars togæ superior, quæ in sinistro humero, qui cum sæpe in pectus deflueret reijciebatur, & humero restituebatur. Plura de hoc in epistola ad Cl. Gronovium disputavimus quæ ad libri huius calcem adiecta est.

Brachium toga continere. Ciceronis locus explicatus. Cap. VII.

Qua parte ad pectus toga patebat dextrum brachium exerebatur. Et veteres quidem teste Quintiliano non exerebant, atque ideo tunc aut nulli, aut per breves sinus fuere: post ea tempora non brachium modo, sed totus humerus exerebatur. Nec aliud intellexisse Plutarchum existimo, cum ait, C. Gracchum primum Romanorum per pulpitum *ἐκβύλασε*, & togam ab humero detraxisse. *ὥς τε καὶ δημηγορεῖν τὸν μὲν ἐν μιᾷ χώρᾳ βέλτερότατα κοσμίως, τὸν δὲ Ῥωμαίων ὁρώτων ἐπὶ τῷ βήματι περιπατῶν τε χηρᾶσαι, καὶ περιπαῶσαι τὴν Τίβερυν ἐξ ὤμου.* Fuit tamen tempus cum more veterum brachium toga contineretur. Cicero pro Coelio. *Nobis quidem olim annus erat unus ad cobibendum brachium toga constitutus, & ut exerci-*

exercitatione, ludoque campestri tunica uteremur, eademque erat, si statim mereri stipendia ceperamus castrensis ratio, & militaris. Ad quem locum mirè nugantur interpretes, quos non moror. Postremus enarrator, qui tertium volumen Orationum fusè explicauit, inde peti discrimen inter togam, & pallium putat, quòd in togâ dextra libera, & expedita esset, pallium autem vtramque manum inuolueret, ita tamen vt dextra cum opus esset posset expediri, idque adductis Tertulliani verbis stabilire nititur. Sed etiam toga ita vtrumque brachium cohibebat, vt tamen dextra exeriposset, & pallium, præcipuè Cynicum humerum cum brachio excludebat vt toga: commune vero vt diximus, ita apertum erat, vt fibula ceruicibus adstrictum liberum dextræ aditum daret. Solum igitur eo loco Tertullianus togæ operosam molitionem cum pallij simplicitate confert, in quo nullæ vt in toga rugæ, nullus umbo forcipibus cogatur, nulla contabulatio, quodque vno circumiectu vestiatur, sicque nihil eo expeditius. Discrimen ergo pallij, & togæ aliunde quam a modo exerendi brachium petendum erat; de quo nobis satis supra dictum est.

In eo etiam falsus est Interpres ille, quòd tradit, tam togatos, quam palliatos sinistram veste continuisse idque his Quintiliani verbis confirmat; Quorum brachium sicut Græcorum veste continebatur. Fortasse eum Manutij auctoritas decepit, qui etiam videtur existimasse, Quintilianum de sinistra locutum. Nam cum dixisset brachium non per manicas togæ, quæ nullæ erant emissum, sed reiecta in humerum ima toga expediri solitum subiicit, per annum sumpta virili toga modestiæ causa in humerum non reijci consueuisse; atqui non nisi sinistra imam togam in humerum reiectam constat. Ceterum verba Quintiliani, quorum brachium sicut Græcorum veste continebatur, de manu dextra intelligenda esse declarant quæ præcedunt. Itaque etiam gestu necesse est vsos esse in principijs eos alio, nisi dicere velimus sinistra in gestu veteres initio vsos. Quibus etiam intelligimus non totum cum manu brachium compressum, sed saltem manum emissam alioqui non alius, sed nullus gestus fuisset. Tertio Ciceronianus interpres labitur, quòd
cum

cum negare non poſſit dextram toga cohibitam, ait *nihil aliud hoc fuiſſe, quam ſinu dextram inuoluere*. Sed quomodo hoc nobis vir doctus perſuadebit? Quis veterum hoc dixit? Artemidori verba non hoc habent. *ἡ γὰρ τὸν ἑφθρον ἐν τῇ χλαμύδι, καὶ τῷ δεξιᾷ ἐνελθὺς ἐχρην*. Nihil hic de manu ſinu inuoluta, nihil de toga; De chlamyde loquitur Artemidorus, qua dextram contineri vult, quam etiam toga anno virilitatis cohibitam ſcimus, ſed hoc fuiſſe ſinu dextram inuoluere negamus. Neque id fieri potuiſſe videbit quicumque, quæ de ſinu togæ diſputauimus perceperit. Aliter in pallio, & Chlamyde quæ veſtimenta aperta fuere. Datum igitur ſpatium vnus anni docet Cicero ad continendum brachium toga, hoc eſt ne anno virilis togæ iuuentus in viros transcripta more ceterorum brachium dextrum exereret, ſicque togæ ora ſuperior vtrique humero inſisteret, nec dextro brachio ſubiecta ad læuum humerū ad inſtar balthei recurreret. Hic proſecto verborum Ciceronis ſenſus eſt. Seneca lib. v. controu. vi. De eo qui raptus fuerat in veſte muliebri. *Apud patres noſtros qui forenſia ſtipendia auſpicabantur nefas putabatur brachium extra togam exerere*. Quæ verba manifeſtè indicant, Senecæ tempore eum morem cohibendi brachij exoleuiſſe: immo ætate ipſius Ciceronis, ait enim, *Nobis quidem olim annus erat vnus ad cohibendum brachium toga conſtitutus*; Diſcimus etiam ex Seneca, non totum brachium cum manu cohibitum, ſed ſaltem dextram extra togam miſſam ad geſticulationem, nam ſine geſtu eos oraſſe non eſt credibile. Quare & Manutium falli neceſſe eſt, qui de ſiniſtro brachio intelligit cum ait *per annum ſumta virili toga, modèſtia cauſa toga in humerum non reijciebatur*: quod verbis Ciceronis adductis probare contendit.

Mittere trans pondera dextram. Horatius explicatus. Cur anno tirocinij brachium toga cohibitum. Cap. 11 X.

IN petitione honorum brachium quoque toga cohibitum eſſe docet Horatius lib. i. ep. vi.

Mercemur seruum, qui dicet nomina: leuum

Qui fodiat latus, & cogat trans pondera dextram

Porrigere.

Mirum est quantopere locus hic torserit quotquot Horatium interpretati sunt: Qui cum multum æstuaissent, nihil præter ineptias attulere. Alij enim fortasse Acronem secuti *pondera lapides interpretantur, qui porriguntur per vias, ut sit trans saxa magni ponderis dextram porrigere ad aliquem ciuem in via saxis impedita laborantem subleuandum. Alij trans pondera, idest, trans turbam quæ se obijcit, quaque pondus affert transmissæ dextra. Alij etiam grania munera pondera esse dixerunt; Postremò trans pondera, trans plaustra dixerunt grandibus saxis, & magis trabibus onusta manum transmittere. Turnebus quidem, & Lambinus aliquid de prensatione, quæ in petitione honorum fiebat subodorati sunt, sed quid esset mittere dextram trans pondera, non intellexerunt. Nihil autè aliud fuit, quam toga brachium exerere, hoc est dextrâ trans togâ brachio, atq; humero obductam porrigere, quæ quoniam brachium premeret, & oneraret ideo poetice *pondera* appellat. Quare non sunt audiendi, qui brachium vltius quam par est è toga protendere, interpretantur. Monet Horatius, emendum esse seruum Nomenclatorem, qui quoties quis in aliqua tribu gratus occurreret dominum moneat leuum latus fodiendo, ut brachiū veste cohibitū exerat siue extra togæ pondera mittat, ad ciuē eum prensandū.*

Sed quare Romanis datum anni spatium ad cohibendum toga brachium? Festiuum est, quod ait Ciceronis Interpres nouissimus, eo potissimum anno dexteram fuisse veste, & continendo, fulciendoq; togæ sinu saltem occupatam, ut ostenderetur nec tum quidem cum incederet, & spatiaretur, manum debere esse otiosam. Quid enim alijs annis factum est, cum brachium exerebatur? num otiosa tunc manus fuit, cum minime debuit; num sinus tunc, qui non fulciebatur defluxit? Immo nullus dextræ vsus ad fulciendum sinum, qui humero, brachioque sinistro fulciebatur.

Vt igitur castè, ac pudicè iuuentus haberetur, hoc insti-

tutum est; lubrico scilicet ætatis flexu, ipsiusque pubertatis initio, cum fere decimo quarto anno id fieret. Ne ergo adollescentes contrectarentur, vt brachium, quod ad cubitum vsque, ob truncas tunicas, siue colobia nudum erat anno tirocinij toga cohiberetur constitutum est. Id esse verissimum ipsum Ciceronem testem dabo, qui mox addit, & vt exercitatione, ludoque campestri tunica uteremur, eademque erat si statim stipendia mereri ceperamus castrensis ratio, ac militaris. Nam cum reliqui in exercitatione, ludoque campestri, item castrensi, ac militari nudi exercerentur, solis subligaculis succincti, cur iuuentus anno togæ virilis domi, ac militiæ tunicata exercebatur? ob modestiam scilicet, ac pudicitiam, ne nuda epheborum corpora spectatorum oculis vorarentur: eandem ob causam brachium eodem anno toga cohibebat, eo scilicet ætatis tēpore, quod vt ait orator ipsum sua sponse infirmum, aliorum libidine infestum est. Illud modò non satis expeditum esse videtur, etiam si anno primo virilitatis brachium toga contineretur, quid causæ fuisse dicemus, cur reliquæ etiam eo anno elapso in petitione honorum toga brachium cohiberent, & ideo eos Horat. ait *trans pondera dextram misisse*? Ad quod non aliud in præsentia occurrit, quam candidatos Plutarchi testimonio sine tunica in Comitium descendere solitos, siue vt aduersa vulnera ostenderent, siue ne pecuniam in sinu gestarent, siue vt supplicarent humiliter: cum igitur, vel nudi sub toga essent, vel arctis tuniculis, citra humeros desinentibus amicti, nudum brachium minime exerere solitos, sed decoris causa illud toga continuisse, vt tirones toto eo anno & vbique faciebant, & ideo necesse habuisse, cum prensandum esset, brachium exerere, & vt Flaccus loquitur *trans pondera dextram mittere*. Præcipuè autè vt ea modestia fauorem populi conciliarent. Figuram brachij intra togam cohibiti infra habes. Prima visitur in fronte domus Bassianorum, quæ vulgo T. Liuij esse creditur ad dextrum Ianuæ latus. Altera extat in nummo Lepidi.

Tab. VI.



Pag. 27

Tab. VII.



*Brachium exerere. Cethegi exerti, ac cinctuti. Horatius,
& Lucanus illustrati. Cap. IX.*

ET si brachium porrigere extra togam veteres exerere, & exertum brachium dicerent, *exertos* tamen proprie eos appellarunt, qui sine tunica, nudoque humero, & brachio extra togam porrecto incederent. Hoc Cethegorum peculiare, ac gentile fuisse scriptores docent. Lucan. II.

—exertique manus vesana Cethegi.

Alibi *nudum* appellat. Quo loco recte notavit Sulpitius, *exertum* eum dici, qui habet humerum, & brachium dextrum nudatum. Quod quomodo fieret ex Horatio discere licet.

Fingere cinctutis non exaudita Cethegi

Continget.

Lambinus sequitur Acronem, qui *cinctutos, cinctos, ac militares interpretatur*, sed præter sententiam: cum omnes, qui sacramento dicerent cingerentur, cinctique ideo essent, cur solos Cethegos cinctutos Horatius dixit? Quare quæ de cinctu militari a viro doctissimo afferuntur non faciunt ad hunc locum. Acron tamen M.S. in Bibliotheca Mediolanensi *Cinctutos exertos* recte ex Lucano interpretatur. Vt & alius Vetus interpres ibidem M.S. *Cinctutis, exertis*. Porphyrio maculosus est, sed ex quo quasi per caliginem veram loci huius sententiam eliciamus. *Omnes enim Cethegi*, inquit, *morem seruauerunt eundem Roma inter cetera descriptam comam retulerunt: Numquam enim tunica usi sunt: Ideo cinctutos eos dixit, quoniam Cinctum est genus tunica infra pectus aptata. Locus quidem malè affectus, & cui sine ope M. S. sanando non ego sim. Quid enim hic de coma descripta? Fortasse legendum est; Inter cetera deiectam togam tulerunt; Quod nempe Cethegi sine tunica incederent, ideo sinistro brachio non contraxisse togam, ne cetera corporis nudarentur, cum solo cinctu velati essent. Quidquid sit, ideo Cethegos exertos dictos intelligimus, quod sine tunica, nudisque humero, & brachio incederent, atque inde cinctutos, quod loco tunicae*

cincti;

cinctum gestarent, hoc est, subligaculum, siue campestre, quod solas partes infra pectus velabat.

Hoc sensu capiendum Horatium vidit Parrhasius, & eum secuti Turnebus, & Sigonius, nisi quod Sigonius verba Turnebi pro verbis Acronis adducit. Sed in eo falsus est Parrhasius, ut & Sulpitius, cum tradunt, eum morem Cethegorum fuisse, ut seminudi in bellum proficiscerentur; Non enim *exerti* dicti sunt, quod seminudi in bello, sed quod domi, & togati exerto nudoque humero, ac brachio essent, quem postea morem etiam in bellis seruarunt, ut scilicet sine tunica solo cinctu ac chlamyde exerto gentili more brachio pugnarent. Silius lib. iix.

Ipse humero exertus gentili more parentum.

Nec verum quod ait Turnebus, Cethegos solo campestri cinctos reliquo corpore exerto, & nudo incessisse, nisi toga in vrbe tegerentur; Numquam enim exerti esse aut dici poterant, nisi cum togati; Exertum quippe ad togam refertur, extra quam brachium nudum cum humero exerebatur. Alij tamen cinctum non tantum subligaculum dixere, sed vestem quæ ab umbilico ad pedes cadebat quales poparum vestis, siue victimariorum in sacrificijs: quæ & limus dicebatur. Seruius ad illud poetæ xi i.

Alij fontemque ignemque ferebant.

Ornati limo.

Limus inquit *vestis*, quæ usque ad pedes teguntur poparum *puenda*. Hygenus de limit. agrorum limum cinctum ideo dicit vocatum quod purpuram transversam habeat, habebat enim in extremo purpuram limam. Inde succincti popæ Suetonius Calig. xxxii. *succinctus poparum habitus*.

Cinctum, ac campestre idem facit Ovidius cum *cinctutos Lupercos* appellat, quos nudos solo subligaculo incinctos discurrisse notum. Cur autem ita Cethegi incederent, ea ratio afferri potest, quod cum Romani antiquissimi solam togam sine tunica gestarent, ut diximus, Cethegos severioris vitæ, ac cultus in antiquo habitu perseverasse eumque

morem

morem posteros secutos esse. Neque audiendus Scaliger in Titium lib. II. XVII. cinctos Cethegos Horatio dictos hoc est antiquos, qui illis temporibus extabant, quibus equites cincti & seminudi pugnabant. Si enim omnes tunc cincti, cur solos Cethegos Horatius dicit?

Huc etiam Cæsaris verba trahenda sunt lib. VII. de bello Gallico. *Aedui visi ab latere nostris aperto, ejus similitudine armorum vehementer nostros perterruerunt; Ac tametsi dextris humeris exertis animadvertebantur, quod insigne pacatis esse consueverat, tamen id ipsum sui fallendi causa milites ab hostibus factum existimabant.* Lipsius ad Tacitum negat se intelligere quomodo humeri exeri potuerint: deinde Criticorum more quod non intelligit corrigit, vocemque *humeris*, confodit, & *dextris exertis* legit. Quasi verò non semper dextræ exertæ sint, nisi veste inuoluantur, aut credimus illo ævo chirothecas adhibitas.

In secunda editione, *dextris nudis exertis* posuit; Quod peius est. Nam *dextris nudis*, idem est ac *dextris exertis*. Seruius ad illud.

Aurea subnectens exerta cingula mammae
exerta inquit, *nudata*; *Nudant enim quam addusserint mammam.*
& rursus ad id.

Hasta sub exertam donec perlata papillam
exertam ait, *nudam*. Lactantius ad illud Statij.

Tum vero erectus uterque

Exertare humeros nudamque laceffere pugnam.
exertare, inquit, *nudare*. *Ut exsertiq; manus vesana Cethegi.*
Nudamq; sine ferro. Nil opus ergo correctione. *Exertis humeris Aedui fuere*, idest *nudis*, & *inermibus*, quod insigne pacatis fuisse tradit Cæsar, detracto scilicet tegmine, siue laminis ferreis, quibus humeri in bello operiebantur. Festus brachium exertum *expapillatum* appellat. *Expapillato*, *exerto* quod cum sit *papilla nudatur*. A cincto cincticulum, cuius mentio in veste adolescentum apud Plautum Bacchid. act. III. Scen. III.

Inde de hippodromo, & palaestra ubi reuenisses domum

Cin-

*Cincticulo præcinctus in sella apud magistrum assideres ;
Cum librum legeres .*

Toga caput inuoluene . Caput aperire . Cap. X.

Licet e toga brachium exereretur , & summa togæ ora ab dextro humero deflueret : facile tamen fuit cum res posceret eandem deiectæ togæ partem reuocare , caputque operire , aut inuoluere . Et Romanos quidem in Vrbe in-
tecto capite incessisse , nullumque pilei , petasi , causiæ , & alius tegminis usum nisi extra Urbem in peregrinatione fuisse satis superque doctissimus Lipsius ostendit , cui assentiendum est , neque attinet rationes eius hic verbis inuertere .

Vnum modò refragari huic sententiæ videbatur , qua ratione si nudo capite vulgo incedebant in salutando tamen illud aperiebant , quod Pompeio fecisse Sullam tradit Sallustius , ac Plutarchus , & fieri solitum quoties Cos : vel Prætor occurreret confirmat Seneca ; Quod licet de militia , atque itinere extra Urbem intelligere , atque interpretari possimus , ubi petasi usus , Lipsij tamen eiusdem sententiam probamus ex Plutarcho in causis , morem fuisse Quiritibus quandoque ad solem , ventumque , & alia Cæli incommoda defendenda capiti togam iniicere , atque ita in occurso viri honorandi nihil aliud fuisse caput aperire , quam togæ velamen capiti detrahare . Plutarchi verba sunt , *Οἱ Ῥωμαῖοι τῶν ἀνθρώπων τοῖς ἀξίοις ἀπαντῶντες καὶ τύχῃσι ὅτι τῆς κεφαλῆς τὸ ἱμάτιον ἔχοντες ἀποκαλύπτουσι* . *Romani si cui obuiam facti sunt cui honor habendus sit , & si forte toga caput velatum habeant , id aperiunt .* Nec est cur Interpretem Lipsius tangat , nam velatum esse , & veste caput tectum habere idem plane est . Sed nescio quo pacto Lipsium fugerit alter Plutarchi locus in hanc rem precipuus . Nam in Pompeio cum recenset eximios honores quibus Pompeium Sylla excepit , ait assurrexisse ei aduenienti , & caput aperuisse . In Græco est *καὶ τῆς κεφαλῆς ἀπάγωντος τὸ ἱμάτιον . Vestem capiti detrahentis .*

Ceterum nullo pacto eidem Lipsio assentiendum est , qui ait hoc factum fuisse laciniam togæ seu *κράσπεδον* imamque
oram

oram in caput reijciendo: idq; veteres lapides ostendere, & fecisse Scipionem Nasicam apud Plutarchum in Gracchis. τὸ πρῶτον τοῦ ἱματίου θεμελιὸς ἐπὶ τῇ κεφαλῇ *Lacinia togæ capiti impressita.* Hoc nequaquam nobis Lipsius persuaferit. Non enim lacinia togæ, limbusue inferior in caput reijci solebat, sed pars togæ superior ad ceruicem, quæ nempe sinistro humero infidebat & dextro deijciebatur: ea attrahebatur in caput cum sacra fierent, & cum res alia posceret. Nec dubitare potest qui modo veteres lapides, ac numismata viderit.

Tabula VIII.

Hoc si non sufficit, id ita factum esse ratio ipsa euincet. Nam de Cæsare scribit Tranquillus, cum se strictis pugionibus a coniuratis peti videret toga caput obuoluisse, simul sinistra manu sinum ad ima crura deduxisse, quo honestius caderet, etiam inferiore corporis parte velata. Si lacinia, ima-que pars togæ vt credit Lipsius reijciebatur in caput, quomodo sinus deduci ad ima crura potuit qui nihil aliud erat quam lacinia brachio subducta? deinde quomodo inferior corporis pars velata esse potuit extrema ora in caput subducta?

Pars ergo superior togæ ad ceruicem vt diximus sinistro humero incumbens trahebatur in caput, eaq; obuelatio fuit. Maxime in sacrificijs cuius rei causa a Plutarcho petenda est. Quare inter omina mortis Adriani illud Spartianus recenset, quod sacrificanti prætexta sponte delapsa caput ei aperuit, vt recte Lipsius corrigit. Nec aliam ob causam apud Livium lib. xxi. i. Manitio Prænestinorum Prætoris *statua in foro Præneste statuta est loricate, amicta toga, velato capite.* Habitu nempe vota concipientis: subiicit enim. *Cum titulo laminae aenea inscripto: Manitium pro militibus qui Casilini in praesidio fuerint votum vouisse.*

Non solum autem in sacris, contraque cæli iniurias toga caput operiebatur, sed in re crepera, & calamitosa totum inuoluebatur. Hoc Cæsar, & Pompeius eodem leti genere ad Cereris generum descendentes in ipsa morte vsurparunt. De hoc Dio tradit, quod simulatque insidias esse, & se ne-



que defendendi sui, neque effugiendi facultatem habere vidit, συνεκαλύφατο. Eodemque planè verbo in morte Cæsaris vsus est; Nam ita a coniuratis vulneratum refert, vt præ ipsorum multitudine nec dicere, nec agere quidquam posset, ἀλλὰ συνεκαλύφθαι σφαγῆναι πολλοῖς τραύμασι. Quod Suetonius togacaput inuolere dicit. Plutarchus de Pompeio ὁ ὃ ταῖς χερσὶν ἀμφοτέραις πλὴν τήβεννον ἐφελκυσάμενος καὶ τὸ προσωπον. Et de Cæsare. ἐφελκύσατο καὶ τῆς κεφαλῆς τὸ ἱμάτιον.

Illud postremo non omiserim, Tranquillum, ac Dionem dissentire in Cæsaris cæde narranda. Ille enim tradit, e coniuratis Cimbrum Tullum, quasi aliquid rogaturum propius accessisse, renuentique & gestu in aliud tempus differenti ab utroque humero togam apprehendisse, ne scilicet Cæsar brachia expedire posset. Atqui Dio narrat quendam specie gratiarum agendarum accessisse, togamque Cæsari ab humero detraxisse, id enim signum inter coniuratos conuenerat. Quicquid sit, Cæsar tunc vtrumque humerum toga opertum habuisse videtur, nisi hoc vltimum Dionis de humero sinistro intelligere malimus, ex quo detracta fuerit toga. Plut. ait Metellum (sed Tullium Cymbrum dicere voluit) vtraque manu comprehensam togam e collo detraxisse. πλὴν τήβεννον αὐτοῦ ταῖς χερσὶν ἀμφοτέραις συλλαβὼν ἀπὸ τοῦ τραχήλου κατήχη. Idque signum aggrediendi fuisse, quod signum in coniuratione alias vsurpatum. Nam Suetonius narrat, eundem Cæsarē post Quæsturam venisse in suspicionē, quasi cum Crasso, Sullaque, & Antronio conspirasset, vt Senatum adorerentur, signum autem cædis fuisse, vt Cæsar togam de humero deijceret.

Quod ad Scipionem Nasicam attinet, quem dicit Plutarchus vadentem contra Gracchum laciniam togæ capiti imposuisse, alia res fuit. Nam cum repente in mediani rixam iturus esset, vbi fustibus ac saxis, subselliorumque fragminibus, & ceteris quæ furor ministraret maximè res agebatur, nullo spatio capiendi arma, non solam togæ laciniam, sed totam ferè partem interiorem in rugas contractam, ac complicatam capiti imposuit ad tutelam, & se veluti galea comi u-

niuit, vt etiam sic subducta toga expeditior in pugna foret; Eadem ratione qui cum eo erant, ex eadem toga clypeum fecerunt, *Alij*, inquit, *post eum toga circa brachium inuoluta secuti sunt.*

Caput pallio inuoluere: Palliolum: Ciceronis Scholiastes notatus: Petronius explicatus. Cap. XI.

Quoties capite obuoluto veteres inducuntur, nō semper id togæ lacinia factum est; Nam in eum vsum præcipuè palliola fuere, quæ Lipsius in Amphitheatro tantum ægrotorum fuisse ostendit. Qui tamen in eo audiendus non est, quod cum ad id confirmandum Suetonij verba in Claudio attulisset, *ob hanc eandem valetudinem, & gladiatorio munere quod simul cum fratre memoriae matris edebat palliolatus nouo more præsedit.* Nouo more, inquit, debuisset enim prætextatus. Falsò. Nam idem, & prætextatus fuit, & palliolatus; Palliolum enim nihil aliud nisi caput ad arcendum frigus velabat; Nouo igitur more præsedit Claudius caput palliolo tectus, quod sola valetudo excusare poterat.

Palliolis præterea cucullis, & alijs tegminibus qui latere volebant caput obnubebant. Quare non rectè Ciceronis in Pisonem enarrator verba illa, *Meministi ne, canum, cum ad te quinta ferme hora cum C. Pisone venissem, nescio quoe gurgustio te prodire inuoluto capite soleatum?* de togæ, pallijque Græanicilacinia in caput reiecta intelligi vult.

Nam de toga id accipi non posse illud argumento est, quod tunc Piso soleatus: numquam autem toga cum soleis gestata, sed cum calceis. Cic. pro Coelio. *Cur enim balneas publicas potissimum constituerat, in quibus non inuenio quæ latebra togatis hominibus esse possit, nam si essent in vestibulo balnearum, non laterent: sin se in intimum conytere vellent, nec satis commodè calceati & vestiti id facere possent, & fortasse non reciperentur.* Sed clarius II. Philippica. *Nam quod querebas quomodo redissem; primum luce, non tenebris, deinde cum calceis, & toga, nullis nec caligis, nec lacerna.* Martial. lib. I. *Lunata nusquam pellis, & nus-*

nusquam toga. Val. Maximus. lib. IV. cap. VI. Funerata uxore & in rogam imposita inter officium ungendi & osculandi stricto ferro incubuit, quem amici sicut erat togatum & calceatum corpori coniugis iunxerunt. Non ergo de togæ lacinia ea verba accipienda sunt, quæ numquam cum soleis gestata.

Multo minus de lacinia Græcanici pallij, non enim extrema ora, sed totum pallium capiti iniiciebatur. Talem inducit Mæcenatem Seneca. *Hunc esse qui in Tribunali, in Rostris in omni publico cætu sic apparuerit, ut pallio velaretur caput exclusis utrimque auribus non aliter quam in Mimo Dinite fugitivi solent. Atqui seruos olim in Comœdijs fugitivos cum se ad cursurâ expedirent pallium in caput iniecisse, ut agiliores essent, notum est. Plautus. Captivus. Num certa res est eodem pacto ut comici serui solent Coniiciam in collum pallium. Et Epidico. Age nunc iam orna te Epidice, & palliolum, in collum conijce.*

Pessimè autem idem enarrator hunc accumbentium ritum fuisse contendit ex Plutarcho in Pompeio de Demetrio eius liberro. *Δεγνῶσι ὅτι πολλάκις ἐν ταῖς ὑποδοχαῖς ἡ Πομπήν τε προσμένοντος, καὶ δεχομένου τῆς ἀλλοῦς ἐκείνος ἤδη καλῆντο σοβαρῶς ἔχων δι' ὤμων καὶ τῆς κεφαλῆς τὸ ἱμάτιον. Fertur sæpe in conuiuijs cum Pompeius expectaret, & conuiuas exciperet accumbere solitus cum magno fastu habens pallium per caput ad aures adductum. Vbi bonus ille vir. Nota inquit, particulam ἤδη qua notatur Demetrius, non quod accumbens veste caput inuolueret, sed quod Pompeiū ipsum in eo præueniret. Logi. Quis non videt notatam liberti importunitatem, quod ante dominum discumberet, qui alios conuiuas expectabat, deinde quod capite obrecto: quod soli ægroti, aut molles faciebant? Itaque & Trimalcio ille apud Petronium mollissimus pallio coccino adrasum incluserat caput, circaque oneratas veste cernices laticlaniam immiserat mappam, quod conuiuii penè risum excussit.*

Ceterum quod ad velandum caput attinet alterum Petronij locum nemo interpretum affecutus est. Anicula quæ olus agreste vendebat Encolpium errantem in lupanar perduxit *At subinde, inquit, ut in locum secretiorem peruenimus centionem anus urbana reiecit, & hic inquit debes habitare. Quid sit*

centonem reijcere nemo vnus aperuit. Quidam malo conſilio *Iniecit*, legunt, quaſi anus iniecerit legitimum habitum proſtantium in lupanari. Quòd nempe Iuuenalis tradat Meſſalinam *veteri centone lupanar intraſſe*: quaſi quod illa ad diſſimulandam perſonam fecit, omnes centonem eo loco ſumerent. Nec melius, qui neſcio quæ vela ad fores pendentia commenti ſunt; Quod vt concedamus, quis vnquam ea vela centones eſſe dixit? Alij ſic exiſtimant, quos ſequitur Hiſpanus interpres, aniculaſ reieciſſe centonem, quo caput obnupſerat Encolpius, quaſi vetula peregrino illuderet, eius caput aperiens, cum potius velandum fuerat. Ceterum non minùs hic Hiſpanus nugipolyloquides eſt, quam quos ipſe tales concinnat. Quæ enim peregrinos omnes operto capite fuiſſe oſtendet? Dem quis ad hanc rem centonis vſus præcipue in honeſtioribus? Cum præterea Encolpius neſciret ſe in lupanari ſtare, nequis ideo caput centone operuiſſe dicat. Quid ergo? pauciſſimis rem expediam. Anicula ipſa centonem ſuum, ideſt laceras veſtes, ac pannuceam mille plagis conciſam reiecit, & vredine percita ſe turpi paleſtræ renudauit, vt formoſo iuvene quem de induſtria in eum locum perduxerat frueretur. Quod non ante fecit, quam in locum ſecretiorem peruenerat, ideſt in cellam meretriciam. Eadẽ enim ratione Encolpium in luſtra rapuerat, qua Aſcyltos à patrefamiliâs deductus fuerat. Quis huius interpretationis auctor illuſtrior ipſo Petronio? Subijcit enim paulo poſt. Encolpium *cum tardè, immo penè iam ſero intellexiſſet ſe in fornicem eſſe deductum, anicula inſidias execratum operuiſſe caput, & extra lupanar fugere cepiſſe*. Quæ nam aliæ fuere inſidiæ, quam quæ ab anu adoleſcentis pudori ſtructæ ſunt? Sed hæc fuliùs in Electis noſtris, quæ propediem Deo dante vulgabuntur.

Antoga cingeretur. Macrobij ſententia reiecta.

Cæſaris cinctus. Cap. XII.

FRuſtrà viri doctiſſimi quæſiuerunt, an toga cingeretur; nullus enim huic quæſtioni locus fuit; Nam cum toga
vtrum-

utrumq; brachium, aut saltem sinistrum cohiberet, totumque corpus inuolueret, cingi nulla alia ratione potuit, quin eâdem cincturâ, aut utrumque, aut saltem læuum brachium colligaretur, quod cum, ut diximus, ad imam togæ oram contrahendam sub ipsa toga protenderetur, non nisi solum, & vinculo expeditum id facere potuit. Deinde quomodo sinus contraheretur in humerum, reijceretur, reuocaretur, si cinctura impedimento fuisset? Atqui Sigonius, togam cingi solitam contendit, & Macrobij verbis nritur qui lib. 11. de Cæsare, *Ita, inquit, toga præcingebatur, ut trahendo laciniam velut mollis incederet, ut Sylla tamquam prouidus dixerit Pompeio, caue tibi illum puerum malè præcinctum*. Hunc Macrobij locum ante nos suspectum habuit Manutius, atque pro toga tunica ponendum esse censuit, quòd idem narrans Suetonius de tunica intelligat; Ait enim *Cæsarem cultu notabilem fuisse, usum enim lato clauo ad manus fimbriato, nec ut unquam aliter, quam ut super eum cingeretur, & quidem fluxiore cinctura, unde emanasse Sulla dictum optimates admonentis, ut malè præcinctum puerum cauerent*. Absit vero ut cum Sigonio credamus, idem sensisse cum Macrobio Suetonium, & non ferendo errore in toga clauum fuisse, nam latum clauum pro tunica Senatoria & lati clauia sumi solitum satis docti ostenderunt.

Aut igitur corruptus Macrobij locus est, & pro toga, tunica reponendum est, quod fidentiùs ponerem, si quis MS. codex Macrobij ad manus esset in ea Vrbe, in qua etiam impressorum incredibilis penuria est: Aut suspicari possumus, ita tempore Macrobij togæ formam immutatam esse, ut a lateribus aperta vel fortasse etiam additis manicis præcingeretur, ut talem veterum togam fuisse Macrobius crediderit. Certe idem de Hortensio loquens ait fuisse virum mollem, *quique in præcinctu omnem decorem poneret*, mox morosam eius togæ structuram describit, quasi de togæ cinctura intelligat; Aut demum existimauit veteres nodum illum in rugarum contabulatione habuisse, quem fortasse togæ cinctum intellexit.

Sed, & si de tunica loquutus fuerit Macrobius, neque satis subistere potest, quod subiicit, ita Cæsarem male præcinctum

cinctum fuisse, vt laciniam trahendo velut mollis incederet; Id enim fieri non potuit nisi in tunicis longis & talaribus, quæ cum essent in viris probrosæ, & infames, non est credendum a Cæsare quamuis molli gestatas, nec alius veterum id prodidit cum reliqua minutè exequeretur. Cum itaque tunicæ viriles teste Quintiliano paulo infra genua caderent, quantumvis laxâ cincturâ quis præcinctus esset non poterat laciniam trahere. Præter quam quod laciniam trahere mollium fuisse, & effœminatorum vnus veterum quod sciam Macrobius dixit. Scio genus hominum *cum tunicis demissis mulierosum* Plauto dici: Sed causa in promptu, quia tales tunicæ mulierum fuere, & eorum qui opus muliebri faciebant: verum aliud est laciniam, siue syrma trahere. Tragædi longum post se syrma ducebant, & nihil minùs quam effœminati audiebant. Sane cum togæ talaris essent euenire poterat vt si quis eam negligenter componeret, ac suspenderet, toga flueret, ac traheretur, qui tamen non vt molles, sed vt insani ridebantur. Val. Maximus. lib. vii. cap. viii. *Quam certa, quam etiam notæ insania Tuditani? Vt pote qui populo nummos sparserit, togamque velut Tragicam vestem in foro trahens maximo cum hominum risu conspectus fuerit.* Verè quidem aiebat Cicero apud Macrobius *se in electione partium præcinctura Cæsaris deceptum fuisse*, quod nempe laxior cinctura effœminatum indicaret, & mollem, non quod laciniam traheret; Vnde Sylla monebat optimates, ne ex laxa præcinctura fractum Cæsaris animum, & nihil ausurum existimarent, nam ipsi multos Marios inesse. Illud igitur de lacinia, quodque Pompeium Sylla monuerit, vt Cæsarem caueret, de suo Macrobius adiecit scriptor non ita accuratus, vt & plagij non semel victus. Cum hæc sub prælo essent Insubres patriam meam ex negotijs reuisi, ibi in Bibliotheca Ambrosiana in tribus, Codicibus manu exaratis eandem cum impressa lectionem repperi & in omnibus *toga* constanter retineri, vt omnino deceptum fuisse Macrobius necesse sit.

*Cinctus Romanus: Modus cincturae Caesaris cur notabilis;
Dionis interpres notatus. Cap. XIII.*

IN cultu Cæsaris, ac laxiore cinctu enarrando nihil dissentit a Tranquillo Dio Cassius, cuius verba afferam quia màlè ab Interpretibus accepta sunt. Postquam enim tradidit Cæsarem occasionem de se obtrectatoribus præbuisse, quod grandis iam natu formæ studeret, subdit. Τῇ τε γὰρ ἐδῆτι χαυνότερα ἐν πᾶσι ἐνθρύνετο, καὶ τῇ ὑποδέσει, καὶ μετὰ ταῦτα ἐνίοτε, καὶ ὑψηλῇ, καὶ ἐρυθροχρόῳ καὶ τοὺς βασιλεῖς τὲς ἐν τῇ Ἀλβι ποτε ἡρμοζομένους, ὡς καὶ προσήκον σφίσι διὰ τὸν Ἰέλων ἐρχέτο. Quæ verba sic reddiderunt Interpretes *Quippe semper laxiori veste delicatè utebatur, & cinctura fluxiore: aliquando etiam veste sublimiori, ac rubea utebatur more Regum, qui Albe quondam imperauerant, cùm a Iulo id ad ipsos peruenisset.* Sed quænam esset ista vestis sublimior vellem mihi dicerent. Pueriliter ὑποδέσει vel pro fluxiore cinctura, vel pro veste interpretati sunt: quis enim vel leuiter litteris Græcis tinctus ignorat, ὑποδέσειν esse calceationem siue calceatum. Sed verba ipsa Dionis ab inter punctiōne laborant, & vna plus coniunctiōne abundant, quod tot viros doctos qui Dionem recensuerunt latere potuit. Facile ergo cuius fuerat ea hoc pacto concinnare; Τῇ τε γὰρ ἐδῆτι χαυνότερα ἐν πᾶσι ἐνθρύνετο, καὶ τῇ ὑποδέσει μετὰ ταῦτα ἐνίοτε, καὶ ὑψηλῇ, καὶ ἐρυθροχρόῳ. Nam veste laxiori semper molliter utebatur: & calceamenti aliquando deinceps etiam altiusculis, ac rubeis. Melius Xiphilini Interpres, qui de pedum tegmine intellexit, sed perperam caligas vertit cum calceos debuisset; de quo alias fortasse dicemus. De calceatu autem Cæsaris capiendum Dionem obseruat Casaubonus ad Suetonij Iulium, quod nos in prima editione effugerat. Par error eiusdem Interpretis vt obiter dicam lib. XLIX. vbi narrat Dio L. Antonium, & Fuluiam, milites, qui sibi arbitrium eos cum Cæsare componendi sumpserant, inridere solitos, ac ludibrij causa Senatum caligatum appellasse. Δις-καπῆον γοῦν σφᾶς, ἄλλα τε καὶ βουλὴ καλὴ γαν (Casaub. rectè κα-

ἀργάταν) ἀπὸ τῆς πῶν σαλῶτικῶν ὑποδημάτων χρίσεως ἀποκαλοῦν-
 Τες. *Ab usu militaris vestimenti*, ait Interpres. Putidè. Ne-
 mo enim tam puer est qui non videat, à *militaris calceamenti*
usu, vertendum esse. Sed hæc præter rem. Quemadmodum
 hunc Dionis locum a viro magno, non ferendo errore addu-
 ctum vt ostenderet caligas etiam Senatorum aliquando fuisse,
 quod illi aliud agenti excidit. Neque rectè Xiphilinus
 ipse tradit, causam cur Cæsarem Sylla interficere voluerit
 fuisse, quod suspectam haberet cincturæ laxitatem.

Ceterum hæc cincturæ laxitas non in toga fuit, vt diceba-
 mus, sed in tunica. Nam sola tunica cingebatur ab omnibus,
 præterquam a Senatoribus, ac laticlauijs. Nam vt ex Quin-
 tiliano docuit etiam Manutius, quibus ius lati clauierat, ij
 non cingebantur. Cui, inquit Rhetor, *lati clauius non erit,*
ita cingatur, vt tunica prioribus oris infra genua paulum, posterio-
ribus ad medios poplites usque perueniant; Nam infra mulierum
est, supra centurionum. Latum clauum habentium modus est, vt sit
paulum cinctis submissior, idest, vt tunica lati clauī, quæ non
 cingitur, paulo longior sit tunicâ non habentium ius lati cla-
 uī, quæ cingebatur. Egregiè igitur doctissimus Salmasius ad
 Historiam Augustâ obseruat, cultū Cæsaris tripliciter fuisse
 notabilē. Primò, quod cum ceteri tunicis non manicatis vte-
 rentur, & colobijs: Cæsar lato clauo siue tunica laticlauia ma-
 nuleata indueretur, ita vt oræ manicarū fimbriatę essēt, quod
 mulierū proprium; Deinde quod cum ceteri laticlauij nō cin-
 gerentur, ipse nihilominus tunicam laticlauiam cingeret;
 Tertium fuit, quod laxiore cinctura vteretur, siue vt Græci
 dicunt *κατῶς ζωνύμενος* esset. Haud inscius sum, non defore,
 qui aliter explicari posse Quintilianum dicant; *latum haben-*
tium clauum modus est, vt sit paulum cinctis submissior; Ita sci-
 licet latum clauum gestatum fuisse, vt infra cincturam ca-
 deret, siue esset cinctu inferior, atque hoc modo Suetonij
 verba de Cæsare accipienda. Verum id nullo modo consiste-
 re potest; Si enim communis lati clauī vsus fuisset, vt infe-
 rior zonâ esset, id tamquam nouum ac notabile in Cæsare
 non obseruasset Suetonius, quod super latum clauum cinge-
 retur;

retur; Latus clauus igitur tam apud Suetonium, quam apud Quintilianum est tunica lati clauī, quam vult cinctis submissiorem Quintilianus, idest tunicis aſemis, & quæ cingebantur: non autem cincturâ, niſi quis cincturam pro tunica cincta intelligat vt paulo infra Rhetor poſterioreſ partem togæ vult *altius* cadere *cinctura* hoc eſt tunicę longitudine, de quo ſuo loco. Quod ergo tunicam lati clauī cingeret Cæſar, cultu notabilis fuit cum reliqui laticlaui non cingerentur. Et hoc eſt, vt docti obſeruant, quod Horatius dixit. *Latum demisit pectore clauum*, hoc eſt, fluente tunicâ, & nullâ Zonâ conſtrictâ: cuius rei ignoratio viros harum literarum Iuriſque Antiſtites eo adegit, vt ſcriberent, *clauum fuiſſe plagulam, quæ in pectus demitteretur collo appenſam, vt numiſmata, atque apud veteres puerorum bullæ erant ceruicibus ſuſpenſæ*. Quæ opinio iam doctis exploſa Noſque de lato clauo infra pauca quædam afferemus.

Expenduntur ſcriptores, qui togam cingi ſolitam docere videntur. Cinctus Gabinus. Cap. XLV.

Ceterum togam cingi ſolitam Sigonius ex Valerio Maximo confirmari poſſe credidit lib. I I I. cap. I. *Aemilius Lepidus puer etiam tum progreſſus in aciem hoſtem interemit, ciuem ſeruauit: cuius tam memorabilis operis index eſt in Capitolio ſtatua bullata, & incincta prætexta, S. C. poſita*. Prætextam autem, togam fuiſſe, nemo ignorat. Verum, vt etiam Manutio obſeruatum eſt, cinctus ille non communis fuit, aut ciuiliſ, ſed militariſ, quem *Gabinum* dixere, cuius origo è militia, & uſus initio tantum in militia fuit.

Frontinus etiam cinctus togæ meminit lib. I V. *Piſo Titium Præfectum cohortis, quod loco fugitiuiſ ceſſerat cincto togæ præciſo, ſoluta tunica, nudis pedibus in principiſ quotidie ſtare iuſſit*. Sed hoc etiam de cinctu Gabino intelligendum eſt; Nam cum antiquiſſimi Romani etiam in prælio togis vterentur, idque fuſum, ac laxum veſtimentum eſſet, non aliter quam ritu Gabino ſuccincti pugnarunt. Plutarchus in Coriolano tra-

dit, primis temporibus morem fuiſſe Romanis in acie conſtitutis, antequam clypeos ſumerent, togamque præcingerent, teſtamenta in procinctu facere, tribuſque, aut quatuor audientibus hæredem nuncupare, τὴν ᾗ, inquit, Τότε τοῖς Ρωμαίοις ἔθος ἦν τὰς ἐν καθιστάμενοις, καὶ μέλῃσι τοῖς θυρεοῦς ἀναλαμβάνειν, καὶ περιζώνεσθαι τὴν Τηβεννον. De eodem cinctu capiendus idem Plutarchus, loquens de Romulo opima Ioui ferente, quamvis veſtem ſolum incinctam dicat, αὐτοῦ ᾗ τὴν μὲν ἐσθῆτα περιζώσατο. Feſtus. *Endo procinctu, in procinctu, ſignificat autem cum ex caſtris in prælium exitum eſt procinctos quaſi præcinctos, atq; expeditos. Nam apud antiquos togis incincti pugnaſſe dicuntur.* Gloſſarium; *endo procinctu ἐζωσμένοι ἐν πολέμῳ.* Igitur apud Frontinum de Titio cohortis præfecto, quem quod locum fugitiuis ceſſerat cincto togæ præciſo Piſo ſtare iuſſit in principiis. Nihil aliud eſt quam lacinia togæ præciſa quæ ſubducta, & retroacta reductaque ad pectus in nodum cogeatur. Val. Max. eandem rem narrans lib. I I. cap. VII. *His Præfectum ignominie generibus affecit, iuſſit eum toga lacinijſ abſciſſis amictum diſcinctaque tunica nudis pedibus addeſſe.* Ideſt toga ita decurtata ut cingi more militari non poſſet. Hinc etiam quoties rixa in Vrbe orie batur & ad manus ventum erat toga ſuccingebatur. Idem Plutarchus de ſeditione Gracchana; ὡς οὖν ταῦτα τοῖς περὶ αὐτὸν ἐξηγγήλεν ὁ Τιβέριος οὗτοι μὲν οὕτως τὰς τε Τηβεννοὺς περιζώνοντο. *Quod ut circumſtantibus aperuit Tiberius præcingunt hi conſeſtim togas, mox ſubdit, frangentesque apparitorum hæſilia, quibus catum ſubmouent arripiunt fragmenta, ut ijs repellant vim inferentes.* Duces etiam & Imperatores hoc modo accincti ſpolia cremabant. Appianus in Punicis de Scipione poſt deuictum Annibalem ſpolia cremante. *Ipfæ inquit, ut Romanorum ducum mos eſt διαζωσάμενος, ideſt accinctus ſpolia cremant, ſive incincta toga, quod verbum infra repetit cum diruta Carthagini ab altero Scipione præda cremata eſt.* Et in Mithridaticis idem a Silla factitatum prodit cum eſſet more Romano διαζωσάμενος. Quod autem toga prius ſubduceretur, tum cingeretur idem demonſtrat lib. I I. ciuilium. Loquens de Antonio in Cæſaris funere ſatagente.

His dictis inquit quali fanaticus ἐσθ' ἡ ἀνέστυπτο καὶ περιζωσάμενος vt esset expeditior, subductam togam accingens.

Atqui hic Cinctus Gabinus fuit. Seruius ad illud.

Ipse Quirinali trabea cinctuque Gabino

Insignis reseat stridentia lumina Consul.

Gabinus, inquit, cinctus ex toga sic in tergum reiecta vt vna (lege ima) eius lacinia a tergo reiecta hominem cingat. Hoc autem vestimenti genere addit vt solitum Consulem bella indicturū, quod cum Gabij Campaniæ ciuitas sacris operaretur, bellum subito venit, tum ciues accinctos togis suis ab agris (legearis) ad bella profectos, & adeptos esse victoriam, vnde eum morem emanasse. Idem ad illud lib. v.

Vrbem designat aratro.

Quem Cato Originalibus dicit morem fuisse. Condituri enim ciuitates taurum in dextra, vaccam in sinistra iungebant: & cincti ritu Gabino (l. Gabino) idest togæ parte capitis (l. capita, vel capite) velati, parte succincti tenebant stinam obliquam vt glebæ omnes intrinsecus caderent. Togæ parte siue lacinia superiore caput velabant, inferiore lacinia se accingebant. Liuius etiam lib. IIX. de Decio se deuouente, Pontifex eum togam prætextam sumere iussit, & velato capite manu subter togam ad mentum exerta supertelum subiectum pedibus stantem dicere. Mox. Ipse incinctus cinctu Gabino armatus in equum insiluit, & se in medios hostes immisit.

Ex his manifestum fit, cinctum Gabinum non aliud fuisse, quam cum togæ lacinia læuo brachio subducta in tergum reijciebatur, ac retrahebatur ad pectus, atq; ita in nodum colligabatur, vt togam contraheret, & breuiorem, ac strictiorem redderet. Hoc intellexit Isidorus cum ait. Cinctus Gabinus est, cum ita imponitur toga, vt togæ lacinia quæ post secus reijcitur, attrahitur ad pectus, ita vt ex utroque ex humeris pecturæ pendeant, vt sacerdotes gentilium faciebant, aut cingebantur prætores. Locus corruptus. Quid enim pecturæ ex utroque ex humeris? Puto legendum Cinctus Gabinus dicitur, cum ita imponebatur toga vt togæ lacinia, quæ post reijcitur attraheretur ad pectus, ita vt ex utroque latere penderet, nempe togæ lacinia. Quod ad pectu-

piſturas attinet, ab Perſij interprete decipi potuit omnia conuerrens Iſidorus cuius verba ſunt *Toga eſt purum pallium forma rotunda, & fuſiore atque inundante ſinu, & ſub dextro veniens ſuper humerum ſiniſtrum ponitur: cuius ſimilitudinem in operimentis ſimulachrorum, vel piſturarum aſpicimus, eaſque ſtatuas togatas vocamus.* Porro idem Interpres Perſij paulo poſt mutilus eſt cum ait ad illud *ſuccinctis laribus; Quia Gabino habitu cinſtuque Dii Penates formabantur obuoluti toga ſuper humerum ſiniſtrum dextro nudo.* Non enim toga ſiniſtrum humerum inuoluens cinſtus Gabinus erat. Nam communis hic geſtandi togam modus. Idem paulo ante adductus. *Toga eſt purum pallium forma rotunda & fuſiore, atque inundante ſinu & ſub dextro veniens ſuper humerum ſiniſtrum ponitur.* Non erat inquam Cinſtus Gabinus toga ſiniſtrum humerum inuoluere, ſed quem ſupra poſuimus, & infra etiam explicabimus.

Cinſtus ergo Gabini origo hæc fuit; Cum toga, vt diximus, longum, ac redundans veſtimentum eſſet, & ideo pugna incongruum, repentina, vt notat Seruius, apud Gabios hoſtium incurſione cum non eſſet tempus deponendi togas, ac ſumendi chlamydes, ſubductam, & retrò reieſtam togæ laciniam hinc inde reuocantes ad peſtus ſe ea incinxerunt, ſiue ſuccinxerunt, qui cinſtus inde Gabinus ſeruatus in ſacris, & cum Conſul Ianum reſeraret, aut Imperator in bello prætextam ſumeret, quæ hoc ritu incingebatur, aut Prætor mappam Circenſibus mitteret; atque hoc habitu ſtatua Lepido poſita eſt, & de hoc cinſto togæ præciſo intelligendus Frontinus. Hoc etiam ſenſu capienda Afranij verba apud Nonium. *Equidem prandere ſtantem nobiſcum incinſtam togam,* id eſt lacinia ſua retracta ad peſtus conſtriſtam, & colligatam. Niſi quis credat a meretrice in conuiuio togam more tunicæ zona cinſtam, quod aliter fieri non potuit quam ſi vtrumque brachium exereretur, atque ita ſuperior pars ab humeris deſlueret. Mihi ſufficiat oſtendiſſe togam communi uſu non fuiſſe cingi ſolitam, imò nec potuiſſe.

*Docti viri opinio refutata de cinctu Gabino Catonis
cum ius diceret. Tertullianus de pallio
explicatus. Cap. XV.*

Tertullianus de pallio cap. III. ait, Catonem, qui Græcos pellendos Vrbe censuerat, Præturæ tempore Græcis in habitu fuisse humero exerto. Verba eius sunt. *Atque adeo ipse qui Græcos pellendos Vrbe censebat (litteras eorum vocemq; senex iam eruditus) idem Cato iuridicina sua in tempore humerum exertus non minus palliato habitu Græcis favit.* Hic locus rei; vestitiaræ imperitia mira vaticinari coegit interpretes. Sunt qui togatos humero exerto esse non posse dicant, sed palliatos, & ideo palliatum Catonem in prætura fuisse, non togatum. Alij Catonem quod Orator esset, & fori habitator habitu Oratorum fuisse in Prætura contendunt, quod Rhetores, & Causidici in gestu faciundo humerum exertum toga haberent. Hos omnes iure refutat vir magnus in suis ad Tertullianum notis neque tamen ipse meliorem sententiam affert. Vult enim credi a Tertulliano designari tempus quo Magistratum gessit Cato; Quod nempe in Magistratu tantum, Prætura scilicet, vel Consulatu, & reliquis, Romani humerum exertum haberent, atque hunc habitum fuisse, quem cinctum Gabinum vocarent. Sic toga incinctos fuisse Consules, vel Prætores, cum in aliquo solemnī actū versarentur: cum rem diuinam facerent: Ianum recluderent: item cum Prætor in ludis mappam mitteret. Cum ergo Cato Prætor humerum exertus, siue nudus esset, hoc cinctu Gabino a Tertulliano dici, Græcis Iuridicinæ suæ tempore fuisse.

Sed demonstrandum fuerat viro doctissimo, etiam Prætores cum Ius dicerent Cinctu Gabino incinctos fuisse, quod illi difficillimum fore puto. Ut autem hoc ei demus omnes Prætores in Gabino cinctu fuisse cum ius redderent, cur Tertullianus solum Catonem nominauit, cum vtrique validius futurum fuisset argumentum si dixisset, *Prætores omnes Iuridicina tempore humerum exerti habitu palliato Græcis fauerunt, im-*

mò quotquot Magistratus publica munia obibant. Hæc nullo pacto possunt consistere. Quid ergo? Nomine Græcorum hic philosophos designari nemo dubitare potest, qui meminerit vetus illud maledictum in Philosophos distringi solitum ὁ γυμνὸς ὄντων; Et Græci quos pellendos Vrbe Cato censuerat Philosophi, siue sophistæ fuerunt. Quanquàm non Catonem, qui exitu suo Vticam nobilitauit, sed seniore, Philosophos Vrbe pellendos censuisse, & ideo memoria lapsum Tertullianum, & ratio ipsa, & Gasparis Sciopij V. C. auctoritas suadet. Confirmat hoc Plinius lib. vii. cap. xxx. *Cato Censorius in illam urbem trium sapientia procerum ab Athenis legatione, audito Carneade, quamprimum legatos eos censuit dimittendos, quoniam illo viro argumentante, quid veri esset haud facile discerni posset. Quanta morum commutatio! Ille semper aliquin vniuersos ex Italia pellendos censuit Græcos: at pronepos eius Vticensis Cato vnum ex Tribunatu militum Philosophum, alterum ex Cypria legatione deportauit. Eandemque linguam ex duobus Catonibus illum abiicisse, hunc importasse memorabile est. Ita enim locus ille legendus. Cùm igitur hic Tertullianus tradit Catonem habitu palliato fauuisse Græcis, de pallio Philosophorum haud dubiè intellexit quod ita præcipuè a Cynicis gestabatur, vt dextro brachio subiectum in læuum humerum reijceretur, exerto humero dextro, & plerumque nudo, maxime in Cynicis, qui sine tunicis, aut saltem strictis tuniculis humerum non velantibus induit erant. Vetus Interpres Iuuenalis ad illud Sat. xiii. nec Stoica dogmata legit, A Cynicis tunica distantia, hæc notat. Dicit Cynicorum, & Stoicorum dogma conuenire, tantum veste distare; Nam Cynica mater hæresis Stoica: Cynici absque pallio exerto brachio; Sed vel nugatur solens Glossator ille, vel pro pallio tunica legendum est, totusque ille locus corrigendus; Nam Cynica hæresis (secta) mater Stoica: Cynici absque tunica, ex pallio exerto brachio. In Anthologia lib. ii. de philosophis.*

Καὶ ὀδόν, μάλιον, παρώνιον, ὤμιον ἔξω.

Et bacillus, villosa vestis, barbula, humerus exertus. Quare S. Cyprianus Cynicorum vocat exerti, ac seminudi pectoris inuere-
cundam

cundam iactantiam.

His nempe Græcis philosophis, quos Vrbe pellendos censerat, Iuridicinæ tempore fuit Cato exerto & ipse, nudoque humero, non ex Gabino cinctu, sed quia sine tunica erat, idque præter morem ceterorum, & ideo ipsum peculiariter nominat Tertullianus. Id nisi apertè docebimus nulla causa est quin nihil nobis in posterum credatur. Val. Maximus lib. III. cap. VI. *M. autem Cato Prætor M. Scauri, cæterorumque iudicia nulla indutus tunica sed tantummodo prætexta amictus egit.* Asconius Pædianus in Orationem pro Scauro Cato inquit, *Prætor iudicium, quia æstate agebatur, sine tunica exercuit, campestri sub toga cinctus; In forum quoque sic descenderat, insque dicebat, idque repperat ex vetere consuetudine, secundum quam & Romuli statua in Capitolio, & in Rostris Camilli fuerunt, togatæ sine tunicis.* Sed quod ait Pædianus, id egisse Catonem, quia tempus æstiuum erat, præter tolerantiam est magni illius viri, ac Romanorum vltimi. Vera ergo causa a Plutarcho affertur, hoc illum egisse, non quòd gloriam ex hac nouitate aucuparetur, sed quo assuesceret ob solam turpitudinem erubescere, reliqua indecora contemnere. *πολλάκις δὲ, inquit ἀνυπόδητος, καὶ ἀχίτων εἰς τὸ δημόσιον προήκει μετ' ἄριστον.* Crebra sine calceis, & tunica procedebat a prandio in publicum. Ob causam quam attulimus. Sed quod magis ad rem nostram pertinet, idem tradit, Catonem prætorem factum creditum esse non tantum maiestatis & fastigij rectè administrando adiecisse magistratui, quantum detraxisse, ac deformasse; Verba eius sunt *ἀνυπόδητος, καὶ ἀχίτων πολλάκις ἐπὶ τὸ Βῆμα προσερχόμενος, καὶ θανάσιμὰς δίκας ἐπιφανῶν ἀνδρῶν οὕτω βραβεύων.* Quod frequenter sine calceis & tunica (vetus Interpres perperam habet, sine toga) ad tribunal accederet, & de capite illustrium virorum sententiam ferret. Tertiò eiusdem rei meminit Plutarchus, quod cum Consulatus repulsam tulisset, eaque res non solum ipsis candidatis, sed etiam eorum amicis solita esset per multos dies cum aliquo rubore tristitiam, ac mærorem afferre, adeò eum casum lentè tulerit Cato, vt vnctus pila luterit, & a prandio rursus in forum more suo sine calceis, &

abſque tunica deſcendens cum familiaribus deambularit. Ac ne quis dicat, præter tunicam ſuperiorem etiam interiorem geſtaſſe Romanos, & propterea nudum humerum habere non potuiſſe Catonem, non ſemper hoc verum fuit, & interiores iſtæ tunicæ, ſive ſubuculæ ſtriſtæ erant, & humerum excludebant. Gellius lib. vii. cap. xii. *Viri Romani primo quidem ſine tunicis toga ſola amiſti fuerunt* (hoc voluit imitari Cato) *poſtea ſubſtriſtæ, & breves tunicas citra humerum deſinente habebant*; Quales etiam fuiſſe Cynicorum ſubuculas, ſi tamen omnes ijs utebantur exiſtimamus.

Tam Cato igitur in Prætura, ſed ſolus, quàm Græci philoſophi exerto, nudoque humero fuerunt, & ideo Catonem in Prætura humero exerto non minus quam palliati ſolerent, Græcis Tertullianus fauiſſe dixit. Recte igitur Baronium in exercitationibus Caſaubonus reprehendit, qui Catonem palliatum ius dixiſſe prodidit, ſed nec ipſe Tertulliani ſenſum aſſecutus eſt. *Eandem inquit & Tertullianus ſignificare voluit, cum dixit illum ius dixiſſe humero exerto, quod non ſolum de palliatis dicitur, verum etiam de togatis, qui togæ laciniam humero detractam ſub brachium conſuebant.* Atqui omnes ætate Catonis exerto hoc modo brachio erant. Ita de nudo intelligendum, quia ſine tunica. Quare fruſtra etiam a viris doctiſſimis tres modi afferuntur togæ gerendæ apud Romanos; antiquiſſimus, cum toga utrumque humerum tegeret: recentior, quo toga ab humero dextro retracta, & ſub brachium miſſa in leuum deinde brachium congeſta dexteram liberam relinquebat: Tertius, cinctus Gabinus; Nam diligenter veteres ſtatuas togatas inſpectanti, nummoſque quorum beatiſſimum theſaurum ſuppeditat mihi Paulus Caotorta Veneti Senatus lumen longè clariſſimum, non alius quàm duplex modus occurrit, antiquiſſimus, quo brachium toga cohibebatur exerta dextra: & recentior, quo cum brachio humerus exerebatur; nec alio diſtinguebatur ab hoc cinctus Gabinus (utrobique enim exertus humerus) quàm, quòd hîc toga cingebatur, nequaquam ibi. Et de his hætenus.

Nullum in toga fibula usum fuisse. Pancioli non unus error in re vestiaria perstringitur. Cap. XVI.

VT toga communi usu non cingebatur, ita neque fibula necebat, nullusque in ea fibulae usus esse potuit, contra quàm censuit Pancirolus in libro rerum deperditarum. Nam cum vestimenta tantum aperta, ut pallia, & chlamydes, sagaque fibulâ in humero, vel ad ceruices iungerentur, ne scilicet defluerent: toga, quæ erat circumclusa, & humero sinistro inhærebat, ut lauo brachio sustineretur, nullo modo cadere aut defluere poterat, nisi spontè deijceretur, ita nullus in ea fibulae usus; nec quis quàm veterum, quod sciam, fibulae in toga communi mentionem fecit. Quare quam in veteri sepulchro auream repertam tradit ille, non togæ debuit esse, sed chlamydis, aut pallij si tamen pallium habuit: ut ante aliquot annos cum doctissimo Io. Rhodio disputavi. Nam togæ usum non planè intellexit Pancitolus; Si enim clausum fuisse vestimentum non ignorasset non fuisse opus fibula intellexisset, quæ duas vestium apertatum partes iungebat. Verum non ita in re vestiaria versatum fuisse senem grauioribus studiis implicitum non est mirum, alioqui non toties duobus illis capitibus lapsus esset. Ut cum ait *Aliculam chlamydem fuisse pallium, quod pueri usque ad XII. annum gerebant, idque ex Vlpiano colligi, post quod tempus prætextam sumptam*: utrumque falsò. Neque Vlpianus hoc dixit; Lege enim Vestis XXI. D. de auro arg. leg. hæc tantum habentur. *Puerilia vestimenta sunt, quæ ad nullum alium usum pertinent, nisi puerilem veluti togæ prætextæ, aliculæ chlamydes, pallia, quæ filiis nostris comparamus.* Vnde nescio quid I. C. noster de pallio puerili usque ad XII. annum sit expiscatus. Cum notum præterea sit a pueris prætextam gestatam usque ad tempus togæ virilis.

Hinc veluti in tenebris micat; Ait togam communem fuisse cœruleam, ut Crinitus manicatam: togam candidam tantum Senatorum fuisse: item tunicam eorundem totam pur-

puream, cuius latera globulis aureis connexa, qui lati clauſi diſti ſint : Lacernas ſub toga geſtatas, quæ pudet recensere, nedum refellere.

Ceterum Dionyſius Halicarn: lib. 11. uſum fibulæ in toga videtur nouiſſe. Nam cum Saliorum cultum deſcribit ait. *χιτώνας ποικίλους χαλκίαις μήξαις κατέζατο μύθοι, καὶ τηβέννας ἐμπεπορωμύθοι περιποφύρους φοινικο παρύφους, ἃς καλεῖσι ξαβείας.* Vbi trabeas, quæ togæ erant, fibulatas Salijs assignat. Sed ut ſolus Dionyſius fibulæ in toga meminit, ita ſolus veterum togam Salijs ad ſcribit. Apud me potior eſt Liuij auctoritas, qui ſolas tunicas pictas in Salijs agnoſcit. Ait enim. *Salios item duodecim Marti Gradino legit, tuniceque pictæ inſigne dedit, & ſuper tunicam ancum pectori tegumen, cæleſtiaque arma, quæ Ancyliæ nominantur ferre, ac per urbem ire canentes carmina cum tripudijs, ſolemnique ſaltatu iuſſit.* Nec aliud quam puniceas tunicas agnoſcit Plutarchus in Numa. *φοινικοῦς, inquit, ἐνδεδυμύθοι χιτωνίſκους. Puniceas tuniculas induiti.* Cruſerius enim non rectè Dionyſium magis ſecutus quam ſenſum verborum, *trabeati* vertit. Trabea enim non niſi toga fuit, Plutarchus tuniculas appellat Præter tantorum virorum auctoritatem ratio ipſa vincere videtur, ſine toga Salios fuiſſe, nihil enim magis incommodum ſaltanti, quam veſtimentum fuſum, ac talare, nihilque tam ineptum, quam ut ait ille, *togam ſaltanti perſona inducere.*

Sed etiam ſi auctoritas Dionyſij valeat, & habuerint Salijs togas, ſimul & fibulas; non licet tamen arguere inde in cõmuni toga fibulæ uſum. Nam fibulas illas in trabeis Saliorum non eſt credendum eundem uſum præſtituiſſe, quem in veſtimentis apertis ad partes diuiſas connectendas, (nam clauſam togam oſtendimus) ſed potius adhibitas ad ipſam togam contrahendam, atque attollendam, ne ſcilicet ad pedes fluens ſaltantes impediret; quales fibulæ fluentia mulierum pepla coercebant. Vel quod verius mihi videtur, apud Dionyſium *ἐμπεπορωμύθοι τὰς τηβέννας* non tam eſt *inſibulati togas*, quàm *ſuccincti* ritu ſcilicet Gabino, de quo ſupra, quo etiam ritu eaſdem trabeas ſuccinctas ab equitibus in tranſuectione geſta-

gestatas non est dubitandum.

De Toge materia. Lanarum varia genera. Toga pexa, & detrita. Cap. XV II.

TOgas, tunicas, lacernas, & reliqua Quiritium vestimenta ex lana confecta fuisse apparet, quòd nusquam vites nisi a pretio lanæ, aut a colore scriptoribus commendantur. Plinius lib. IIX. cap. XLVII. *Magna, inquit, & pecori gratia, vel in placamentis Deum, vel in usu vellerum. Vi boues vitum hominibus excolunt, corporum tutela pecori debetur.* Deinde lanarum genera exequitur, omnemque Romanorum cultum inde contactum ostendit. Addit ex Varrone, lanam cum colo, & fuso Tanaquilis in templo Sangi durasse, factamque ab ea togam Regiam undulatam, qua Servius Tullus fuerat usus. Atque inde factum, ut nubentes Virgines comitarentur colus compta, & fusus cum stamine. Etiam Martialis sæpè ab lana Tarentina vestimentis commendationem petit, præcipuè lib. II. ep. XLIII.

Te Lacedæmonio velat toga lota Galeso.

Vt Plinius Apulam, siue Tarentinam ceteris præfert. Siue Galefi fluij propè Tarentum aqua pota ouibus pretiosum vellus daret, siue lana ipsa eodem fluuio lota, quod de alijs fluminibus veteres crediderunt, summam nobilitatem acciperet. Martial. lib. IV. XXVI II.

Et lotam tepido togam Galeso.

Alia etiam lanarum genera memorat idem poëta, Parmensem, Bæticam, Alinatam. Eodem epigrammate.

Vel quam seposito de grege Parma tulit.

Et lib. VIII. ep. XXVIII. de Partheniana toga.

Dic toga facundi gratum mihi munus amici

Esse velis cuius fama decusque gregis?

Apula Ledaï tibi floruit herba Phalanti

Qua saturat Calabris culta Galefus aquis?

An Tariesiacus stabuli nutritor Iberi

Bætis in Hesperia te quoque lauit aqua?

Antuā multiformum numerauit lana Timauum

Quem prius astrifero Cyllarus ore bibit?

Porro de Bætica lana. Idem lib. ix. ep. xxii.

In Tartessiæcis domus est notissima terris

Qua diues placidum Corduba Betin a mat.

Vellera natiuo pallent ubi flaua metallo

Et linit Hesperium bractea uina pecus.

Scilicet ob rutilum, siue aureum lanæ colorem natiuum. Hinc natiui lanarum colores in vestibus seruati, & celebrati. Quorum plura genera fuisse idem Plinius ostendit, vt etiam aliquibus nomina desint. *Hispania*, inquit, *nigri velleris præcipuas habet: Pollentia iuxta Alpes, Cani: Asia rutili, quas Erythraas vocant: Canussum fului: & Tarentum suæ pulliginis.* Hinc tot in lacernis præcipuè, alijs què vestibus, (si togam, ac tunicam demas, quæ albæ gestabantur) colores fluxere, ab varietate scilicet lanarum earum què natiuo colore, aliquando etiam ab infectu.

Notat præterea Plinius. *Istriae, ac Liburniae lanam pilo propiorem, quam lanæ, & ideo pexis vestibus alienam, & quam sola ars scutulato textu commendat in Lusitania.* Pexas vestes fuisse, in quibus ob villorum densitatem nec stamen, nec trama appareret, alijs animaduersum scio. Tales omnes recentes vestes fuere. Martialis.

Pexatus pulchrè rides mea Zoile trita.

Idem lib. ii. epigr. xliv.

Emi seu puerum, togamue pexam.

Et lib. iii. ep. xxxvi. tritam pexæ opponit.

Hoc merui Fabiane toga, tritaque, meaque.

Vnde in tela araneorum *pexitatem* a Plinio dici villosam quandam in ea, & lanuginosam filorum naturam quæ in rara earum textura non perinde appareat vt in densa notauit Turnebus lib. v. cap. xiv. Nam vestes obsoletæ, ac detritæ his contrariæ, in quibus scilicet vellere attrito, & defloccato, filorum textura apparebat; Idem lib. iv. ep. xxxiv.

Sordida cum tibi sit verum tamen Attale dicit,

Quisquis te niueam dicit habere togam,

Vbi niuea tenuis est, & detrita. lib. ix. ep. i. de toga Partheniana.

Nunc anus, & tremulo vix accipienda tribuli;

Quam possis niueam dicere iure tuo.

Tales togas decentes, siue decotes Festo dici censet Lipsius in Electis. Quia igitur lana illa Istrica, & Liburnica sine villis fuit, & pilo propior, iure alienam pexis vestibus dixit Plinius atque ex ea scutulatam vestem confici in Lusitania; Nam cum scutulæ in vestibus quadraturæ essent ad instar plagarum quibus retia distinguuntur, contextæ, ex lana villosa haud quaquam texi poterant huiusmodi scutulæ quod villorū densitate textura, & artificium operiebatur, secus in lana minime villosa, & pilo proprio, ut in Liburnica, vbi scutulatus textus non impediens villis apparebat. Similem Istricę, ac Lyburnicę lanam circa Piscenas prouincię Narbonensis, in Aegypto prouenire subiicit Plinius, ex qua vestis detrita usu tingitur, rursusque æuo durat. Vbi frustra tegitur, vel pingitur, inferciunt correctores: Nam tingitur rectum est. Vestimenta communi lana confecta usu attrita defloccantur, villosque cum colore amittunt, nec renouari possunt etiam si denuo fingantur, nam delapsis villis cum stamine subtemen apparet. At vestes lana Istrica, vel Aegytiæ contextæ, quę pilo propior est postquam usu obsoleuere, colorē quidē amittunt, quem si tingantur, recipiunt denuo, & interpolantur, nouęque videntur, nihil enim præter colorem amittunt, quia cum villis careant, & veteres, & recentes filorum texturam ostentant: secus in reliquis pexis vbi detrita semel fila reparari non possunt. Hic est sensus verborum Plinij. Quare non semper vesti pexæ trita oponitur, id est vetus, ac detrita, sed recens sine villis, quales ex lana de qua diximus contexebatur, eaque, *rasa* appellabatur, qualisque ut plurimum serica, quæ sine villis, & minime pexa: eaque scutulatæ texturę aptior, ut ait Plinius; Hincquē existimo luuenalem vtrumquē coniunxisse Sat. i i.

Coerulea indutus scutulata, aut galbana rasa.

Rasæ etiam togę meminit Martial. lib. ii. ep. lxxxv. quā æstat i aptiorem fuisse indicat.

Vimine clausa leui niuea custodia cocta

Hoc tibi Saturni tempore munus erit .

Dona quod aestatis misit tibi mense Decembri

Si quereris , rasam tu mihi mitte togam .

Alibi videtur *leuem togam* appellare. lib. vii. lxxxv.

Nulla venit a me

Argenti tibi libra pulsulati

Nec levis toga , nec leues lacerna .

Nisi tenui filo intelligat, & ideo pretiosam. Nam & ab ipsa lana, & a textura togæ aliæ alijs pretiosiores fuerunt. Ouidius de arte lib. iii.

Sed vitate viros cultum formamque professos

Quique suas ponunt in statione comas

Nectoga decipiat filo tenuissima .

Qualis illa Martialis lib. x. lxxiii.

Qua non Fabricius , sed vellet Apicius uti

Vellet Mæcenas Casarianus eques .

Hoc est ex lana tenui ac molli textura, quæ tamen vestes mulieribus aptiores visæ. Quo respexit Cicero. *Velis amictos non togis.* & Varro in Modio. *Istorum vitrea togæ ostentant tunica clauos.* Contra toga pinguis dicebatur quæ crassiori filo compacta erat. Suetonius Augusto. *Hieme quaternis cum pingui toga tunicis , & subucula thorace laneo , & feminalibus , & tibi alibus muniebatur.* Horatius lib. i. Sat. iii.

Concha salis puri , & toga quæ defendere frigus

Quamvis crassa queat .

Lana coacta . Plinius vno capite non semel correctus ,

& explicatus . Cap. xviii.

Sed quoniam in lanarum mentione versamur, curæ pretium fuerit Pliniani loci eodem capite miserè affecti curationem tentare . Postquam lanas recensuisset , ex quibus vestes texebantur , addit ; *Lana , & per se coacta vestem faciunt , & si addatur acetum etiam ferro resistunt : imò vero etiam ignibus nouissimo sui purgamento : quippe alienis polientium extractæ in tormenti*

menti vsum veniunt, Galliarum vt arbitror inuento, certè Gallicis hodie nominibus discernitur. Nos penè adollescentes, ahenis polientium extracta, legendum videramus, & gauisi sumus cum eandem coniecturam apud doctissimum Gelenium inuenimus. Verum tetigit ille vulnus, non sanauit. Sic enim locus ille interpungendus est, & si addatur acetum, etiam ferro resistunt, imò vero etiam ignibus; nouissimo sui purgamento ahenis coquentium extracta in tomenti vsum veniunt, Quæ enim ratio illa erat, quod ignibus resisterent lanæ quia extractæ ahenis venirent in vsum tomenti? Numquid tomenta igni resistunt? Duplex lanarum qualitas Plinio recensetur; altera, quod coactæ addito aceto ferro, & ignibus resistent: altera, quod earum purgamentum extractû ahenis coquentium (hoc malui; quam polientium, secutus veteres codices) ad culcitas inferciendas adhiberetur. Hoc est venire in vsum tomenti; Tomentum quippe culcitæ fartum fuit, vt rectè Gelenius; Festus culcita, quod tomento inculcatur appellata. Martialis

Culcita tomento quod viduata suo.

Isid. lib. ix. cap. xxvi. Culcitæ vocantur quod calcentur, idest farciuntur pluma, siue tomento. Id inuentum Galliarum existimat Plinius, quia tomentû tunc Gallicis nominibus discerneretur. Nam lib. xix. cap. i. de lino. Nullum est candidius, lanæ similis: sicut in culcitis præcipuam gloriâ Cadurci obtinent, Galliarum hoc, & tomenta pariter inuentum, Italiæ quidem mos etiam nunc durat in appellatione stramenti.

Quæ sequuntur verba, eâdem prauâ interpunctione pessimè habent. *Nec facile dixerim, quæ id ætate ceperit; Antiquis enim torus e stramento erat, qualiter etiam nunc incastris gauſape; Quid hoc monstri est? eadem res fuit stramentitius torus, & gauſape? Nihil minus. Ait Plinius nescire sequando ceperint tomenta e lana fieri, quia apud antiquos non tomenta siue culcitæ in vsu erant, sed torus stramentitius, qualis adhuc incastris ætate Plinij retinebatur. Nihil igitur adhuc locum gauſape. Postquam in vrbe in locum lecti stramentitij tomentum venerat, inrepere tamen in castra culcitæ, siue tomentum non potuit, in quibus veterem e stramento torû*

non retinere nimis delicatum viſum eſt, & præter diſciplinam militarem. Ne longum faciam. Verbum illud *gauſape* ad ſequentia ſpectat, quæ ſic concinnanda ſunt. *Gauſape patris mei memoria cepere, amphimalla noſtra, ſicut etiam villoſa ventralia*. Ignorare ſe dicit Plinius, quando lanæ in uſum tomenti venerint, quod apud antiquos e ſtramento torus eſſet. Atqui memoria patris ſui factum, vt gauſapæ in uſu eſſe ceperint, ſicut ætate ſua, & amphimalla, & ventralia villoſa in uſum venerint. Gauſapæ veſtes villoſæ ad inſtar tapetium. Amphimalla autem, ſiue ἀμφιμάλλοι χιτῶνες veſtes vtrinque villoſæ; Ventralia demum veſtimenta contegendo ventri, quæ fortasſe eadem cum ſemicinctijs. Plinius M.S. in Bibliotheca Ambroſiana eandem prorſus interpunctionem præfert, licet in verbo *gauſape* corruptus ſit, quod etiam ab altero M.S. deeſt. Sicenim ibi legitur. *Qualiter iam nunc in caſiris. Cauſa patris mei memoria cepere, amphimalia noſtra*.

Nihil igitur gauſape adtorum ſtramentitium, nihil ad tomentum. Ad Plinium intelligendum non parum facit Martialis, qui quid ſit tomentum explicat lib. xiv. *Tomentum Lingonicum*.

*Oppreſſæ nimium vicina eſt fascia plume
Vellera Lingonicis accipe raſa ſagis.*

Quo loco intelligimus, quare Plinius putarit inuentum tomenti Gallorum eſſe, & Gallico vocabulo diſcerni. Nam aliud erat tomentum *Lingonicum*, idque propriè tomentum, quod ex lana Gallicis ſagis deraſa cogeſſetur; Aliud minus propriè, quod *Circenſe* dicebatur, idque ex arundine conciſa, iuncoque paluſtri inferciebatur, cuius uſus in Circenſibus fuit. Idem titulo *Tomentum Circenſe*.

*Tomentum concifa palus Circenſe vocatur
Hæc pro Lingonico ſtramina pauper cmit.*

Vbi Lingonicum ſimpliciter pro tomento uſurpat. Qualis autem fuerit torus ille Plinij ſtramentitius ex eodem diſcas, titulo. *Fanum*.

*Fraudata tumeat facilis tibi culcita pluma
Non venit ad duros pallida cura toros*

Iurifconsultus lib. i i i. de legatis. *Tomentum cognominabatur Circense ex arundinibus concisis factum, idque stramentum habebatur plebeiorum.* Seneca de vita beata. *Nihilominus miserior ero, si laesa ceruix mea in manipulo feni acquiescat: si super Circense tomentum, per sarcinas veteris lintei effluens incubabo.*

Non eadem tamen ratio conficiendi tomenti Plinio, & Martiali. Ille ex purgamento lanarum coctarum coactum vult: hic ex lana Lingonicis fagis derafa. Etiam ex pilis hircorum confecta tomenta notat Philargyrius ad illud Georg.

III.

*Nec minus interea barbas incanaque menta
Cinyphij tondent hirci, setasque comantes
Vsum in castrorum.*

In vsum castrorum, inquit, quod inde tomenta fiant, itemque ci-lia. Ut ut sit, non est præter rem quod adijcit Plinius, cum hæc scriberet, *tunicam laticlaviam in gausapæ modum texti primum ceptam.* Reliquas tunicas ante Plinium in gausapæ modum textas idest villosas, & pilis hirtas crediderim, demum etiã laticlaviam, in qua fortasse maius artificium fuit, ne scilicet clavi purpurei villorum densitate tegerentur. Sed quid Ventralia esse dicemus apud Plinium? *Gausapæ patris mei memoria capere amphimalla nostra, sicut villosa etiam ventralia.* Glossæ *Ventrale* Κοιλίωδες, πολῶδα. Iurifconsultis *Zona*, *crumena*, quam, & *fundum* & *profundum* vocauerunt, ut Cuiacius cap. xxvi i. lib. x. Obseru. Ita Alciatus lib. i. Pareg. cap. xl. illud Callistrati. *Pannicularia bona damnatorum esse, quæ damnatus habet, & modici sunt pretij, promiscuique usus qualis est vestis qua fuerit indutus, aut nummuli inueterales quos victus sui causa in promptu habuerit.* Nec debent, inquit, *Præsides pati, ut commentarienses ea pecunia abutantur, sed debet seruari ad ea quæ iure Præsidium solent erogari, ut puta carciaticum (carceraticum) quibusdam officialibus inde subscribere.* Illud inquam inueterales recte corrigit in *ventrali*, intelligitque de his pecunijs quas in sacciperio habent, quod insitum inest in semicinctij plagula, quam ante ventrem gerunt. Itaque horum sententia ventrale nihil aliud fuit, quam crumena, siue zona inquã

nummi condebantur. Sed quid opus erat ea villosa facere? Quare existimauerim fuisse potius vestimentum breue, quod ad instar thoracis muniendo ventri tunice subijceretur, quod frigoris causa ætate Plinij etiam villosum fieri ceperit; In eo sicut in zona pecuniam circumlatam.

Vestis serica. Bombyx Coa, & Assyria. Plinius defensus. Cap. XLX.

T Ardè admodum, & non nisi sub Imperatoribus serica vestis Romanis cognita. Eam a Seribus Indiæ populis vnde aduehebatur, appellatam conuenit. Ouidius Anorum 1. eleg. xiv.

*Quid quod erant tennes, & quos ornare timeres
Vela colorati qualia Seres habent?*

De qua tamen duplex veterum opinio fuit. Alij enim, inter quos Virgilius, ac Plinius, Marcellinus, nec pauci præterea existimarunt, ex arborum lanugine aqua mollitâ canitiem ab Indis depecti solitam, vnde Sericum conficeretur. Plinius. *Seres canitio siluarum nobiles perfusam aqua depectentes frondium canitiem.* Reliqua scriptorum loca obuia sunt. Alij opus id bombycum esse tradiderunt, qui folijs inuoluti fila deduce- rent sericumque conficerent. Priores secutus Lipsius ad Tacitum hoc distinxit bombycinum a serico, quod bombycinū vermiculorum opus esset, quos bombyces dicimus: sericum autem ex illa Indica lanugine confectum. Nec pauci Lipsium sequuntur. Verior tamen Salmasij opinio videtur, qui ad Tertulliani pallium ex Seruis, & alijs ostendit, etiam sericum bombycum opus fuisse, & ideo non alia re, quam loco, sericum a bombycino diuersum, quod nempe bombycinum ab Indis aduectum præstantissimum *νατ ἔξωχλω* sericum diceretur: bombycinum autem appellatum, quod in Insula Coa conficeretur.

Duplex autem bombycinum statuere videtur Plinius Comum, & Assyrium, & hoc quidem pretiosius: ait enim cap. xxiii. loquens de Coa bombyce. *Nec puduit has vestes usurpare etiam viros lenitatem propter æstiuam. In tantum a lorica ge-
renda*

tenda discessere mores, ut oneri sit etiam vestis. Assyria tamen bombyce adhuc fœminis cedimus. Hic in Plinium inclementius mea quidem sententia viri doctissimi inuecti sunt. Quasi vestes Coas ex Assyria bombyce confectas crediderit: item ab eadem bombyce Assyria quæ ceram facit bombycinum texi. Quicumque enim caput illud XXI I. perlegerit, inueniet non a bombycibus, qui ceram faciunt, bombycinum texi, sed ab alio bombycum genere, de quo Plinius Aristotelem secutus ait; Et alia horum origo e grandiore vermiculo gemina sui generis protendente cornua eruca fit, deinde, quod vocatur bombylis, ex eo necydaus, ex hoc in sex mensibus bombyx. Duplex ergo Assyriorum bombycum species statuitur Plinio, altera quæ maior vespis, crabronibus, & fucis, nidos e luto, cerasque facit, altera de qua dictum est; Atque hi bombyces, non illi, qui ceras faciunt, telas araneorum more texunt, ad vestem luxumque fœminarum, quæ bombycina dicebatur. Huius vestis bombycinæ generatim sumptæ occasione adijcit Plinius primam, quæ bombycinum texuerit, fuisse Pamphilem in Insula Coa, non tamen quod ex Assyria bombyce, quæ enim id fieri potuit, sed ex Coa, licet diuersa Coæ bombycis generatio quam sequenti capite tradit.

Quod si credidisset Plinius, Pamphilem ex bombyce Assyria texuisse, nullum discrimen fuisset inter Assyriam, & Coam: nam eadem vestis fuisset Assyria, quia ex Assyria bombyce, & Coa, quia in Insula Coa, a Coa muliere pertexta. Prima Pamphile bombycum telas redordiri, rursusque texere inuenit. Ita veteres codices habere docuit Gelenius non retorquere; Ipse Plinius ubi de Seribus loquitur, idem verbum redordiendi usurpat. Seres canitio silvarum nobiles perfusam aqua depectentes frondium canitiem, unde geminus fœminis nostris labor redordiendi fila, rursusque texendi: quod eleganter positum; bombyces dum telam suam conficiunt ordiuntur fila idest stamina deducunt, texuntque tramam licijs nectentes, fœminæ ad texendam vestem iterum ordiuntur fila, iterumque texunt.

Ceterum tam serici, quam vtriusque bombycinæ vestis, hoc proprium fuit, ut quod dixerunt veteres, corpora denuda-
rent.

rent . De ſerico Plinius ; *Tam multiplici opere , tam longinquo orbe petitur , ut in publico matrona tranſluceat . Et Seneca : Video ſericas veſtes , ſi veſtes vocanda ſunt , in quibus nihil eſt , quo defendi corpus , aut denique pudor poſſit : quibus ſumptis mulier parum liquido nudam ſe non eſſe iurabit . Hæc ingenti ſumma ab ignotis etiam ad commercium gentibus accerſuntur ut matrona ne adulteris quidem plus ſui in cubiculo quam in publico oſtendat . Simile eſt illud apud Senecæ patrem in controuerſijs lib. II. Infelices ancillarum greges laborant , ut adultera tenui veſte perſpicua ſit : eo nihil in corpore uxoris ſuæ , plus maritus , quam quilibet alienus , peregrinusque agnouerit .*

De Coa , quæ etiam a viris geſtabatur , Horatius .

Cois tibi penè videre eſt

Vt nudam .

Multo magis de Aſſyria , quam nondum auſos viros ſua ætate geſtare tradit Plinius . A pretio igitur , aut a ratione texendi diuerſitas petenda fuit .

Porro aliquod discrimen inter Aſſyriam bombycem , & ſericum Indicum fuiſſe apparet , licet vtrumque tranſlucens fæminas denudaret , quod ſi res eadem fuiſſet , dixiſſet Plinius , *ſerico adhuc feminis cedimus* , quod ab alieno orbe petitum vult , ut fæmina in publico tranſluceret . Atqui Plinium pro Aſſyria bombyce intellexiſſe ſericum contendunt , immeritò ; Nam Plinius ſericum non fieri ex bombyce credidit , ſed ex pexa arborum lanugine . Præterea ætate Plinij viri Aſſyria bombyce abſtinebant , & tamen ante eius tempora ſerica veſtis a viris geſtata . Tacitus de Tiberij temporibus . *Promiſcuas viris , & fæminis veſtes* . Et tamen ante decretum fuerat . *Ne veſtis ſerica viros fœdaret* . Ex quo apparet , præſtantiorem bombycinam veſtem Aſſyriam fuiſſe , tunc maioris luxus , ut pote quam geſtare viros puderet , quibus ſerica uſurpata . Quare non eſt tam abſurdum , bombyces etiam in Aſſyria proueniſſe , ut in Inſula Coa , licet non conſtet vnde hoc Plinius acceperit . Nec ea cum ſerica , ut dicebam , confundenda eſt . Certe Aſſyria eodem tempore & ſerica Romæ in uſu erat , & de vtraque diſtinctè meminit Plinius . Quod ſi

ex India aduecta fuisset, non eam bombycem appellasset, qui nullum bombycum opus in serico texendo credidit, sed solum lanuginem.

Vestes bombycina: serica: subserica: mulititia.

Cap. XX.

Bombycinæ vestis mentio frequentior, quam sericæ apud auctores occurrit, quod rarus sericæ vsus, atque ex alieno orbe petitus, cōmodius bombycina subueheretur. Quamquam si verum est, quod de Cæsare tradit Dio lib. XLIII. ludis theatrum velis sericis contexisse, non tanta debuit tunc esse serici penuria. Scio de subserico Dionem, Tacitum, & reliquos, qui serici meminerint, capiendos doctis viri animaduersum quod apud Spartianum dicatur Heliogabalus *primus Romanorum sericam vestem induisse*, idest holosericam, cum ante subserica in usu esset, in qua stamen ex lino, subtemen sericum erat. De holoserica. Vopiscus in Aureliano *Vestem holosericam neque ipse in vestiario habuit, neque alteri utendam dedit. Et cum ab eo uxor sua peteret, ut unico pallio blatteo serico uteretur, ille respondit Absit ut auro fila pensentur. Libra enim auri, tunc libra serici fuit.* Distinguit tamen sericum a subserico Lampridius in Alexandro. *Vestes sericas ipse raras habuit, holosericas numquam induit, subsericam numquam donauit. Nili tandem vestem modo sericam, modo subsericam appellat, ut eam raro adhibuerit Alexander, alijs numquam donauerit: sed fuisse eam vestem inusu promiscuo sub Heliogabalo notauerat: quidquid sit magna serici huius, siue subserici copia debuit esse, quæ Theatro cōtegendero satis esset.* Sed id verum sericum, siue holosericum, fuisse videtur indicare Dio. τῆτο ὃ, inquit, ὕφασμα χλιδῆς βαρβάρου ὄσιν ἔργον, καὶ παρ' ἐκείνων, καὶ πρὸς ἡμᾶς ἐς ξυφίω τῶν πάντων γυναικῶν περιττω ἐσπεφίστηκεν. Sericum quo Theatrum Caesar velauit, fuit textura barbarice luxurie ad supernacuum luxum Romanarum mulierum aduecta. Idem lib. LIX. de Caligula. καὶ ἐπ' αὐτῆς χλαμύδα σπρικὴν ἀλεργὴν ἐπένευ. Chlamydem sericam purpurei coloris induit, & pau-

lo infra. "Αλλως δὲ δὴ ἐν τῇ Τῇ σιρκῇ, καὶ ἐν τῇ νικητικῇ σιρκῇ ὡς πλή-
 θος ἐδημοσίωσεν. *Vt plurimum in serico vestitu, aut triumphali orna-
 tu in publico versabatur.*

Sed tam subsericæ, quam sericæ vestis, id proprium fuit,
 quod, & bombycinæ, vt transluceret, hominēque nudaret.
 Iuuenal. Sat. 11.

Acer, & indomitus libertatisque magister,

Cretice pelluces.

Lipsius de Coa, siue serica toga intelligi vult. Alij de Coa
 tantum, nec de serica capi posse Iuvenalem, quæ tantum a
 fœminis tunc gestata, cum Coa etiam viris in vsu, vt ait Plinius.
 Ego de serica, & quidem muliebri locutum poëtam censeo.
 Nam si ætate Plinij, id est, aliquot annis ante Iuvenalem Coa
 vestis viris promiscuè gestata, labentibus, in deterius mori-
 bus, non erat quod poëta Cælum terræ misceret, si Creticus
 veste Coa incessisset. Hoc enim tolerabile iam fecerat vsus.
 Atqui hoc tamquam insanum, ac fœdissimum exagitat.

— *Sed Iulius ardet,*

Aestuo: nudus agas, minus est insania turpis.

Mox.

Fædius hoc aliquid quandoque audebis amiētū.

Præterea ait Satiricus futurum fuisse, vt meretrices talem
 togam recusarent, si damnatæ essent.

— *Est macha Fabulla*

Damnetur se vis etiam Carfinia, talem

Non sumet damnata togam.

Non ergo vestis illa Coa fuit, quæ multis ante annis me-
 retricibus familiaris. Horatius.

Cois tibi penè videre est

Vt nudam.

Quare non togam Coam, siue bombycinam damnauit A-
 quinas poeta, quæ multo ante gestabatur a viris, sed sericam,
 & muliebrem.

Et ideo infrà eam vestem, *multitia*, appellat, quæ ab eo-
 dem fœminis adscribuntur.

Humida suspectis referens multitiarugis.

Quam-

Quamquam non ignorem, multitiarum virilium mentionem a Vopisco fieri; sed quod additur, *virilium*, denotat propriè multicia muliebria vestimenta fuisse, & secutis temporibus a viris usurpata, ut & vestes holosericæ.

Eius vocis originem me fateor ignorare. Nam quod alij quasi multicia dicunt, & polymita intelligunt, præter verbi nouitatem, apud Iuvenalem sermo est de toga, quam albam fuisse constat, non filorum varietate intexam. Qui autem multicia a multum iciendo deducunt, quasi vestimenta multum ista, & percussa, præter idem vitium nouitatis, potius rei ipsi contrarium adducere videntur; Nam vestes multum istæ, & bene textoris pectine percussæ, densiores sunt, minusquè pellucet; quo magis enim trama stamini connectitur, fila spissantur densius, minusque per ea corpora apparent.

In illo quoq; hæere me non ab nuerim, an de bombycinis togis capiendus Cicero sit, cum de Catilinæ socijs loquitur; *manicatis, ac talaribus tunicis, velis amictos, non togis*. Imò an Varro apud Nonium easdem intellexerit, cum ait. *Istorum vitree togæ ostentant tunica clauos*. Nam bombycinas non multo ante Plinium a viris usurpatas vidimus: Si laneæ, ut omnia tunc vestimenta, nescio an tales pellucidæ vestes, & ut ait Varro, *vitree*, ex lana confici potuerint: nisi sericas fuisse dicamus, & de subsericis intelligamus, qualia Cæsariani Theatri vela fuisse supra tetigimus.

Nequè illud omittendum, quomodo hæ vitree togæ tunica clauos ostentarint, quasi vero communi toga clauus purpurei tegerentur, neque apparerent per densum vestimentum: cum tamen certum sit, clavis hisce Curiam ab reliquis ordinibus distinctam, quod fieri non potuisset, si latuissent. Fortasse igitur, cum plures in tunica clauus essent, & in toga communi duo tantum, aut tres apparerent, quæ ad pectus toga patebat, & brachium dextrum exeri solitum diximus, togis vitreis, ac pellucidis pectus denudantibus omnes apparere, & in oculos incurrerunt.

Toga color. Candidati. Cap. XXII.

TOge communis colorem album fuiſſe, ſatis doctiſſimus Manutius oſtendit, & eum ſecutus magni nominis Criticus, qui ne Manutium quidem nominat, cui omnia ferè in hac diſputatione debet. Neque hic ego congerendo ſcriptorum loca, quibus id probetur, lectoris otio abutar, cum vel mediocriter eruditi id ignorare non poſſint, & facile ſit ipſum Manutium conſulere.

Duo tamen ſunt, quæ huic ſententiæ refragari videntur; Alterum, ſi omnes vulgo albâ togâ Romani uſi, cur qui honores petebant, candidati dicti? Alterum, quod diebus Feſtis, & lætitiæ cauſa albatî Romani incedebant. Nuperus Milonianæ enarrator ait, *Magiſtratum petentes nihil habuiſſe in veſtimentiſ præter album, & ideo candidatos vocatos: quia nempe ſine tunicis eſſent, in quibus clavi purpurei, vel quod tunica ipſæ totæ purpureæ eſſent. Ita petitores, vel depoſuiſſe tunicas purpureas, vel ſaltem clauos, & ideo candidatos dictos. Quæ ratio nihili eſt. Nam tunicas non fuiſſe purpureas, infra vincam: & clauos purpureos in petitione depoſitos, falſum eſt: & ſi verum eſſet, id modò in Senatu, & Equite locum habuiſſet, quid ij, quibus nullum clavi ius fuit? Quid plura? Depoſitas tunicas in petitione conſentiunt auctores non quod purpureæ, aut purpura illuminatæ, ſed ut aperto pectore, honeſta vulnera petitionem commendarent. Alij ne pecunia occultaretur emendis flagitioſè ſuffragijs factum putant, quod refutat Plutarchus in Coriolano.*

Melius ergo Lipſius, qui inter albam, & candidam togam diſtinguit, quod alba natiuo lænæ colore eſſet: candida addita creta fieret. Idquæ ex Liuiο, & Iſidoro. Ille lib. *IV. Placet, tollendæ ambitionis cauſa Tribunos legem præmulgare, ne cui album in veſtimentum addere petitionis cauſa liceret, Iſidorus, Fit toga addito quodam cretæ genere candidior.*

Etiam Manutius aliud fuiſſe candidum, aliud album docuerat: eſſe autem in colore candido ſplendorem quendam, qui

qui non est in albo: itaque candidam niuem propriè dici, pallorem autem album, non candidum, licet aliquando confundantur: vt cum Gellius lib. I I I. tradit. *Scipionem die dicta, neque barbam desisse radere, neque non candida veste uti. vbi candidum, pro albo vsurpatur*, Et Liu. Dec. v. lib. v. *Legati Rhodiorum, cum primo in veste candida visi essent, quod & gratulantes decebat. Huic mox opponit sordidam. Et si sordidam vestem habuissent, lugentium Persei casum præbere speciem poterant. Infra. Extemplo veste sordida sumpta, domos principum cum precibus, ac lachrimis circumibant. Vt & apud Martialem.*

Cum plebs, ac minor ordo, maximusque

Sancto cum duce candidus federet.

Addita ergo creta, vt ait Isidorus, candidior toga fiebat. Illud tamen difficultate non caret, quod in omni togarum lotione adhibebatur creta, nec ars fullonia sine creta fuit. Titinnius apud Nonium.

Terra hæc est, non aqua,

Vbi tu solitus argutarier pedibus,

Cretam dum compescis, vestimenta que lauas.

Et Plinius lib. xxxv. cap. xvi. vbi de generibus Cretæ loquitur. *Ergo ordo hic est: primum abluitur vestis sarda, dein sulphure suffitur; mox desquamatur Cimolia, quæ est coloris veri. Hæc autem & sarda cretæ species fuere. Ex his apparet, omni togæ adhibitam cretam fuisse. Fortasse ergo communi togæ abluendæ creta adhibebatur: at togæ petitorum iam lotæ, creta superinducebatur, vt candesceret magis, ac poliretur. Certè Plinius Cimoliam cretam abluendis vestibus in vsu fuisse scribit: Vmbricam autem, quæ, & saxum vocabatur, nonnisi poliendis vestibus assumi solitam. Illud etiam addere possumus, togas petitorum, vt candidæ fierent, postquam Vmbrica expolitæ essent, prælo subiectas fuisse, vt nitescerent, splendoremque illum acquirerent, quem coloris candidi proprium esse diximus: & ideo togam candidam, λαμπράν Polybio dici, cum nempe a prælo, & a creta splenderet. Talis toga splendens dicitur Senecæ, epist. v. *Non splendeat toga, ne sordeat quidem.* Quod Lipsius*

explicat, nitidam, recenter lotam, & pexam. Sed tales erant quæ minime sorderent, nitidæ scilicet, & recenter lotæ. Atqui Seneca non vult splendentem, & sine sordibus optat. Ergo *splendens* est a præli pressura. Vt alibi Lipsius recte illud eiusdem Senecæ de tranquillitate cap. i. *Non ex arcula prolata vestis, non mille ponderibus, aut tormentis splendere cogentibus pressa*. Pondera scilicet, ac præla vestem splendere cogebant. Huc spectat locus Martialis, quem Lipsius adduxit.

Sic tua suppositis pellucent præla lacernis,

Et micat innumeris arcula synthesis.

Et Ammianus lib. xxvi i i. *Solutis pressorijs, vestes luce nitentes arbitra diligenter explorant*. Quod verò Lipsius subiicit, ideo suppositas prælis vestes, non solum vt niterent, sed etiam vt pexæ essent, credibile non est. Nam vestium pexitas non à prælo, sed à lana recenti, aut ab artificio erat, cum erinacei cute polirentur. De quo iam multa viri docti disputarunt.

Ceterum quod ait Lipsius, communes togas natio tantum lanæ colore albas fuisse, falsum esse ex Plinio ostendimus, qui artis fulloniæ cretam præcipuam facit. Quod nec ipse negare potest, nam explicans illud Plauti in Aulularia.

Qui vestitu, & creta se occultant, & sedent quasi sint frugi; homines designari ait tenuiores, quibus cum copia mutandæ togæ non esset, tamen, vt nitidi apparerent, sub dies ludorum togulam suam incretabant; vel seruos, qui vt liberos mentirentur, fortasse cretam addebant in vestem, vt in cauea fallerent. Si ergo sola creta candida vestis fiebat, & isti candidati fuere extra honorum petitionem. Quare vt diximus, vestis petitorum candida fuit. Cimoliâ primum, vt reliquæ vestes abluta, deinde Umbricâ, siue saxo expolita, tum prælo splendere iussa.

Ceterum Marcellius ad illud Persij,

Quem ducit hiantem.

Cretata ambitio.

Notat, ideo cretam togis adhibitam, vt rigidæ essent, tabularum, siue tiliarum capaces, quòd esse non potest; difficilius enim plicæ, ac rugæ in veste durata, quam in molli,

& flexibili finguntur. Deinde cum omnes togæ plicas, rugasque haberent, si ad hoc cretabantur, togæ omnes candidæ fuissent. Idem perperam locum Tertulliani accipit. *Rugas ab exordio formet, & inde deducat in tiliæ, totumque contracti umbonis figmentum custodibus forcipibus assignet*, legit, *πορπηξί*, fibulis, quasi vllus ibi fibulæ vsus esse potuerit. Sed de hoc alias.

Albus color lætitiæ causa adhibitus. Albati.

Cap. XII.

Alterum, quo communes togas non fuisse albo colore, ostendi poterat, illud erat, quod Romani diebus festis, ac solemnibus albati incedebant, præcipue die natali; idque non scriptoribus notatum esset, si reliquo tempore in alba veste fuissent. Horat.

*Ille repotia, natales aliosque dierum
Festos albatus celebret.*

Ovidius Trist. lib. III. eleg. XIII.

*Scilicet expectas solitum tibi moris honorem
Pendeat ex humeris vestis ut alba meis?*

Et lib. v. El. v. de Natali vxoris.

*Queque semel toto vestis mihi sumitur anno:
Sumatur fati discolor alba meis.*

Et Persius.

— *Quamvis te albata rogarit.*

Vbi vetus Interpres, *Albata autem festiua, aut certe albata pura, & vitij carens*. Idem ad illud:

Et natalitia tandem cum sardoniche albus. Ad hoc recitaturus, inquit, ornatus, & festiuius incedebat; *Albus*, aut festiua veste indutus, aut recitandi pauore confectus. Etiam Dio in aduentu Teridatis Romæ impletum fuisse tradit forum: mediam eius partem a plebe albata, & laureata: alteram a militibus armorum nitore fulgentibus.

Lipsius hoc pacto nodum soluit, quod Romani diebus festis, lætisque recentes togas sumerent, & vsu nondum sordidas, atque obsoletas. Sed qui fieri potuit, ut cum sæpe festi

feſti dies, & publica lætitia occurreret, pauperes, & tenuiores, quibus vix vna togula erat, recentes togas ſumerent, ac mutarent, vt in aduentu Teridatis alba plebs in ceſſit?

Fuit cum exiſtimarem, quòd loca, quæ a Lipſio afferuntur, ſint Scriptorum Auguſtæi æui, quo ſcilicet iam togæ in deſuetudinem abierant, & in locum lacernæ ſucceſſerant, pulli, aut ruſi coloris: diebus feſtis, ac ſolem nibus ſumptas eſſe ab omnibus togas, quæ albæ, & ideo albatos dictos, caſque ferè recentès, quod raro admodum ferrentur. Firmabam coniecturam meam argumento, quo Manutius togas communes albi coloris fuiſſe oſtendit. Arguit Cicero Vatinius, quod in publico epulo Q. Arrij accubuerit cum toga pulla, cum tot hominum millia accumberent ipſe epuli Dominus Q. Arrius albatus eſſet. Cum ergo ad epulum publicum funebre, non propinqui tantum, aut amici inuitarentur, ſed populus vniuerſus, in quo propemodum ait Manutius innumerabiles erant ſic a re domeſtica imparati, vt veſtitum epuli gratia mutare non poſſent, veriſimile non eſt, albam togam eos pro tempore ſumpliffie, vt mox epulo finito aliam induerent. Ita credibile non eſt, vniuerſum populum potuiſſe ad quodlibet epulum, feſtaſquè dapes, recentes togas afferre, quas finito epulo alijs mutarent. Quod ſi quis contendat, ætate Ciceronis togas in vſu promiſcuo fuiſſe, & hac ratione omnes albatos: facile erit reponere, Arrium licet in toga communi, albatum, ad diſtinctionem Vatinij, qui pullatus.

Hæc olim, nec me huius ſententiæ pœnitet. Simplicius tamen fuerit ſi dixerimus, diebus feſtis, ac publica lætitia, togas non nouas, aut recentes ſumptas (quæ enim hoc fieri ab omnibus potuit?) ſed lotas, & a fullone recentes. Id enim facile fuit etiam tenuioribus togulæ ſordes demere, opeque fullonis eandem interpolare, priſtinoque candori reddere. Id nunc etiam vulgus uſurpat, vt feſtis diebus interiores lineas recenter lotas induant.

Nec indecorum modò fuit togas ſic sæpè lotas diebus feſtis adhibere, vt etiam inter munera clientibus mitterentur.

cur. Martial. lib. x. xi.

*Donavi tamen, inquis, amico millia quinque,
Et lotam, ut multum, terque quaterque togam.*

Idest candidam, & pænè nouam. Et hæc de albatis, & candidatis.

*Pullus color in luctu. Atrati. An idem a matronis
vsurpatus. Cap. XXIII.*

Romanos in luctu atratos fuisse, hoc est nigra, siue pulla veste indutos certum est. Veterum testimonijs paginas infercire putidum. *Toga pulla* meminit Cicero in Pisoniana, *Pullatorum procerum*, Iuuenalis. Tacitus in funere Germanici *atrata* plebem, inducit. Propert. lib. iv. el. vii.

Denique quis nostro curuum te funere vidit,

Atram quis lachrimis incaluisse togam?

Etiam Artemidorus lib. ii. cap. iii. ait, homini aegrotanti alba vestimenta in somnis visa, mortem portendere: quod mortui in albis efferrentur. Nigrum autem pallium salutem significare, quod non mortui, sed qui lugent mortuos, tali vestimento utantur.

De mulieribus ambigitur, cum alij Scriptores, eas deposita purpura, & auro, in veste lugubri fuisse dicant: Halicarnassens, & eum secutus Suidas, vestem nigram adscribat, & magna pars veterum Varro apud Nonium de vita pop. Rom. Val. Maximus lib. i. cap. i. Appian. lib. iii. civil. Atqui Herodianus, Statius, & Plutarchus albam vestem a fœminis in luctu usurpatam tradunt, quorum verba iam a Lipsio ad Tacitum allata sunt. Et Lucanus lib. ii. de Martia a funere Hortensij Catonem priorem maritum repetente.

Obsita funerea celatur purpura lana.

Idest pulla. Lipsius ita veteres in concordiam adduci posse credit, si dicatur, nigras vestes luctus proprias fuisse, stante Rep., albas sub Imperatoribus: quod ut non reiecerim, (quamquam fuscæ vestis in luctu matronali meminerit Apuleius,) illud nullo pacto admiserim, hanc causam mutationis

tionis videri, quòd cum veteres matronæ in alba, aut nigra veste præcipue incederent, postquam crescente luxu, Galbanæ, Cerulæ, & Coloriæ inuectæ sunt, albam vestem spre- tam, vt vilem, & luctui tantum reservatam. Hoc falsum est: nam, vt Valerius tradit lib. II. matronæ in veteri Rep. & auro abundant, & multâ purpurâ usæ sunt: contra sub Imperatoribus, aut interdicta purpura matronis, aut cer- tis tantum personis permessa. Corruit igitur tota coniectu- ra. Me eius mutationis causa hætenus latuit. Ceterum mirum est, verba Herodiani de matronis in veste alba funus Seueri celebrantibus, *ἡλίας ἐσθῆτας λευκὰς ἀμφιεννύμεναι*, Po- litianum vertisse, *Vestibus albis exilibus induta*. Quid enim fuere hæ vestes exiles? cum vestes illæ vulgares, ac com- munes essent, siue viliores. Eadem ratione Dio lib. LVI. de Tiberij, & Drusi eius filij cultu lugubri in funere Augusti. Tiberius, filiusque eius Drusus, *φαυὰ τὸν ἀγοραῖον ἔσπον ποπο- μηδῶν*, εἶχον. pullam togam vulgari siue communi more pa- ratam (non forense more, vt hic interpres,) habebant.

*Toga mensura. Toga talaris. Quintilianus expli-
catus. Cap. XXIV.*

CUm toga vestimentum laxum esset, ac fusum, pro opi- bus tamen cuiusque laxiorem fuisse, aut angustiorem Horatij Interpretes notarunt, ad illud.

— *Tibi paruula res est.*

Arcta decet sanum comitem toga.

Quare ille opum contemptor Cato, cum arcta toga ab eo- dem inducitur.

*Quid, si quis vultu toruo ferus, & pede nudo,
Exiguæque togæ simulet textore Catonem?*

Pro opibus inquam, & arbitrio cuiusque, ne quis Oratio- num Ciceronis enarratori credat, qui M. Antonium quòd pretextatus decoxisset, arctiorem ceteris togam sumere de- buisse scribit, quasi id lex iuberet, & non potius necessitas cogeret. Has togas arctas, *togulas* scriptores vocant, qua-
les

les patronorum avaritia clientibus donabat, quarum Cicerro, & Martialis meminerunt. Iustam autem togæ mensuram sex vlnarum fuisse idem Horatij Interpretes observant, ubi poëta Menam libertum carpit, quod toga sex vlnarum sacram viam metiretur. Mihi tamen verisimilius est, quod si sex vlnarum togæ mensura fuisset, non id tamquam novum aut insolens Horatius notauisset. Nisi id in liberto non ferendum, quod ingenuos deceret. Ut ut ea res se habeat, antiquitus quidem toga ad calceos usque demittebatur, ut Græcorum pallium teste Quintiliano: idque ut fieret Plotium, Nigidiumque præcipere, qui circa illa tempora de Oratoris gestu scripserunt. Quo circa Plinium refutat idem Quintilianus, qui scripserit solitum tantum Ciceronem id facere velandarum varicum gratia, cum tamen hoc genus amictus in statuis eorum quoque qui post Ciceronem fuerunt, apparet. Id tamen etiam impudentis maledicentiæ, & exhausti pudoris vir Fufius Calenus apud Dionem semper magnis viris iniquum obiecit Ciceroni, quod nempe demissitij vestibus ad crurū vitia velanda vteretur. lib. xxxvi. ὡν ἐδῆσεν ἐποίησας, ὁ δὴνός, ὁ σοφὸς ὁ πολὺ πλείονι τῷ ἐλαίῳ τοῦ οἴνου χρώμενος, ὁ καὶ μέχρι τῶν σφυρῶν τελεῖ ἐδῆτα σύρων, οὐμὰ δὲ οὐχ ὥσπερ οἱ ὀρχησαί, οἱ τὰς ποικιλίας τῶν ἐνθυμημάτων διδάσκοντες σε τοῖς χήμασιν, ἀλλ' ἵνα τὰ αἰχρὶ σου τῶν σκελῶν συγκρύπτῃς. Interpretes. *Qui vestem usque ad talos dependentem trahis.* Rectius si togam talarem vertisset, nam Græci, & præcipuè Plutarchus ἐδῆτα pro toga ponere consueverunt. Aetate ergo Ciceronis, & paulo post Togæ talares fuere. Talis est quæ dedimus Tabula I. quod monumentū positū Lepido, & Munatio Coss. diximus anno morientis Romanæ libertatis supremo.

At Quintiliani ævo eodem teste, non ultra medium crus porrectæ; Ait enim ipsam togam rotundam esse debere, & apud cæsam, aliter enim multis modis futuram enormem: Horat. i. Serm. Sat. i i i. *videri possit eo quod Rusticius tonsotoga defluit.* Mox subiicit Quintil. *Pars eius prior medijs cruribus aptè terminatur, posterior eadem portione, altius quam cinctura.* Quæ postrema verba, fateor, me magnopere torse-

runt. Quomodo enim togæ pars posterior altior quam cinctura esse potuit? Fuit cum existimarem de parte ea loqui Quintilianum, quæ brachio subducta in humerum sinistrum reiciebatur, & sic ipsa cinctura altior esset, siue de illa, quæ excluso dextro brachio ab humero pariter dextro defluebat, & tamen superior cinctura erat; Sed cum Quintilianus dicat, eadem portione, ac priorem, non aliter explicari potest, quam ut medijs cruribus, quemadmodum prior terminetur, & ita quomodo cincturâ altior erit? Fortasse Quintil. ibi pro cincturâ tunicam cinctam intellexit: quod nempè tunice Zonæ arbitrio, altius, submissius suspenderentur, & proprerea vult togæ partem priorem, & posteriorem ita medijs cruribus terminari, ut tamen tunice cinctæ imâ ora paulo altiores essent. Iuuant coniecturam nostram eiusdem Quintiliani verba paulo supra, ubi tunice laticlauie longitudo tradit. *Latum inquit habentium clauum modus est, ut sit paulum cinctis submissior*, idest paulo longior tunicis, quæ cingebantur. Nam ut ostendam cum illuc ventum fuerit, & aliquid supra tetigimus, tunica lati clauui non cingebatur. Si ergo ibi *cinctis* ponit, pro habentibus tunicas cinctas, cur non & hîc cincturam, pro tunica cinctâ intelligamus? Si quis tamen priorem interpretationem malit, non repugnem. Vtramque trepidè, & hæsitanter posui, donec alius meliora promat.

Togam antiquis temporibus commune vestimentum fuisse tam virorum, quam feminarum. Recinium. Festus emendatus.

Toga meretricum gestamen. Ouidius, & Varro explicati. Plebs infima quandoque togata. Gladiatorum in toga producti. Cap. XXV.

Primis Urbis temporibus tam viros, quam mulieres in toga incessisse, totamque Romanam gentem vere togatam fuisse veteres critici adnotarunt. Varro apud Nonium de Vita Pop. Rom. *Præterea quod in lecto togas ante habebant; ante enim olim fuit commune vestimentum, & diurnum*
 & no-

& nocturnum, & muliebre, & virile. Ex eo autem quod togas in lectis haberent antiquitus vt ait Varro perseuerasse in nuptijs eum morem crediderim vt lectus toga sternere-tur. Quod indicat Annobius lib. II. *Cum in matrimonia con-uenitis toga sternitis lectulos, & maritorum genios aduocatis.* Seruius I. Aeneidos ad illud *Gentemque togatam.* Bene inquit gentem, quia & sexus omnis, & conditio toga utebatur: togas at-tem etiam feminas habuisse Cycladum, & Recini usus ostendit. Recinus autem dicitur, quòd post tergum reijcitur, quod vulgo Mauorte dicunt. Recinum, siue vt Festus Recinium, com-mune mulierum pallium fuisse, ex his Seruij verbis colle-gisse viros doctissimos, miror; Nam non fuisse commune mulierum pallium, docere eos poterat Nonius, cuius verba ipsi attulerunt. Is Ricinium modo palliolum breue appellat, modò pallium, quo mulieres in aduersis rebus, & luctibus in-duebantur. Ricinium quod nunc Mafurtium dicitur palliolum fe-mineum breue; Varro ταφμενίππου. Nihilo magis dicere mulie-bre, quam de muliebri ricinio palliolum simplex. Idem de Vita Pop. Rom. lib. I. *Ex quo mulieres in aduersis rebus, ac lucti-bus cum omnem vestitum delicatiorem, ac luxuriosum postea in-stitutum ponunt, ricinia sumunt.* Nihil igitur opus distinctio-ne, aut correctione, nam si palliolum, in pallium mutetur peric sententia Nonij qui ricinium palliolum esse dicit, id-que Varronis auctoritate confirmat.

Non ergo commune pallium Ricinium fuit. Imò ætate Festi quid ea vox significaret, non plane constabat, ait enim Recinium omne vestimentum quadratum ij qui duodecim inter-pretati sunt, esse dixerunt; Alij virilem togam, qua mulieres ute-bantur prætextam clauo purpureo. In V. C. est Vir toga; Vn de Virilem togam quidam fecère, malè, nec rectius qui vel to-gam reposuerunt; Hoc enim modo idem esset pallium & to-ga, quadratum, & rotundum. Neque attinet dicere, ideo quadratum, quia apertum: togam autem, quia vt toga reij-ceretur, alioqui omnia pallia quæ reijci in humerum pote-rant, togæ etiam dici potuissent.

Sed non constabat quid esset proprie Recinium, & pro-

pterea alij quadratum vestimentum fuisse dixere; alij rotundum: qui duodecim interpretati sunt pallium quadratum explicarunt: contra alij togam muliebrem; Quare legendum *Alij togam qua mulieres utebantur*. Nec displicet Lipsij coniectura qui Ver: legit idest. *Verrius Flaccus togam esse vult*. In hac opinione fuit Seruius, Recinium, fuisse togam, vel togæ simile, nam ex eo, & ex cyladum, quæ rotundæ erant, vsu a mulieribus togas olim gestatas contendit. Quod si Recinium commune pallium fuisset, frustra ex vsu pallij togæ vsu demonstrasset. Fuerit sane Rica eadem cum palliolo, & capitis integumento, dummodo Recinium commune mulierum pallium non fuerit, quod nempe stolæ iniiciebatur;

Sed ut vnde Recinij causa digressi sumus, redeamus (nam de Mauortio, siue Mauorte egregie iidem viri doctissimi disputarunt) Toga antiquis temporibus commune viris, ac mulieribus vestimentum fuit. Hoc etiam Asconius Pædianus testatus est pro Scauro. *Toga inquit communis habitus fuit, & marium, & foeminarum: sed prætexta honestorum, toga viliorum, quod etiam circa foeminas seruabatur. Verum non satis mirari possum, aut intelligere, quomodo prætexta esset honestiorum, toga viliorum*. Nam præter magistratus, & Sacerdotes, puerilemque ætatem nulli ius prætextæ fuisse constat, & reliqui etiam honestiores in togâ purâ incessere. Asconium quidem ætate Tiberij vixisse certum est, & ideo vsu prætextæ non ignorasse. Forte igitur hoc ex glossemate est, a quo deceptus Nonius qui *Prætexta*, inquit, *insigne Romanum, quod supra tunicas honorati quique sumunt*.

Hoc quidem in mulieribus verum esse potuisse credo, ut nempe quo tempore toga communis utrique sexui erat, honestiores matronæ in toga prætexta incederent. Festus *Togam, qua mulieres utebantur prætextam clauo aureo*. Sed de viris tota vetustas negat. Postquam togam deposuere matronæ, ea solis viris remansit, sed temporum mutatione etiam foeminis probrosis quæque quæstum corpore tolerarent.

rent. Has enim togatas incessisse abunde Manutius ostendit quem non pauci, sed præcipuè summus Iuriconsultus in selectis Antiquitatibus aduocarunt. Acron ad illud *Peccesue togata. Matrone, quæ maritis ob adulterium repudiabantur, togam accipiebant sublata stola propter ignominiam. Toga autem meretrici apta, ita enim prostare solebant cum togis puellæ, ut discernerentur a matronis. Quamquam in sacrificijs etiam honestas fœminas togis vsas docet Festus in verbo Armata. Armata dicebatur Virgo sacrificans, cui lacinia toge in humerum erat reiecta. Eius abbreviator, Mutini Sacellum fuit Romæ cui mulieres velatæ togis prætextis solebant sacrificare Varro de L. Latina. Nonæ Caprotine, quod eo die in Latio lunoni Caprotina mulieres sacrificant, & sub caprisco faciunt, & e Caprisco adhibent virgam. Ob hoc toga prætexta data eis. Sed Varronis locus defectus est. Desideratur enim causa ob quam toga prætexta tunc dabatur matronis. Sed aut me coniectura fallit aut de est, non tam matronis, quam ancillis in eo sacrificio datam togam prætextam; quod me facile persuasurum ijs scio, qui originem Feriarum Caprotinarum non ignorant. Scilicet quod narrat Plutarchus in Parallelis ex Aristide Milesio Atepomarum Gallorum Regem ad versus Romanos bellum gerentem edixisse tunc belli finem fore, cum vxores, & filias Romani fruendas darent. Ancillæ astu elusam barbarorum procacitatem: missas scilicet in veste matronali, & puellarum nubilium, barbarisq; somno, ac mero victis vnâ ascensa caprisco signum dedisse in vadendi hostes, quibus profligatis diem festum institutum ancillarum, Nonas scilicet Iulias, easque ferias Caprotinas dictas quibus ancillis concessum, ut in veste libera, & prætexta toga quæ puellarum erat in cederent. Scio Macrobius dissentire, & non a Gallis, sed a Latinis post bellum Gallicum impudens postulatum factum esse. Verum Plutarcho adstipulatur Ovidius loco per obscuro, & a Criticis vexato, sed cui vnus literulæ mutatione, & lucem, & medicinam afferemus. Is est libro II. de arte amandi, ubi precipit amatori, ut omni ratione amicæ familiam*

liam demereat, & munusculis colat.

Sed tamen & seruo, lenis est impensa roganti

Porrige fortuna munera parva sua.

Porrige & ancille, quæ penas luce pependit

Lusa maritali Gallica veste manus.

Interpretū sententias afferre odiosum esset. Qui tamen nūquam expedient cur ancilla penas pependerit, & quid Gallica manus sit, ac quomodo cum ceteris cohæreat. Sed mutata voce *quæ in qua* loci sententia liquido apparebit.

Ait enim donandū aliquid ancillæ ea die, quæ erat festa ancillis. Scilicet Nonis Iulij, siue caprotinis. Dona igitur inquit *ea Luce*, idest ea die, *qua Gallica manus*, exercitus Gallorum, *decepta veste maritali* habitu matronarum *pependit penas* barbaræ libidinis. Nihil iam clarius. Sicut ergo viris die natali, matronis Kalendis Martijs munera missitabantur, ita ancillis Nonis caprotinis. Et ideo Varro ait ijs ius togæ prætextæ fuisse, quia ancillæ & stola matronali, & puellari prætexta Gallos deceperant. Macrobi. lib. 1. Sat. c. 11. *Ancilla nomine Tutela siue Philotis pollicita est se cum ceteris ancillis sub nomine dominarum ad hostes ituram: habituque matrum familias & Virginum sumpto hostibus ingestæ sunt.* Quam porro lectionem reposuimus extare in tribus M SS. monuit qui varias lectiones operi adiecit: eamque retentam in nupera editione vidimus.

Ceterum virorum omnis cōditio togata. Primores, plebs, etiam populi vilissima pars, quæ in emenda toga sumptum facere posset. Tertullianus de pallio cap. iv. *Vespillo, leno, lanista, tecum vestiuntur.* Et in fine operis. *Verum, & Cerdones, & omnis gladiatorum ignominia togata producitur.* Quo loco docti immeritò Cerdones proturbant, ignotaq; voces Latio inferciunt. Nam licet Cerdones, & reliquus popellus ob inopiam fermè tunicatus incederet, aut penulatus, præcipuè ea tempestate, qua togæ in desuetudinem abierant: nihil tamen præter paupertatem impediēbat, quin extremæ fortis homines dummodo ingenui togam gestarent præsertim in officijs, aut collegiorum sacris, festisque diebus.

Cur

Cur igitur licet raro, ex societate Cerdonum aliquis post ductam dentibus pellem toga non enitesceret? Num quid vespillo, Leno, Lanista cerdone ditiores aut honestiores? Quod ad gladiatores attinet, falso Lipsius existimat eos togatos depugnasse: ex Suetonio in Claudio. *Induxit unum ex nomenclatoribus suis sicut erat togatum.* Nam hoc tamquam novum notavit, quod gladiator togatus induceretur. Capitolinus autem in Pertinace inter vestimenta Commodi recenset *togam, armaquè gladiatoria gemmis, auroque composita.* Et Tertullianus hinc *togatos producit gladiatores.* Sed non alij usus fuisse togam credendum est, quam cum gladiatores in pompa ante pugnam incedebant, & spectaculum de se prebebant, siue ut Tertullianus loquitur producebantur, & de hoc Suetonius, & Capitolinus capiendi sunt. Quis enim credat togam fusum, ac prolixum vestimentum pugnae adhibitum?

Imperatores togati. Cap. XXVI.

P Opulus Romanus Quiritium omnis ius togæ habuit, diuque etiam plebs ipsa togata incessit. Immo sublata libertate ipsos Imperatores toga usus certum est. Nam præter Cæsarem qui in toga confossus est: tradit Suetonius Caligulam, cum die muneris essedario Porro ob prosperam pugnam servum suum manumittenti studiosius plausum esset, ita se proripuisse e spectaculis, ut calcata lacinia togæ præceps per gradus iret. Martialis quoque Domitianum *Martem togatum* appellat. Et alibi

Palmataque ducem, sed cito redde togæ.

Spartianus de Adriano. *Ipse cum in Italia esset semper togatus processit.* Capitolinus etiam notat Antoninum Philosophum per Brundisium in Italiam venientem togam sumpsisse, & milites togatos esse iussisse. Sic Pertinacem cum peteretur ad necem toga caput operuisse. Lamprid. in Alexandro. *In urbe semper togatus fuit, & in Italia Urbibus.* Idem. *Veste, ut & pingitur alba usus est, nec aurata, penulis, togisque communibus.*

Non

Non tamen toga pura , & communi semper vfos, sed aliquando toga purpurea & triumphali inde apparet , quòd inter reliquos honores hunc Cæsaria Senatu tributum testatur Dio lib. xlii. Τα μὲν γὰρ πρῶτα φέρεσθαι τε αὐτὸν αἰὶ , καὶ ἐν αὐτῇ τῇ πόλει τὴν σολὴν τὴν ὑπὸνίκιον ἐνδεδυκότα . *Primum ei datum est ut semper etiam in ipsa Vrbe toga triumphali indutus incederet.* Hanc autem fuisse purpuream, & pictam suo loco ostendemus . Malè qui , *ut veste triumphali cinctus versaretur*, verterunt . Nihil enim de cinctura apud Dionem extat . Eo tamen honore non semper vsum Cæsarem credere par est, quod Dio eodem libro tradit *eum ex S. C. vestem triumphalem omnibus ludis gestasse* . Et lib. lxi. post devictos Astures datam Augusto potestatem Kalendis Ianuarii singulis coronæ, & vestis triumphalis gestandæ . Sane reliqui Imperatores in civili habitu vulgarique . Quare Tacit. lib. xiii. Inter honores, quos sueta adulatione Senatus Neroni ob pulsos Armenia Parthos decreuerat eum precipue recenset, *supplicationes, & diebus supplicationum vestem principi triumphalem* . Capitolinus etiam in M. Antonino notavit ipsum, & Verum fratrem Ludos ob triumphum decretos spectasse habitu triumphali . Non igitur is in vfu communi .

Lampridius tradit, Alexandrum adeo civili ingenio fuisse, ut licet Imperator prætextam, & togam pictam nunquam sumeret, nisi cum esset Consul. & infra de eodem. *Hostia cruenta effugit, & ut se civiliter gerebat, ac permixtus populo erat, albam eius vestem cum qua consisterat, cruentavit.* Quare Commodum perstringit Herodianus lib. i. *Quod pro Romanorum Principum cultu leonis pellem indueret, purpureasque, & auro intextas vestes gestaret.* ἀμφιέννυτο τε ἀλουργεῖς καὶ χρυσοῦς εἰς ἐσθῆτας . Alibi de eodem. *ἀντὶ δὲ τῆς ὑπαρῆς καὶ βασιλικῆς πορφύρας* pro eleganti vestitu purpuraq; Imperatoria arma gladiatoria sumere solitum .

Non nisi igitur mali,superbiq; principes inuidiosum eum habitum vsurparunt . Dio Neronem in aduentu Teridatis triumphali veste vsum tradit lib. lxi. Sueton. de Caligula cap. lxxi. *Vestitu calceatuque, & cetero habi-*

tu, neque patrio, neque civili, ac re virili quidem, ac denique humano semper usus est. Sæpe depictas, gemmatasque indutus pannulas, manuleatus, & armillatus in publicum processit: aliquando sericatus, ac cycladatus, ac modo in crepidis, vel cothurnis, modo in speculatoria caliga, nonnumquam socco muliebri. Triumphalem quidem ornatum etiam ante expeditionem assidue gestavit. Quod etiam Dio tradit lib. LIX. Eodem triumphali ornatu usum Domitianum tradit Idem lib. LXXI. sed tantum cum in Senatum veniret. Quod egisse Marium Romanorum primum legimus in epitome Liuiana LXXI. Ita Heliogabali habitum, purpura auroque intextum, cultumque barbaricum Herodianus, & reliqui scriptores perstrinxerunt. Et Trebellius de Gallieno. Cum chlamyde purpurea gemmatisque fibulis, & aureis Roma visus est, ubi semper togati Principes videbantur: purpuream tunicam, aureatamque virilem, eandemque manicatam habuit. Tandem Vopiscus de Tacito: Togis, & tunicis iisdem est usus, quibus priuatus.

Togas in luctu, & calamitate publica depositas. Quæ vestis earum loco sumpta. Cap. XXVII.

Vestes sæpè in luctu publico, ac calamitate mutatas, togasque depositas Dion Cassius testis est non vno in loco. lib. XXXIIX. Cum eadem denro euenissent, decreuerunt, ut vestes mutarentur. Mox. Non tamen aut vestem lugubrem posuerunt, aut ad solemnes cætus predierunt. Quæ esset ista vestis mutatio declarat idem lib. XL. *Cos. τῶν βασιλευς ἐδῆτα καὶ δέσμοι, καὶ τῇ ἱππᾶδι*, Senatoriam vestem deponentes, & in veste equestri Senatum tamquam in magno luctu conuocantes. Rursus lib. LVI. *Sequenti die Senatus habitus, & ad eum, ἄλλοι τῶν ἱππᾶδων πολλοὶ ἐν δέσμοις ἐβλήθησαν, οἱ δὲ ἀρχόντες τῶν βασιλευς πᾶσι τῶν ἱματίων περὶ πορφύρων.* Reliqui quidem in veste equestri conuenerunt, magistratus vero in Senatoria, demptis prætextis. Cicero in Orat. post reditum. *Consul, cum vos vestem mutandam censissetis, cunctique mutassetis, unguentis oblitus, cum toga prætexta, quam omnes prætores, ædilesque tum abiecerant, irrisset*

squalorem vestram. Ex quēis perspicuum est, quod etiam notavit Faber in Semestribus, Senatores in luctu latum clauum deposuisse, & in veste equestri, idest angusti clauia incessisse: Magistratus deposita prætexta in lato clauo tantum, Equites sine clauo. Nollem tamen vir ille doctissimus adiecisset lib. II. cap. x. *Equites angusto clauo, & annulis aureis abiectis trabeatos ne, an penulatos, an tunicatos, ac forsitan etiam atratos prodysse in publicum*. Nam clauum, & annulos aureos deposuisse certum est, ceterum neque trabeati in luctu, (in funere Germanici id eius honori datum, vt eadem veste qua transuehebantur vterentur, idest trabea) & extra luctum etiam penulati, & tunicati, numquam atrati, nam luctus insignia erat annulorum, & clauī depositio.

Sed in plebe, cui nullum purpurei clauī ius fuit, quānam vestis mutatio esset, docti quæsiuerunt. Sanè omnes aliquando ciues vestem mutasse, vel Cicero docere potest in Sextiana. *Quid enim, inquit, quisquam potest ex omni memoria sumere illius, quā pro vno ciue, & benos omnes priuato consensu, & vniuersum Senatum publico consilio mutasse vestem?* Sunt, qui existiment togam pullam pro alba sumptam, vt etiam in priuato luctu. Sed dubitare non finit eiusdem Tullij auctoritas, mutationem vestis factam, positis togis sumendo saga militaria. Phil. xiv. *Brutum egressum iam Mutina cognouissem, propter cuius periculum ad saga issemus*. Et alibi. *Consulares togati* (idest sine prætexta) *esse solent cum ciuitas est in sagis*. Ipse etiam Dio lib. xvi. *Igitur neutra conditio approbata est, sed bellum potius iterum Antonio indictum, militesque iussu eum deferere, aliaque dies constituta: saga autem omnes Romani etiam ij, qui non proficiscebantur in bellum sumpserunt*. Vbi fortasse Dio ad distinctionem lacernarum, quæ in Vrbe gestabantur appellat τὰς χλαμύδας στρατιωτικὰς. Nam chlamydes, siue lacernæ etiam extra luctum vsurpatæ, immo tunc fortasse in locum togarum inductæ. Libera ergo Rep. numquam lacernæ sine togis, nisi in calamitate, & periculo, postquam togæ cum libertate excessere hæc vestis mutatio minime seruata, nec vllus scriptor eius meminit post ea tempora. An ve-

ro præter mutationē clauī etiam Senatores saga induerent, nō liquet; Videtur id Cicero docere loco laudato. *Consulares togatos esse solere cum ciuitas esset in sagis*; & Philippica IIX. *Equidem P.C. quanquā hoc honore vsi (consulatu) togati esse solent, quum est in sagis ciuitas, statui tamen a vobis, ceterisque ciuibus in tanta atrocitate temporis, tantæque perturbatione Reip. non differre vestitu.* Reliqui ergo non Consulares in sagis fuere, vel saltem sine togis. Sed & Consulares sagati. Nonnius in *Sagum. M. Tull. ad Cæsarem Iuniolem lib. I. Pridie Nonas Februarias cum ad te litteras mane dedissem descendi ad forum togatus, cum reliqui Consulares sagati vellent descendere.* Togam etiam in deprecatione depositam docet Cicero lib. IV. ad Atticum. *Serranus pertimuit, & Cornicinus ad suam veterem fabulam redijt, abiecta toga se ad soceri pedes abiicit: ille noctem sibi postulauit.* Si non ponebatur saltem deiiciebatur humeris. Suet. Aug. cap. LII. *Dictaturam magna vi offerente populo, genu nixus dejecta ab humeris toga, nudo pectore deprecatus est.*

An toga vestis domestica fuerit.

Cap. XXVII.

Togatos non nisi in publico Romanos fuisse Critici veteres obseruant. Nonius, *Toga sicut in consuetudine habetur, vestimentum est, quo in foro amicumur.* Et antiquissimo quidem tempore non modo domesticum, ac forense vestimentum toga fuit, sed, & diurnum, & nocturnum. Varro de vita pop. Rom. apud Nonium. *Prætereo, quod in lecto togas ante habebant, id enim olim fuit commune vestimentum, & diurnum, & nocturnum, & muliebre, & virile.* Mox alia vestis domestica, alia Forensis. Suetonius Vitellio cap. VII. *Subito militibus e cubiculo raptus, ita ut erat in veste domestica Imperator est consalutatus.* Idem Augusto cap. LXXIII. *Forensia autem, & calceos numquam non intra cubiculum habuit ad subitos, repentinosque casus parata;* Vbi Forensia vestimenta sunt quæ in foro, siue foris adhibebantur, ut toga, lacernæ, ac penulæ; Augustus domi veste domestica indutus in cubiculo tamen

semper togam, & calceos habuit ad subitos casus, vt si egrediendum esset non nisi cum toga conspiceretur. Idem Caligula cap. xvi i. *Posteriore epulo Forensia insuper viris, ac pueris, ac feminis fascias purpureæ, ac conchylij distribuit.* Græci etiam togam stolam Forensem dixerunt. Dio lib. lxi. vbi Neronis insaniam in equos Circenses percenset tradit ab eo insignes equos victores, & iam senio confectos *εὐχρηστὰς ὡς ἄνδρας τινὰς κερῆσαι*, stola Forensi idest toga non secus, ac homines ornatos fuisse. Lampridius in Alexandro. *Vestes Forenses binas, domesticas singulas.* Quæ nam igitur vestis domestica si toga tantum Forensis? Manutius fuisse lacernam suspicatur; loca tamen scriptorum, quibus id confirmat, nihil aliud ostendunt, quàm loco togæ sumptas fuisse lacernas, & sic eas quoque vestimentum Forense fuisse.

Ego crediderim, domi tantum tunicatos fuisse, ita tamen, vt hyeme pluribus tunicis vterentur quod de Augusto tradit Suetonius; si quis tamen lacernas, etiam domi pellendo frigori adhibitas contendat, non multum repugnauerim: licet, quòd sciam, nullus veterum hoc tradiderit.

Toga in conuiuijs adhibite. Toga submissa.

Cap. xxix.

Licet toga vestimentum Forense fuerit, conuiuijs tamen adhibitam maxime publicis, ac solemnibus accepimus. Cicero Vatiniū reprehendit, quòd in epulo Q. Arrij cum toga pulla accubuerit, cū tot hominum millia accumberent, cum ipse epuli dominus albatuſ esset, idest in toga alba. Sallustius etiam apud Macrobiū Metelli luxum in Hispania carpens inter cetera ait, *togam pictam plerumque amiculo fuisse accubentem.* Postremo apud Spartianum, *Adrianus ad conuiuium venientes senatores stans excepit, semperque, aut pallio reclusus discubuit, aut toga submissa.* Togam submissam viri doctissimi, quæ sub brachium missa esset, interpretati sunt; Quòd cum in conuiuiō exerto brachio opus esset, consueuisse discubentes togam, quæ in publico vtrumque humerum operie-

operiebat, ab dextro deijcere, & sub dextro item brachio in læuum humerum congerere: hancque fuisse togam submissam.

Hoc rectè se haberet, si verum esset, in publico vtrumque humerum togâ obuolutum fuisse: quod vt de antiquissimis temporibus non negarim, ita posteriori æuo fuisse in vsu negant statux ferè omnes togatæ, quas videre potui, negant veteres nummi, qui dextrum cum humero brachium extertum ostendunt. Negat Quintilianus lib. xi. *Sinus qui sub humero dextro ad sinistrum obliquè ducitur velut balteus, nec strangulet, nec fluat.* Non magis ergo in conuiujs, quàm in publico, submissa toga fuisset, vtroque enim sub dextrum brachium missa, & in læuum humerum recurrens.

Quare togam submissam nihil aliud, quam demissam fuisse crediderim. Nam cum, vt diximus antè ita toga gestaretur, vt exerto dextro brachio, sinistro verò togæ subiecto lacinia eiusdem subduceretur, & contraheretur in rugas: sinistram brachium hoc modo togæ congestu oneratum nulli vsui in conuiuio esse poterat; Quare qui togati accumbabant, submittebant togam, hoc est partem sinistro brachio contractam defluere ad pedes patiebantur, tum ipsum brachium quod sinui, ac rugis sustentandis occupabatur per superiorem togæ oram, vt & dextrum exerebant, ita vt togæ vtrique brachio subiecta, & demissa, & submissa dici posset.

Cum igitur mos esset in conuiuio togas cænatorijs mutare, notat Spartianus Hadrianum, vel palliatum, vel togatum accubuisse. Et pallium quidem cum esset apertum, vtrūque brachium excluderat: at togâ clausâ, cum dextrum tantum exereretur, sinistram contrahendo sinui impeditum esset, vt vtrumque expediri posset, debuit sinistram extrahi, & sic toga vtrique brachio submitti, quæ inde submissa dicta est. Quod verò adiungunt, palliatos omnes brachium extertos fuisse, palliumque, & togam submissam inuicem respondere, alias videbimus: & aliquid diximus cum de Cætone Iuridicinæ tempore Græcis fauente disputauimus.

Ceterum Imperatoris cænæ nemini licuisse acumbere, nisi
togato,

togato, ex Spartiano obseruatum est in Seuero. *Habuit etiam aliud omen Imperij, cum rogatus ad cenam Imperatoriam palliatus venisset, qui togatus venire debuerat togam præfidiariam ipse Imperatoris accepit.* Togam præfidiariam dictam volunt Interpretes, quam Præsidens gestaret, quam vocis notationem, vt feramus, nescio tamen cur potius *Præses*, vel *Præsidens* nouo nomine, quam *Cæsar* aut *Imperator* dicatur, & sic ab eo toga potius Cæsaria, & Imperatoria, quàm præfidiaria.

Vestis conuiuialis. Cænatoria. Synthesis.

Cap. XXX.

HAec quidem in epulis publicis, & Imperatorijs: domi autem priuatis conuiujs togas cænatorijs mutabant, quas, & *Syntheses* dixerunt. Harū mentio frequens in antiquis scriptoribus, precipuè apud Martialem, eaque omnibus obuia. Lipsius in Saturnalibus *synthesim* fuisse tantum ditiorum, & lautiorum existimat, & eum secutus commentariorum Martialis consarcinator. Sed quid probet, non video, Martialem adducit.

Vndecies vna surrexit Zoile cæna,

Et mutata tibi est synthesis vndecies.

Deinde quod Suetonius tradit, *Neronem plerumque synthesinatum prodijisse in publicum sine cinctu, & discalceatum.* Sed ex neutro fuisse tantum lautiorum intelligas. Zoilum quidē diuitem fuisse, & fastosum, quòd magnum *synthesim* numerum haberet, quas subinde ad ostentationem inconuiuio mutaret: non tamen *syntheses* tantum a diuitibus gestatas: sibi etiam eodem epigrammate, licet nec diuiti, nec lauto fuisse *synthesim* dicit Martialis, sed vnā tantum, *Quare ego non sudo qui tecum Zoile ceno?*

Frigus enim magnum synthesi vna facit.

Nec quod Nero *synthesinatus* processerit, ideo vestis pretiosa. Nam, & Imperatores togati, & tunicati, ergo utraque vestis tantum lautiorum fuit. Idem Nero discinctus, & discalceatus, ille igitur habitus ditiorum modò fuit. Reprehendit

hendit eum Suetonius, quod synthesi, idest veste conuiuali sine calceis, & cinctura visus sit, quod postea, & alij Principes monstroſi imitati sunt. Certè eum circa habitum fuisse pudendum idem subiicit.

Multo minus scholiastæ ratio valet, qui ex alijs Martialis verbis id confirmat.

Synthefibus dum gaudet eques, dominusquè Senatus.

Fuisse ergo gestamen equestris ordinis, & Senatorij. Falsò, Nam poëta ad indicandam saturnalium licentiam ait, non solum vulgus, sed vtrumque ordinem posita toga cum synthefibus, siue cœnatorijs incessisse. Idem lib. xiv. *Synthefis*

Dum toga per quinas gaudet requiescere luces,

Hos poteris cultus sumere iure tuo.

Non hic Senatum, aut equites alloquitur, sed Romanos omnes, qui saturnalibus synthefinati, siue in Coenatorijs, quasi eo tempore esset perpetuum conuiuium. Quare merito Carisianum reprehendit Martialis, quod saturnalibus togatus incederet. lib. vi. xxiv.

Nil lasciuus est Carisiano

Saturnalibus ambulat togatus.

Seneca ep. xviii. *December est mensis cum maxime ciuitas defudat (saturnalibus). Si te hic haberem libenter tecum conferrem, quid existimares esse faciendum, vtrum nihil ex quotidiana consuetudine mouendum: an ne dissidere videremur cum publicis moribus, & hilarius canandum, & exuendam togam. Nam quod fieri nisi in tumultu, & tristi tempore ciuitatis non solebat (cum scilicet ad saga transiretur) voluptatis causa, ac scſiorum dierum vestem mutauimus.*

Fuit ergo synthesis communis conuiuantium vestis etiam viliorum: cuius vsus etiam in municipijs. Idem poëta Hispanus. lib. iv.

Duxit, & æstates Synthefis vna decem.

Quod tamen poetice dictum.

Potuerè quidem esse pretiosiores diuitum, & lautorum, ceterum commune discumbentium vestimentum fuisse apparet.

Quale

*Quale Vestimentum fuerit Synthesis. Lipsij sententia
examinatur. Cap. XXXI.*

Synthesim ad instar pallij fuisse Lipsius existimat, ex Martiale.

*Ad mensam venio, sed sic diuisa recumbes,
Vt non tangantur pallia nostra tuis.*

Et Ouid. de arte.

*Hec tamen aspiciam: sed quæ benè pallia celant,
Illa mihi cæci causa timoris erunt.*

Mox. *Hoc tu non facies: sed ne fecisse puteris,
Conscia de tergo pallia deme tuo.*

Catullus.

Pertundo tunicamque, palliumque.

Sed in eo fallitur vir doctissimus quod pallium illud, quod apud Petronium Trimalcio, *adrasum incluserat caput*, Synthesim fuisse existimat: nam illud palliolum fuit, quo mulieres, viri etiam languentes, & delicati caput obnubebant, de quo infra. Vestimenta cubitoria appellat Synthesim idem Petronius. *Vestimenta mea cubitoria perdidit, quæ mihi natali meo donauerat cliens quidam, Tyria sine dubiò, sed iam semel lota.* Vbi frustra idem vir doctissimus, *Sed semel lota*, corrigit, quem satis alij refutarunt. Ultimo loco censet, Synthesim fuisse lænam quod etiam non omnino verum est; Nam licet lænam aliquando conuiujs adhibitam sciamus, non tamen semper, vt infra ostendam, neque eadem cum Synthesi fuit.

Sed quæ Synthesis forma esset, diuinandum est. Ad instar pallij fuisse, vt diximus, censet Lipsius. Atqui Xiphilinus tunicam fuisse ostendere videtur; Nam narrans illud, quod de Nerone Suetonius tradit, circa cultum; habitumque adeo pudendum fuisse, *Vt plerumque Synthesim indutus legato circa collum sudario prodierit in publicum sine cinctu, & discalceatus*, ait Xiphilinus lib. LXIII. *χιτωνιον τι ἐνδεδυμένος ἀνδρῶν, καὶ γυνδόνιον περὶ τὸν αὐχένα ἔχων.* Vbi Synthesim tunicu-

nículam appellat. Sed fortasse innuit, Neronem aliquando cum Synthesi, hinc sola tunicula indutum processisse in publicum. Synthesim enim a tunica distinctam fuisse certum est, alioqui Romani in conuiuijs, & Saturnalibus tantum tunicati fuissent. Idem lib. LXVIII. de Cornelio Frontone causarum patrono qui cum aliquando alta nocte a cœna domum rediret, ac intellexisset a quodam cui patrocini-um promiserat, Hadrianum ius reddere *ἐν τῇ τοῦ τῆ δει-
ωνίτιδι* vterat in cœnatorio amictu ad tribunal accessit.

Non aliud igitur dicere possumus, quam fuisse adinstar pallij, vt vult Lipsius, vel linream sindonem, qua inuoluebantur in conuiuijs reliquis, vt plurimum, depositis vestimentis: licet Martialis, & Ouidius *pallia* appellent communi voce, quæ de omnibus vestimentis accipitur. Sane in antiquis Trichiniorum figuris homines seminudi cubant, solo linteo, quod fortasse Synthesis, semiamicti. Atque ita sindonem, qua *indutus super nudo adolescens* ille erat, qui Christum D. à Iudeis captum sequebatur, quaque relicta nudus aufugit Synthesim fuisse crediderim, vel certè vestem conuiualem, nam ille recens a Cœna Dominica, in qua discubuisse Christum D. certum est, & fortasse vestimenta de more gentis cœnatorijs mutasse. Quas tamen vestes non fuisse pretiosas (vt volebat satis futili coniectura Baronius) ostendit Casaubonus exercit. XVI. Fuere & cœnatoriæ muliebres. Pomponius de auro argento legato. *Quæ* *Mutius ait,*
scire se quendam Senatorem muliebribus cœnatoris xii solitum.
Quæ fortasse colore a virilibus distincte. Martial. lib. x. XXIX.

Quam mihi mittebas Saturni tempore lancem


Misisti domina Sextiliane tue.

Et quam donabas dictis a Marte Calendis

De nostra Prasina est synthesis empta toga.

Pretios, quo emere solebas togam quam mihi natali meo mitteres, emisisti viridem cœnatoriam amicæ.

Fortasse Synthesis est, quâ indutum videmus senem discubiturum in monumento, quod publicauit Vrsinus ad Ciacconij Trichinium. Tabula. VIII.



An extra Urbem toga usus fuerit . Toga etiam in militia . Cap. XXXII.

NON Romæ modò , sed quacumque Romanum patuit Imperium in pace Quirites togati fuere. Eodem habitu. vñ quicumque Romanis legibus gaudebant. Coloniae item , & municipia . Tacitus Histor. lib. II. *Ornatum ipsius municipia, & Colonia in superbiam trahebant : quòd versicolore sagulo , brachias tegmen barbarum indutus togatos alloqueretur. Manutius negat socios Pop. Romani toga vsos esse , & tamen honoris causâ mortuos togâ elatos. Verum non socios modo , sed Italos penè omnes toga vsos illud argumento est , quod abijs Romani togas acceperint. Immo Arcades siue Argiuos , Lydos quoque togâ vsos Tertullianus , & Artemidorus docent. Gentes etiam deuictæ simul cum seruitute togam accipiebant. Tacitus in Agricola . iam vero principum filios liberalibus artibus erudire , & ingenia Brittanorum studijs Gallorum ante ferre , vt qui modo linguam Romanam abnuebant, eloquentiam concupiscerent . Inde etiam habitus nostri honos , & frequens toga . Dio lib. XLVI. de Gallia togata . vocabatur autem altera quidem Gallia togata , quod reliquis videretur esse pacatior , quodque τῇ ἐδῆτι τῇ Ρωμαϊκῇ τῇ αἰσικῇ ἐχρῶτο ἡδὴ . iam tum Urbanum Quiritium vestimentum vsurparent. Strabo lib. III. de Hispanis . Et qui hanc formam sequuntur Hispani σολάτοι λέγονται , ἢ τογᾶτοι . Stolati, siue togati dicuntur. Infra de Celtiberis . Tertius mediterranea regit , atq; continet pacatos iam populos, καὶ εἰς τὸν ἡμερον, καὶ τὸν Ἰταλικὸν τύπον μετακειμένων ἐν τῇ τηβερνικῇ ἐδῆτι , & mansuetis moribus & cum toga formam indutos Italicam . Quòd vero socij Romani nominis , honoris causâ efferentur in toga, cum togæ ius non haberent , ex Iuuenale , vt vult Manutius , non deprehenditur . Verba eius sunt .*

Pars magna Italia, si verum admittimus in qua

Nemo togam sumit nisi mortuus.

Eaquidem tempestate tota ferè Italia Romanis legibus vivebat , & ideo togata; Lilius lib. VI. de Tusculanis .

trantibus fines Romanis non demigratum ex propinquis itineris locis: non cultus agrorum intermissos: patentibus portis Urbis togati obuiam frequentes Imperatoribus processere. Et lib. xxiv. de Pinario Arcis Ennenfis Præfecto. *Cum toga signum dederò, tum mihi undique clamore sublato turbam innadue.* Etiam lib. xxi. de Perolla Campano *cum mirabundus pater quid nam id esset consilij quereret, toga reiecta ab humero latus succinctum gladio nudat.* Illud tamen eueniebat, vt raro admodum tanquam rure essent, togam induerent, sed sola tunica vterentur. Iuuenalis. *Clari velamen honoris.*

Sufficiunt tunice summis AEdilibus albæ

Vbi etiam ipsi magistratus sine toga. Senatus ipse in tunicis. Idem.

— *ipsa dierum*

Festorum, herbofo colitur si quando theatro

Maiestas:

Aequales habitus illic, similemque videbis

Orchestra, & populum.

Martial. de vita municipali

O soles! o tunicata quies.

Cic. in Rullum de Capuanis. *Iam vero qui metus erat tunicatorum illorum?*

Aliquando tamen, sed raro togæ adhibitæ, vt in sacrificijs, & officijs solemnibus. Martialis lib. iv.

Egisti vitam semper Line municipalem,

Qua nihil omnino dulcius esse potest:

Idibus, & varis togula est excussa Kalendis.

Vbi raras appellat non quod rarò Linus in Urbem ventitaret, sed quod Kalendæ, & Idus, quibus municipes ad sacra togati conueniebant, raræ sunt, semel enim tantum in mense veniunt.

Ideo etiam in toga elati: vt Romæ etiam vilissimi homines. Martial. lib. ix.

Nec pallens toga mortui tribulis.

Quærit etiam Manutius, an togæ vsus in exercitu fuerit. Et Liuius quidem sæpe togarum militarium mentionem facit.

Vt

Vt lib. XXI. stipendium eius anni duplex, & frumentum sex mensium imperatum, sagaque & toga exercitui. Et sine eiusdem libri. Vestimenta exercitui deerant; id mandatum Octavio, ut cum pratore ageret. Mille ducentæ togæ breui spatio, & XII. millia tunicarum missa. Idem Dec. v. lib. IV. C. Sulpicius Pr. sex millia togarum xxx. tunicarum, & equos deportanda in Macedoniam præbendaque arbitratus Consulis legavit. Et tamen alibi togas in exercitu visas pro re inusitata ponit. Vel ergo, quod idem existimat, non omnibus militibus togæ, sed tantum honestioribus tributæ sunt. Vel fortasse dum statius in Urbibus, ac municipijs attinentur, toga vsmilites sunt, nequaquam in castris. Vel de antiquissimis temporibus Linius capiendus est, quibus etiam togæ in acie, & prælio ut diximus, & inde ritus præcingendi, & in procinctu, cinctusque Gabinus dimanavit.

Milites etiam Prætoriani, quia in Vrbe, remoto terrore chlamydem fortasse togati; Saltem cohors quæ more militiæ excubabat, ut vult Lipsius ex Tacito lib. I. Hist. *Nec una cohors togata defendit nunc Galbam, sed detinet.* In reliquis nullus togæ usus pacemque toga, bellum sago notari quis nescit?

Quando toga in desuetudinem abierit. Aue togatorum. Patroni togati. Cap. XXXIII.

EXutam simul a Romanis cum libertate togam, indicat Suetonius, qui cap. XL. de Augusto loquens ait. *Etiam habitum, vestitumque pristinum reducere statuit: ac visa quondam pro concione pullatorum turba indignabundus clamitans, En, ait*

Romanos rerum dominos, gentemque togatam

Negotium Aedilibus dedit, ne quem posthac paterentur in foro, circue, nisi positis lacernis togatum consistere. Quæ satis declarant, sub Augusto penè desuetam togam, si officia clientum excipias, & in earum locum lacernas fucessisse.

Quo tempore ait Lipsius, quique eum sequuntur, togam penes paucos, & quidem honestiores remansisse. Hoc ve-

rum

rum est, si loquantur de communi, & continuo togæ vsu; Nam si officia respiciamus, quibus clientes *Aue matutinum* patronis, ac magnis amicis portabant, eosque in forum deducebant, ac reducebant, tunc etiam a vulgo, & vilissimis hominibus toga gestabatur.

Quod togati illud officium peragerent, nimis notum est. Martial.

*Si matutinos facile est tibi rumpere somnos,
A trita veniet sportula sæpè toga.*

Iuuenal.

Nineos ad fræna Quirites.

Et alibi sæpissimè. Vbi Vetus Interpres.

In candidis togis officium facientes. Et

Togati ante pedes.

Hinc Martialis togas pro clientibus togatis vsurpat. lx. ep. vii.

Nec vocat ad cenam Marius, nec munera mittit

Nec spondet, nec vult credere: sed nec habet.

Turba tamen non deest sterilem quæ curet amicum

Eheu quam fatua sunt tibi Roma togæ!

Seneca epist. iv. *Vt famensitumque pellas non est necesse superbis adsidere liminibus, nec supercilium graue, & contumeliosam etiam humanitatem pati. Non est necesse maria tentare, nec sequi castra. Parabile est quod natura desiderat, & expositum: ad superuacua sudatur. Illa sunt quæ togam conterunt, quæ nos senescere subtentorin cogunt. Idem de Vita beata cap. xxiv. Quis enim liberalitatem tantum ad togatos vocat? Vbi togati non sunt liberi, ut censet Lipsius, licet sequatur, serui liberi ne sint. Nam ætate Senecæ cum toga fere penes solos clientes remanisset nullum inter seruos, & ingenuos in habitu discrimen. Sed togati sunt clientes, ut rectius censet Muretus, qui limina potentiorum obseruabant ut deducerent, & reducerent. Quod officium diutissimè Romæ durauit etiam postquam Imperium Bizantium translatum. Nam circa vrbis Præfectos togati officium præstabant. Marcellinus lib. xv. de Leontio Vrbis Præf. qui ad concitatam multitudinem*

inui-

inuitis amicis pergebat . *Illuc de industria pergens Præfectus ab omni toga, apparitioneque rogabatur enixius, ne in multitudinem se arrogantem immitteret, & minacem.*

Quod etiam tenuio res, atq; obscuriores in toga officium illud obirent, vt sportulam lucrarentur, clare idem Iuuenalis.

— *nunc sportula primo*

Limine parua sedet turba rapienda togata,

Mox.

Iubet a præcone vocari

Ipsos Troiugenas, nam vexant limen & ipsi.

Ergo præter Troiugenas etiam viliores; Hincpè quos idem indicat.

Quid facient comites quibus hinc toga, calcens, hinc est

Et panis fumusque domi?

Nec multo post

— *caules miseris, atque ignis emendus.*

Alia ad hoc confirmandum attulit Kercoetius in Mastigophoro tertio.

Et quoniam magna pars populi Romani in his officijs occupata erat, non in totum togæ vsus abolutus est. Mane togati salutatores, iidem ante ambulones Regis, deductio, ac reductio togata, vt tota ferè dies vsque ad balnearum coenæque horam a togatis transigeretur. Atque hinc tam frequens apud Martialem & reliquos eius æui scriptores togæ mentio. Sed an eodem tempore Oratores, & causarum patroni cum agerent, togati essent, non ita certum est. Quintilianus quidem Oratori suo togam dat, eamque morose vsque ad rugas disponit. *Togati etiam Augustorum, & Togati Præfectorum* in antiquis Inscriptionibus, quos aduocatos qui apud Augustum, vel apud Præfectos causas agebant, rectè docti intellexerunt. Huc spectat etiam Taciti locus si tamen sanus est lib. xi. vbi aduocati legem Cinciam deprecantur, quæ pro orando mercedem capere vetabat. *Se modicos Senatores, qui a Rep. nulla nisi pacis emolumenta peterent: cogitare plebem, qua toga enitesceret.* Sic postrema verba corrigit Lipsius, & interpretatur, etiam quemuis e plebe oc-

cupatum, vt emergeret ſe, & nitidiorē toga eniteſceret.⁷ Sed correctionum nimius Lipſius eſt. In veterilegitur *cogitare*, quod rectum eſt. Ipſe nempe Claudius, apud quem pro ſe orant patroni, reſpiceret plebem, ſive plebeios patronos, quibus nullum niſi ex mercede cauſarum emolumentum. Nam etſi Senatores, ac procere ob cauſam orandam pecuniam donumue non acciperent, Claudius cogitaret plebem, quæ non niſi toga, ideſt mercede orandi in nomen, ac ſamam venire poterat. Hoc eſt *eniteſcere*, non autem candidiorē toga vti. Qui locus indicat, togam aduocatorum propriam fuiſſe. Liuius lib. xxii. de C. Terentio Varrone. *Vnus inuentus eſt ſuaſor legis C. Terentius Varro, loco non humili ſolum, ſed etiam ſordido ortus, patrem lanium fuiſſe ferunt, ipſum inſtitorem mercis, filioque hoc ipſo in ſeruili artis eiꝝ miniſterio uſum. Is inuenis, vt ex eo genere quaſtus pecunia a patre relicta animum ad ſpem liberalioris fortuna iecit, togæque, & forum placuere, proclamando pro ſordidis hominibus, cauſiſque aduerſus rem, & ſamam bonorum, primum in notitiam populi, deinde ad honorem peruenit. Quo loco æuum ſuum reſpexiſſe Liuius videtur, quo toga ferme apud patronos in foro, nam tempore Varronis omnes ciues vulgo togati, etiam plebeiꝝ, ac ſordidi. Fortaſſe & Seneca lib. ii. de Ira in hoc ſenſu capiendus eſt. Nam cum dixiſſet. *Hec tot millia ad forum prima luce properantia, quam turpes lites, quanto turpiores aduocatos habent?* Subijcit paulo poſt. *Inter iſtos quos togatos vides nulla pax eſt: alter in alterius exitium leui compedio ducitur.* Clarius de conſtantia cap. ix. *Vt accuſatore ſubmiſſo, aut criminatione falſa, aut irritatis in nos potentiorum motibus: quæq; alia inter togatos latrocinia ſunt.* Quem videtur imitatus D. Cyprianus epiſt. ad Donatum. *Sauit inuicem diſcordantium rabies, & inter togas pace rupta forum litibus mugit inſanum.**

Apuleius etiam improbos patronos togatos vulturios appellat. Nec alia mens Martiali fuiſſe videtur lib. vii. ep. l.

Iure madens, varioq; toga limatus in uſu

Non lector meus hic Urbice, ſed liber eſt.

Quod explicant *attrita indutum*, toga qua in varijs officijs uteretur.

uteretur. Sed cum eum iure coctum, siue madentem appellat, in causis, ioroque versatum indicat, & tam officijs quam agendis causis exercitum. Idem Quintilianum *gloriam Romanæ togæ appellat*. Eleganter Ovidius de remedio lib. I. forum Iudiciale appellat castra civilis togæ.

Desidiam puer ille sequi solet: odit agentes

Da vacuæ menti quo teneatur opus.

Sunt fora, sunt leges, & quos tuearis amici

Vade per urbem splendida castra togæ.

Id etiam indicare Iuuenalis videtur Sat. I IX.

— *tamen ima plebe Quiritem*

Facundum inuenies, solet hic defendere causas

Nobilis indocti, veniet de plebe togata,

Qui iuris nodos, & legum anigmata soluat.

Et tamen idem Iuuenalis alibi videtur causidico togam adimere, lacernas dare. Sat. VII.

— *purpura vendit*

Causidicum, vendunt amethystina

Hoc est, lacernæ purpureæ, & amethystinæ: nam toga nulla oratoribus purpurea, sed communis: nisi de lato clauo intelligamus, quod fieri non potest, quia non omnes patroni lato clauo, deinde nullus amethystini vsus in clauo, ut dicemus. Non nisi ergo de lacernis, aut lænis intelligere possumus, quæ togæ iniiciebantur. Atqui auctor de causis corruptæ eloquentiæ, qui eorum temporum æqualis fuit, indignatur, togas ab Oratoribus depositas, & earum loco pænulas sumptas. *Paruum, inquit, & ridiculum fortasse videtur, quod dicturus sum: dicam tamen, vel ideo ut rideatur. Quantum humilitatis putamus eloquentiæ attulisse pænulas istas, quibus æstricti, & veluti inclusi cum ludicibus fabulamur?* Hæc verba vellem respexissent, qui eum dialogum Quintiliano adscribunt, qui cum Oratoris habitum describit, solam togam agnoscit, non dissimulaturus illud incommodum, si suo tempore Oratoriæ maiestati offecisset. Ceterum etiam Au. onij acuo causidici togæ. Parentalibus de Arborio auunculo.

Te sibi Palladia antetulit toga docta Tolosa

Te Narbonensis Gallia preposuit.

Ornasti cuius Latio sermone tribunal

Et fora Hiberorum, quaque Novem populis.

Et Symmachi. epist. xxxix. lib. v. *Epictetus toga forensis honore privatus est.* Paulo ante eum Causidicorum clarissimum appellat. & lib. ix. ep. xxviii. Ait *Cartesium toga amicum esse*, idest ad vocatorum. Ceterum togatos pro Aduocatis a Iurisconsultis inferioris aevi accipi doctis ad notatum est, pluraque loca congeffit ad Symmachum Iuretus.

Togas Imperatorum ano non in totum depositas.

Cap. XXXIV.

Veterem habitum reducere tentauit Augustus ut vidimus ex Suetonio. Tentasse etiam Domitianum quidam ex illo Martialis colligunt.

Romanos rerum dominos, gentemque togatam

Ille facit, magno qui dedit astra patri.

Quod tam Domitianus, quam Augustus parentem suum Cœlo adscripserit. Sed non nili tentasse apparet. Sicut, & Adrianum, qui Senatores, & Equites Romanos semper in publico togatos esse iussit, nisi si a cœna reuerterentur; nec secus Antoninum, qui etiam milites togatos esse voluit. Tentarunt inquam, nam id haud quaquàm obseruatum. Apud Gellium Titus Castricius discipulos quosdam suos Senatores obiurgat, quòd die feriato lacernis, & tunicis, & Gallicis induti fuissent abiecta toga; Adycit eiusmodi vestitum de multo iam usque ignoscibilem.

Non omnino tamen sub Imperatoribus, & ab omnibus depositam togam præter clientum officium docet Seneca ep. xlix. *Si te hic haberem libenter conferrem, quid existimares esse faciendum: utrum nihil ex quotidiana consuetudine mouendum: an, ne dissidere videremur cum publicis moribus, & hilarius exuendum, & exuendum togam.* Igitur extra Saturnalia toga in aliquo usu erat, quam Seneca quaerit an exui oporteat Saturnalibus. Idem ep. cxv. *Mirari quidem non debes corrupta excipi non tantum a corona sordiatore, sed ab hac turba quoque cultigare.*

tiore. Togis enim inter se isti, non iudicijs dissident. Iuuenalis item.

Veniet de plebe togata,

Qui iuris nodos, qui legum enigmata soluat.

Vbi plebs togata non est minuta, & sordidior, vt volunt Interpretes, sed quæ Iudicijs, eloquentiæ & causis agendis operam dabat, & propterea in togâ. Martialis etiam.

Cum coleret puros pauper Telestinus amicos

Errabat gelida sordidus in togula.

Quæ omnia ostendunt, præter officium salutationis etiam penes aliquos togam remansisse.

In Ludis etiam togam perseuerasse docet Lampridius in Commodo. *Et contra consuetudinem penulatos iussit spectatores, non togatos ad munus conuenire, quod funeribus solebat. Quamquam alij ex Dione non spectatores, sed senatores legant. Et Martial. lib. XII I.*

Delicium paruo donabis Dorcada nato:

Iactatis solet hanc mittere turba togis.

Cuius distichi sententiam hanc esse suspicatur Turnebus, Dorcadam in arenam mitti dato a Quiritibus signo vestis iactatæ sinu. Sed mera suspicio videtur, ad quid enim Dorcas dato signo iactatis togis in arenam missa est? Ouidius de aliare loquitur III. Amorum eleg. II.

Fauimus ignauo, sed eum reuocate Quirites,

Et date iactatis undique signa togis.

In Circo enim iactatis togis ignaui agitadores reuocabantur: vt contra sententiam Casauboni, & Bulengeri rectè statuit Franc. Bernardinus Ferrarius V. C. in libro de veterum Acclamationibus.

Alij Martialem sic accipiunt, quod Dorcadem in arenam missam turba agitare, & venari soleret iactatis togis. Sed quis credat togam venationi adhibitam, aut quis hic modus venandi iactatis togis? Mihi simplicior sensus videtur, Dorcadem, siue damam animal timidum in arenam missum nullo canum terrore, sed sola togarum iactatione agitatum a spectatoribus: Vel quod magis arridet ludicri causa Dorca-

dem subiecta toga, & iactata in sublime missam, vt ineptorum libris factum scimus.

Ibis ab excusso missus in astra sago.

Sed hæc, & nos suspicamur, & meliora ab ijs expectamus, qui præ se ceteros fœnum putant. Vt ad togam redeamus, quam sublata libertate sensim desijisse in vsu esse diximus, licet ab aliquibus retentam: mihi semper illud maximè mirum visum est, sub Seuero Imperatore, cuius ætate floruit Tertullianus, quomodo adeò in vsu promiscuo toga præcipuè Carthagini fuerit, vt reprehensus propterea fuerit a Carthaginienlibus vir ille magnus, quod a toga, ad pallium transisset, vt scripta Apologia consilium tueri suum debuerit. Si enim tunc Carthagini quemadmodum Romæ in non frequenti vsu toga erat cur ita ciuium oculos offendit Tertullianus deposita toga palliatus? Nec credibile est, cum Romæ sublatus vsus eius esset, in colonia retentum, cum florente Rep & promiscuo in Vrbe togarum vsu, rarus admodum in Colonijs, ac municipijs esset. Videant docti.

Tunicatus populus. Pullatus circulus.

Cap. XXXV.

P Ost quam togæ in desuetudinem abierunt in earum locum lacernæ, ac pænulæ successerunt: de quibus intra dicemus; Itaut lacerna, quæ vestimentum militare erat, in habitum pacis transferit, & pænula, quæ viatorium, promiscuè gestari ceperit. Quamquam autem varij coloris fuisse lacernas ostendemus, vt plurimum tamen nigræ vulgò, siue pullæ gestabantur. Suetonius loco laudato de Augusto. *Visa quondam pullatorum turba, dedit negotium Aedilibus, ne quem paterentur in foro, aut circo nisi positis lacernis togatum consistere.* Pullatos appellat, qui cum lacernis erant.

Sed viliores ferme hunc in lacernis colorem amabant. Hinc *pullatum circulum* Quintilianus de populi minuti concione; quod de pænulis docti interpretari maluerunt, cum tamen pullatos lacernatos dicat Suetonius: & frequentior
per

per ea tempora lacernarum vsus, quàm pænularum: etsi non ignorem, hoc vestimentum confundi. Vt vt sit, idem populus minutus, & pullatus, & tunicatus dicitur; si autem pullatus a lacernis, vel pænulis dicebatur, quomodo idem tunicatus; nisi eandem rem lacernam, & pænulam cum tunica facere velimus, quod video doctis viris in mentem venisse. Sed hoc minime ferendum est, & opinio de pænula, quòd eadem cum tunicâ, auctori suo displicuit.

Rectius ergo dixerunt, tunicatum dici de vilissima plebis parte, quæ nempe sola tunica in cedebat, sine vlla lacerna, vel penula, vt apud nos etiam vilissimi sine pallio incedunt. Quod vt verum est, ita illud negari non potest, hunc populum tunicatum non potuisse dici pullatum, vt passim à scriptoribus appellatur: Nam tunicas fuisse albas non est dubitandum; Ergo albus fuerit popellus in tunicis, non pullatus. Et tamen maiorem populi partem sellularios opifices, vilissimæque mercis institores tunicatos incesisse credibile est.

Huic difficultati soluendæ duo sunt, quæ nunc succurant. Alterum est, tunicas vilissimorum hominum licet albæ initio fuerint, tamen longo vsu tantum sordium contraxisse, vt pullæ viderentur, & hinc pullatam turbam dictam. Sanè vtrumque coniunxit Plinius lib. vii. i. epist. *Nonne cum surgis ad agendum, tum maxime tibi ipsi diffidis, tum commutata non dico plurima, sed omnia cupis, utique, si latior scena, & corona diffusor. Nam illos quoque sordidos, pullatosque reueremur.* Alterum est, quod quemadmodum in locum togarum, quæ albæ, alterius coloris vestes, & maximè pullæ successerunt, ita, & fieri potuisse, vt plebs minuta pro tunicis albis, alium colorem usurpare ceperit pullum nempe ad instar lacernarum, vel pænularum, & ideo pullatam dictam esse.

*Christi Sacerdotum vestem exteriorem Missarum Sacris
adhibitam togam fuisse videri. Pænula :*

Planeta: Casula. Cap. XXXVI.

Explicatis, quæ ad togam communem pertinebant, non abs refuerit inquirere, num aliquid in nostro cultu sit, quod Romanam togam referat. Et diligenter scrutantibus nulla togæ species in communi vestitu apparet. Nam quas Doctorem togas dicimus, item quæis Veneti ciues induuntur; non togæ sunt, sed talaris tunicæ apertæ, & manicatæ quorum nihil in Romanâ togâ fuit. Aliquod modò in sacro amictu togæ vestigium apparet. Vestis nempe superior sacris operantium, quam rudi vocabulo *Planetam*, & *Casulam* appellant, vel toga fuit, vel togæ simillima, eâ nempe forma, quâ olim in vsu erat, nam ætate nostra non parum immutata est. Vetus quippe Planeta totum hominem cooperiebat, atque inuoluebat, ita vt etiam vtrumque brachium cum corpore obuclaret, vt expediri aliter manus non possent, nisi contractâ hinc indem subiectis brachijs, & subductâ ab inferiori parte in rugas, ac plicas planetâ. Quales nunc in antiquis picturis cernuntur, qualesque sunt adhuc Græcorum sacris operantium vestes exteriores, & nos Venetijs vidimus. Paulatim inde a lateribus scindi cepit, credo quia nimis onerosa res esset, donec ad hanc formam ventum est, quâ vtrinque aperta facile brachia excluduntur.

Hanc tamen Baronius non togam, sed pænulam fuisse contendit, ad annum *LVI II.* vbi loquitur de pænula D. Pauli, quam reliquerat Troade apud Carpum. Et primò quidem inclinat animum, vt credat, Pænulam D. Pauli fuisse non vestimentum quale antiquitus itineris, ac præcipuè pluuiæ causa sumebatur, sed potius cum antiquis, vel fuisse thecam, & loculos, quæis libri continerentur, vel potius volumen, quòd Græcè *παλινδ* habeatur. Rationes quibus id firmare contendit, licet liberum iudicium relinquat, exigui momenti

menti sunt. Si enim, inquit, vestis itineri apta fuisset, non eam suscepto itinere Paulus reliquisset; Deinde potuit sibi aliam Romæ comparare. Quæ faciliè refutaueris: nam, & aliam tunc pænulam habere potuit Paulus, & sùdo tempore, ac minime hyberno iter habere, vt nihil opus pænula esset: & si aliã Romæ potuit comparare, potuit etiam quam Troade reliquerat curare cum libris a Timotheo ad se perferendam. Nec obstat, quo *παῖλον* in Græco sit, nam *παλὸν*, & *παλὸν* pro pænula a Græcis vsurpatur, vt docti pridem obseruarunt.

Verum ista parum ad rem nostram faciunt. Quod addit Baronius, pænulam dici vestem sacram a Græcis, eandemque a latinis, *Planetam* siue *Casulam*, appellatam, id curatius expendendum est. Pænulam quidem fuisse inter sacras vestes, non negauerim, sed eandem fuisse, ac planetam; hoc est quod fateri non possum. Planeta sic dicta est, vt ipse fateretur Baronius a *παλόν*, quod circum errans totum ambiat corpus, quales esse antiquiores ait idem, quæ in Ecclesijs asseruantur, quæ nempe rotundæ, ac per totum clausæ vno circumiectu totum corpus inuoluebant, & vt diximus etiam vtrumque brachium ita, vt nisi a lateribus vtroque pariter brachio subleuari possent. Quare alij Planetas dictas existimarunt, quod eius extrema ora hinc inde in brachia, scapulasque reiecta errabunda deflueret. Et ideo plures eandem vestem *Casulam*, dixere elegantia, quæ eorum temporum propria fuit. Isidor. lib. xix. cap. xxviii. *Casula est cuculla, a casa, quòd totum hominem tegat, quasi minor casa; Vnde, & Cuculla (hoc ridiculum est) quasi minor cella.* Adijcit Isidorus Græcè Planetas dictas quia horis errantibus euagantur, vt & stellæ Planetæ; quæ vagæ suo errore, motuque discurrunt. Sed corruptus hic locus est, & pro horis legendum est *oris*, id est Limbo, & extrema parte, vt scilicet secundum *εὐμὼν πλανῆς*; Planeta Græcè dicatur, quia eius oræ errarent, & vagarentur, modo nempe subductæ brachijs, modo defluentes, & numquam stabiles. Sic, & sacri glossographi Planetam vestem laxam interpretantur circa humeros, quæ errantibus

oris euagatur. Gemma Animæ. c. ccvii. *Casulam* ſcribit omnibus alijs veſtibus circumſci, quæ *Planeta* dicatur quod errabundus *Limbus* eius utrimque in brachia ſubleuetur. Hac in petſtore, & inter humeros duplicatur, in utroque brachio triplicatur.

Ex his apparet Planetam, ſiue *Casulam*, quæ olim in uſu, veſtem fuiſſe laxam, rotundam, circumcluſam, quæ totum corpus inuoluebat, & utrimque a lateribus in ſcapulas reijciebatur. Quæ omnia oſtendunt togam fuiſſe, non pænulam; Nam pænula, vt, & lacernæ, chlamydes ſaga, & reliquæ pallia aperta erant, & ſibula, vel in humeris, vel in ceruice neſtebantur: *Casula* tota clauſa, & toga. Pallia aperta fuiſſe ſatis alijs probatum. Pænulam autem etiam pallium fuiſſe docet Perſij Vetus Interpres. *Lacerna pallium ſimbriatum*, quo olim ſciti milites utebantur. *Pænula palium cum ſimbrijs longis*. Præterea *Planeta* veſtis laxior, & rotunda; Pænula anguſta, & corpori adpreſſa. Auctor de cauſis corruptæ eloquentiæ, *Quantum humilitatis putamus eloquentiæ attuliſſe pænulas iſtas, quibus adſtricti, ac velut incluſi cum Iudicibus fabulamur?* Et licet incluſi ſub pænula eſſent, non ita tamen, vt brachia exeri non poſſent, vt in *Casula*.

Modum geſtandi Casulam diuerſum a togæ geſtatu fuiſſe.

Lineus amictus. Cap. XXXVII.


TOgam, & veſtem fuſiorem fuiſſe, & circumcluſam totumque corpus inuoluſſe docuimus, idemque antiquorum Planetam præſtituiſſe, vt togam, non pænulam fuiſſe dicendum ſit. Vnum tamen diſcrimen erat, quod in togâ dextrum brachium, quâ parte patebat ad pectus, exerebatur; ſiniſtrum ſub ipſa toga eiſdem reductione extollebatur; Atqui in *Planeta* utrumque brachium ſubiectum, ex inferiori parte ipſam contrahendo expediebatur. Quod factum opinor quia modeſtior, & magis verecundus hic habitus fuit, quodque vt in antiquis picturis apparet, non omnino exertâ nudâque manu, ſed veſte obuelata res ſacræ rangebantur.

Et quoniam non aliter expediri brachia poterant, quam subductâ planetæ orâ, & in humeros reiecta, hinc factum est, vt inter Missarum solemnia, cum Sacro sancta Myſteria eleuanda, & populo ostendenda erant, quòd planeta sic contracta vtrumque brachium deprimeret, ac prægrauaret, vt difficulter attolli posset, Aræ minister posteriorem eius laciniam sublatam sustentaret, quòd facilius brachia sacerdos extenderet: quod nunc quoq; seruatur, licet scissâ iam veste, & exclusis brachijs non ita vt olim, opus sit.

Præter Planetam aliud Romanæ togæ vestigium Patauij vbi hæc commentabar, obseruauī, Lineum nempe amictum superiorem sacerdotum, & Aræ ministrorum, quem Cotam vulgo appellant, de quo infra.

Hęc inquam linea vestis Patauij (nam alibi manicata in vsu est) rotunda est, & clausa, totumque corpus inuoluens, atque vtroque brachio hinc inde subducta in humeros reijcitur, vt in veteri Planeta factum diximus. Hęc olim opinabamur cum nondum pænulæ figuram in antiquis monumentis videre contigisset: decepti etiam clarorum virorum auctoritate qui pænulam vestimentum apertum esse docuerunt. Sed postquam non vna pænulæ imago in manus venit mutare opinionem cogimur, vestemq; sacrificantium cum Baronio pænulam fuisse fatemur. Eius imago suo loco reddetur. Hic veteris casulæ sacrificialis effigiem damus, quam Nicolaus Alemannus V.C. ad Procopij Anecdota exhibuit.

Tabula. IX.



Planetam, & Casulam etiam extra sacra in communi vestitu fuisse. Cap. XXXIIX.

H Aud inscius sum, non defuturos qui huic opinioni genuinum frangant, grandeque facinus, & morte pium dictitent, quod vestem sacrificalem eandem cum veste communi, ac prophana fecerim. Fateor labente ævo quædam in ornatu, cultuque sacrorum immutata esse, quædam etiam ad Iudeorū ritus exacta; Primis tamen Ecclesiæ temporibus in communi veste Liturgiam peractam ausim affirmare; Tunc enim etiam Sacerdotes, & clerici in communi habitu incedere minus inuidiosum putarunt. Veteres quidem Christianos veste cum Ethnicis indiscreta vsos, satis ostendit Baronius Tomo II. Annalium. Soli Ascetæ, quique vitam austeriorem profitebantur, pallium gestabant vestem Græcanicam, & Philosophorum propriam, unde tot conuicijs proscissi sunt. Quod si sacrorum vestes respiciamus, quæ in veteri Sacerdotio fuerunt non multum eas à vulgari habitu discrepare videbimus. Vulgo enim tunc homines in Orbe Romano tunicis saltem duabus induti interiore linea, siue *subucula*, & exteriori ex lana aliæque materia, quæ propriè *tunica* dicta, olim quidem sine manicis, quæ *Colobium*, post manicata; quæ *Dalmatica*. Tunicæ quidam togam iniiciebant, quidam lacernam, aut pænulam. Hæc omnia in sacrificali vestitu fuere. Tunica enim linea talaris, quam *albam* & *Camisum*, siue *Camisam* dixere: Zona cingendæ tunicæ: mox *Dalmatica*, quæ postea penes solos Episcopos remansit; Tandem *Planeta* quam togam, siue togæ simillimam diximus, quam ideo existimo in sacris lacernæ prælatam, quod toga honestiorum esset, & Romæ etiam cum indefuetudinem abiisset in sacris Deorum retenta. Reliqua posterioris æui additamenta fuere. De stola B. Iuo Carnotensis de rebus Ecclesiasticis. *Vtuntur & stola, quæ alio nomine orarium vocatur: quæ vetus sacerdotium non utebatur.* Albinus de diuinis officiis. *Sunt tamen alia quæ apud illos (Iu-*

daos) non habebantur, ut stola, sandalia, & sudarium, quod ad tergendum sudorem in manu gestari mos est, quod usitato nomine Fanonem vocamus. Idem. Mappula (nos manipulum dicimus) quæ in sinistra parte gestatur, qua pituitam oculorum, & narium detergimus. Eandem inappulam sudarium vocat Fortunatus Amalarius.

Scio veteres ad vestitum Pontificium Hebræorum pleraque exegisse, sed præter tunicam lineam, & quem vocant amictum, quem ad instar superhumeralis esse voluerunt, nihil admodum simile reperiemus. Vbi enim apud nostros tunica hyacinthina, rationale, cydaris, baltheum, lamina in fronte, feminalia linea, siue bracca? Hæ postremæ adeo Romanis incognitæ, ut inter barbara tegmina recenserentur, quemadmodum infra ostendam.

Sed in decorum videtur, ac minime ferendum, vestem prophanam sacris castissimis adscribere. Velim mihi dicant, quod genus vestimenti Pænulam fuisse credant. Vulgare, ac viatorium. Atque eius vsus inter sacras vestes a Baronio & ab alijs recipitur, & vestis sacerdotalis appellatur: Cur pænulam admittunt, togam excludunt, quæ honestior, & omnium nobilissima vestis fuit?

Tantum autem abest ideo non adhibitam sacris togam, quia prophana erat, ut etiam Planeta, siue Casula sacrorum propria, in promiscuo tamen vsu fuerit. Io: Diaconus in vita S. Gregorij ait, *Patris eius indumentum fuit Planeta castanei coloris, & sub Planeta Dalmatica*. Nec mihi recte facere videntur, qui hinc solum arguunt, patrem S. Gregorij fuisse in Clero, quod Planetam, & Dalmaticam gestaret. Nam ut de Dalmatica nihil dicamus, quæ tunica fuit, & quidem antiquitus probrosa: si ideo Gregorij Pater in Clero fuisse creditur, quod Planetam gestabat, illud sequitur etiam extra sacra eam in vsu fuisse. De Casula Bonifatius ep. i r i. cuius locum attulit Cerda in Aduersarijs. *Litteras, & parua munuscula transmitto vobis, idest Casulam non holosericam, sed caprina lanugine mistam, & villosam ad tergendos pedes dilectionis vestre*. Quam non modo promiscuus sed vilis Casulæ vsus?

hanc tamen a sacrificali distinctam fuisse apparet. Iuo Car-
notensis etiam de rebus Ecclesiasticis. *His omnibus indu-*
mentis superponitur Casula, quæ alio nomine planeta vocatur, quæ
quia communis est vestis, charitatem significat. Concilium Ra-
tisbonense Anno DCCXLII. Presbyteri, vel Diaconi non sagis
laicorum more, sed casulis utantur ritu servorum Dei. Sed to-
tam nostram coniecturam grauissimo testimonio corroborare-
mus licet Vualafri di Strabonis, qui ante octingentos ferè
annos doctrina, ac sanctitate floruit. Eius verba sunt cap.
XXIV. de rebus Ecclesiasticis. *Vestes etiam sacerdotales per in-*
crementa ad eum, qui nunc habetur aucta sunt ornatum. Nam pri-
mis temporibus communi indumento vestiti missas agebant, sicut, &
hactenus quidam Orientalium facere perhibentur. Stephanus au-
tem XXIV. constituit sacerdotes & leuitas vestibus sacratis in vsu
quotidiano non uti, nisi in ecclesia tantum. Mox. Addiderunt in
vestibus sacris alij alia, vel ad imitationem earum, quibus veteres
utebantur sacerdotes, vel ad mystica significationis expressionem
Amalarius Fortunatus lib. II. ep. XVII. Stephanus natione
Romanus ex patre Iobio constituit sacerdotibus, leuitisque vestibus
sacratibus in vsu quotidiano non uti.

Dalmatica. Lacernum byrrhum. Cardinalium Vestitus.

Baronij opinio reiecta. Cap. XXXIX.

Non Planeta modo, & Penula olim sacri, ac prophani
vsus fuit, sed & Dalmatica. Eam in sacris adhibitam
constat, eiusdem etiam extra sacra vsus primo quidem pro-
miscuus, deinde in Diaconis, mox in Presbyteris, tandem
in solis Episcopis. Vualafri di Strabo. cap. laudato. *Et*
Siluester ordinauit, ut Diaconi Dalmaticis in Ecclesia vterentur.
Et primò quidem Sacerdotes Dalmaticis ante Casularum vsum in-
duebantur: postea vero cum Casulis uti cepissent, Dalmaticas Dia-
conibus concesserunt. Addit a Romano Pontifice earum vsum
alijs Episcopis permissum, alijs interdictum: sua vero æta-
te omnes penè Episcopos, & nonnullos Presbyterorum sub
Casulis Dalmaticas gestasse.

Ergo

Ergo ante Stephani, & Silueſtri tempora Dalmaticæ in promiſcuo uſu fuere. In actis S. Cypriani. *Idem S. Cyprianus in agrum Sexti perductus, & ibi ſe lacerno byrrho exſpoliavit, & genua interram flexit, & cum ſe Dalmatica exſpoliaſſet in linea remanſit.* In quo falluntur, qui putarunt fuiſſe hunc habitum peculiarem Episcoporum: cum vulgaris eſſet. Nam byrrhus, ſiue lacerna communis fuit, Dalmatica item, & tunica linea ſiue ſubucula. Nihil igitur peculiare habuit, niſi ſi forte lacernam magis pretioſam. Multo magis nugantur, qui hebetis eſſe ingenij dicunt, exiſtimare lineam ibi eſſe tunicam interiorem, ſiue Camiſiam, nam eſſe lineũ amiũ Episcoporum, quem alij Ephod appellant. Ipi multo hebetiores ſunt, nam linea illa verè fuit ſubucula, in qua exſpoliatus ſuperioribus veſtibus, lacerna nempe, & Dalmatica Cyprianus carnificem operiebatur: Argumenta quæ contra afferuntur, ſtipulis leuiora ſunt. Quis enim neſcit, lineum amiũ ſiue ephod non ſub lacerna, & Dalmatica poni, ſed tunicæ, & reliquis veſtimentis ſuper induci?

Neque me multum auctoritas Baronij mouet, qui illud *lacernum byrrhum* explicat byrrhum per modum lacernæ cõpoſitum, vt fuerit ſpecies quædam lacernæ. Sed byrrhum idem, ac lacernam fuiſſe Cl. Salmatiuſ docuit. In eo, inquam, non me mouet Baronius, quod Cardinalium veſtes ad Cypriani cultum exigit. Haud vidi magis. Cyprianus indutus linea, mox Dalmatica, ſupra lacerna. *Illi inquit poſt veſtem ſuperinduunt lineam, & deſuper ſolutam tunicam, & tantum humeros, brachiaque tegens lacernum byrrhum.* Nihil tale in Cypriano. Lineam habuit, Dalmaticam, & lacernam. At patres purpurati hodiè lineam quidem habent, ſed duplicem, interiorem quæ ſubucula, deinde thoracem, mox tunicam talarem, tum alteram lineam, ſiue Ephod: poſtremo loco non tunicam ſolutam, vt tenet Baronius, ſed vel togam, vel togæ perſimilem veſtem, nam fuſa eſt, & ſyrmate prodiga, totumque hominem in voluit. & licet ad pectus aperta, brachio tamen ſiniſtro, vt veterum togæ ſub-

duci-

ducitur, ac contrahitur, & ideo *Cappa* appellatur, vel quod hominem capiat, vel a capite, cum in luctu ea caput inuoluant, vt in veteri toga; Quod autem humeris super iniicitur *Exomidis* species est, siue *cuculli*, qualis simplicior in Monachorum habitu visitur: Ea autem trunca vestis vulgo dicitur.

Sed quid *pænulam* in sacris fuisse dicemus, cuius mentio in actis Concilij Ephesini, si ea non fuit Planeta? *Misimus tunicam candidam, & pænulam castaneam*; Vbi in Græco vt notat Baronius est *φανόλιον*. Ea etiam vestis sacra fuit, quæ liget aperta, & fibula nexa, tamen totum hominem cooperebat. Hæc vulgi voce *pluuiale* dicitur, forte quia vt *Pænula* olim pluuiæ tempore sumebatur, eiusque vsus in supplicationibus, & vespertinis precibus. Ea; omnino à *Casula*, siue *Planeta* distincta, vt propterea non rectè quidam *φανόλιον* *Casulam* interpretati sint, cum *Penulam* debuissent. Quamquam ex eo quod totum hominē inuoluat, licet aperta, etiam *Casula* impropriè dici possit. Sed de veste sacrali, totiusque aræ ornatu alias accuratiùs cum Deo disputabimus. Interim autem Arii loco viri doctissimi literas in eas quæ hæctenus disputata sunt ad scribemus.

V. Cl. Ioanni Rhodio Ioannes Fredericus
Gronouius. S. P. D.

Mirifice me exhilararunt literę tuæ, Vir Præstantissime quas tanto iam tempore ignarus vestri, rerumque vestiarum nuper admodum accepi. Atque vtinam sciuissem Elzeuiriū aliquid in illas oras mittere; nihil mihi fuisset antiquius, quam vt nuperum illum fætum meæ obseruant iæ oblidem ad vos allegarem. Spero tamen postquam aliquandiu vel moratus fuerit in itinere, vel oberrauerit vêturum, quo est destinatus. Certe amico per multa exemplaria commisi in Italiam curanda, quæ ille partim Nuntij

Apo-

Apostolici, partim Veneti Legati Coloniae hominibus tradita mihi adfirmavit. Nos vero quando Veslingij lapsa externis opobalsamatruncis, quando Argoli Circenses Pan-
niniiani delectabunt? Rara fortuna est, hæc ad nos peruenire, eique ad scribo vsuram Commentarij Ferrarij: a quo viro quod me amari scribis, id vero mihi gratissimum est. Nimium quantum desidero Electa promissa: eam saluam mouet de re vestiaria scriptio, cuius lectione me plurimum profecisse dicerem, si aliquid in literis profecisse me agnoscere auderem: Toga mihi visa semper vnum ex difficillimis Romanæ antiquitatis capitibus, in quo nec alij satisfaciebant, nec ipse vnquam vt satisfacerem mihi speraui fore. Sed ingentem lucem & mihi, & materiæ attulit doctissimi Ferrarij industria, & sagacitas: cui dum *ποσιν* menuper prebui, iterum non ad dies aliquot, sed menses capacissimo amictui ita sum inuolutus, vt si Clytæmnestram domi haberem, Agamemnonis casum rimuissem. Aliqua tamen extricare me sum conatus, & *περὸντα ἐνδυμήματα* deuinxī verbis in chartam coniectis, quæ peius, fateor, perire non poterat, tamen perituræ vtique, quoniam in nostro peculio erat, parcere superuacuum duxi. Excerpti ex aduersarijs insignia quædam, & ad te mitto (quando hanc libertatem datis) vt cum illo communices, & iudicium ab eo scriptum, si me amatis, impetres. Cupio autem sincere, & seuerè tum accipi illa, tum haberi, vt ipse a malignitate sum alienissimus *ἑταίρων* loco sint, non *κυρίων δόξων*; Quare & reuinci gratissimum erit mihi, dummodo eruatur veritas & antiquitas.

I. Communis recentior habitus dextrum humerum vna cum brachio exertum habuisse haudquaquam videtur. Ideo Quintilianus. *Tum sinus iniiciendus humero, cuius extremam oram reiecit non dedecet.* Ideo Curius Fortunatianus. *Sinus ab humero potest labi.* Quod non potest nisi de dextro intelligi: nam ad sinistrum humerū nulla pars sinus pertinet. Iterum Fabius statim post illa verba. *Operiri humerum cum toto iugulo non oportet: alioquin amictus fiet angustus.* Non totum iugulum

gulum vult vna cum humero operiri: vult ergo ipsum humerum operiri: nam pars iuguli humero plane nudo operiri nulla potest. Præterea Tertullianus ait, *umbronis ambitum, unde sinus nascitur retrahi a scapulis*. Est ergo in ipsis scapulis aliquod tegimen, unde *retrahitur* (non dixit *detrahitur*, ut ostendat aliquid in humero manere) illud circa umbronem unde nascitur sinus. Denique veteres statuae id liquido ostendunt. In illa quam vulgavit Rubenius, & obliquo eo situ, quodextrum latus contemplandum præbet, & aduerso opertus humerus brachio exterto conspicitur. Eodem habitu vtraque imago in nummo M. Aurelij, nec diuersum significant illa Quintiliani. *Sinus qui sub humero dextro ad sinistrum oblique ducitur velut baltheus, nec strangulet, nec fiat*. Etenim illa vox *Sinus* nec hodie in textu est, nec olim, cum sententiâ suam his verbis efferret, in mente fuit Quintiliani. Aliud autem est, ille veluti baltheus, qui sub humero dextro ad sinistrum latus ante pectus ducitur, aliud pars togæ, quæ dextro humero insidet, ut statim exponemus.

2. Quintilianus. *Sinistrum brachium consueque alleuandum est, ut quasi normalem illum angulum efficiat*. Quem angulum nisi illū qui fit brachij parte, vel cubito vna cū manu alleuato? Namque articulus qui medium brachium diuidit, & a quo tota pars inde ad carpū cubitus appellatur. Plerumque ut ex statuis nummisque apparet, manus sinistra erat decliuis, & molliter propendens: consueque ergo id quod eleuatur sinistri brachij, alleuandum erit, ut articulus ille, quo cubitus a lacerto separatur sit norma altitudinis quam capere oportet manum: non eleuatur vltcrius quam angulus ille demisso superiori brachio pertinet. Et ratio præcepti huius est, quia altius eleuando brachium obuertatur cubitus, non manus quod pugilum est. Hinc inferius, quo & prior animaduersio confirmatur. *Sed hæc amictus observatio, dum incipimus: procedente vero actu, iam penè ab initio narrationis, sinus ab humero recte velut sponte delabitur: & cum ad argumenta, & locos ventum est, rejicere à sinistro togam, deijcere etiam spha-*

reat sinum conueniet: *laeuam a faucibus ac summo pectore ab ducere licet. Ardent enim iam omnia: & ut vox uehementior, ac magis varia est: sic amictus quoque habet actum quendam velut praeliantem.* Ait, *sinus ab humero delabitur*, nimirum dextro, ne de sinistro intelligamus, ecce de eo aliud præceptum: *conueniet reuicere a sinistro togam: & rursus de dextro, quod si non delabatur sponte sinus, si hareat, tum & conueniet inde deicere.* Aliud est igitur toga in humero sinistro, quam conuenit reijci non deijci: aliud sinus, qui debet velut sponte delabi, & si non delabitur deijci non tantum reijci. Atque ita restituendus ex Quintiliano quem ferè describit Curius. *Et deicere sinum etiam si hareat conuenit.* Nam etiã quod vulgo est, non potest referri nisi ad id quod proximè, *togam a sinistro* itaque sensum facit absurdissimum, quasi ab utroque humero deijci toga, & ita pectus, ac tergum quasi ad medium usque nudare delapsa deberet. Tum igitur etiam cum cessat illa prior obseruatio, quia actus est iam quasi præliantis, non opus est ultra, ut angulus cubiti sit normalis, sed licet oblique eleuare læuam manum altius, ferendaque ad summum pectus, & fauces, & vicissim inde abducendo illa quoque gestum facere. Neque enim *laeuam* legendum videtur quasi hiemantem oratorem formet Fabius.

3. De duplici sinu nihil mihi lectum apud veteres, verba autem Quintiliani unde eum viri docti effingunt, male accepta haud dubito. Nonnis; vnus ab illo sinus agnoscitur: alterum illud non dicitur quid sit, sed quod quali sit, & sic euoluenda oratio: *ille velut baltheus, qui sub humero dextro ad sinistrum obliquè ducitur.* Quæ enim similitudo est inter baltheum, & sinum ut hæc vocabula pro eadem re ponantur? aut quomodo sinus potest instar balthei duci? Nec vero *ille velut baltheus* Fabio aliud est, quam *vimbo* Persio, Curio Fortunatiano, & Tertulliano: sed hunc vimbonem esse sinum æq; iudico absurdum, quã rugas, & plicas esse sinum. An ἄκρον, seu lingua in mare pro currens potest dici etiam κόλπος, siue sinus mare intra terram recipiens? An Trinacriam Insulam a tribus sinibus fas est appellatam dicere?

Nihilo

Nihilo probius *Vmbonem* dicas esse sinum : nam *vmbo* prominens aliquid est, & extans, sinus retractum, & concavum. Quid quod clare Tertullianus, *ex vmbonis ambitu sinum nasci*: ergo sinus est aliquid extra *ymbonem*: ergo aliud est, nisi idem est extra se, & idem ex se nascitur.

5. Apud Tertullianum *rugas* deducere in *tilias* non est melius quam deducere in *fagus* aut *quercus*. In M S. inuenimus *intillis*. Veritas est in promptu: *rugas ab exordio formet, & inde deducat in tabulas*: scribunt compendio *tablas*, ut *simil* pro *simul*, & talia. Hæc lectio nec procul ab *auulgate* veterum librorum lectionis vestigijs, & sensus non tantum apti, sed & necessarij est. Quomodo enim mox, *de ficientibus iam tabulis* quas factas, aut fuisse numquam didiceramus? Non est idem *rugas ab exordio formare*, & *in tabulas* dilatare, ac *deducere*. Ab *exordio* id est ubi primum incipit fieri, & corrugari *balthæus*, nempe statim de sub ala, aut de sub dextero brachio *rugæ* formantur. Vbi nondum *tabulas* esse quiniisse, hoc est *rugas* latas, sed breues, ac tantum *rugas* satis manifestum est. Primum igitur ab *exordio* *balthæi* formantur *rugæ*, dein prout ille procedit ad *pæctus* deducuntur in *tabulas*, fiunt latiores, ita ut *asserum*, siue *tabularum* nomen mereri possint.

6 Quintilianus. *Pars togæ quæ postea imponitur sit inferior, nam ita & sedet melius & continetur*. Progreditur hoc ordine: primum vult togam rotundam, & aptè cæsam esse: dein docet quousq; ante, & post debeat protendi: hinc sinum eius format, mox aliud quiddam a sinu, quod *veluti balthæum vocat*: huic proxime: *pars togæ quæ postea imponitur*. Cui vero? Nempe ei de quo sit atim locutus est, velut *balthæo*. Ergo pars illa non potest esse neq; *vmbo* propriissime sic ductus; (nam hic cõstruitur in medio *balthæi* ex ipsis *balthæi* rugis, non imponitur) neque ea pars, quæ in sinistro brachio residet: neque enim potest imponi *balthæo*, quin totus sinus pereat, & illa cavitās sub imo ventre claudatur: aliasque ob rationes multas. Sed pars illa togæ quæ postea stru-cto nempe *balthæo* imponitur est pars togæ descendens an-

te pectus ab humero sinistro: ea enim suffulta balthæo sub sinistrum brachium procurrente, circa sinistrum pectus eidem imponitur, & propendendo modicum sinum efficit: quod tamen *sinum* nemo dixit, ne ambiguum redderet utrū illum sinum, quem in toga agnoscunt veteres. Atque hoc recte intellexit & notavit etiam Rubenius num. 3. in sua statua togata.

7. Quid igitur tandem *sinus*? quid *balthæus*? Censemus sinum prorip̄ esse medium illud inter balthæum, siue umbonem, & laciniam maximam earum sub dextro ventre gestantis. Ab dextro humero descendebat ad ventrem vsque flexo quodam canali: eius ut sic dicam canalīs labrum exterius protenditur vsq; ad illas rugas quę laciniam separant a sinu, & a quibus colligitur in dextro versus sinistrum ad genua, aut paulo superius ipse sinus: interius labrum statim sub umbone siue balthæo in ambitu eius interit: nam & sinus sub pectore nascitur ex ambitu balthæi, quem supra se habet infra vero circumscribitur, & finitur rugis quę distinguunt ab eo infimam laciniam siue oram togæ. Balthæus autē est collectio rugarum circa pectus, sub dextro brachio incipiens, in medio latoribus, & exstantioribus rugis, ut speciem simul tabularum sibi inuicem superstructarū simul umbonis referrent in latum infra de sinens in sinum, in longum porrecta vsque sub sinistrum brachium, ibique velut nodo contracta, sic tamen ut nullum post tergum emineat. Ab illa autem umbilici specie & tubere, quod in medio apparebat, & totus balthæus dicebatur umbo, quod patet ex collatis verbis Fabij, & Curij. Fabius enim. *Ille qui sub humero dextro ad sinistrum obliq; ducitur velut balthæus, nec strangulet, nec fluat.* Curius autem. *Quid in umbone? nec fluxe, nec adstrictē.* Quis ausit negare de eadem re eos loqui? Neque sane quidquam aliud Tertulliano est *umbo*, quam Quintiliano *ille velut balthæus*. Porro ab eadem causa pleniori Synecdoche, *candidus umbo* pro toga pura apud Persium.

8. Sed age vestiamus togam, & tum ea quę dicta sunt, tum plu-

pluſcula alia parum apud memoratos ſcriptores intellecta explanabuntur. Illud iam inter doctos conſentitur, togam fuiſſe veſtimentam rotundum, & vndique clauſum, quod immiſſum ſupra caput vno iniectu totum corpus operiret, laxe patentibus in ſummo faucibus, vt non caput modo, ſed & brachium, humerusque dexter, cum luberet, commode poſſet exeri. Ea ſic veſtiebatur ex mente Quintiliani, Curij, ac Tertulliani. In ſiniſtro quidem humero per ſummam oram proprie ſuſtinebatur, poſt tergum ad poplites uſque dependens, & quia nullas habebat manicas, ima eius lacinia ſiniſtro cubito ſuſpenſa, ac ſuffulta, collectaque in rugas manum habebat exſertam. Summa autem illa ora quæ humero ſiniſtro ſuſtentabatur procurrebat ad dextrum uſque humerum, eumque quauis exſerto dextero brachio velans illic ſinui, & baltheo ſiue vmboni originem dabat. Sinus ab humero dextro deſcendebat inflexim ad ima ventris. Nam in communi uſu Fabiani æui non fuiſſe nudatum dextrum humerum, & ex ſtatu ſiſ nummiſque apparet, & ex verbis auctorum citatis. Sed & antea Quintilianus. *Illud non ferendum, quod quidam reiecta in humerum toga, cum dextra ſinum uſque ad lumbos reduxerunt, ſiniſtra geſtum facientes ſpatiantur, & fabulantur.* Vides ſinum reductum ad lumbos, quominus mirere deduci ab dextro humero: quamquam clare in humero ſinum locet Fabius, atque eundem retrahi a ſcapulis Tertullianus tradit. Ergo etiam brachio non reſecto, ſiue exſerto ſinus ſumma pars in hærebat humero, & poterat reijci paululum, poterat attrahi ad pectus. Incipiebat igitur ſinus ab dextro humero, & ad latus paulatim delabens fiebat laxior magisque cauus, donec ad ipſum ventrem plus in dextrum, quam in ſiniſtrum vergeret, fieret laxiſſimus, & quaſi aluenum acciperet. Ab eadem ſuperiore parte, quæ in humero dextro ſedebat, interius, & ſtatim ſub brachio exoriebatur, & deſcendebat ille veluti baltheus, cuius collecta circa pectus, & multa contabulatione rugarum, plicarumque conſtricti vt contineretur, aliquæ extimæ rugæ & plicæ, a quibus nempe incipiebat ambitus in ſinum exiens,

prehendebantur læua manu superiores, & plures mittebantur sub sinistrum brachium eminentes & obstantem ibi duplicatam togam propellentes.

9 Hic addidimus duo, quæ ad hoc vsque in vestitu togæ nemo, quod sciam eruditorum obseruauit: prius manu sinistra comprehensas aliquas extimas plicas vmbonis siue balthei: alterum, superiores, & plures sub sinistrum brachium procurrisse, & aliquantulum etiam post tergum prominuisse, sic vt instar parui gibbi inter brachium, & latus sinistrum facerent. Atque illud quidem didicimus ex Tertulliano, qui nihil aliud significat cum ait, qui artifex *vmbonis ambitum ex quo sinus nascitur deficientibus iam tabulis in laeuum adhuc congerat*: didicimus ex imaginibus quæ visuntur in nummis, veluti illa in Seueri, altera in M. Aurelij, Plautillæ, & Titi a Ferrario vulgatis quæ omnes ita læuam occupant. Sed apud Quintilianum manus sinistra libera videtur relinqui, quemadmodum & alterius imaginis in nummo M. Aurelij: & tum quidquid erat rugarum in vmbone, in sinu sub sinistrum brachium condebatur, aut laxior cadebat vmbonis ambitus in sinum.

10. Alterum pariter ex Tertulliano deprehendimus qui statim subiungit, *in laeuum adhuc congerat cum alio pari tabulato interga deuoto*. Vbi detorto legere malim, aut quia in M. S. erat *deuoco deuocato*: nam *τὸ* at potest videri haussisse particula *Atque* proxime sequens. Satis euidenter significat (non fuisse duos vmbones, ante vnum, post vnum quod visum viro in cōparabili: vnde enim ille posterga neus? neque enim vel imaginando assequi possum quomodo esse potuerit: sed) collectionem illam rugarum & plicarum, quæ tota instar baltheo pectus cingit, & in medio instar vmbonis habet (a quo medio vmbilico totus baltheus *vmbō* dicitur, quemadmodum & clypeus ab eadem causa *vmbō*: vt in illo *bella vmbone propellit*) productum vsque sub sinistrum brachium in tergum detorquere, & ibi alium quasi vmbonem vrgendo partem togæ præter labentem faceret: idem Macrobius, *nodum lateris* dixisse videtur.

11. Neq; enim factum existimo, quæ Tertullianus & Macrobius produnt: sed apud illum certe inuidiæ augendæ causa, & oratorio more de quauis toga pronuntiatum, quæ non fiebant nisi in togis morosissimorum.

12. Antequam hic baltheus Fabij, umbo aliorum (nam ut sæpius dixi idem sunt, erantque semper in vulgari habitu honestiorum, sed non omnes habebant tam morose constructum) sinistrum brachium subiret, partem togæ a sinistro humero descendente ad pectus excipiebat paululum infra se pendulam, & protentam. Atque hæc est quæ dicitur Quintiliano, *pars togæ quæ postea imponitur* nempe structo, strictoque baltheo: nec aliam designat Tertullianus, cum ait, *partem de laevo promittat* quod tamen explicaretur planius si legeremus, *partem quidem ei de laevo præmittat*, nempe umboni artifex: visiturque in statuis.

13. Deficientibus infra pectus per latum tabulis, seu rugis, ac plicis nascebatur sinus attracti, ac reuocati ab dextra scapula pars anterior, & maxima, nempe magnum illud ad ventrem cauum quod deinde aliquot rugis, & plicis ab ima lacinia distinguitur.

14. Duabus tamen occasionibus obseruavi etiam in vulgari hoc amictu baltheum illum dilabi, ac resolui passos: vna si quando accumbendum esset togatis, idque *togam submissam* videtur dixisse Spartianus Hadriano. *Ad conuiuium Senatores stans excepit, semperque aut pallio tectus discubuit, aut toga submissa.* Certe ut sub brachium missam intelligamus proprietas vocis vetat: nemo enim submittere simpliciter, pro sub brachium mittere dixit, sed *submittere* & demittere, ut *submittere vultum, submittere crinem.* Toga igitur submissa esse videtur baltheo eius circa pectus resoluta, ac diffluentibus rugis plicisque. Sic comodius liberiusque in cubitum se reponebant, & mole illa tabulati soluta, utique ad cænandum expeditiores, & de amictu minus solliciti erant. Nam idem obseruatum doctis, mensam Imperatoriam participasse fere togatos ex Spartiani Seueri. *Habuit etiam aliud omen Imperij, cum rogatus ad cenam Imperatoriam palliatus venisset,*
qui

qui togatus venire debuerat, togam præſidariam ipſius Imperatoris accepit. Caſaubonus optimè: quam præſidens geſtaret. Sed obſcure, quando enim præſidere dicitur Imperatorem? Docet Sueton. in Claudio. *Gladiatorio munere quod ſimul cum fratre memoria matris edebat, palliolatus nouo more præſedit.* Et Domitiano. *Certamini præſedit crepidatus.* Toga igitur præſidaria quam geſtabant præſidentes muneribus, & ludis: nempe quia communi ad quotidiana ipſe utebatur imperator, & requirentibus aliam iſta prima obuenit, & in promptu fuit.

15. Altera cauſa laxandi balthei mollities erat. Vnde Tibullus 1. eleg. 6. *effluit effuſo cui toga laxa ſinu.* Hoc eſt non ſtriſta ad peſtus ſinu perſuperioris balthei contractas rugas coercito. Et iſ habitus monſtratur in prima figura p. 5. & 45. vbi nullus plane baltheus, vt alias peſtus ſtringit, nec apparet illa pars quæ baltheo imponitur; illud autem vnde formatur baltheus laxo quodam volumine pendet, ac fluit ſub dextro latere infra balthei locum. Atque vt omnia fluxa ſint; ac ſoluta vt pote in perſonis τῶν τρυφῶτων, & amantium ne dextra quidem humerus rectus apparet, ſed negligenter omnino hæret toga.

16. Hac mollitie ſiquis incederet, cum laciniam togæ traxiſſe non miror ego, immo pene neceſſarium eſt. Atque id cum noſter Macrobius ſiue errore memoria, quod in tunica notauerunt alij, at ſiue ſuos ſecutus auctores in toga Cæſaris reprehenſum narrat; quod *ita toga præcingentur vt torahendo laciniam velut mollis incederet.* Hoc eſt vt male colligeret baltheum, ſiue umbonem togæ, quam vt ſtragulare non debere, ita nec fluere præcipiunt Quintilianus, & Curius.

17. Illud quoque dignum conſideratione, quod ait Fabius. *Pars eius prior medijs cruribus optime terminatur, poſterior eadem portione altius quam cinctura.* Vult autem Rhetor, togam ante tunica demiffiorem, poſt eadem, qua ima tunicæ ora altitudine eſſe. Scribendum eſt; *poſterior eadem portione altius quam cinctura.* Hoc enim iubent verba κατ' ἑξῆς tacita,

ta, & intelligenda medijs cruribus optime terminatur. Posterior pars eadē portione altius medijs cruribus optime terminatur, qua portione altius medijs cruribus terminatur cinctura. Dixerat autem prius ita cingatur ut tunica prioribus oris infra genua paululum: posterioribus ad medios poplites usque perueniant: nam infra mulierum est, supra centurionum. Ergo & ad medios poplites toga, non inferius nec superius, post tergum prouenire debet, nam hactenus altius medijs cruribus optime cinctura terminatur.

Frederico Gronowio V. C. Octauio
Ferrarius. S. P. D.

MUltum tibi debeo Vir Doctissime, quod non modo ad nugas meas oculos flexeris, sed etiam dignas putaris, in quibus ingenium exerceres, in his, quas ad Doctissimum Rodium pridem dedisti. Quibus ego tarde imò penè iam fero longa hac pertinaci valetudine corpus, animumque fractus aliquid leui brachio reponam. Non quod mea tanti faciam, ut mordicus tueri velim, sed si aut breuior aut obscurior fui, quam par erat emendem, & expleam.

Communi Quiritium habitu dextrum cum brachio humerum exertum non fuisse credis. Sed id nummi veteres quorum non exigua apud me copia, tum statuarum omnes quas Venetijs vidi, quasque Boissardus dedit id manifeste euincunt. In nummis præcipuè Adlocutiones omnes, Congiaria, Restitutiones prouinciarum, quæ plurimæ in Adriani numismatis hunc habitum representant. Illud quidem verum est, non omnes ita exertum humerum ostendere, ut tota etiam dextera scapula usque ad lumbos renudetur, quod in magna tum nummorum, tum statuarum parte videre est. Nulla tamen adhuc visa mihi, quæ totum opertum dextrum humerum habeat, nisi in qua etiam brachium toga contineatur, cuius causam in Commentario attuli. In tota nummaria suppellectile argenteos duos obseruaui, alterū

Augusti, in cuius auersa parte C. & L. Cæsares eius nepotes cum clypeis & hastis puris ab equestri ordine donati, quorum alter brachium toga cohibet, alterum exerit, quod me dubium reddit. cur ita factum sit: nam si tyrocinij causa vterque eodem cultu esse debuisset. Quidquid sit alter argenteus est M. Antonij in quo ipse vt Augur velato brachio lituum gestans, quam dedi pag. xix. Cæterum quotquot vidi vel superiorem tantum humeri partem e intactam habent, idque paucissimi, reliquæ omnes figuræ totum cum brachio humerum, & bonam scapularum partem exertam ostendunt.

Negas id Quintiliani ætate factum. Atqui ipse tradit veteres more Græcorum veste brachium continuisse, ergo ipsius æuo exerebatur. Quomodo autem exeri velato humero commode potuerit, non video, etiam si nullæ statuæ aut nummi id ostenderent. Immo nonnisi exerto humero, ac brachio sinus in toga efficiebatur. Nam veteribus inquit Rhetor, *nulli sinus: per quam breues postillos fuerunt*. Itaque etiam gestu necesse est illos in principijs vsos esse alio, quorum brachium sicut Græcorum veste continebatur. Sed nos de præsentibus loquimur. Cur nulli, aut per breues veteribus sinus? quod brachium more Græcorum veste cohibebant: siue non exerebant.

Exerto humero, ac brachio quod tunc fiebat, pars togæ, quæ olim brachium, & humerum velabat delapsa, & brachio subiecta, cadensque in pectus sinum efficiebat. Quid clarius ijs verbis? *Ille qui sub humero dextro ad sinistrum oblique ducitur velut balthus*. Paulo ante dixerat *sinus decentissimus, si aliquanto supra imam togam fuerit, numquam certe sit inferior*. Subijcit. *Ille (idest sinus) qui sub humero dextro ad sinistrum oblique ducitur*. An potest pars togæ esse sub dextro humero, & humerum velare? Nullus cohibito brachio sinus, qui exerto fiebat. Cum ergo addit *humero sinum inijciendum* de dextro accipi non potest. Vt quid enim inijceretur, si te ætus humerus erat? deinde quis credat partem togæ posterioriorem ad scapulas sinum appellari? Nec aliter inijci poterat,

terat, quam reducto intra togam brachio, quod sinum pectus destruxisset. Sinus ergo hoc est pars togæ, quæ sinistrum humerum, brachiumque velabat, cum sæpe delaberetur, & humerum renudaret erat humero iniicienda, & sedi suæ reddenda. *At si inquit Rhetor, incipientibus, aut paulum progressis decidat toga non reponere eam prorsus negligentis aut pigri, aut quomodo debeat amicitri nescientis est.* Quod ait Curius. Sinus ab humero potest labi. Quare & illa, operiri iugulum cum toto humero non oportet, alioqui amictus fiet, angustior, de sinistro pariter capienda. Vult enim partem togæ quæ humero labebatur reduci in humerum, eumque velari sed non cum eo etiam iugulum, ne angustior fieret amictus, & strangularet magis ita coniecta, quam operiret. Quod putauisse Tertullianum cum ait, *a scapulis retractum vmbonis ambitum*: nam dilapsa in brachium sinistra togæ parte, & renudatis scapulis, retrahendum posterioris vmbonis ambitum, ut sinister humerus iterum operiretur. Vel si aliud intellexit parum ad rem nostram, qui vulgares habitus exequimur, & non quos ille Rhetorice de suo commentus est. Quare non modo pars sinus ad sinistrum humerum pertinebat, sed nihil aliud sinus superior fuit quam pars togæ quæ dextro brachio subiecta ad sinistrum humerum recurrebat, extrema eius parte ad pectus cadente, quam sinum vult esse decentissimum. Quintilianus, *si aliquando supra imam togam fuerit*, id est non ultra togæ oram in feriolem protendatur, quod aliquando eueniebat in togis laxis, ac fufis, quarum sinus longius fluebat, contra in angustis breuior etiam cadebat.

Rubenij librum videre non contigit, etsi magna cura cōquisitum, quem si isthinc, aut aliunde opera tua impetarem beneficium agnoscerem, eiusque mentionem in secunda editione non inuiderem. Porro licet vox *sinus* in verbis illis Quintiliani non extet, ille qui sub humero dextro ad sinistrum obliquè ducitur velut i balthæus, certe intelligitur ex præcedentibus: *sinus decentissimus si aliquando supra imam togam fuerit*. Quid enim illud est per fidem tuam quod veluti bal-

theus ? non aliud quam sinus. Superioris sinus duplex pars; altera quæ subiecta humero brachioque dextro oblique recurrebat ad sinistrum humerum hominemque cingebat ut balthæus, altera quæ ab ipso balthæo cadebat in pectus, & infra, qui de centissimus sinus erat, si tamen non esset ima togæ ora inferior. Hæc omnia exertum cum brachio humerum fateri cogunt.

De angulo normali satis in commentario dictum, neque explicationis adhuc poenitet. Normalē illum angulum non brachij situs ac motus, sed duplex togæ ora brachio subducta efficiebat, ut videre est in ipsa figura. Verba illa *sinus ab humero delabitur* de sinistro accipienda diximus. Quē enim in dextro esse poterat, si nihil aliud erat quam togæ pars dextro humero subiecta, quæ si reduceretur in humerum, brachiumque retractum operiret, destruebatur sinus, ergo sinus qui procedente actu delabebatur humero sinistro iniiciendus. Cum vero ad argumenta, & locos ventum erit, rejicere a sinistro togam, deijcere etiam si hæreat sinum conveniet. Quod ita interpretor: sinistro brachio reducere togam a pectore; Quoniam autem pars illa sinus superioris, quæ ut diximus a balthæo cadebat in pectus aliquando a parte togæ inferiori, quæ brachio subducebatur, impediēbatur, quominus recte caderet, & ideo hærebat, si hæreret deijcere conveniebat, hoc est reiecta in sinistram parte togæ quæ contrahebatur sinistro brachio, sinui locus faciendus, ut in pectus descenderet.

Non ausim autem contra omnium librorum fidem lævo consilio *lenam* mutare in *lenam*. Quasi dum inciperet Orator, & procedente actu sinistram summo pectori, & faucibus ad presserit, gestu per absurdo, quique totam amictus rationem perturbasset; Nec nisi cum arderent omnia licuerit lævam inde abducere. *Lenam* igitur, cum eius vsum anni tempestas daret, & a faucibus, & a summo pectore abducere licebat de qua veste nō pauca diximus, & plura fortasse alias dicemus.

Duplicem togæ sinum cum Quintiliano agnosco, nec
alius

alius vnquam aliter eius verba accipiet iam toties adducta! Sinus decentissimus, si aliquanto supra imam togam fuerit, nunquam certe sit inferior. Ille qui sub humero dextro ad sinistrum oblique ducitur veluti balthæus, nec strangulet nec fluat. Quomodocumque Oratio euoluatur aliquid reperiendum erit, quod balthæo simile sit quodque veluti balthæus ducatur. Quid autem nisi sinus? Nam quemadmodum balthæus militaris cingebat pectus, sic sinus ille brachio subiectus ad istar cinguli hominem circumdabat, non quidem recte, vt balthæus, sed obliquo ductu, quia ad sinistrum altior, demissior in dextro erat. Immo Quintilianus duplicem sinum superiorem videtur statuere: alterum, qui cadebat in pectus, pars scilicet togæ quæ subiecta humero dextro e balthæo euoluebatur, & reflectebatur, ac descendebat ad inferiora, qui decentissimus tamen si superior ima togæ ora fuisset: alterum, balthæum ipsum, rugas scilicet constrictas, & coactas, quæ de sub sinistro brachio ad sinistrum humerum recurrebant; Non tamen vt duplex sinus fuerit, sed duas partes habuerit; de sinu inferiori mox dicam.

Quod ad *balthæum* pertinet esto *balthæus* Quintiliani fuerit quod Tertulliano, & Macrobio *umbo* dicitur; Si *umbonem* in togis communibus intelligamus sinum rugis, ac plicis fortuitis protuberantem, conuenimus. Sin vero *nodum illum*, & *artificem contabulationem* quam Oratorie, ne dicam poetice confixit Africanus ille, in communi toga nec fuit, nec erit vnquam. Alioquin Quintilianus alias in cultu ordinando morosus non præterisset, & veterum aliquis tetigisset, aut nominasset saltem. Nam Rhetor fortasse magis proprie *umbonem* dixisset, quam *balthæum*. Solus Persius poetice *umbonem* dixit, tumentes sinus rugas. Non ergo a sinu distinctum fuisse in vulgari toga contendo, nec aliud fuisse, quam rugas, & plicas vtriusque sinus, tam illas quæ de faucibus ad sinistram brachium cadebant, quam quæ de inferiori toga eodem brachio subducta cogebantur. Quod ex Persio manifestum est. Is enim *candidum umbonem* appellat togæ puræ deposita prætexta.

In prætexta candidus esse non poterat, sed purpureus, siue purpura distinctus. Ergo extrema togæ ora, quæ sola purpurâ prætebatur pars umbonis erat, ea scilicet, quæ brachio sinistro ad pectus subducebatur; Nulla in sinu superiore purpura, aut alibi quam in ima ora. Quare si prætextatus quis sinistro brachio togam demississet purpureus umbo non fuisset. Quæ clare euincunt umbonem etiam ex rugis inferioris sinus fuisse confectum. In vniuersum ergo brachio intra togam cohibito nulli sinus fuere, nullæ rugæ, quales antiquissimorum togæ: brachio dextro, atque humero exerto togæ pars superior, quæ dextrum humerum, dextramque pectoris partem velasset si brachium non exereretur a faucibus deiecta cadebat in pectus, nec cadere poterat nisi complicata in rugas, hic *sinus superior* fuit, ad has rugas aliæ accedebant, quas nempe togæ ima ora brachio subducta reddebat, qui *sinus inferior*, utrarumque rugarum aggestio, ac conglobatio protuberans clypei umboni similis erat unde *umbo* Persio dictus est. Tertullianus cum Macrobio lasciuit, & vaticinatur.

Neque tamen hinc sequitur, promontorium, atque excurrentem in mare linguam sinum esse. Quis sanus id dixerit? Veteres *sinum* dixere quod inter brachia ad summum pectus intercipitur, unde, & recessus litorum, in quos se mare insinuat *sinus* appellarunt: ita & sinum vestium dixere quodcumque partem illam corporis tegeret, tunicæ, togæ, chlamydis; Quemadmodum ergo multa in sinum condebantur, quibus licet ille turgesceret, & inflaretur, non tamen sinus esse desinebat: ita & togæ sinus, quamuis in rugas, & plicas conuolutas turgesceret in umbonem sinus remanebat, & inde etiam umbo dici poterat. Nisi vero apud Horatium *Ferre nuces sinu laxo*, ille sinus non fuit quod nucibus distentus esset, apud Senecam in Tragedijs *onerato sinu aliquid ferre*, male sinus dicitur, quod intumesceret, aut minus proprie velorum tumentium sinus appellatur. Quid verbis opus est? quis vnquâ in togis vulgaribus *sinum*, *rugas*, *umbonem* distinxit? Quomodo autem Tertullianus togam

togam, eiusque *umbronem* in *tilias*, vel *taleas*, vel *tabulas* distinxerit, atque operose concinnauerit intelligere, atque explicare non fuit nostri instituti, qui communes togas exquebamur, & utinam in eo viri doctissimi feliciter adlaborarint.

Veniamus ad *sinum inferiorem*, quam licet veteres non nominauerint, eum tamen Suetonius agnoscit tam clare, ut ne dubitationi quidem locus relinquatur. Eius verba sunt de Iulij Cæsaris nece cap. LXXXII. *Vtque animaduertit undique se strictis pugionibus peti toga caput obduxit, simul sinistra manu sinum ad ima crura deduxit.* Partem nempe sinistro brachio subductam ad pedes deiecit. Nam quomodo superior sinus deduci, & velare crura potuit? ergo sinus alius præter superiorem. Liuium etiam de inferiori togæ sinu capiendum existimo l. XXI. *Tum Romanus sinu e toga facto. Hic inquit vobis bellum & pacem portamus: utrum placet sumite. Sub hanc vocem haud minus ferociter; Daret utrum vellet succlamatum est; & cum is iterum sinu effuso bellum dare dixisset, accipere se omnes responderunt.* Non aliter sinum facere legatus potuit, quam subducta iam sinistro brachio togæ parte, dextra manu dextram togæ partem ad pedes fluentem eleuare.

Restant illa expendenda. *Pars togæ quæ postea imponitur sit inferior.* Nempe togæ pars sinistro brachio subducta ita aptanda fuit ut sinum superiorem non obtegeret, aut obrueret, & ideo infra eum aptabatur, sicque hærebat melius. Nam si protuberante sinui imposita fuisset, facile defluisset. Postremo. *Illud non ferendum, quod quidam reiecta in humerum toga, cum dextra sinum usque ad lumbos reducere sinistra gestum facientes spatiantur.* Sinistrum brachium sustinenda toga occupabatur, & ita minus commode ad gestum adhiberi poterat. Quidam ergo ut eo expedito uterentur in actione, primo togæ partem inferiorem in humerum reiciebant, deinde ne sinus superior impedire posset eum dextra ad lumbos usque reducebant, & sic libero, atque expedito brachio sinistro gestum faciebant, quod improbat Rhetor. Illa quæ sequuntur. *Itaque ut lauum in voluere to-*

*ga, & incingi penè furiosum est: sinum vero indextrum humerum ab imo reijcere solutum, ac delicatum, sunt adhuc peius aliqua: ita cur laxiorem sinum sinistro brachio non subijciamus? Nam toga læuam in voluere gestum fuisse se ad prælium componentis, ut & reducto ad tergum sinu eodem se cingere, quod antiquissimi fecerunt, qui inde *præcincti, cinctusque Gabinus*, alias notauimus, quare vtrumque agere furiosi esse Quintilianus dixit. Cur autem sinum indextrum humerum ab imo reijcere mollis fuerit, ac delicati non satis percipio, illud tamen indicat non fuisse opertum humerum dextrum sinu, inquem eundem sinum reijcere soluti, ac delicati esset. Subijcit non esse indecorum laxiorem sinum subycere brachio sinistro, quod sic Orator esset expeditior. *Habet enim inquit acre quiddam, atque expeditum, & calori, concitationique non in habile. Cum verò magna pars est ex hausta Orationis utique afflante fortuna penè omnia decent, sudor ipse, & fatigatio, & negligentior amictus, & soluta, ac velut labens undique toga.**

Ceterum læuam manum comprehendendis extremis umbonis plicis fuisse occupatam cuiquam obseruatum non meminimus, neque id nummi a me vulgati indicant, in quibus ut in statuis videre est rotundum quid læua gestatum, siue illud volumen, siue aliud fuerit. Quod ad *tabulatum in tergum denotum* ut loquitur Tertullianus, attinet, licet antea præfatus sim nihil illa ad priuatum habitum pertinere, cum tamen etiam posterior togæ pars ab humero ad lumbos cadens in rugas, & plicas conuolueretur non ita absurdum videtur etiam illam partem *umbonem posterganeum* ab audaci declamatore dici, sicque summum virum ab eius mente non longe abiisse.

De toga *submissa* non est dubitandum, quin pars sinistro brachio subducta in conuiuio deiecta sit, & sic sinistrum quoque brachium exertum: nullo periculo ne toga discumbentis ad pedes laberetur. Primo quia si submittere est demittere toga demittebatur: nam quis credat togatos vno tantum brachio in conuiuio vsos sinistro togæ congerie onerat? quomodo autem baltheus delabi in conuiuio posset,
& re-

& resolui non video, cum semper pars eius sponte ad pectus, vel infra caderet, prout laxior, vel strictior toga, nisi *modum illum artificem* Tertulliani comminiscamur. Quaratione illæ balthæi rugæ, ac plicæ in incessu & actione continebantur ne fluerent, in conuiuio soluebantur?

Mirum etiam est *togam Præsidiariam* dictam, quam Imperator gestaret, cum muneribus præsideret. Quid peculiare habuit ea toga? sane nihil. Cur autem eam mutaret Imperator discubiturus, vel cur potius præsi-diaria diceretur, quam forensis, aut senatoria? Præsidiaria est Imperatoria, quod Imperatores Præsides dicerentur iam inde ab Augusto. Sic Plinius l. vii. cap. xvi. *Augustum Præsidem vocat*. Quare verba illa *ipsius Imperatoris* ex glossa inrepsisse crediderim.

Dixi maiores, minores ve sinus iuxta togæ mensuram fuisse. Tibullus. *effluit effuso cui toga laxa sinu*. Macrobius defendi non potest, qui ait *Cæsarem traxisse laciniam quod fluxiore cinctura vteretur*, quæ nulla in toga fuit. Verba illa *Altius quam cinctura*, an sint interpolanda viderint docti: ego vt verum fatear nec correctionem, neque interpretationem fatis capio. Sententia videtur. Togam ante ad media crura dimittendam, retro paulo inferius ipsa tunica, quæ ad medios poplites, vt idem sit *altius quam cinctura*, demissus, atque inferius. Quemadmodum supra dixerat de tunica. *Latum habentium clauum modus est, vt sit paulum cinctis summissior*: id est tunica quæ cingebatur, vt eadem res sit cinctura, & ij qui cincti sunt.

Hæc strictim, quæ in secunda editione curatius examinabuntur. Vale vir doctissime & me tui obseruantissimum ama.

V. C. Octauio Ferrario Ioannes Fredericus

Gronouius. S. P. D.

MUltum debeo tibi, Vir Celeberrime, de copiosis, & humanissimis literis tuis. Non dubitabam *Eni non hæc nostra ingenij tibi in nostrum vsum exercendi occasio-*

fore, si quidem paucas horas tuis studij decerpi paterere? Cui desiderio meo quod indulxisti gratias tibi pro eo ac debeo ago maximas; quod ad ipsam rem pertinet, hic tuus est campus in quo exultanti tibi plaudere quam certare paratiores sumus. Ergo & posteriorem partem operis tui mirifice expectamus, nec minus Electorum libros, non dubij, quin multa præclara & scitu dignissima tibi sumus debitori. Vides quam pauci hodie serio literarum negotium agant, & eo iudicio, quo oportet in scriptoribus antiquis, & explanandis, & restituendis versentur. Et tamen verum erat, quando ex illa præstantissimorum ingeniorum, & monumentorum vbertate tam parum nobis reliqui fecit superiorum ætatum incultus, ac fatalis barbaries, nos operam dare, ut quod tamen super est, quam fieri potest, purum, & liquidum haberemus. Quum præsertim frustra aliquid elegantiae gratiæque in nostris qualibuscumque scriptis fore speremus, nisi veterum res, mores, sensus, & linguam cognouerimus, neque hæc ipsa, nisi ex probis, & castigatis libris hauriantur, tuto imitari, ac reddere possimus. Quare mihi semper optime sunt visi de communibus studiis mereri, qui scrutari, & tradere antiquitatem, eiusque auctores faciliores, & saniores reddere conarentur. Atqui etsi persæpe in lubrico consistent, persæpe, & titubent, & cadant, neque quisquam adeo fuerit *ὑσοχος*, ut non aut temeritate interdum, aut incuria peccarit: tamen interim & plurima tutis illis, nihilque audentibus inuisa craunt, & plerumq; subnascitur alius, qui peccata priora animaduertat. Sic altera parte plurimum boni præstant ipsi, altera sequentibus præstandi ansam præbent. Sed hæc tu domini nostri, neque ego alia de causa ingero, quam ut me consilium tuum magnopere probare, teque ad pergendum hortari agnoscas. In quo et si nimis leuis mea, fateor, est auctoritas: tamen & summis plerumque viris popularis plausus, ut non quæritur, ita nec spernitur, & gratus accedit. Quid autem (ne nunc quoque non aliquid misceam solemnium nugarum) videtur tibi de loco auctoris ad Herennium lib.

IV. C. III. Quod si quis ad Olympicum venerit cursum, & steterit, ut mittatur, impudentesque illos dicat esse, qui currere ceperint, ipse intra carcerem stet, & narret alijs quomodo Ladas, aut Boius cum Sicyonijs cursitarint. Turnebus enim inscitum, & nugatorium hic exprimi sensum ait: neque enim cum populis cursitatum, sed cum certatoribus: rescribit autem, aut Boiscus Sicyonius. Et habet qui eum sequatur Lambinum, & Gruterum. Quid quæris? tantos viros non vidisse, non Sicyonios hic populos, sed sicyonia *τροχιαστα* intelligi: de quibuis Lucretius: *pulchra in pedibus sicyonia vident*. Et Cicero in 1. de Orat. *calceos sicyonios*. Genus autem loquendi est quale Ciceronis in Antoniana: *Cum Gallicis, & Lacerna cucurristi*. Et huius Cornificij hoc libro propius finem: venit iste cum sago gladio *sucinctus*. Sane Boius non videtur Græcum nomen, & forsan melius sit *Bæus*, quod Fulvio Ursino placuit, aut *Bolis* quod ut nosti est nomen viri Cretensis apud Polybium. De quo ut & de hoc toto arbitrium tuum esto. Vale vir Clarissime, & me ama. Dauentriæ prid. Kal. Maias MDCXLVI.

Finis Libri Primi

OCTAVII FERRARII

DE RE VESTIARIA

LIBER SECVNDVS.

De Prætexta. Cap. I.



OGAM prætextam Etruscæ, vt Plinius cen-
set originis, ita appellatam satis constat,
quod in extrema ora limboq; purpuram præ-
textam siue circumtextam haberet. Greci
περιπόρρυπον dixere. Eam puerilis ætatis, sa-
cerdotum, magistratum, eorum item qui
magistri Collegiorum, ac vicorum essent, peculiarem fuis-
se, viri doctissimi ostenderunt, quos non transcribo. Quin-
tilianus Declamat. cccxl. *Allego vobis etiam ipsum illud sa-
crum prætextarum, quo sacerdotes velantur, quo magistratus, quo
infirmi- tatem pueritiæ sacram facimus, ac venerabilem.* Eandem
tam a pueris, qua a puellis gestatam constat, & ab his quidẽ
die nuptiarũ depositam, a pueris die Tirocinij, quo scilicet
deducti in forum transcribebantur in viros, & pro prætex-
ta, togam puram, idest, sine vlla purpura sumebant. Id de-
cimi quinti anni initio fiebat. Nam quòd alij decimo sexto
aut seriùs factum scribunt, falli eos, ostendit Interpres ve-
tus Iuuenalis nondum editus Bibiliothecæ Ambrosianæ,
cuius verba sunt. *Prætexta genus erat togæ, qua utebantur pueri
adhuc sub disciplina vsq; ad xv. annum: deinde togam virilem
accipiebant, unde in Vita Sancti Germani legitur Cessit prætexta
togæ.* Ea vita scripta versibus est ab Erico qui sub Carolo
Caluo floruit. *Cedebat prætexta togæ.* Scio Augustum, Ci-
ceronis item filium, & alios seriùs id egisse, sed vt rectè
monet Manutius, hoc magis ab alia causa, quam a lege, aut
more. Porro deposita prætexta sumptam esse togam, quæ
& virilis & pura, & libera dicebatur vix quisquam ignorat.

Virilis quod quicquam sumerent ex ephebis transcriberentur in viros. *Pura* quod tota alba esset nihil purpuræ ad mixtum habens. *Libera* quia ephebi tum primum e magisterio excedebant, & ut loquitur Persius *purpure custodiam exhibant*. Quo tempore bullam auream laribus appensam nihil attinet dicere.

Ab hac toga *prætextata* ætas pro puerili, ita *prætextati*, ac *prætextata*, pro pueris, ac puellis. Sed falsò hinc quidam *prætextata* verba deduxere, quæ erant obscæna, atque impudica, quæ procul ab prætextata ætate esse par erat: nec rectius Turnebus a prætextatis Comædijs, quæ lasciuæ, ac liberæ; nam veteres Græmatici prætextas Tragœdias, vel ad instar Tragœdiarum dixerunt, quas haud verisimile est turpiloquio obfistas fuisse. Illud ergo rectius, quod cum nupturæ puellæ prætextam deponerent, ad demulcendum pudorem nuptiali licentia Fescennina cantarentur. Fæstus *Prætextata* verba, quod nubentibus depositis prætextis a multitudine puerorum obscæna clamarentur.

De Prætexta Sacerdotum. Cap. II.

Etiam prætextas purpura togas sacris adhibitas indicat Plinius, cum ait, *Purpuram Dijs placandis aduocari*. Germanicus apud Tacitum, *Vidit se operatum, & sanguine sacro respersa prætexta pulchriorem aliam manibus auic Augustæ accepisse*. Vbi tamen Germanicus prætextatus non tantum quia augur, sed ut exercitus Imperator, & Proconsulari potestate. Quare non rectè vir doctissimus notat, prætextæ vsum in sacris fuisse, ita tamen, ut fuerit tantum sacerdotum. Nam Consules, Prætores, alij magistratus, cum sacra facerent, erant in prætexta, licet non essent sacerdotes. Verba Lampridij in Alexandro nihil Lipsium iuuant. *Accepit prætextam etiam cum sacra faceret, sed loco Pontificis Maximi, non Imperatoris*. Nam cum supra scripsisset Lampridius, Alexandrum adeo civili ingenio fuisse, ut licet Imperator prætextam, & pictam togam numquam sumeret, nisi cum esset Con-

Consul, subdit, adhibitam quidem ab eo prætextam in sacris cum non esset Consul, sed tunc non tamquam Imperatorem, sed ut Pontificem maximum prætextatum fuisse. Quod si idem cum esset Consul sacrificasset, iure magistratus prætextatus fuisset, etiam citra Pontificatum maximum.

Augures etiam prætextæ usus notum est. Cicero pro Sextio Lentuli Spintheris filium augurem creatum indicans, *Cui superior, inquit annus idem, & virilem patris, & prætextam populi iudicio dedit. Idem ep. ix. lib. i i. ad Atticum, Vatinij strumam sacerdotij διαβάσσει vestiant.*

Prætextæ Magistratum. Varij Interpretum errores in voce περιπόρεος explicanda castigantur.

Cap. 111.

Magistratus omnes tam Romæ, quam in Colonijs, & Municipijs prætextæ usus, immò & Collegiorum, ac Vicorum magistratos docuit Manutius, & res omnibus obuiæ. Liuius lib. xxxiv. *Purpura viri utimur: prætextati in magistratibus, in Sacerdotijs: liberi nostri prætextis purpura togis utuntur: Magistratibus in colonijs, municipijsque: hic Romæ infimo genere magistris vicorum toga prætextæ habende ius permittemus, nec id, ut vini solum habeant tantum in signe, sed etiam, ut eo cremen-
tur. Catulus etiam apud Dionem ait, an eo magistratus creantur ἢ αἱ ἐν τοῖς περιπόρεοις ἡμετέροις περιπόρεον? Ut in prætextis obambulent? Martialis de Troiugenis in magistratu diuitem limina ob sportulam vexantibus. Quid faciet pauper, qui non licet esse clienti? Dimisit nostras purpura vestra togas: id est vos clientes prætextati nos tenuiores togatos ab officio dimisistis. Perperam in vulgatis esse, dimisit, animaduertit Turnebus lib. xxx. Prætextas etiam intellexit Plutarchus in Galba, cum eadem in foro factam memorans ait: κατὰ τὸν ἀνὰ κεφαλὰν ἐν ταῖς ἱπαιμαῖς ἐοικῶσαν ἐπιμέναν ἐπὶ τῆς ἀγορᾶς. Cum vero corpora truncata in vestibulis consularibus iacerent in foro. Rectius, in prætextis, non enim tantum Consulum fuisse, sed, & reliquorum Magistratum. Appianus lib. i. Ci-*

uil. appellat *τὴν τῆς ἀρχῆς ἐσθῆτα* de Octauij Consulis interitu, vestem nempe Consularem, siue quod idem est prætextam. Eadem voce utitur Dio Lib. LV. de Magistris Virorum, & LXV. de Cecinæ prætexta. Idem Appianus lib. 2. de Dolabella Consule substituto. *τὴν μὲν ἵππατον ἐσθῆτα ἤμφισατο*. Prætextam induit. Ita varijs vocibus eam Græci extulere. Vixque dici potest quantas tenebras eius ignorantia scriptoribus intulerit. Plutarchus tradit Romulum prætextæ usum. *Αλεργῇ μὲν γὰρ ἐνεδύετο χιτῶνα, καὶ τήβεννον ἐφόρει περιπόρυρον*. Vbi flagitiose olim Interpres vertit. *Pur pura enim ornatus incedebat, & toga in super purpurea*. Nemo tam puer est, ut non videat vertendum fuisse. *Purpuream tunicam induebat, & togam prætextam gestabat*. Nam præter vim Græcæ vocis, togam purpuream, & prætextam diuersas fuisse indicat Liuius lib. XXI. *Dona ampla data quæ ferrent Regi. Toga purpurea, & palmata tunica, & toga prætexta*. Quamquam de Romuli prætextæ malum Plinio credere, quam Plutarcho toties in historia Romana dormitanti. Ille enim negat Romulum prætextæ usum, sed Tullū Hostilium primo eam gestasse. lib. IX. c. XXIII. *Purpureæ usum Romæ semper fuisse video, sed Romulo in trabea, nam toga prætextæ, & latiore clauo Tullum Hostilium e Regibus primum usum Etruscis denictis satis constat*.

Similis error eiusdem Interpretis paulo ante. Narrat enim Plutarchus: Deuictis Veijs Romulum triumphasse ducto in triumphum eorum Duce, qui prouecta ætate imprudenter & pueriliter rem gessisse visus est. Inde morem mansisse, ut post victorias senem ἐν περιπόρυρῳ per forum in Capitolium ducerent. *Purpura indutum vertit ille*, inepte. Nam in prætexa circumducebatur. Quod enim pueriliter egisse visus erat in habitu puerili inductus est, appensaque ad collum bulla quod puerile gestamen. Dignus utique Interpres qui seni illi succidaneus daretur, si tamen solus lapsus esset.

Magis mirum est eum a quo Eunapius Sardonius latina ciuitate donatus est virum exacta eruditione in eiusdem vo-

cis explicatione deceptum. In Iuliano. *Ad quod verbum*, inquit, *repente a sede sua profiluit Pro Cos.* καὶ τὴν περιπόρφυρον ἀνασείων ἐδῆται, τήθενον αὐτὴν Ρωμαῖοι καλεῖσιν. *Purpureamque togam, Romani Trabeam vocant, excutens.* Duplex error. Nam & toga illa non erat tota purpurea, sed περιπόρφυρος idest tantum prætexta, vestis nempe Pro Consularis, Neque eam vestē Romani trabeā appellant: nec τῇ ἑνός est Trabea, sed simpliciter toga. Ad verbum ergo. *Pro Consul a sede sua profiluit, vestemq; prætextam excutens, quam Romani togam appellant.* Nullus hic trabeæ locus. Nullus etiā infra in Proæresio, vbi Præfectura Prætorij Eunapio dicitur ἀρχὴ βασιλεία ἀπόρφυρος, idest Imperatoria dignitas sine purpura. Non quod idem vertit, *purpura, trabeaque usu mutilata.* Purpura enim qua carebat Præfectura Prætorio erat laticlavia de qua mox dicemus.

Ipse Politianus, quod vix credibile est, vim Græcæ vocis non videtur assecutus. Nam quod Herodianus lib. iv. dum ritum, scenamque Consecrationis describit, inter reliqua post Pyrrhicam *circumactos*, ait *currus, qui ferrent.* ἡμφισμέρες τὰς περὶ πορφύραν ἐδῆτας *Currus*, inquit ille, *circum aguntur infessi purpuratis rectoribus.* Sed rectores illi non purpurati erant, sed tantum prætextati; scilicet vt subiicit Herodianus *referebant personas eorum, qui magistratum domi, vel foris gessissent*, qui omnes in Prætexta. Rectius tamen in Herodiano quis περιπόρφυρος legeret. Xiphilini Interpres de Traiano, qui antequam adipisceretur Imperium visus est in somnis videre senem grandævum ἐν ἱματίῳ, καὶ ἐδῆτι περιπόρφυρον, vt Senatus pingi solebat sibi ad stare. Vertit, *in veste purpurea*, cum debuisset, in Prætexta, siue ad verbum in toga prætexta, & tunica laticlavia. Quid enim pallium, & vestem Xiphilinus coniungeret? Sed pallium ibi toga est, vestis tunica, quæ & ipsa clavis in pectore prætextata erat.

Prætexta igitur Magistratus insigne fuit. De Aedilibus Dio lib. lxxvi. *Antequam legeretur Senatorem illum caluum περιπόρφυρον ἱματίον habuisse.* Tunc omnes in Marcellinum oculos

coniecimus: is enim tum Aedilis fuerat. Cicero ep. x. lib. II. ad Q. Fratrem de Aedilitate Appij Claudij. Togam sum eius prætextam, quam erat adeptus. Cesare Consule magno risu hominum cauillatus. Quod nolit inquam renouare honores eosdem, quominus togam prætextam interpolet quotannis, decernendum nihil censeo. Quo loco ut doctissimus, ac disertissimus Seb. Corradus ad Ciceronem de Claris Oratoribus obseruat, Appij ambitionem, & auaritiam mordet, quod mallet foris, & in provincia lucrari, quam domi damnum accipere renouandis honoribus, & interpolanda prætexta. Nam qui magistratus inibant, nouas prætextas confici curabant, auari, ut Appius, veterem interpolabant, ut noua videretur, ob magnum purpuræ pretium.

Prætores etiam in Prætexta. Appianus l. II. Ciuil. *Cinna Prætor affinis Caesaris præter expectationem progressus in mediū, τὴν τε ἰσθῆτα τὴν σπαρτυρικὴν ἀπεδύσατο. Prætextam exuit, quod melius est, quam Prætoriam purpuram, nam purpura non tantum Prætoris, sed & reliquorum magistratuum.*

Immo & Præfecti Prætorio in prætexta licet ius clauis non haberent. Dio dat eam Sciano l. LVIII. *Quem τὸν περὶ τὸν φόρον ἱματίον ornauerant, ad supplicium duxerunt. Et Iuuenalis sat. x. de eodem*

Huius qui trahitur prætextam sumere manus

An Fidenarum Gabiorumque esse potestas?

Dictatorem etiam prætextatum fuisse non est dubitandum. Supremam enim eius dignitatem, qua cunctos magistratus antistabat, non alijs insignibus, quam securibus ad fasces additis ab alijs distinctam auctores produnt. Ita illud Senecæ de Silla Lib. I. de Clem. c. XII. *Descenderit licet Dictatura sua, & se toga reddiderit, non recte Lipsius ita explicat. Dictator ergo in sago, qui rei gerenda causa creatus. Nam intra Urbem nec Dictatores, nec Coss. nec alij magistratus in alia veste quam in prætexta fuere: extra Urbem paludati. Quoties ergo Dictatores propter negotia Urbana creati, ij in prætexta more reliquorum. Silla deposita Dictatura, & eius insigni toga prætextata, togæ communi id est puræ*

reddidit, quòd ait de se Cæsar apud Lucanum.

Ipsè ego priuata cupidus me reddere vite

Plebeiaque toga modicum componere ciuem.

An Senatores Prætextati: An Tribuni plebis?

Cap. IV.

PRætextas etiam Senatorū fuisse, idem Manutius suspicatur inductus verbis Ciceronis 11. Philippica. *Nescis veri quartum in Circo diem ludorum Romanorum fuisse, te autem ipsum ad populum tulisse, ut quintus præterea dies Cæsari tribueretur? Cur non sumus prætextati? Cur honorem Cæsaris tua lege datum deseripatimur? Quod enim in Senatu Cicero verba faceret, existimat Manutius, cum dixit, cur prætextati non sumus? loquuntur de Senatoribus.*

Sed non fuisse prætextam Senatorum propriam, illud satis ostendit, quod suprà attulimus ex Dione, in luctu Magistratus deposita prætexta in veste Senatoria mansisse. Quidam ergo existimant, id dixisse Ciceronem, quia Augur erat, cumque etiam Antonius eodem sacerdotio præditus esset, habuisse tunc ius prætexæ; Quod ut verum sit, ita opus esset ostendere, Augures nonnisi ludis ius prætextæ habuisse, cum tamen eos perpetuo gestasse prætextam cum reliquis Sacerdotibus credi par sit. Illud propius vero, Antonium cum legem ferret de addendo die quatuor diebus ludorum, tulisse etiam ad populum, ut in maiorem Cæsaris honorem Senatores prætextati spectarent. Vel certe, quod credit Manutius, fortè hoc proprium fuit ludorum Romanorum, ut prætextati Senatores spectarent: nam reliquis ludis non licuisse inde conijcit idem, quod Pompeio Magno ex Mithridatico bello reuertenti honoris causa tributum fuerit, ut scenicis ludis prætexta vteretur. Unde id acceperit Manutius, nescio. Dio Cassius hoc non habet, sed decretum fuisse, ut in omnibus festis lauream gestaret, καὶ τὴν σολῶν, τὴν μὲν ἀρχὴν ἐν πάσαις αὐταῖς, τὴν δὲ ἐπὶ νίκῃ ἐν τοῖς τῶν ἱππέων ἀγῶσιν ἐνδύειν: in usque omnibus paludanda-

ludamentum ferret, vestem autem triumphalem in equestribus certaminibus indueret: σολὴν ἀρχιμὲν rectius *prætextam* verteris nam cum de habitu urbano loquatur σολὴν ἀρχιμὲν est toga prætexta. Paterculus lib. II. Absente Gm. Pompeio T. Ampius & T. Labienus Tribuni pleb. legem tulerunt ut is Ludis Circensibus corona aurea, & omni cultu triumphantium uteretur; scenicis autem *prætexta*. Id ille non plusquam semel (& hoc sane nimium fuit) usurpare sustinuit. Non fuisse autem prætextam Senatorum, idem Dio indicat lib. LII. cum ait, inter reliquos honores Augusto decretos fuisse, ut Senatores Actiacæ victoriæ socij ἐν περιπορεύοις ἱματίοις τὴν πομπὴν αὐτοῦ συμπέμψαι, *prætextati cum eo triumpharent*. Propertius tamen l. IV. el. I. indicare videtur Senatores prætextatos fuisse.

Curia prætexto quæ nunc nitet alta Senatus

Pellitos habuit rustica corda Patres.

Sed a parte nobiliori totum Senatum prætextum appellavit, quod in eo magistratus omnes prætextati: siue quod est simplicius Senatores prætextati dici poterant, quorum tunica latis clavis purpureis prætexta erat, quamquam propriè hæc vox de toga usurparetur ut supra diximus cum Xiphilinum explicaremus. Ausonius Edil. VIII. de toga intelligit.

Roma illa domusque Quirini

Et togâ purpurei rutilans prætexta Senatus.

Nisi dicere malimus sicut Consul qui alias tantum prætextatus, in officio solemni annum auspicandi ut dicemus, in toga triumphali erat, ita Senatores eodem die solemni prætextâ sumpsisse. Ibi enim Ausonius solemnia Kalendarum Ianuarij precatur. Fortasse etiam togas totas purpureas sumptas innuit nam infra togam pictam purpuream Consul is appellat prætextam.

Quintam Romulei prætextam habiturus honoris,

Et alibi de Gratiano

Dum prætextatus in ostro

Et sceptro & solio sibi præfert iurâ magistri.

Vbi Cæsarem in purpura Imperatoria prætextatum ap-

pellat. Etiam in Professoribus II. videtur Senatoribus togas purpureas dare.

Mille foro dedit hac iuvenes: bis mille Senatus

Adiecit numero purpureisque togis.

Quo loco fortasse respexit solemnitatem Kalendarum. Nam non est credibile senatores omnes eodem habitu atq; Imperatorem vfos fuisse, id est purpureo, & triumphali.

Censoribus prætextam abiudicat Manutius, quod Polybius lib. vi. cum ornamenta mortuorum narrat, ait: *Vbi præclarus aliquis ex domesticis obijt, instituunt funeris apparatus & circumfusi qui similes magnitudine, ac statura videntur.* ἐὰν μὲν ὕπατος, καὶ στρατηγὸς ἢ γεγωνὸς, περιπορφύρους λαμβάνουσιν: ἐὰν δὲ τιμητὴς πορφύρᾳς. Si Consul, vel Prator fuerit, prætextas: si Censor, purpureas.

Atqui Tribunis idem prætextā adimit, quod Plutarchus vbi Tribunum plebis magistratum esse negat, hoc vtitur argumento, quod prætextam non habuerit. Et tamen Cicero pro Cluentio Tribunitiam prætextam innuisse videtur, cum de Quintio Tribuno pleb. loquens ait. *Facite ut non solum mores eius, & arrogantiam, sed etiam vultum, atque amictum, atque illam usque ad talos demissam purpuram recordemini.* Manutius togam purpuream intelligit, sed quis vnquā Tribunis talem togam adscripsit? Alij de tunica intelligi volunt, quod nempe tunicæ Senatorum fuerint purpureæ, hoc nos falsum esse infra vincemus. Quid opus est verbis? Quintilianus de prætexta omnino capiendum Ciceronem docet. Nam lib. v. *Alia*, inquit, *respondendi patronis ratio, & aliquando tamen eorum non oratio modo, sed vita etiam, vultus, denique incessus, habitus rectè incusari solet; ut aduersus Quintium Cicero, non hæc solum, sed ipsam etiam prætextam demissam ad talos insectatus est.* Malumus ergo Romano homini, & antiquiori, Tribunos prætextatos, quàm Græco, & non semel aliquid humani passo, credere. Neque tamen ideo Cicero Quintium reprehendit, quod prætexta talari vteretur, nam omnes ea ætate togas talares fuisse supra ostendimus: sed quod cum alij paulò supra imam togæ oram purpuram circum-

cum extam gestarent, superbus ille, & latiore, & talos ipsos perfundentem induerit. Nec dubie Tribunitiam prætextam intellexit Appianus lib. IV. civil. cum sacram vestem appellat. Vbi Cassius in Oratione ad milites, ait, *Tribunis a Cesare sacrum magistratum & τὸ ἐδῆτα τὸ ἐπαδὲ & sacram vestem adeptam fuisse.* Nam paulo infra vestem Proconsulium idest prætextam appellat *sacram purpuram.* τὸ πρὸς τὴν ἐπαδὴν περικουδύτης. Vt alibi Cæsaris Pontificis Max. vestem sacram appellat quæ fuit prætexta.

Ceterum vsum prætextæ puerilis vsque ad extrema Romani Imperij tempora durasse indicat Ausonius in Professoribus. XIX.

Mox schola & auditor multus pretextaque pubes.

Vbi prætextam pro prætextatam dixit sicut Edyl. VI. I.]

Roma illa domusque Quirini

Et toga purpurei rutilans pretexta Senati.

Immo Propertius lib. IV. eleg. I.

Curia pretexto quæ nunc nitet alta Senatu

Pellitos habuit rustica corda patres.

Qua licentia Macrobius lib. 2. Sat. *verba pretexta* dixit pro *prætextata*.

Ad extremum illud de prætexta non videtur prætereundum, eam a Prætoře depositam antequam damnationis sententiam pronunciaret. Val. Maximus lib. IX. c. XI. I. narrat Licinium Macrum repetundarum reum, cum vidisset Ciceronem, qui Iudicium cogebat prætextam ponentem, ne bona hastæ subijcerentur interclusis faucibus vitæ suæ finem attulisse: qua cognitare Ciceronem nihil pronunciasse.

Seneca tamen non depositam prætextam sed peruersam indutam indicare videtur de Ira lib. I. c. XVI. *Et si peruersa induenda magistratui vestis.* Fortasse ideo deponeretur ut de more peruersa indueretur: Vt placuit Mureto, qui ad Senecā ait a magistratu laturo sententiam depositam prætextam, ut eam peruersam indueret, idest partem eius floridiorem, ac nitidiorem introrsus verteret. Quod verius quam quod Lipsius existimat deposita prætexta aliam vilior

rem togam sumptam esse, negatque vestem peruersam esse inuersam, sed funestam, indecentem, ac seruilem. Quasi fuerit aliqua toga seruilis, aut peruersa vestis aliud significare possit quam inuersam. Sed Lipsius cum potest libenter Mureto obloquitur.

De Trabea. Toga ποινικοπαρύφος. Halicarnassensis explicatus. Cap. V.

Prætextæ Trabeam merito subiiciemus, quia ad instar prætextæ fuit, non in ima solum ora, sed per totum purpuræ fascijs, virgisque latioribus veluti trabibus transuersis distincta, vnde & *trabea* nomen inuenit; Non quòd ex plurius purpureis pannis assutis constaret, sed vt Turnebus docuit intextis, vt nempe subtemen purpureum, stamen album vel coccineum esset. Suetonius in libro de genere vestium apud Seruium ad illud.

Ipse Quirinali trabea, cinctuque Gabino.

Tria trabearum genera statuit; *Dys sacratum*, quod erat tantum de purpura: *Regium*, quod erat purpureum, cui tamen album immixtum: tertium *Augurale*, de purpura, & cocco. Eas initio Regum fuisse tradit Plinius, mox peculiare equitum Romanorum fuere, cum scilicet Idibus Iulij transueherentur ex Q. Fabij instituto, vt tradit Val. Maximus lib. 11. c. 1. Eam transuectionem Dionysius. lib. vi. describit. *Ea pompa inquit quæ post sacrificium procedit ab ijs, qui equi publici ius habent, qui secundum tribus, & centurias distributi ordine equis inuehuntur tanquam e pugna redeuntes, olea coronati, καὶ πορφύρας ποινικοπαρύφας ἀμπεχόμηναι τηβέννας, τὰς καλουμένας τραβείας.* Vt vertit Interpres, *togis purpureis phæniceo colore intertextis induti, quæ Trabea dicuntur.* Sed πορφυροπαρύφους in Dionysio legendum est. Nam si illæ togæ totæ purpureæ fuerunt quomodo virgis discoloribus, siue trabibus purpureis distinctæ erant? Et quid est vestem purpuream phæniceo colore intertextam esse? Vel ergo trabeæ non fuerunt totæ purpureæ, vel nominis notatio pereat necesse est. Sa-

ne Suetonius tradit Deorum trabeas fuisse purpureas, sed & idem Regum trabeis, quæ postea ad equites transierunt, albi aliquid intermixtum fuisse prodit. περιπορφύρους inquam legendum est: Idem enim infra de Salijs ait. Τηβέννας ἐμπεπορπημένοι περιπορφύρους φοινικοπαρύφους, ἃς καλοῦσι τραβέας. Prætextis incincti puniceo colore intextis. Nisi malimus φοινικοπαρύφους interpretari, *palmis intextas*, siue quod idem est *palmatas*: quod Sylburgio placuisse video, quales, & triumphantium togæ fuere; Equites in transuectione veluti post victoriam ouantes, & ideo in toga triumphali palmata; Quare ipsa toga triumphalis etiam *trabea* dicta est, de qua infra.

Scholiasta Ciceronis error Trabeam cum Paludamento confundentis. Cap. VI.

EX dictis trabeam togam fuisse manifestò apparet; Quò magis miror nuperum Orationum Ciceronis interpretem commentarijs in Pisonianam, quo aliquid audacius, ut ipse loquitur, & extra communem sensum scriberet, prodere ausum, paludamentum cum trabea idem vestimentum fuisse. Quod adeo falsum est, ut in eo refellendo verba impendere superuacaneum sit, nisi illud succurreret, posse studiosam iuuentutem ex cuius manibus, qui non sunt sociorum libri excutiuntur eodem errore prolabi. Ratio eius est, quod paludamentum vestis militaris, & purpurea fuerit. Talem autem fuisse trabeam docere Halicarnasseum loco, quem supra laudauimus. Sed quis non videt (ut Dialecticam omittam) aperte ab Halicarnasseo trabeam togam appellari, & patriam Romanorum vestem, idest civilem? Nec ideo militaris quia equites ea vsti: non enim in bello, sed in transuectione. Nam quod subiicit idem, *tamquam a pugna redeuntes*, ad veterem morem alludit, quo antiquissimi in togis pugnabant succincti Gabinò ritu. Quare non minus labitur, cum ait Virgilium illis verbis.

Ipse Quirinali trabea, cinctuque Gabino

Insti-

Insignis reſerat ſtridentia limina Conſul.

Trabeam pro paludamento uſurpaſſe. *Quia inquit trabea non fuit toga picta, & ideo paludamentum.* Id falſum eſſe infra docebimus. Sed eſto, non fuerit toga picta, fuit tamen purpura intexta; Et licet tunc trabea in uſu non eſſet, quæ a Romulo inuenta, Virgilius poetica prolepiſi uſus eſt. Fuit toga & quidem magiſtratum propria ideſt Conſulis in officio reſerandi templi Iani. Nec officiit, quod trabea cingeretur, toga picta flueret, nam & toga communis modo cingebatur cinctu Gabino, modo non, ut ſupra oſtendimus.

Quid autem Dionyſio, quid Seruio reponet Ciceronianus interpres, qui trabeam togam appellant? Satis fuerit ad indicandam rei veſtiariæ peritiâ eius verba attuliſſe. *Potuit eadem veſtis, ſive idem paludamentum tunica propter breuitatem (erat enim breuior, & ſuccinctior) & toga (propterea quod ſubucula, ſive interula impoſita hominem totum togæ inſtar inuolueret) nominari.* Nullum hic diſcrimen inter tunicam, togam, & paludamentum; Omnis breuior veſtis tunica: omnia, quæ interulæ imponebantur etiam pallia, togæ dici poſſunt. En cor Zenodoti? Idem etiam trabeam liſtorum propriam facit, ad quod adducit Appiani verba in Lybicus. *Imperatori præeunt liſtores πομπῆς χιτῶνας ἐνδεδυμένους; Quæſi trabeæ fuerint tunicæ.*

Ceterum in funere Germanici atratam in municipijs plebem, Equites trabeatos inducit Tacitus, non quod trabea veſtis funerum propria fuerit, ſed ut aduertit Lipſius quod ad augendâ funeris pompâ veſte ſolemni Equites uſi ſunt. Fruſtra tamen idem Grammaticorum veterum fidem eleuat, dum Equitum modò trabeam fuiſſe contendit; Nam præterea Regiæ, Conſularis, & Auguralis ſcriptores meminere. Immo toga picta, quæ ab Imperatoribus Conſulibus dabatur, trabea dicta eſt, ut mox oſtendam.

*De purpura, & eius generibus. Plinius correctus,
& explicatus. Cap. VII.*

VT ea quæ de prætexta ac trabea dicta sunt, quæ de toga triumphali, & lato clauo dicturi sumus, melius intelligantur, non abs re fuerit pauca quædam de purpura leuiter perstrinxisse, nam plenos commentarios alij ante nos dederunt. Eleganter Plinius ad purpuram fasces Romanasque secures viam fecisse tradit, eandem fuisse pro maiestate pueritiæ: distinxisse ab equite Curiam: Dijs placandis aduocari solitam: omnem denique vestem illuminasse, atque in triumphali auro misceri consuevisse. Et purpuræ quidem vsum semper Romæ fuisse idem obseruat, in trabea sub Romulo, in prætexta, & clauo sub Tullo Hostilio. Non idem tamen purpuræ genus in vfu fuisse docet Cornelius Nepos apud eundem, cuius verba sunt. *Me iuvene violacea purpura vigeat, cuius libra denarijs centum venibat idest X. aureis: nec multo post rubra Tarentina: huic successit dibapha Tyria, quæ in libras denarijs mille non poterat emi (idest C. aureis) Hac P. Lentulus Spinther Aedilis curulis primus in prætexta usus improbat, quæ purpura quis iam, inquit Nepos, non triclinaria facit? (idest stragula lectorum triclinarium) Spinther, subijcit Plinius Aedilis fuit Cicerone Consule, dibapha tunc dicebatur, quæ bis tincta esset, veluti magnifico impendio, qualiter nunc omnes penè commodiores purpuræ tinguntur.*

Primis ergo temporibus, Prætextarum, nam illæ ab Regibus inuectæ sunt, & clauorum in tunica, purpura violacea fuit, mox rubra Tarentina, sic dicta a loco ubi tingebatur, tandem omnium pretiosissima Tyria successit, quæ a duplici tinctura dibapha dicta; Eaque initio ob luxum notata, ut in Spinthere, & in M. Cœlio, de quo extant Ciceronis verba pro eodem, *Si quem etiam minimorum horum offendit, si purpure genus, si amicorum cateruæ.* Purpuræ genus, hoc est Tyriæ, siue dibaphæ, quæ tunc improbabatur. Hanc vegeti coloris fuisse, florentisque maximè, ac luminosi, contra

vulgarem violaceam obtusioris, ac pænè fusci, docet Plutarchus in Catone, de quo tradit, quòd cum in vniuersam contrariam moribus sui temporis insistendam viam sibi videret qui mali erant, & magnam emendationem desiderarent, ἐπεὶ inquit, πορφύραν ἑώρα τὴν κατακόρος ἑρῶσαν, καὶ ὀξείαν ἀγαπωμένῳ αὐτος ἐφόρει τὴν μέλαιναν; Cum purpuram saturi coloris & acuto rubore splendentem in pretio videret esse, ipse fuscam & obtusam gerebat. Eandem fuscam, & plebeiam appellat Cicero pro Sextio de Pisone. *Vestitus asper, nostra hac purpura plebeia, ac pænè fusca.* Nostram vocat, quod acuta, & florente delicatesiores soli tunc utebantur. Quare Piso qui grauitatem, & austeritatem affectabat, ea purpura utebatur in prætexta, ac clauo, ne quis somniet, totum Pisonis vestitum fuisse purpureum. Idem Cicero Vatini prætextam perstrinxit in epistolis ad Atticum. *Perinde licet faciant, quos volent Coss. Tribunos plebis etiam, deinde Vatini stromam διὰ φῶς vestiant.*

Post Ciceronis consulatum crescente luxu omnes ferè purpuræ commodiores Tyriæ erant, & Laconicæ, hoc est dibaphæ, & bis tinctæ. Ita tamen vt Laconicæ Tyrijs essent deteriores. Ouidius de remedio.

Confer Amyclais medicatum vellus abenis

Murice cum Tyrio turpius illud erit.

Vos quoque formosis vestras conferte puellas

Incipiet domina quisque pudere suæ.

Tyriam Horatius lib. i i. Ode xvi. *muricem bis Afrum* appellat; Id est vt Porphyrio interpretatur *dibapham pretiosissimam*; Eius color roseus quodam nigrore delibutus, & vt loquitur Plinius *nigricantis rosæ colore sublucescens.* Sed præstat eiusdem verba lib. xxi. c. i ix. de purpuræ generibus afferre, etiam si ab alijs notata fuerint. Ea sunt vt in vulgatis extant. *Et de odoratis coloribus satis dictum, in quibus unguento vicisse naturam gaudens luxuria vestibus queque pronocauit eos flores, qui colore commendantur.* Hos animaduerto tres esse principales, vnum cocco, qui in rosis micat. Gratius nihil traditur affectu, & in purpuras Tyrias dibaphasque & Laconicas. Alium in

Ametbyst,

Amethysto, qui in viola, & ipse in purpureum, quemque ianthinum appellauimus. Tertius est qui proprie conchylij intelligitur, multis modis: unus in heliotropio, & in aliquo ex his plerumque saturatior: alius in malua ad purpuram inclinans: alius in viola serotina conchyliorum vegetissimus. Verba illa, qui in rosis micat, Gratius nihil traditur aspectu, & in purpuras, vitiosa esse nemo non vidit, & sanare conatus est. Doctissimus Pintianus locum viciatissimum, & insanabile cacoethes fatetur; Tum in Veteri codice sic legi, quia rosis migrante gratia nihil trahitur suspectu, vnde minus male scribi posse, qui rursus migrante gratia trahitur in species, in purpuras: Baysius. Et in purpura Tyria, dibaphique & laconica. Neuter sitis proficit. Dalechampius in Vet. extare ait Gratius nihil aspectu; Trahitur in purpuras Tyrias dibaphasque Laconicas. Quę lectio nobis omnium optima videtur. Color enim coccineus, siue roseus aspectu gratissimus trahitur in purpuras Tyrias, dibaphasque Laconicas. Quod si quis cum Salmasio suspectu trahitur legat, non repugnauerim, licet non tantum purpurę suspectus, sed etiam aspectus gratissimus fuerit. Nam si solo suspectu Tyrię gratia steterisset iocus Augusti locum haberet de quo Macrobius lib. II. Saturn. Cum de Tyrię purpura quam emi infferat obscuritate quereretur, dicente venditore. Erige altius & suspice, his salibus vsus est. Quid? ergo ut me populus Romanus dicat bene cultum in solario ambulaturus sum? fuisse autem Tyrij colorem nigricantem indicat illud: De purpurę obscuritate quereretur.

Sed in viam redeamus. Ex Plinij verbis tria purpurę genera eius interpretes recte statuerunt, singula florum colores prouocantia. Primum coccineum, eundemque roseum Tyriarum, ac dibapharum peculiarem, de quo idem Plinius. *Laus ei summa color sanguinis concreti nigricans aspectu, idemque suspectu refulgens.* Secundum Amethystinum violarum æmulum, coloris nempe violacei saturati. Tertium conchyliatum, cuius colorem in vniuersum ait fuisse Plinius austum in glauco, & irascenti similem mari, idest cœruleum: eius tres species in floribus ponit, in heliotro-

pio fermè ſaturatiorem, in maluæ flore inclinantem ad purpuram, in viola ſerotina conchyliorum vegetiſſimum. Sed plenum purpuræ, ac conchyliorum diſcrimen, eorumque mixturam, ac temperamentum videre eſt apud Plinium qui omnes hos colores in temperatura mixtos fuiſſe docet, *gemma demonſtrata via luxuria, ut color alius operiretur alio, ſuavior ita fieri leniorque dictus. Quare, & Amethyſtinum Tyrio inebriatum, ut eſſet ex utroque nomen improbum, ſimulque luxuriâ duplex, & cùm confecere conchylia tranſire melius in Tyrium putant. Quin, & terrena miſcere, coccoque tinctum Tyrio tingere ut fieret hyſginum. Haſtenus ille. Multa præterea præclare diſputavit Salmaſius ad Tertullianum, cuius analeſta non conuerro. Cæterum coccineum colorem a purpureo diſtinctum hoc eſt terreſtrem purpuram a marina diuerſam illamq; hac deteriorem alijs ad notatum eſt. Capitolinus in Albino refert epistolam Commodi ad Albinum in qua hæc ſcripta ſunt. Sane ut tibi inſigne aliquod Imperialis maiestatis accedat habebis utendi coccinei pallij facultatem me præſente habiturus & purpuram ſed ſine auro. Et Lampridius Diadumeniano. Hic ubi primum indumenta coccea, & purpurea, cæteraque caſtreus; a Imperij inſignia accepit. Purpura igitur ex conchis muricibusque: Coccum terreſtre granum erat. Plinius lib. ix. cap. xli. Quin & terrena miſcere, coccoque tinctum Tyrio tingere ut fieret Hyſginum. Coccum Galatiæ rubens granum, ut dicemus in terreſtribus aut circa Emeritam Luſtania in maxima laude eſt. Verum ut ſimul peragrantur nobilia pigmenta (ideſt tractatio de purpura marina & terreſtri coniungatur) anniculo grano languidus ſuccus: idem a quadrimo euanidus. Ita nec recenti vires neque ſenſcenti. (ſuccus ſcilicet ex cocco vnius anni expreſſus languidus erat poſt quatuor annos euanefcens). Eiſdem me minit idem lib. xvi. c. viii. & lib. xxiv. c. iv. & lib. xxi. c. ii. iam vero inſciſti veſtes ſcimus admirabili ſucco. Atque ut ſileamus Galatiæ Africa, Luſitaniæ cocci granum Imperatorijs paludamentis dictum, Tranſalpina Gallia herbis Tyrium atque conchylium tingit, omneſque alios colores? Nec querit in profundis murices, ſeſequæ obijciunt.*

obijciendo escam, dum præripit, belluis marinis: intacta etiam anchoris scrutatur vada, ut inueniat per quod facilius matrona adultero placeat, corruptor insidietur nuptæ. Stans & in sicco carpit quod frugi mundos exculpat. His alioqui fulgentibus instrui poterat luxuria, certe innocentius. Locus non semel ab ætate & a criticis vitiat. Nam quod in veteribus erat granis coccum, cocci granum fecerunt: cum coccum & granum eadem res sit. Sed hic coccum pro ipso grani succo accipitur, ut alibi cocco tinctum dixit. Recta igitur lectio *Lustania granis coccum* (idest cocceum colorem ex granis) *Imperatoris paludamentis dicatum*. Maius monstrum alicui illis verbis, quod frugi mundos exculpat. Vtique postquam criticorum audacia accessit. Inueteri proba lectio est si coniunctio dematur. *Quod frugi ac mundus non culpet*. Legendum. *Quod frugi mundus non culpet*. Color coccineus non erat ita inuidiosus, ut purpureus, qui tanto periculo parabatur. Erant munditiæ luxuriosæ, aliæ sobriæ, ac temperantes. Colorem inquit cocceum homo mundus frugi, siue cum frugalitate nequaquam dinnet, minori enim impendio parabatur: culpaturus utique purpuram, quæ de profundo eruebatur. Ita quæ sequitur correctione non egent. *His (coloribus) alioqui fulgentibus* (non minus nitidis, ac purpureis) *instrui poterat luxuria* (non solum frugales munditiæ) *certe innocentius* (sine noxa & periculo vitæ.) Porro illud *obijciendo se se* quia in Vet. est *obijcientes*, malim legere *obijciens*, quamquam & illud tolerari potest.

Blatteus etiam color pro purpureo apud scriptores inferioris seculi reperitur. Lampridius in Heliogabalo. *Parauerat igitur funes blattæ, & serico & cocco intortos, quibus si necesse esset laqueo vitam finiret*. Vopiscus in Aureliano. *Et cum ab eo uxor sua peteret, ut unico pallio blatteo serico uteretur*. Et paulo infra. *Idem concessit ut blatteas matronæ tunicas haberent*. Eum colorem a blattis & vermiculis, qui e chermes ut Arabes vocant, & e cocco sanguinei coloris erumpunt dictum putant apud Turnebum lib. xix. c. xvi. Alij quod blattæ, vel blatteæ proprie sint *bullæ luti ex itineribus* ut ex Festo scribit Paulus ita etiam

etiam bullas sanguinis concreti vocatas, vnde in Glossis blattea θρόμβος αἱματος, hinc blatteum hoc est sanguineum pro purpureo. Mihi altera notatio magis arridet vt a blattis siue vermiculis dictus sit, vt proprie fuerit color coccineus. Distinguit tamen coccum a blatta Lamprius loco supra adducto. Sed fortasse per similitudinem purpura dicta est, vt Plinius ait cocci colorem trahi in purpuras Tyrias, & Laconicas.

Quod penè effugerat, Si Tyrius color aspectu nigricabat, cur Cato in purpura fuscum colorē adamauit qui pretiosissimus? In purpura, quam Cato & seueriores aspernabantur, roseus color vegetus acuto lumine florescebat: contra purpura, qua Cato utebatur, violacea, siue conchyliata minimum rubei coloris, ac luminosi habebat, sed violacei saturati, & propterea obtusi, peneque fusci. Tyria aspectu tantum nigrescebat, suspectu refulgens: violacea & aspectu, & suspectu fusca erat; Vt nihil aliud fuerit purpura fusca Catonis, quàm minimè luminosa.

*Toga triumphalis, purpurea, picta, palmata,
Capitolina. Cap. VIII.*

Verrius Flaccus apud Sextum Pompeium docet, togam triumphalem primo purpuream fuisse, deinde acupictam, *Picta* inquit, *toga qua nunc dicitur, purpurea antè vocitata est, eaque erat sine pictura: eius rei argumento est pictura in eade Vertumni, & Consi, quarum in altera M. Fuluius Flaccus, in altera L. Papyrius Cursor triumphantes ita picti sunt.* Antiquitus igitur toga triumphalis tantum purpurea fuit, post picta in vsum venit, de qua Plinius. *Pictas vestes iam apud Homerum fuisse vnde triumphales natae.* Nec aliud fuisse pictam togam docti obseruant, quam acu elaboratam figurisque phrygio opere distinctam; Nam subiicit Plinius. *Acu facere id Phryges inuenerunt, ideoque, phrygiones appellati sunt.* Quare togæ triumphali purpureæ aurum immixtum esse oportuit, quo phrygiones eam varijs figuris ad instar picturæ acu variabant.

bant. Idem Plinius de purpura, *In triumphali auro miscetur.*
ἀλεργίδα χρυσόπασον appellat Dio lib. LXXIII.

Hinc præcipua dona, quibus amicos Reges Senatus Romanus colebat, togæ pictæ fuerunt, & tunicæ palmatæ, vt toties Liuius, & alij memorarunt. Tunicam palmatam, vt omnes sciunt, sic dictam Festus ait a clauorum magnitudine, quod nempe lato clauo ad instar palmæ manus distincta esset: deinde a genere picturæ, quod palmas intextas haberet, palmatam dictam. Hæc enim verior notatio est, quæ affertur a Seruio ad lib. XI. Aeneidos, *Palmatam dici tunicam, quam merebantur qui reportaſſent de hostibus palmam.* Togam tamen palmatā, vt obseruat Manutius pauci dixerunt, eamque a pictis palmis ita dictam non malè opinatur. Martialis.

I comes, & magnos illeſamerere triumphos,

Palmatæque ducem ſed cito redde togæ.

Suetonius etiam Claudio. *Secuti, & triumphalia ornamenta eodem bello adepti, ſed ceteri pedibus, & in prætexta: Crisſus e quo phalerato, & in veſte palmata.* Tandem Valerius lib. IX. cap. I. *Quid ſibi voluit Metellus Pius cum palmata veſte conuiuia celebrabat?* Ex hoc factum eſt, vt poſt quam procedente, tempore Conſulibus loco prætextæ toga triumphalis dari capit, ea palmata diceretur, vt idem Manutius obseruat. Aufonius in gratiarum actione ad Gratianum pro Conſulatu. *Dimicaturus palmatæ veſtis meæ ornamenta diſponis: parum eſt, ſi qualis ad me trabea mittatur interroges: te coram promi iubet; hæc eſt picta, vt dicitur veſtis, non magis auro ſuo, quàm tuis verbis.* In quibus illud quoque notandum, eandem veſtem modo trabeam, modò togam palmatam dici, quod etiam Sidonius, & Caſſiodorus fecere. Mirum eſt, in his recensendis nuperos Criticos Manutij nomen elato nimis, aut nimis demiſſo animo præteriſſe.

Toga igitur triumphalis, & picta dicebatur, quod acui distincta erat, & palmata a genere picturæ, hoc eſt palmis, licet, & talis poſtea diceretur, quamquam alijs figuris distincta eſſet, tandem, & Capitolina quod talis Iouis erat in
 Capi-

Capitolio. Nec triumphantium modo ea toga fuit, sed Consul, & Prætorum: Consul quidem quoties magistratum inirent ipsis Kalendis Ianuarijs idque sub Imperatoribus. Nam libera ciuitate in sola prætexta fuerunt. Quando id ceperit non ita certum. Virgilius per prolepsin fortasse ætatem suam respexit cum lib. vi. r. ait

Ipse Quirenali trabea, cinctusque Gabino

Insignis referat stridentia limina Consul.

Ex quo discimus non tantum Kal. Ianuarij Consules in toga picta fuisse, sed etiam cum Iani templum referrent saltem in trabea. Præterea Gabino ritu succinctos fuisse. Herodianus indicat in usu fuisse sub Commodo. Nam libro I. ubi celebritatem Kalendarum Ianuarij percenset inter reliqua ait ἀρχαί τε ἐπώνυμοι τότε πρῶτον τὴν ἐνδοξον, καὶ ἐννείσσιον πορφύραν περιτίθενται. *Consules primum honoratam ac solemnem,* (sive ut Symmachus loquitur annalem) *purpuram induunt.* Hoc enim malumus quam quod Politianus, summi magistratus conspicuam sibi & solemnem purpuram induunt. Nam summi magistratus fuere etiam Dictatores, Prætores, Censores. Sed propriè Consules ἐπώνυμοι quod nempe anno nomen darent. Quidquid sit, propurpura posset quis prætextam tantum intelligere quæ purpuræ nomine etiam ab alijs scriptoribus designatur.

Clarius huius ritus vestigium sub Alexandro Severo de quo Lampridius. *Prætextam & pictam togam numquam nisi Consul accepit, & eam quidem quam de Iouis templo sumptam alij quoque accipiebant aut Prætores, aut Consules.* Capitolinus de Gordiano. *Palmatam tunicam, & togam pictam primus Romanorum priuatus suam propriam habuit, cum ante Imperatores etiam de Capitolio acciperent, vel de Palatio.* Cui enim rei togam pictam priuatus homo haberet nisi ut ea vteretur cum magistratū annumq; incoharet? Crebrior deinde eius rei usus, ac mentio apud scriptores. Aufonius Edyl. iv.

Vt Præfecturam duplicem sellamque currulem

Vt trabeam, pictamque togam mea præmia Consul

Induerer fastisque meis prælatus haberer.

Et in Gratiarum actione. In procinctu & maxime dimicanturus palmatæ vestis meæ ornamenta disponis. Feliciter, & bono omine. Namque iste habitus ut in pace Consulis est, sic in victoria triumphantis. Paulo post pictam appellat idest Phrygionis opere elaboratam. Hæc plane, hæc est picta ut dicitur vestis non magis auro suo quam tuis verbis. In extrema oratione trabeam vocat. Ut trabeam non magis auro suo, quam munere tuo splendidam. Symmachus etiam picta toga Consularis meminit. lib. i. ep. i. & Trabea annalis lib. ix. ep. cxvi.

Nec Consulum modo, sed Prætorum toga picta & triumphalis fuit quoties Ludos ederent. Iuvenalis eleganter aulæum appellat.

— picta Sarrana ferentem

Ex humeris aulea toge.

Vetus interpres Intunica Iouis Mappam mittentem in Circo Consulem describit poeta. Nam tunicam Iouis togam palmatam dixit, Tyria purpura confectam, hoc est sarrana. Vbi nisi corruptus est, male togam cum tunica confundit. Quare videtur addenda coniunctio Et, inter Iouis, & togam.

Tunicam palmatam appellat Iouis, quod nempe, ut vidit Liptius, eadem Iouis simulachrum in Capitolio indutum fuerit. Ita apud Tacitum Tribunis celebraturis ludos Augustales triumphali veste uti permissum. Huc trahendus Martialis iocus in Proculeiam, quæ marito futuro Prætori repudium dixerat, ne cogeretur suppeditare impensas ad emendam purpuram, qua Megalesia spectacula ederet.

Constatura fuit Megalensis purpura centum

Millibus, ut nimium munera parca dares.

Megalensem purpuram vocat togam triumphalem, qua indutus Prætor Megalesiacæ mappæ spectacula editurus erat. Videntur etiam Prætores non modo in Ludorum editione, sed inter sacrificandum vestem pictam, & triumphalem gestasse. Cuius rei non aliud quidd ego sciam vestigium extat quam apud Appianum lib. i. ciuil. de Asellio Prætoris feneratorum scelere in medio foro obtruncato. Sic Asellio inquit Prætor sacrificans, ναὶ ἱερὰν, ναὶ ἱερὰν ποσὶν ἐστὶν ἄνθρωπος.

σίκα περιεμένος . *Sacram atque auro intextam vestem ut in sacris indutus .* Miror ab Interprete ὡς ἐν θυρίδι omissam , quod tamē indicat cur veste auro intexta siue aurata vteretur . Nā vt Prætor solius prætextæ ius habebat . Sacrificantes tamen sola prætexta vsos supra ostendimus . Nisi hoc sacri illius peculiare fuit .

Cæterum quæsitum est , vtrum hæ figurę in palmata texerentur , an acu tantum pingerentur . Vtrumque factum esse apparet . Quod acu variarentur a Phrygione , docet Plinius loco laudato . Quod texerentur , Festus tunicam palmatam , quę vt & toga , picta erat , a genere picturæ dictā notat , quod *palmas intextas haberet* . Et Ausonius ad Gratianum , *Palmatam , inquis , tibi misi in qua D. Constantius parens noster intextus est* . Etiam Polybius lib. vi. eos qui funus comitabantur viri triumphalis ait gestasse ἱδῆτας διαχρύσας , *vestes auro intextas* , quamquam , & auro distinctas vertere possumus . Appianus lib. i. Punicorum . Vestem triumphalem describit . Ἐξαιτται δὲ ἐς τὸν πάτρυν τρόπον πορφύραν ἀσέρων χρυσῶν ἱνυασμένων . *Induitur togam purpuream aureis stellis in textam* . Non rectē Interpres *amicitur toga clauata purpurea* . Hæ autem vestes triumphales in templo Iouis Capitolini seruebantur , & inde cum opus foret depromebantur . Lampridius in Alexandro . *Prætextam , & pictam togam nunquam nisi Cos. accepit , & eandem quidem quam de Iouis templo sumptam alij quoque accipiebant aut Prætores , aut Cos. Capitolinus in Gordiano , Palmatam tunicam , & togam pictam primus Romanorum priuatus suam propriam habuit : cum ante Imperatores etiam de Capitolio acciperent , vel de Palatio* . Ideo hæc toga Capitolina palmata dicitur in epist. Taciti ad Probum , vt ad Lampridium notauit Casaubonus .

Ius toga triumphalis ad priuatos translatum . Purpura summa . Cap. IX.

PRæter triumphantes , Consulesque , ac Prætores ludorum editione , priuatis quandoque hominibus ius togę pictę factum accepimus . Paulo enim Aemilio , qui de
Per-

Perseo triumphauit, hoc indultum est: & Pompeio Magno concessum tradit Dio ἐπινίκιον ἐνδύειν ἐν τοῖς τῶν ἵππων ἀγῶσι; idest *vestem triumphalem induere in equestribus certaminibus*. Eundem honorem Catoni ob Regiam Cypri Gazam sancte Romam transuectam oblatum, & ab eo repudiatum tradit Plutarchus. Idem postea Cæsari delatum, vt omnibus nempe ludis toga triumphali vteretur quemadmodum supra notauimus. Idem Dio lib. XLIV. αὐτὸς δὲ τῶ τε σολῶ τῶ ἐπινίκιον ἐν πάσαις πανηγύρεσι καὶ δόγμα ἐνεδύετο: Ipse ex S. C. *vestem triumphalem omnibus ludis, gestauit*. De quo etiam Cicero Philip. I I. *Sedebat in Rostris collega tuus amictus toga purpurea, in sella aurea coronatus*. Vbi simpliciter purpuream appellat, quæ etiam picta erat, auroq; intexta, vt omnes triumphales. Nam Plutarchus idem narrans appellat *triumphalem*: Dio *Regiam*, quæ profectò eadem fuit. Quamobrem qui hic de purpura Deorum Ciceronem loquutum volunt, non minus risu digni sunt, quam qui olim in purpura sapiens saltauit. Nec in ludis modo sed etiã in sacrificijs vt testatur Appianus lib. I I. ciuil. καὶ θύειν μὲν αὐτὸν αἰεὶ θριαμβικῶς ἡμφοισμένον. *Vt inter sacrificandum triumphali veste vteretur*.

Reliquos Cæsares, atque Imperatores in ciuili habitu incessisse, idest in toga communi, supra ostendimus; Vt de Alexandro notet Capitolinus, quod nunquã prætextam sumferit, aut pictam togam, nisi Cos. esset. Inferiori æuo, vestem purpuream, idest togam, ac paludamentum, Imperatorum fuisse manifestum est. Id a Gallieno ortum videtur, de quo Trebellius. *Cum chlamyde purpurea, gemmatisque fibulis, & aureis Romæ visus est, ubi semper togati principes videbantur*. Nisi velimus intelligere, Gallienum notatum, quod chlamyde vteretur, cum alij Principes toga.

Ex eo tempore purpura pro principatus symbolo a scriptoribus passim accipitur. Hinc *sumere purpuram*, pro *sumere Imperium*: & in tumultuarijs Imperatorum creationibus direptam a vexillis purpuram, aut de simulachris Deorum a militibus cum aliunde non suppeteret, vt ea Imperatorem induerent, Historiæ Augustæ Interpretes notarunt.

Inde etiam est, quod inter omnia Imperij semper aliquod purpureum occurrit, vt in eadem historia passim obseruare licet. Denique inde Imperatoria *purpura summa* dicta est. Lampridius de Alexandro. *Vlpianum sæpea militum ira obiectu purpura summa defendit*. Malumus enim purpuram summam Imperatoriam interpretari; quàm quòd Casaubonus de purpura, quæ in summa, siue extrema veste fuit prætexta. Quasi solo limbo, ac fascia extrema purpurea defensus fuerit Vlpianus, & non totius vestis purpureæ Imperatoriæ obiectu, quæ propterea summa dicta est. Quod si de prætexta intelligatur, dura locutio est dura interpretatio. Eam vero *purpuram principalem, & sacrum muricem, & purpuram veri luminis, & vestem aethinam*, hoc est veram, verique coloris idem Vir incomparabilis obseruauit.

De Vestibus holoueris. Cap. X.

Magnus Turnebus Adu. 1. cap. xi i i. Existimat, holoberas, siue holoueras vestes fuisse, quæ totæ essent birri, quòd nempe birri honestiorum, & palatinorum erant, totique serici, & toti conchyliati, ex Canone xi i. Synodi Gangrensis *Si quis amictu pallij utitur, & eos qui cum reuerentia birris utuntur despicit anathema sit*. Quòdque Zonaras, & Balsamo Βίρρος σπινθάρς ἐσθῆτας exposuere vestes sericas. Esse igitur holoueras vestes credit Turnebus birros totos verè sericos, & totos conchyliatos. *Sunt, inquit, holobera vestes, birri toti verè serici, & verè conchyliati*. A quo non abeunt Iuris consulti ad Tit. vi i i. lib. xi. Cod. de vestibus holoberis; qui nihil aliud esse contendunt, quam togas sericas eadem Zonaræ, & Balsamonis interpretatione inducti.

Et in eo quidem, quod hæ vestes totæ purpureæ essent; rectè censuit Turnebus: quod vero totæ sericæ, siue holosericæ, falsam notationem ostendit Salmasius ad Trebel: Pollionem. Valido herculè argumento: Nam si holouera tota ex serico texta vestimenta erant, nullum fuisset discrimen

men inter holouera, & holoserica: & nihilominus tantum erat, vt cum promiscuus eo tempore vsus esset holoserice vestis, sola holouera vestimenta priuatis interdicta, Principi, eiusque domui dedicarentur. Adeo autem promiscuum, & communem tunc temporis sericorum, & holosericorum vsus fuisse, vt etiam mimis, scenicisque mulieribus passim esset permissus, dum abstinendum sibi esse censerent, (verba legis sunt) *auratis sericis, & sigillatis, aut quibus alio colori admixtus puri rubor muricis inarde scibat*. Ostendit præterea non omnes birros sericos fuisse, quod ex alia etiam viliori materia conficerentur.

Credit ergo vir iste doctissimus, holouera sic dicta, quod essent tota purpurea, vt censebat Turnebus, & verba leg. III. titulo eodem conuincunt. *Nec pallia, tunicasque domus quis serica contexat, aut faciat, quæ tincta conchylio nullius alterius permixtione subtexta sunt*: Proferantur ex adibus, tradanturue tunice, aut pallia, ex omni parte textura, cruore infecta conchylij. Eadem paulo infra holouera appellat idest in quibus vtraque pars texturæ, stamen scilicet, & trama purpura tincta essent. Atque hæc vestimenta propterea holouera dicta esse censet, voce hybrida, siue Græco latina, quod tota vera, siue ex vero colore, quod nempè purpureum colorem, per quamdam excellentiam, verum appellabant. Vnde *chlamydes veri luminis* Trébellio dicuntur, vnde, & Græci ἀλθιπὸν χρώμα de purpura dixere.

Hanc opinionem etiam Aduersariorum sacrorum compilatori placuisse video, nam cap. LXXI. pro sua venditauit, maluitq; seruili probro respergi, quam tanto nomine scripta sua collustrare. Sed solemne ijs hominibus est alienos sibi foetus suppositum ire; Quæ quidem tolerabilia essent si hanc licentiam solum inter suos exercerent, nam sociorū omnia communia; Quis ferat cuncta cum puluisculo conuerrentes? Sed de his alias.

Cæterum, vt holouerarum notatio a Salmasio allata ingeniosa est, ita fas, iusque sit, quid, & nos sentiamus aperire. Nam *holouera*, non semilatinam, sed puram vocem

Græcam, contractam, mox, & corruptam semper credidimus: nec aliud esse, quam ὁλοπόρφυρα, *Holoporphyra*, induci auctoritate Isidori lib. xix. cap. xxii. Orig. *Holophora*, vel ut alij habent codices *Olophera*, *Holoporphyra*, *tota ex purpura*, quæ si non verior, at simplicior notatio videtur. Vocem postea de prauatam vulgo, & corruptam argu mento est, quod in scriptis libris Isidori ipse etiam Salmasius reperit partim *olophora*, partim, *olophera*, & *olopheria*, ne quis miretur ex *oloporphyris*, factas esse *holosera*, *holobera*, *holouera*. Papias Vetus Grammaticus. *Holophora vestis tota ex purpura; holon enim Græcè totum*. *Holoporphyra* ergo initio dicta, mox *holophyra*, *holophera*, & *holobera*, siue *holouera*: idest tota purpurea, quia vere talia erant, quorum scilicet stamen, & trama tota purpurea, hæcque priuatis interdita. Apud Nonium verbo stola, Varro περὶ φορᾶς κόσμου, *mulieres aliā cerneret cum stola holoserica*. Recte docti corrigunt *holoporphyro*, nullus enim tunc holoserici vsus. De birris autem, infra commodius differemus.

Togarum diuersa genera enumerata magis, quàm indicata.

Auctorum sententiæ expensæ. Varro explicatus,

& correctus. Cap. XI.

EThæc quidem de toga communi, ac triumphali sufficere poterant, nisi alia etiam togarum nomina, ac veluti species apud Plinium occurrerent: & rursus aliqui diuersa vestium genera pro togis imperitè obtruderent. Verba Plinij sunt lib. i ix. cap. xliix. *Lanam cum colo, & fuso Tanagulis in templo Sanci durasse prodente se auctor est M. Varro, factamque ab ea togam Regiam undulatam in æde Fortune, qua Servius Tullus fuerat vsus*. Mox subiicit. *Undulata vestis prima e lautissimis fuit, inde sororiculata defluxit. Togas raras Phrygianasque D. Augusti nouissimis temporibus cepissi*, scribit Fenesstella. *Crebræ papauerata antiquiorem habent originem, iam sub Lucilio poeta in Torquato notata*.

In his explicandis facilius fuerit aliorum opinionem retellere,

fellere, quàm nouam interpretationem afferre. Nonius. *Vndulatum noue positum, purum.* Varro de Vita Pop. Rom. lib. 1. *Et a quibusdam dicitur esse Virginis Fortune ab eo quod duabus vndulatis togis est opertum, proinde ut olim nostri Reges vndulatas & prætextas togas soliti sint habere.* Vbi videtur Nonius *vndulatam togam* opponere *prætextæ*. Sed maiorum gentium critici ineptiæ Nonium accusant, ipsique existimant, *vndulatas vestes dictas*, quarum textura *vndas* imitaretur quæ Plauto *cumatilis* dicta: quod in lana texenda an fieri possit ipsi viderint: certe nostræ vestes *vndulatæ* qua ratione fiant, etiam rudes intelligunt. Cum præterea *toga* essent albæ, ne quis *vndarum* speciem colorum, ac *licio- rum* varietate expressam comminiscatur. Et licet tali toga vsus Seruius Rex dicatur, & ideo picta fuisse *vndulatim* dici possit, tamen communes huiusmodi vestes fuisse verba Plinij indicant, cum ait vestem *vndulatam* primam fuisse *e lautissimis*, id est qua, & alij præter Reges *lauti homines* vterentur, quibus nullum ius pictarum fuit, nisi in triumpho. In veteribus libris pro *vndulata* legitur *ungulata* voce non minus, atque illa insolenti. Ita duo manu exarati in Bibliotheca Ambrosiana constanter habent. Etiam in *sericulata* iidem Critici vaticinantur. Alij enim *sericulatas* legunt, & sparto, ac lino condensatas interpretantur nempe a conferendo *sericulatas* dictas. Alij *seroriculatas*; ut est in veteribus libris; Alij *suoreculatas*, quæ perpetuis quibusdam furis, & latioribus virgis regulatæ essent, & eo toto texendi genere confectæ, ut sint a fura, vel a rica, vel regula. Sed quid iuuat in tenebris micare? Non exigua Critici laus est, etiam aliqua ignorare. Vel hic succurrant nobis, qui grandia semper minantur. Sanè huiusmodi furas, regulas, & figuras in lana texi non potuisse illud argumento est, quod in lana tantum Istria & Liburnica, quæ filo proprior erat quàm lanæ, scutulæ texi poterant, in reliquis villi obstabant. Plinius eodem capite. *Istria, Liburnique lino proprior quam lanæ pexis aliena vestibus, & quam sola ars scutulato textu commendat in Lusitania.* Hæc igitur lana, quæ minime villosa erat,

& li-

& lino similior, apta texendis scutulis erat, reliquæ ineptæ, in quæ villi omnem texturam tegebant.

Quod ad Phryxianas & rasas attinet nō ita Turnebi sententia displicet, qui ita dictas censet, quod Phryxæi velleris crispas & eminentes villos imitarentur, quasque cum spissis Seneca coniungit lib. 1. de Ben. c. 111. *Inueniam alium poetam apud quem præcingantur, & spissis, aut Phryxianis prodeant*: Vbi tamen loquitur de tunicis Gratiarum. His oppositæ rasæ fuerunt, idest minime villosæ: quemadmodum spissis rallæ. Magis inquam Turnebi opinio placet quam Popmæ ad Varronem de lin. Latina existimantis Phrygianam togam fuisse vestimenti genus distinctum filis aureis, & varijs meandris retortum quale a Virgilio describitur. *Robis pictacroco & fulgenti murice vestis*. Nam Phrygianas, siue Phryxianas fuisse togas communes indicat Plinius cum eas ralis veluti opponit, & in vsu esse cepisse ait temporibus Augusti, cum tot seculis ante togæ pictæ & a Phrygione elaboratæ in vsu essent. Sed locus ille Varronis mire deprauatus est. *Stamen astando, quod eo stat omne in tela velamentum. Subtegmen quod subit stamini. Trama quod tramat frigus id genus vestimenti. Densum a dentibus pectinis quibus feritur.* Hæc est vetus lectio. Turnebus *trameat frigus* idest transeat. Vt Varroni trama sit vestimenti genus rarum. Porro *Phrygium* pro frigus in veteribus legi idem testatur. Sed nec vllum vestimentum trama dictum est, & in quolibet trama locum habuit, quæ eadem cum subtemine, sine quo nullum vestimentum. Si ergo trama quod frigus tramaret siue tramearet, etiam densa spissaq; vestimēta frigus trameasset in quibus necessario trama erat.

Nemo itaque Scaligero assenserit legenti *quod trameat Phrygionis vestimentum*. *Phrygionia* autem esse quæ Italo *ricamato* appellant. Sed omnia vestimenta, non solum a Phrygione elaborata tramam habebant. Sequitur Scaligerum Popma paucis mutatis. *Trameat Phrygium cum sit genus vestimenti. Trama enim idest filum trameat & currit intra stamen & subtemen cum textitur Phrygium genus vestimenti.* Nihil ineptius

prius dici potest, trama quæ subtemen erat trameabat intra stamen & subtemen. Nec rectius Ant. Augustinus. *Trama quod trameat filum*. Et postea. *Genus vestimenti densum*. Nam & trama filum erat. Deinde sequentia non cohærent. Sed denuo tentare hanc aleam, & cum viris Doctis falli quæ inuidia est? Totus locus ita legendus & interpurgendus videtur. *Trama quod trameat. Phrygium genus vestimenti densum a dentibus pectinis quibus feritur*. Sicut stamen a stando, subtemen quod sub stamine esset, ita trama recte a trameando quod inter stamen tramearet, & trajiceretur. Sequitur *Phrygium* esse vestimenti genus densum, densum quidem a dentibus pectinis, idest bene percussum pectine. *Phrygium* autem quasi *ferigium* quod feriretur dentibus pectinis.

Notationis ineptia mira esset in Varrone si esset sola. Paulo post ait *tunicam* a tuendo dictam, & innumera his similia. Cui hæc coniectura non placet afferat meliorem.

At Paueras grauitè pressas, & calcatas interpretantur pectineque percussas, idest easdem cum spissis, ac paui-entibus. Vt crebræ sint quales Sophocli dicuntur *σπαθηται ἐοῦντες* quod notauit Scaliger ad Cirin Virgilianam: qui apud Plinium pro *papanueratis* *Paueratis* legit, vt sint bene percussæ, quomodo *panera* frumenta multum trita, vt granum deglubatur. *Pauera* autem a pauiendo. *Pauire* *παρετόπαιεν*. Hæc ille. Quæri postremo posset, quænam esset toga Græcanica apud Suetonium in Domitiano *Certamini præsedet crepidatus, purpureaque amictus toga Græcanica, capite gestans coronam auream*. Sed facile hoc magnus Casaubonus expediet, qui recte togam Græcanicam *ἀναλόγως* Chlamydem interpretatur, quod magis placet quam quod alij pallium: nam idem Suetonius de Nerone in re simili. *In veste purpurea distinctaque stellis aureis chlamyde*. Certe crepidæ numquam cum toga sumptæ, vt illa vestis Græcanica aut chlamys fuerit, aut palliū Græcum purpureum. Chlamydē hanc Græcanicam diuersam fuisse a castrensi indicat Capitolinus in Pertinace. *Purpureasque chlamydes Græcanicas & Castrenses*. Lipsius etiam ad Tacitum lib. xiv. chlamydem

ſuiſſe credit. Conſtanter tamen omnes M. S. Codices *togam Germanicam* præferunt. Toga etiam *flammata* apud Martialem ijs accedat licet, quæ adhuc ignorantur lib. v. epig. xx.

Saturnalitiae ligulam miſſiſſe ſelibra

Flammatae ve togæ ſcrupula tota decem

Luxuria eſt.

Nam vt demus Domitio *Flammata* togam fuiſſe rubram: Quis vnquam huius togæ vſus fuit præcipuè apud clientes, & pauperiores? Nam purpureæ triumphales erant, atque ingentis pretij. At ſermo hic munerum ſaturnalitorum, quæ quidem avari patroni largiebantur. Et licet purpureæ lacerne a ſumptuoſioribus donarentur, togas purpureas donatas inauditum. Deinde quis vnquam dixit decem ſcrupula togæ, quaſi toga vt ligula argentea ad pondus daretur; & quæ toga niſi fortè aranearum decem ſcrupula penderet? Neq; audiendus nuperus ſcholiaſtes qui decem ſcrupulis auri emptam intelligit. Nam nec locus togæ purpureæ, neque ea decem auri ſcrupulis parari poterat.

Quare corruptum locum ſuſpicamur, ſed cui ſanando non ſimus. In M. S. Florentino quem vidit Cl. & Præſtantiffimus Gerardus Voſſius legitur *Flammaris ve tola*, vt & in veteri editione, quam lectionem amplexus eſt Scriuerius. *Flammaris ve togæ*. Sed quæ nam eſſet iſta toga *Flammaris* non poſuit. Ergo diuinandum eſt.

Abollam non fuiſſe togam, aut veſtem Senatoriam.

Quideam fuerit. Cap. XII.

Non erat hic Abollæ dicendæ locus, niſi eam quidam Romani cultus partem imperite feciſſent, atque inuitis Quiritibus ciuitate donaiſſent. Prolomæum Regem ab Caio Cæſare non aliam ob cauſam percuſſum n. rre Tranquillus quàm quòd *ingreſſus ſpectacula conuerſiſſet oculos hominum ſplendore purpureæ Abolla*. Vbi Beroaldus ex Nonio obſeruat, Abollam fuiſſe veſtem militarem. Eam Torrentius,

*Corruptionem de en.
dit. n. Cren. Animadverſ.
vii. p. 83.*

Philol. & hiſtor. p. iv. c. ii. S. & Mar-

& Marcellus more suo describere. Verba Nonij afferam, quia malè affecta leguntur. *Abolla, vestis militaris.* Varro περὶ φθορᾶς λόγων. *Toga tracta est, & abolladata est turbam, ubi sera militia munera velli ut prestarem. Quem locum ita legendum pridem docti viderunt. Toga detracta est, & abolla data est ad turbam mihi sera militias munera belli ut prestarem. Belli idest in bello. Quæ rectius se habebunt si ad turbam legamus, & militiai idest militiæ; Ait enim ille detractam sibi togam vestimentum pacis, & impositam militarem abollam, ut militiæ sera munia fungeretur.*

Ex quo manifestum fit, quantopere aberrant qui Abollam Togam interpretati sunt, siue vestem Senatoriam. Sabellicus quidem ad Suetonium ait Festo *Abollam esse vestem senatoriam, dictam quasi Abullam, quod sit undique bullata.* Neque hoc in Festo extat, quod sciam, & notatio inepta est, ac ridicula. Pappias etiam. *Abolla, togæ genus, vestis senatoria amictus duplex.* Quod toga, & vestis Senatoria, fallitur, nam Varro illam togæ opponit, ut eidem togæ sagum opponebatur. Clarissime Martialis lib. I IX. ep. XL I IX.

Nescit cui dederit Tyriam Crispinus Abollam,

Dum mutat cultus, induiturque togam.

Vbi Crispinus de posita abolla induit togam. Hos ni fallor in errorem Iuuenalis versus induxit.

— *raptâ properabat Abolla*

Pegasus attonitæ positus modo villicus Vrbi.

Loquitur ibi poeta de Pegaso ab Domitiano in Albanum accito, quæ verba non ostendunt abollam fuisse togam, sed potius pallium, quo extra Urbem utebantur. Et fortasse Iurisconsultus ille in pallio Philosophico fuit. Id enim etiâ Abolla dicebatur. Idem Aquinas.

— *atqui audi facinus maioris Abolla.*

Stoicus occidit Baream delator amicum,

Discipulumque senex.

Vbi Vet. Interp. *Prouerbiū quasi maioris togæ idest sceleris potioris. Vel per ironiam dixit quasi sanctioris philosophi. Abolla species est maioris vestis, quasi pallij maioris; Quo loco per*

pallium maius philosophicum intelligitur, quod longius erat, ac fufius. Hinc Cynicos cum abolla induxit Martialis a Beroaldo adductus.

Ceream quem nudi tegit vxor abolla grabati.

Et licet idem Crispino in aula potentiffimo purpuream abollam tribuat, non alia ratione vestem pretiosam fuisse credendum est, quam quod erat purpurea.

Neque de nihilo est, quod ait Papias *Abollam fuisse duplicem amictum*, id enim a Seruio accepit, qui ad illud Virgilij.

Duplicem ex humeris abiicit amictum.

Duplicem amictum inquit idest *Abollam*, quæ duplex est, sicut *Chlamys*. Horat.

Quem duplici panno patientia velat.

Male autem Seruium Marcellus reprehendit, quod Abollam duplicem amictum interpretatus sit: nam Abolla erat Cynicorum vt diximus, hos, & Stoicos duplici panno velat Horatius, quare Abolla duplex amictus, & ideo pallium, non toga, aut vestis Senatoria. Cum hæc sub prælo essent, venit in manus summi Viri liber de modo vsurarum, in quo cap. I I I. notatum inueni Præsides in prouincijs, immo & Præfectos Urbis Abollam gestasse, atque in eo habitu iudicia exercuisse, atque hinc crimina extra ordinem animaduerti solita dici satyrico crimina maioris Abollæ, crimina scilicet extraordinaria, & de quibus debeat cognoscere Iudex paludatus, vel chlamydat, quales erant Præsides, vel Præfecti. Cui opinioni nullo modo assentiri possum. Nam Præsides in prouincijs Prætextam gestasse certum est, & inde facile colligas, quod Romani omnes, & magna pars prouincialium togati incedebant, & proinde Romanus magistratus in toga prætexta. Hinc cons. qui extra Urbem magistratum inibant eo loco prætextam sumebant quo honorem auspicabantur. Liuius lib. xxx. de Flaminio, qui iterum cons. designatus priuatus clam in prouinciam abierat. Magis pro maiestate inquit, videlicet Imperij, Arimini quam Romæ magistratum initurum, & in diuersorio hospitali quam apud Penates suos prætextam sumpturum? Ab Vrbe quidem palu-

dati proficiscebantur sed in prouincijs prætextati publicis muneribus fungebantur; Immo etiam in castris & exercitu, nisi pugnandum esset. Tacitus de Germanico pugnato aduersus Ariminum. *Nox eadem latam Germanico quietem tulit, viditque se operatum, & sanguine sacro respersa prætexta pulchriorem aliam manibus auia Augusta accepisse.* Et lib. I I I. Histo. *Sed ubi Cacina prætexta, & licioribus insignis dimota turba Cos. incessit.* Dio id a parte ponit lib. L I I I. ubi Procos. institutionem sub Augusto narrat. Ait enim καὶ ἐκ τῆς κοινῆς τῆς γερουσίας συλλόγου πέμπεσθαι, μήτε ἑξίφος παρὰ ζωννυμένους μήτε στρατιωτικῇ ἐσθῇτι χρωμένους. *Vtque de communi Senatus corpore mitterentur neque gladio accincti, neque militari habitu videntes.* Solis Augusti legatis datum subdit vt militari veste, gladioque vterentur. Sed demus Præsides chlamydatos, & paludatos in prouincijs iudicasse. Quis Urbis Præfectum in ipsa Vrbe peregrino, ac militari cultu cognitiones exercuisse tradit? Iuuenalis Pegaso Præfecto Abollam tribuit: sed non iura reddenti: sed iter in Albanum facturo; sed Iuris consulto & fortasse propterea Philosophico habitu gaudenti, vel ex alia causa nobis ignota. Præterea cui non durum videatur, facinus maioris Abollæ interpretari, de quo iudicet maiorem Abollam indutus? Non secus ac si quis diceret, parricidium fuisse facinus togæ, quod de eo iudices togati sententiam ferrent, & deferre agmen crimen paludamenti, quod de eo paludatus iudex cognosceret. Facinus ergo maioris Abollæ, quod supra notabamus, est facinus a philosopho & quidem sanctiorem vitam professo patratum, qui nempe Abollam gestabat. Egnatius nempe Celer stoicus, qui Bæream Soranum amicum, & discipulum delatione oppresserat. Abolla palium philosophicum, & ideo illud Cynicis Martialis adscribit, licet vestis etiam militaris fuerit, & ab alijs gestata, vt a Ptolomæo, & Crispino: sed pretiosior & purpurea. Philosophica vilior, & fusior ad instar pallij, & ideo Vetus Interpreter maiorem Abollam *maius pallium* interpretatur.

*Quod veſtimenti genus fuerit Læna. Seruij opinio
reieſta. Cap. XIII.*

Sicut Abollam peregrinitatis notauiſimus, ita, & Lænam Romano cultui ſe inferentem excludemus. Plutarchus in Numa notat, Iubam Regem tradere, Lænas quas Reges ferebant, Græcorum *χλαίνας* eſſe. Idem ſentit Feſtus, *Læna veſtimenti genus habitus duplicis, quidam appellatam exiſtunt Tuſce, quidam Græcè quod χλαῖνω dicunt.* Atqui *χλαῖνα* vt Græci notant *ἡρώτων φόρμα*, Heroum geſtamen. Hoc autem diſcrimen inter eam, & Chlamydem Macedonicam poſuere, quod Chlæna veſtimentum quadratum eſſet, Chlams Macedonica in inferiori parte concluſa.

Lænam igitur ſiue Chlænam initio Heroes Regesq; geſtarunt, etiam apud Romanos, vt tradit Plut. Lænam Aenææ aſſignat poeta.

— *Tyrioque ardebat murice Læna*

Demiffa ex humeris.

Vbi Seruius Lænam interpretatur *togam duplicem*. *Eſt autem propriè inquit toga duplex: amiſtus auguralis. Alij amiſtum rotundum, alij togam duplicem in qua Flamines ſacrificant inſubulati.* Alia quædam adiſcit de Læna, quæ nihil ad rem. Poſtremo notat creditum Virgilium latenter indicatſe Pontificalem ritum, quod veteri religione præciperetur in augurato Flaminii veſtem, quæ Læna dicebatur, a Flaminica texti oportere, qua vteretur Pontifex. Sanè hanc Flaminum veſtem fuiſſe indicat Cicero de Claris Oratoribus *M.* inquit *Popilius cum Conſul eſſet, eodemque tempore ſacrificium publicum cum Læna faceret, quòd erat Flamen Carmentalis, plebis contra patres concitatione, & ſeditione nunciata, vt erat Læna amiſtus, ita venit in concionem.*

Sed quod eadem toga fuerit, nullo pacto admitti poteſt. Primò quia Læna eadem ac Chlæna, hæc autem veſtimentum Græcanicum apertum, & quadratum, toga rotundum. Deinde quo modo Aenææ apud Pænos degenti toga datur, & qui-

& quidem cum gladio? Immo ex hoc non male Nonius vestem militarem interpretatur. Huc accedit, quod Læna, ut inquit idem, super omnia vestimenta accipiebatur, nec est credibile togam, & quidem duplicem supra togam sumptam. Nullaque apud veteres togæ duplicis mentio, nec scio, quo pacto duplex fieri posset, aut gestari, cum simplex satis onerosa satisque sinistrum cum brachio humerum premeret. Pallij quidem duplicis, & duplicati veteres meminerunt, de quo aliàs. Quare melius Festus qui amictum duplicem interpretatus est. Præterea Lænæ usus in conuiujs apud Romanos, in quis de positas togas quid attinet dicere? Quod vero reliquis vestimentis, etiam togæ Læna superinijceretur, notum fit ex Martiale in Apophoretis.

Læna

Tempore brumali non multum leuia profunt.

Calfaciunt villi pallia vestra mei.

Quintilianus de habitu Oratoris. *Et cum ad argumenta, ac loca ventum est, reijcere a sinistro togam, deijcere etiam si hereat, conueniet: Lænam faucibus, ac summo pectore abducere licet. Si Læna toga duplex, tribus togis implicitus, & inuolutus, ac circumclusus orator ille fuisset. Calenus etiam apud Dionem Ciceroni obiectat tennes Lænulas lib. XLVI. τὴς μὲν γὰρ οὐχ' ὁρᾷ σουτὰ λεπτὰ τὰυτὰ χλανίδια; Atqui tunc Cicero in Senatu, & togatus.*

Quare lænam pallium fuisse non est dubitandum apertū, ac breue, ut Græcorum Chlæna, non multum Chlamydi ab simile, quo Reges initio vsi sunt, deinde, & vulgus, idque villosum, & arcendo frigori adhibitum, togæque superiniec tum, in ipsiis conuiujs vsitatum. Et Heroicum quidem Regiumque gestamen ostendimus. Mox vulgo vsurpata Iu uenal.

— *Plurima sunt, quæ*

Non audeant homines pertusa dicere læna.

Ea autem sumpta aduersus frigus, & ideo superiniec ta ceteris vestimentis. Pollux χλαῖνα ἱμάτιον ἐπὶ τῷ χιτῶνι ἔδ' ὅ τε μὲν τοὶ ἐνδύουσι περιβάλλουσι. Alias autem Chlænas fuisse ait

ἀπλῶς

ἀπλοίδας alias διπλὰς quas Attici ἀπλῆγέδας, διπλησίδας, & διβόλους appellabant. Χλαμὶς δὲ ἱμάτιον λεπτόν: χλάνιδιον. Fal-litur Bayfius, qui vestem ait, qua milites utebantur per æstatem. Hinc, & conuiuijs adhibita, hyeme scilicet cum depositis togis sola vestis cœnatoriâ non sufficeret. Per-sius.

Hic aliquis cui circum humeros hyacinthina lana est

Nisi eadem cum Synthesi fuit. Hęc hyemi, vt pinguior, linea estui accomodata. Etiam Iuuenalis diuitem a cœna redeuntem, *coccina lana* amictum inducit. Martialis de fu-re conuiuiorum, & *tectus lanis sæpè duabus abit*. Ita tamen vt quod de Synthesi diximus, colore, ac pretio ditiorum, ac pauperum lænæ discernenterentur. Nam, & clientibus cum togulis donatas idem docet, & inter apophoreta numerat,

— *Argentemque togam, breuemque lanam.*

Atque hanc etiam vestem balnearem credendum est de qua Lampridius in Alexandro, *Balneari veste ad Palatium reuer-tens*. Nisi eam fuisse lacernam ex sequentibus colligamus. Hoc solum Imperatorium habens, quod lacernam coccineam acci-piebat.

Non enim multum abssimilis Chlamydis, ac lacernæ fuisse videtur, cum lacerna etiam reliquis vestimentis super-inijceretur, etiam arcendo frigori. Et si aliquod discrimen fuit non aliud crediderim, quod lana grauior fuerit, ac vil-lofa, totumque hominem inuolueret licet aperta, idest hu-meros, & pectus, cum Chlamydes, & lacernæ ferè tantum humeros. Quare non rectè viri docti obseruant, ideo a Vir-giliq̃ lanam ex humeris Aeneæ demissam dici, vt exprime-ret morem Romanorum in Chlamyde induenda, quæ ab hu-meris dependens bonam corporis partem nudam relinque-ret; Nam contra nō humeros modos, sed & pectus obuelasse docet Quintilianus cum in agendo a faucibus, & summo pe-ctore abduci solitam tradit. Quia ergo vtrinque hominem tegebat, & nisi quod aperta erat, ad instar togæ hominem inuoluebat, ideo fortasse *toga duplex*, Seruio dicta est, & *amictus duplex*, Feslo; Vetus Interp. Iuuenalis ad illud, *quem*

Coccina lana. Purpura, inquit (L. purpurea) qua diuites olim utebantur. Virgilius.

Varioque ardebat murice lana.

**Antiqui Amphimallum lenam appellabant, idest utrimque villam. Quod idem atque ἀμφίβαλον, siue ἀμφίβολον docti fecerunt, quod utrinque indueret, siue hominem circumuolueret. Quæ sequuntur apud Interpretem corruptissima sunt.*

Quod Græci coccum, latini teres Birrum vocarunt. Fortasse. Quod Græci Coccinum, siue cocceum dicunt, Latini veteres Birrum vocarunt. Vestem enim cocineam, & rubram ab ignis colore πυρρόν dixere Latini Græca voce, mox Birrum. Isidorus lib. xix. cap. xxiv. Birrus a Græco vocabulum trahit, illi enim birrum birrum dicunt, L. πυρρόν Rufum, rutillum, talis enim fermè lacerarum color, de quibus infra.

Finis libri Secundi.

OCTAVII FERRARII

DE RE VESTIARIA

LIBER TERTIVS

QVI EST DE TVNICA.

Tunica. χιτὼν. Dionis Interpres, & Manutius notati. Maldonati sententia reiecta. Cap. 1.



Vod initio præfatus sum, magnam Manutio iniuriam nuperi fecerunt cuius dissertationem de Tunica transcripserunt eo tamen ne semel quidem laudato. Certo non erimus illorum similes, & a nobis ingenium, aut cultum, fidem nunquam desiderari patiemur.

Tunica, vndecunque dicta sit, (malumus enim id ignorare, quam cum Grammaticis ineptire) Græcis χιτὼν dicitur, vestimentum scilicet interius, cui toga, aut pallium, aut alia superior vestis inijceretur. Idque tam virile, quam muliebre: quamquàm Hesychius virile tantum faciat. χιτὼν, ἑσθῆς, θωραξ, ἱμάτιον ἀνδρῶν. Proprie tamen tunica virorum fuit, stola feminarum, quo fortasse respexit Hesychius.

Nec alio vnquam sensu χιτὼν a Græcis accipitur, quam vt tunicam significet, vt mirum sit quosdam togam interpretatos esse. Mitto Plutarchi Interpretes, qui illud in Catione Vticense ἀντιόδοτος, καὶ ἀχιτὼν πολλὰν ἐπὶ τὸ βῆμα προσερχόμενος, flagitiosè verterunt *sapè nudis pedibus, & sine toga ad rostra veniens*, cum tamen initio eiusdem vitæ eorundem verborum rectum sensum assecuti essent. Miror viros doctissimos etiam curis secundis verba Dionis de Tigra-
 ne ad Pompeium veniente perperam de toga accepisse. Quem tradit, quo & reuerentia Pompeij, & misericordia dignus
 videre.

videretur, ita se composuisse, vt inter pristinam dignitatē, & præsentem fortunam statum seruaret; τὸν μὲν γὰρ χιτῶνα τὸν μεσόλευκον, καὶ τὸν κἀνδυν τὸν ὀλοπόρφυρον ἐξέδν. *Togam enim (verterunt) semialbam & Candim purpureum exuerat.* Quis locus togæ in Tigiane, & quis χιτῶνα togam dixit? Tygrane's indurus erat tunica, & chlamyde, siue veste superiore Regia purpurea; Nam fuisse ad instar chlamydis militaris testatur Hesychius licet χιτῶνα generice appellet. Κανδὺς χιτῶν περσικὸς, ὃν ἐν ἐκπορπούνται οἱ στρατιῶται. *Candis vestis Persica, quam insibulant milites.* Fuisse autem distinctam a tunica præter Dionem hic testatur Xenophon lib. I. Cyri-pæd: Οἱ πορφυροὶ χιτῶνες, καὶ οἱ κἀνδυες. Xilander etiam illud Philetæ apud Strabonem lib. I I I. λολυγαλέος δὲ χιτῶν πεπνομένος togam sordibus squalidam interpretatur, cum de tunica intelligendum sit.

Sed vt ad Romanos veniamus, antiquissimi vt supra tetigimus ex Gellio, sine tunica toga sola amicti fuerunt, postea substrictas & breues tunicas citra humerum desinētes habuerunt, tales Romuli ætatis statuas in Capitolio, & in Rostris Camilli togatas sine tunicis fuisse tradit Pædianus supra memoratus. Rem auget Manutius, quod Ennius apud Gellium *tunicatam* non sine probro iuuentutem Carthaginienſium vocat, inusitatas fuisse tunicas Ennij ætate credit, idest inter secundum & tertium Punicum bellum. Adijcit, Cincinnatum cum ei Senatus aranti, aut fodienti Dictaturam detulisset, togam e tugurio, ne nudus, & respersus puluere mandata senatus audiret, proferri iussisse eaque simul absterſo puluere, ac sudore velatum processisse; Nulla tunicæ mentione apud Liuium qui rem narrat, qua puluerem, & sudorem abstergi potius decebat, quam toga. Quare mirari se ait, cur scripserit Plutarchus in Coriolano, eos qui magistratum petebant descendere solitos in forum togatos sine tunica, vel vt supplicarent humilius, vel vt vulnera aduerso pectore excepta ostenderent, cum multis post Coriolanum annis ignota fuerit tunica. Sed nullo modo audiendus est vir doctissimus quem ratio hic longe

fugit. Credimus quidem Pædiano, immo & Plinio, togatas Romuli ætate statuas in Capitolio ſine tunicis fuiſſe, & Camilli in Roſtris: ſed uſq; ad Ennii ætatem, vel ultra ignotum tunicarum uſum, nullus nobis perſuadebit. Quæ enim poterit? Nam ut bello Punico ſecundo crebram tunicarum mentionem miſſam faciam apud Liuiũ, cuius loca non bene memor attulit Manut. in extrema diſputatione de toga, ubi tunicæ non ſemel ad exercitum miſſæ dicuntur. Numa apud Liu. lib. 1. ab vrbe *Salijſ tunica picta inſigne dat, & ſuper tunicam æneam pectori tegumen*. Plinius lib. 1x. c. xxxix. *Lato clauo priuatum Romæ uſum* Tullum Regem ſcribit deuictis Etrurſcis. Atqui latum clauum fuiſſe tunicam fatetur Manutius, & ea reliquos Reges deinceps uſos non ita inſitias. Ita *latos clauos adita Caudixa pace depoſitos*, auctor Liuius eſt lib. 1x.

Immo non ultra Romuli ætatem ignotus tunicarum uſus videtur. Nam Plinius lib. xxxiv. cum de ſtatuſ loquitur. *Primas, inquit, putarem haſ, & Attij Nauij poſitas ætate Tarquinij Priſci, niſi Regum antecedentium eſſent in Capitolio ex hiſ Romuli eſt ſine tunica, ſicut Camilli in Roſtris*. Vnius ergo Romuli ſtatua ſine tunica, nec attinuiſſet rem ſingularem notare, ſi reliquorum Regum tales fuiſſent. In Camillo debuit eſſe aliquid peculiare. Siue ipſe ſolus ætate ſua antiqui cultus imitator ſine tunica inceſſit, quemadmodum poſt Cato fecit: ſiue eodem habitu ſtatuum illi Quirites poſuerunt, quo Romulo locauerant, tamquam alteri Urbis parenti, ac conditori.

Ennius apud Gellium non ideo tunicatam iuuentutem Carthaginenſium probri cauſa dixit, quod tunc inuſitatae Romanis tunicæ: ſed ut alijs obſeruatum, quod ſolis tunicis induiti incederent Peni nullo pallio, aut alia exteriori veſte. Nam quod de Cincinnato Manutius addit, nullius momenti eſt. Tunicatum enim fuiſſe credibile eſt in opere ruſtico, nec diuerſum tradit Liuius, faciliuſq; illi fuit toga laxo & fluido veſtimento ſudorem ac puluerem abſtergere, quam tunica preſſa, corporique adſtrieta. Et ut nudus fuerit in agro colendo, non tam en inde colligas, reliquos etiam

etiam Vrbanos sine tunica egisse.

Videntur igitur tunicæ antiquis Reip. temporibus in vſu fuiſſe, ſaltem poſt Romuli ætatem. Ita quidem, vt vna tantum tunica ſub toga indueretur, poſt, vt notat Manutius, duæ plures in vſu venerunt. Varro apud Nonium, *Postquam duas tunicas habere ceperunt, inſtituerunt vocare ſubuculam, & intuſum*; Quorum verborum ſenſum eſſe aſſentimur Manutio, cum binas tunicas Romæ geſtare ceperunt Subuculæ, & Intuſij orta eſſe nomina, vt ab inferiore ſuperior tunica diſtingueretur, & ſubucula eſſet interior viri tunica, intuſum interior tunica mulieris, ſuperior vero in viris tunica diceretur, feminarum ſtola. De ſubucula Horatius.

— *Si forte ſubucula pexa*

Trita ſubeſt tunica

Et Suet. de Auguſto. *Hieme quaternis cum pingui togatunicis, & ſubucula thorace laneo munitur*. De Intuſio Nonius. *Induſum eſt veſtimentum, quod corpori intra plurimas veſtes adheret, quaſi intuſum*. Fuiſſe autem feminarum interiorem tunicam ex eo colligit Manutius, quod Varro cum palla muliebri veſtimento coniungit. Fruſtra igitur Lambinus ad illud Plauti in Aulularia *Ne inter tunicas habeas*, quaerit cur inter tunicas dixerit, & non inter tunicam, vnam enim tunicam inquit gerebant non duas: deinde ſatis friuolas rationes aſſert: ſiue numerum multitudinis pro ſingulari uſurpauerit, ſiue auarus ille ſenex putaret ſeruum plures tunicas geſtare, vt ſupra non duas manus tantum, ſed plures in eo quaerebat. Atqui ſeruus alter *Amphitruone* ait *Immo equidem tunicis conſutis huc ad venio, non dolis*. Duas igitur & plures tunicas gerebant, præcipue ditiores. Cynicus apud Lucianum diuitum ornatum cynædorum ſimile ait, nec diſcerni poſſe, aut colore veſtium, aut mollitie, aut τῷ πλῆθει τῶν χιτῶνισκων, aut multitudine tunicularum.

Quoniam autem idem mos apud Iudæos vigeat, Chriſtus Dominus ſeuerius vitæ inſtitutum formans vetuit diſcipulos duas geſtare tunicas. Math. cap. x. *Nolite poſſidere aurum neque argentum, neque pecuniam in Zonis veſtris, non peram*

*peram in via, neque duas tunicas, neque calceamenta. Ut nunquam satis mirari potuerim doctissimum Maldonatum ita hæc interpretatum esse. Non quidem prohiberi duabus simul si necessitas, & frigus postulet tunicis indui, sed plures habere tunicas, quam in præsentem necessitatem requirerentur, vt solent diuites, & harum rerum solliciti habere vnã in præsentem vsum, alterã in futurum. Hæc vix digna sunt quæ refutentur. Nam si cogente frigore permisit Christus D. vt duas tunicas induerent: æstate vnica contenti fuerint, quid altera factum est? habere eam in futurum vetabantur, eam igitur vendere, aut donare cogebantur (Luc. 111. *qui habet duas tunicas det non habenti*) quam rursus instante bruma compararent. Sed fortasse durũ videbatur illi qui Christi socius esset ita ab antiqua disciplina deflectere vt plures tunicas & cum subucula thoracem gossipio fartum, interdum pellibus suffultum gestaret.*

At ratio quam affert magis mira est. *Nam & Christum inquit, duabus simul tunicis indutum fuisse ex Ioannis XIX. manifestum est. Haud vidi magis. Milites ergo cum crucifixissent eum acceperunt vestimenta eius (& fecerunt quatuor partes, vnicuique militi partem) & tunicam. Erat autem tunica in consutilis, de super contexta per totum. Dixerunt ergo non scindamus eam sed sortiamur de ea. Vbi hic duæ tunicae? Quid plura? totum hoc commentum reuincit Marcus cap. VI. *Ne induerentur duabus tunicis. Quod ita idem interpretatur id est ne duas tunicas haberent, quæ diuersis temporibus induerentur. Sed piget his diutius immorari.**

Cum igitur duæ minimum tunicæ essent altera interior altera exterior dicebatur. Prioris meminit Val. Maximus lib. VII. c. IV. *Interrogatus quoque a quodam amicissimo sibi quid ita sparsum & in certum militiae genus sequeretur: absiste inquit istud querere: nam si huius consilij mei interiorem tunicam consciam esse sensero continuo eam cremari iubebo.* Plutarchus rem eandem narrans *χιτωνιστον* appellat vt reliqui Græci scriptores. Appianus lib. I. ciuil. de Sylla qui in concione Lucre-

tium Offellum suo iussu necatum professus adiecit fabulam Rusticus cum inter arandum moleste ferret infestantes se pedicellos semel atque iterum aratione intermissa τὸν χιτωνίσκον ἐν ᾧ ὄρεται tuniculam sive interulam purgavit. Aelian. lib. xii. c. xxxvii. Geron cum sibi parari insidias intellexisset sumptis armis in concionem processit, suisque meritis commemoratis arma exuit, & inquit ἐν χιτωνίσκῳ ad sum. Quamquam & pro tunica illud intelligi possit, subiicit enim a Syracusijs ipsi positam statuam ἐν αἰῶσι χιτῶνι, indiscincta tunica in memoriam scilicet eius facti quo inermis & discinctus in concionem processerat. Dio lib. lxxvii. de militibus Cilonem e balneo ad necem ducentibus: illum cum soleis nam captus erat in balneis καὶ χιτωνίσκον ἐν δεδυμένον interula amictum. Breues autem illas & substrictas tuniculas citra humerum desinentes quas antiquissimis Romanorum gestatas tradit Gellius, Græce ἐξωμίδας dictas idem notat, quod nempe humeros minimè velarent. Festus Exomides vestitum Comicum exertis humeris interpretatur. Alij etiam de Cyrico pallio acceperunt, quod nempe dextrum humerum excluderet.

Tunicas in petitione honorum depositas. An Cynici tunicas gestarint. ὁδὸν· πάρος. Cap. II.

Candidatos cum prensarent sine tunicis sola toga amictos fuisse, tradit Plutarchus in Coriolano. Mos, inquit, erat petentibus Consulatum, ut rogarent, & prensarent ciues togis amicti in Comitijs sine tunica. ἐν ἱματίῳ. Vbi non recte Interpres. In Veste. Nam & tunica vestis erat. Et Plutarchus & Græci omnes frequenter togam ἱματίον appellant. Idem in Camillo tradit, Faliscos obsessos a Camillo adeo obsidionem contempsisse ut præter stationes in muris dispositas togati per urbem reliqui obuersarentur ἐν ἱματίῳ, in togis. Ibi etiam Interpres in vestibus. Voluerunt enim habitu pacis denotare, se belli minas insuper habere. Cur autem tunica a candidatis deponerentur, causas

fas affert Plut. ibi. Siue quo magis ea specie humiliores essent ad supplicandum; siue, vt qui cicatrices haberent subijcerent oculis signa fortitudinis. Deinde refellit eorum opinionem qui id actum crediderunt ne pecunia tunicis occultaretur ad emenda suffragia. *Non enim inquit suspitione largitionis, & ambitus ἀζωσον ἐβέβληοντο πορίσιναι, καὶ ἀχίτωνα.* Interpres. *Nec vero ob plebis suspitionem ita recinctos, & absque intima tunica supplices ire cogebantur.* Mira Latinarum & Græcarum litterarum peritia. ἀζωσον, discinctum, sine Zona. Nec solum sine intima tunica, sed omnino sine tunicis; Zonam autem cum tunica iungit, quod illa sola cingeretur, non toga, vt diximus.

Duæ igitur saltem tunicæ in usu fuere: exterior, quæ simpliciter tunica: & interula, siue subucula. Quamquam quosdam vnica tunica contentos, precipuè qui seuerius educabantur, docet Varro apud Nonium. *Mihi pueromodica vnica fuit tunica, & toga, sine fascijs calceamenta.* Hinc Cynici, qui in cultu asperitatem affectabant, etiam sine tunica incesse, vt docti pridem ad Tertulliani pallium meauerunt, inde illud Satyrici explicantes.

— & Stoica dogmata tantum

A Cynicis tunica distantia.

Quòd nempe Stoici more ceterorum gestarent cum pallio tunicas, quibus Cynici carebant. Et si autem ἀχίτωνες Cynici fuerint, interulam tamen gestasse iidem viri doctissimi credi volunt, eamque interulam, siue subuculam lineam fuisse, quæ Græcis ὀδὼν, & sindon dicatur; Quod nempe Crates a Laertio inducatur amictus sindone, & a Luciano Protheus cum pallio, & interula. Sed hoc fortasse in illis peculiare fuit; in Protheo quidem, qui conscensurus pyram othonion induit, ne deposito pallio nudus conspiceretur; At Crates ob id ab Atheniensibus reprehensus est, quod in sindone præter morem incederet. Vt vt sit, interulam ab Cynicis non esse gestatam, duo sunt quæ mihi persuadent. Alterum quod causa duplicandi pallij Cynicis siue aliter gestandi quam mos communis esset, non alia fuit, quam

quam ut esset loco tunicae, eaque tamquam superuacua de-
 poneretur, quare se totos pallio inuoluebant, ne nudi con-
 spicerentur, utque alienis oculis parcerent, qui pudori suo
 minime parcebant: quo non opus fuisset, si in locum tuni-
 cae venisset interula strictior quidem & breuior, sed quae
 saltem verecundiae consuleret. Cum igitur sibi ita pallium
 iniicerent, ut solum brachium dextrum cum bona humeri
 parte exerent (quare illis fauisse dicitur Cato a Tertullia-
 no, cum sine tunica in forum processit) ideo exerto, ac se-
 minudo pectore Cynici a Cypriano inducuntur quod non
 fuisset si illud sindone obuelassent. Lucianus de Cynico.
*Quid tu tandem barbam quidem habes, & comam, tunicam
 non habes, καὶ γυμνοδερκῆν, & nudus conspiceris?*

Ac ne quis dicat, pallium duplicatum a Cynicis & cor-
 pori circumiectum non ad velamen, sed arcendo frigori,
 hoc ab eorum hominum tolerantia alienum est, qui ad ma-
 iorem patientiam ostentandam graue pallium aestate, hye-
 meleue gestabant. Sic Crates a Philemone Comico apud
 Laertium inducitur aestate crasso pallio indutus, hyeme
 detrito, & leui.

*Καὶ τὸ θερούς μὲν ἔχεν ἱμάτιον δασὺ
 Ἰν' ἡγεατῆς ἢ, τὸ δὲ χειμῶνος ῥάκος.*

Vbi ῥάκος non pannum, sed detritum pallium vertendum
 erat. Hesychius ῥάκος διπρῶγος ἱμάτιον. Ῥάκη ἀποσπορακίσμα-
 τα, καὶ ἀποσπάσματα ἱμάτια. Ρακέαζι, ἱμάτια ξυραίνει.

Alterum quod vetat credere fuisse a Cynicis gestatas in-
 terulas, ac sindones est, quod hae lineae erant, ac molles,
 tenuesque, & ab Homero solis mulieribus attributae, nimiae
 profecto in Cynicis delitiae, cultus asperitate in ostentatio-
 nem gaudentibus. Tales autem fuisse ὀθόνας, & ὀθόνια de-
 clarant veteres Grammatici. Ὀθόνη σπιδὼν, ζώνη, τελαμῶν:
 γυναικεῖον ὀθόνιον λεπτὸν, καὶ πᾶν το ἰχυὸν μη λιγυὸν ἢ. Ὀθόνια λυ-
 νᾶ ἱμάτια. Quae omnia indicant & vestes tenues fuisse, & li-
 neas, & mulierum proprias.

Quare praeter pallium nudos incessisse Cynicos, eamque
 nuditatem pallij inuolucro texisse vero similis est, quam

leuibus, ac tenuibus tuniculis, qui nihil magis inuestitu quā mollitiem aspernabantur. Lucianus. *In arido præterea solo cubans* ὡς ἄσπην πᾶμπολλον τοτὶ τὸ τριβώνιον φέρειν: ἐμὲν τοι, καὶ τοῦτο λεπτὸν, οὐδὲ μαλακὸν, οὐδὲ ἀνδρῶν. Adeo ut plurimum etiam sordium tritum istud pallium referat, alioqui nec ipsum vel tenui filo, vel molle, vel floridum. Si quis tamen ὀθόνια cum Hesychio Zonas, & fascias interpetretur, eas Cynicis tribuat per me licebit, dummodo non subuculas, aut interulas.

Tunica Lineæ. Paragaudes. Cap. 111.

Q Vando primum apud veteres tunicæ lineæ interiores in usu esse ceperint, haud facile dixerim; Nam apud Romanos non nisi sero id factum inde colligas, quod nulla ferè mentio linearum apud antiquissimos; quique interulam, & tunicam distinxere, hoc solum discrimen posuerunt, quod altera interior indueretur, altera superaria esset, addituri utique altera lineam, laneam fuisse alteram. Deinde quia balnearum usum præcipuum fuisse scriptores tradiderunt, quod cum laneis vestibus etiam interioribus vterentur facile erat sordes contrahere, quæ balneis frequentibus depellendæ. Præterea Plinius cum vestium mentionem faceret, eas cum de lanis ageret, executus est, corporumque tutelam pecori adscribit, & cum de lino agit, nullum lineæ vestis usum agnouisse videtur, præcipuè in viris, nam ex Varrone scribit in Serranorum familia gentilitium fuisse feminas linea veste non uti. Plautus etiam non semel mulieribus linea vestimenta adscribit, viris numquam. Nonius. *Tunicare pro vestire.* Varro λογομαχία. *Hæc lanigeras detonderi docuit, tunicareque homulum.* Martialis qui omne vestimentorum genus tetigit, nihil de linteis. Horatius subuculam tritam tunicæ pexæ opponit, quod in linea veste esset non potest. Quidius de vestis muliebris coloribus in 111. de arte.

Quot noua terra parit flores cum vere repenti

Vitis

*Vitis agit gemmas pigraque fugit hiemis.
Lana tot aut plures succos bibit, elige certos
Nam non conueniens omnibus vnus erit.*

Et de medicamine faciei

Vellera saepe eadem Tyrio medicantur abeno.

Quare non ita valido argumento Casaubonus Exer. xvi. Euthymij opinionem refutat, qui tradit Christum Dominū gestasse pallium, tunicam, & tunicam inconsutilem, ex eo quòd qui duas tunicas gestabant, interiorem lineam, habebant, exteriorem laneam, & tamen inconsutilis lanea erat. Nam quidquid sit de duabus tunicis, de quibus non est hic locus. Nullus aut rarus linearum vsus apud Hebræos, quemadmodum apud Romanos, præcipue in Christo Domino, & Apostolis, qui nullam huiusmodi in cultu molli-
tiem agnouerunt.

Ex Suetonio tamen colligi videtur, subuculas fuisse lineas qui scribit Augustum hyeme, *quaternis cum pingui toga tunicis, ac subucula thorace laneo muniri solitum*. Nam si laneæ tunicæ fuerunt, quid opus erat subuculæ thoracem laneum dicere? Sed male veterem lectionem, quam Beroaldus agnoscit, nuperi sollicitarunt, in qua scriptum, & *subucula, & thorace laneo*. Thorax tunc non nisi inter munimenta pectoris ad ictus repellendos, & ex ære ferro, & corio, vt lorica; Hoc ergo peculiare in Augusto notauit Tranquillus, quod thorace laneo vteretur præter subuculam, & tunicas. Frustra Torrentius subuculæ thoracem explicat, quia subucula pectus tegebat, quod vt verum sit, tamen a thorace distincta.

Non nisi serò igitur lini vsus in tunica interiore, quo tempore lineæ tunicæ promiscuè vsurpatæ, nec minima pars luxus addita ijs purpura, atque auro. Lampridius in Alexandro. *Boni linteaminis appetitor fuit, & quidem puri*, (idest sine auro ac purpura) *dicens, si linteii idcirco sunt, vt nihil asperum habebant, quid opus est purpura? in linteam autem aurum mitteretiam dementiam indicabat, cum asperitati adderetur rigor*. Nolebat Alexander lineis purpuram, vel aurum ad-

di, quod tunc solemne erat; Nam ut tunicis laneis, & subsericis, ita proprie lineis interulis aureæ fasciæ limbique ac segmenta addebantur, quas *paragaudas* dixere, ut nos magnus Casaubonus docuit, siue ea vox Parthorum, siue Syrorum fuit. Vopiscus in Aureliano. *Cum darentur tunice subserica lineæ paragaudia*; Vbi *paragaudas* a vestibus, quibus adsuebantur, separari potuisse idem observat, & modo singulas, modo binas, ternas, ac quaternas, ac quinas adfuturas, sicq; monolores, dilores, ac pentelores dictas quod lorum fasciam, ac segmentum auratum significet. Plura etiam de *Paragaudis* adiecit doctissimus Salmasius ad Historiæ Augustæ scriptores, quæ operæ sit legisse.

Ministros conuiuiorum in tunica & ferme lineæ solitos ministrare. Cap. IV.

T Radit Lampridius, Constantium adeò in nullo pretio Eunuchos habuisse, ut & chlamyde uti vetuerit. Quo loco militia submotos Eunuchos censuit Casaubonus. Hæc opinio displicuit viro doctissimo qui Casauboni vestigia legit. Ipse existimat, Eunuchos postquam domesticarum necessitatum ministerio deputati a Constantino fuerunt, chlamyde uti vetitos, quod regij ministri sola tunica uterentur. Id de omnibus seruis ac ministris Regijs intelligendū, adduci non possum ut credam: sed de ijs tantum, qui mensæ inseruirent, ministrarentque & solius conuiuij tempore. Nam si etiam seruis priuatis ius chlamydis fuit, earū vsum regijs ademptum quis credat? Chlamyde autem seruos vfos declarant verba lib. i. cod. Theod. de habitu quo uti oportet intra Urbem. *Servos sane omnium, quorum tamen dominos sollicitudine militiæ constat non teneri, aut birris, aut cucullis uti permittimus.* Birros autem, lacernas & chlamydes idem fere vestimentum fuisse, ijdem viri doctissimi satis ostenderunt.

Soli ergo mensæ inseruientes, vereque ministri in sola tunica fuisse, ut expeditiones essent. Quo spectant Ammiani

miani verba ab iisdem adducta. *Stetit itaque subtabidus nusquam reperto paludamento tunica auro distincta, ut Regius minister indutus a calce in pubem in pedagogiani pueri speciem.* Vox enim minister rem totam declarat, quod in conuiuio aurata tunica ministrarent. Lampridius in Alexandro. *Aurata vestem ministrorum nullus vel in publico conuiuio habuit, in quo locus auratæ tunicæ.* Ita & cum Imperatores auratas paragaudas priuatis interdixere, ministrisq; permiserunt, de conuiuiorum ministris intelligendum est. Cod. de vest. holou. leg. 11. *Nemo vir auratas intunicis aut lincis habeat paragaudas: nisi hi tantummodo quibus hoc propter imperiale ministerium concessum est.*

Nam & in conuiujs priuatis ministri tantum tunicati. Apuleius. lib. 11. de conuiuio Byrrhenæ. *Puella scitula ministrantes, pueri calamistrati pulchrè indusiati gemmas formatas in pocula vini vetusti frequenter offerentes.* Seneca de breuitate vitæ cap. XII. *Cum videam quam diligenter exoletorum suorum tunicas succingant.* Horatius. *Præcincti ut rectè pueri compitque ministrent.* Constantinus igitur cum chlamydes eunuchis ademit, quorum immensa, & absurda potestas sub alijs Imperatoribus fuerat, omni iure multauit, & inferuorum conditionem deiectos soli conuiuiorum ministerio addixit. Hinc etiam Christus Dominus pedes Apostolorum ante conuiuium loturus posuit pallium, quia ut Nonnus interpretatur seruale opus facturus erat. Seruorum enim erat sine pallio, aut alia veste exteriori, tunicatos, & cinctos, vel etiam linteo succinctos ministrare. Suet. de Caligula. *Senatores summis honoribus functos cœnanti sibi modo ad pluteum, modo ad pedes stare succinctos linteo passus est.* Casaubonus in exercitationibus attulit etiam locum Philonis in hanc rem, qui Essenorum conuiuia describens obseruat mancipiorum vsum ab ipsis repudiatum nam liberorū opera videntes cauisse ne vllam habitus seruilis speciem inter ministrandum præberent & propterea discinctos, ac demissis tunicis in cœnationem solitos ingredi. Positum autem a Christo pallium vestem exteriorē idem obseruat, quod
bra-

brachia includeret, & ideo inepta ad ministeria quæ liberum brachiorum motum requirunt.

Etiam sub Flauiorum Imperio ministri Regij aliquid peculiare in cultu habuerunt. Suetonius in Domitiano. *Generum fratris indigne ferens & ipsum albatos ministros habere proclamavit* ἐν ἀγαθὸν πολυκοράνῃ. Quo loco Torrentius, ut sæpè solet, nihil præterea, quæ notauerat Beroaldus affert. *Album colorem in letitia usurpatum, in sacrificijs, conuiuijs, & spectaculis*, quod si verum est, ut non negamus, quid peculiare habuerunt Regij serui albati, si plerique omnes in conuiuijs, & sacrificijs pariter albati? Id tamen solis Imperatoris ministris concessum, Domitiani querela indicat, qui apud Sabinum ministros albatos viderat. Manutius de togis intelligit: Sed nullus togarum vsus in conuiuijs & si fuisset, reliquorum etiam togæ albæ. Lipsius ait de tunicis, vel pœnulis intelligendum, sed caue de pœnulis capias, quæ conuiuijs, ac ministerio improprie: multominus eum colorem fuisse libertatis, nam cui bono in seruis, cumque tota libertas interierat?

Vel ergo priuatorum serui in tunicis pullis ministrarunt, quem vestis seruilis colorem Plautus, & Artemidorus indicare videntur, Regij albati; Vel si etiam reliquorum seruorum albæ tunicae quod conuiuiorum lætitia verisimilius facit, præcipuè si in linea interula, fortasse regiorum ministrorum tunicae albatae idest candidatae, quales petitorum togæ, & creta candefactæ: cuius tamen moris non aliud vestigium extat. Vel quod quibusdam visum est, non tantum albæ erant ille tunicae, sed auro distinctæ, ut paulo ante diximus. Sed si omnium ministrorum tunicae albæ erant cur istæ non potius auratæ appellatae sunt, quam albatae? Non dum enim tunicis ministrantium additum aurum existimo, sed longo post tempore, cum scilicet paragaudes instituta. Nisi quis Senecæ etiam ætate tunicas auratas fuisse arguat ex eius verbis de Tranquilit. cap. 1. *Præstringit animum apparatus alicuius pedagogy, diligentius quam intra priuatum laeum vestita, & auro culta mancipia, & agmen seruorum nitentium.*

tium. Sitamen aurum illud tunicis intextum, & non per armillas, annulos, & alia ornamenta pædagogijs datum. Plinius de auro. *Honestius viri pædagogijs id damus*. Videant docti. Ceterum Seneca eodē lib. de breuitate vitæ cap. xi i. etiam alios colores in ministris conuiuiorum agnoscit. *Qui victorum suorum greges in ætatem, & colorum paria diducit*. Vbi victorū greges nō sunt serui in ergastulis, nullus enim ibi locus colorum aut ætatis, vbi nequam mancipia suplicijs & squalore oblita; Nec quod voluit Lipsius secreti illi per nationes, & colores, vt orientales & fusci in tali villa, & agro: qui frigidiorē cælo editi, & ideo albi in alio loco, atque agro haberentur, quæ sunt somnia vigilantium. Sed victi simpliciter serui in ætates, & colores distincti. Idem Seneca ep. xcv. *Agmina exoletorum per colores nationesque distincta*. Vt non displiceat eiusdem Lipsij coniectura legentis *victorum* idest exoletorum. Etiam apud Petronium. *In adiutū ipso stabat ostiarius prasinatus cerasino succinctus cingulo*. Lecticarios etiam, cursores, & id genus homines peculiari pænularum colore distinctos infra dicemus. Morem autem per varios colores excolendi seruitia, quas Liureas appellant a Circi factionibus & coloribus profuxisse credimus.

Ministrantium ornatum, cultumq; ex antiqua tabula quæ Vrsinus in appendice ad Ciacconij triclinium dedit, hic habes.

Tabula X.



Linea Vestis sacrificantium. Camisia. Camisum.

Cotta. Cap. V.

IN sacris olim Aegyptijs præcipuus lineæ vestis usus. Hinc *linigera turba*, & *liniger grex* apud Poetas, & *lineus amictus Isacorum* apud Suetonium. In nostris quoq; sacris suis lineæ vesti honos. Nam præter amictum lineum superiorem, quo in sacra Psalmodia sacerdotes, atque ipsi, sacris ministri utuntur, prima vestium sacrificantium linea tunica talaris induitur, quam vulgo *Camisiam*, siue *Camisum* appellat.

Ex quo etiam, quod supra notauimus, comprobatur, sacerdotes olim in sacris cōmuni, & promiscuo habitu usos. Communis enim vestitus antiquorum tunica linea interior, altera superior lanea, interdum serica, tum toga vel in eius locum birrus, siue lacerna. De toga opinionem nostram attulimus; Restat ut de tunicis videamus. Et licet illud discrimen esse videatur, quòd olim saltem duabus tunicis cōmuniter utebantur, nostri autem sacerdotes in vna tantum linea faciunt; Id tamen inde ortum, quod honori Episcoporum datum est, ut soli duas tunicas in sacris gestent, quemadmodum in veteri instrumento Pontifex præter tunicam lineam, etiam hyacinthina induebatur, reliqui sacrifici minores linea tantum amiciebantur. Sic & nostris ritibus Episcopi præter Camisiam talarem, tunicam superiorem induunt, quæ primò de more *κολλῶς* erat, idest sine manicis, mox in Dalmaticam conuersa est, ut Alucius de Diu. officijs. Et Iuo Carnotensis de rebus Ecclesiasticis. Notandum verò, inquit, quod minoribus Sacerdotibus neque duplex tunica datur, neque humerale, neque rationale, neque lamina aurea, sed tantum poderis, & mitra, & Zona qua stringatur tunica byssina. Noui quoque testamenti sacerdotes non omnibus illis utuntur indumentis, quia nec duabus tunicis, nec rationali præter solos Pontifices.

Hæc tunica linea *ποδήρις* Poderis quòd talaris esset dice-

batur, & Alba a colore. Fuisse autem strictam, & corpori adbarentem tradit D. Hieronymus ad Fabiolam, eamque similem militum Camisys, quæ sic aptæ membris, & adstrictæ corpori, ut nihil militares exercitationes impedirent. Rabanus Maurus. Secundum indumentum est lineæ tunica, quæ Græcè dicitur Poderis. Hesychius. Πოდῆρης τὸ μέγεθος τῶν ποδῶν ἱμάτιον. Hanc Isidorus Camisiam vulgo dici, ait, quod nempe similis, vel eadem olim omnino fuit cum tunicis lineis interioribus quas Camisias appellamus. Camisiam autem idem Isidorus inde dictas tradit quòd in his dormimus in Camis, idest in stratis nostris. Quid autem essent Camæ alibi explicat loco corrupto. Cama est brevis, & circa terram Græcè enim Cami breve dicunt. Lege. Cama est brevis lectus & circa terram, Græcè enim χαμαὶ humi dicunt. Græci enim Camas, siue potius Cameunas dixerunt strata humilia, & lectulos humi propiores, quòd homines veluti χαμαὶ iacerent. Hesychius. χαμένην σβᾶς, καὶ ἡ ταπεινὴ κλίνη: καὶ χαμένους ὁ χαμαὶ κοιμώμενος. Thorus, & humilis lectus, & Chameunes, qui humi iacet. Propriè autem Hesychio dicitur σβᾶς nam eodem interprete σβᾶς ἀπὸ ῥάβδων καὶ χλωρῶν χορτῶν σβῶσις, καὶ φύλλον, ἢ χαμαικόπη. Stratum e frondibus, viridique gramine, ac folijs constructum, & lectus humi positus. Inde stibadium tricliniare, de quo alijs dictum. Quia autem id stratum pauperum erat, idem Hesychius χαμῶνιον κλινίδιον πένυχθον interpretatur lectulum pauperinum.

A Camis igitur Camisias dictas vult Isidorus. Earum mentio apud Anastasium in vita Benedicti. 111. Camisias albas sigillatas holosericas cum chrysoclauro. Casaubonus ad illud Lampridij in Alexandro. In linea autem aurum mitti etiam dementiam indicabat, cum asperitati adderetur rigor, iure, inquit, damnatas ab Alexandro lineas auro clauatas, propter asperitatem & rigorem: & propterea se valde mirari, cur apud Anastasium legantur Camisix auro clauatæ, has autem non ad vsum comparatas, sed ad ornatum ædium facrarum. Verum nihil aliud illæ Camisix fuerunt quàm lineæ tunicæ sacrificantium, & ad vsum sacrorum, non ad ornatum

natum templorum. In quibus auri rigor, & asperitas non erat gestantibus incommoda, cum super alias vestes nempe communes inijcerentur, secus tempore Alexandri, cum lineæ nudis carnibus admouerentur, quas auri rigor, & asperitas lædebat. Et quemadmodum olim, ut diximus, epularum ministri in tunicis tantum, & ferme lineis, sic etiam in sacro conuiuiis, Altaris ministri, siue Diaconi in tunicis, quas & nunc *tuniculas* appellant, inseruiunt, turba minor sacricolarum in tunica linea. Et olim quidem talaris erat & manuleata, ut & sacerdotum quales in antiquis picturis cernuntur, post breuior in usu esse cepit, nec tamen eadem forma ubique. Plerumque manicata est, scissis tamen & laxè fluentibus manicis, alibi stricta corpori, & brachijs pressa, quales Cardinalium, & Clericorum Augustinianorum, alibi etiam ad instar inuolucris tonsorum, quæ totum corpus inuoluit, & hincinde brachijs in humeros reijcitur, ut veteres casulæ, siue Planetæ, quæ forma Patauij visitur. Hanc Itali *Cottam* appellant corrupta voce, ut ego existimo a *Crocota*, quæ veteribus vestis fuit mollis, ac tenuis, siue ut Græci putant a croci colore, quod comprobare Plautus videtur, qui *infectores crocotularios* memorat: siue ut alijs visum, quod plus subteminis, siue tramæ (Græcis *χρομή* dicitur) ea vestis quàm staminis haberet, & ideo mollior, ac tenuior: siue vtrumque, quod fermè hæ vestes molliorum croco inficerentur. Vndecunque dicta fuerit *Crocota*, ea propria olim mulierum fuit, ut notum est. Plautus inter luxum sequioris sexus recenset. Cicero de Arusp. responsis. *Clodius a crocota, a mitra, a muliebribus soleis purpureisque fasciis factus est repente popularis.* Quare & Gallis matris Deum effeminatissimis crocotulas tribuit Apuleius *Varijs coloribus indusati, & deformiter quisque formati, facie cænoſo pigmento delicta, & oculis obunētis graphice prodeunt, mitellis, & crocotis & carbasinis, & bombycinis interti.* MS. codex, *inietti*.

Lineum ergo amictum sacris operantium quod tenuis esset, ac mollis ad instar crocotarum, crocotam vocarunt,

& contracta voce *cottam*; Quæ tamen vox non ita antiqua videtur vt pro veste sacrorum ministrorum accipiatur; Nam scriptores Etrusci Cottam pro muliebri ferme veste, interdum pro virili vsurpant, non numquam pro veste quæ armis iniicitur. Sane Venetijs adhuc in vsu est, nam muliebres tunicas *cottulas* appellant. Sed de his alibi accuratiùs,

Tunica superior. Eius mensura. Talaris probrosa.

Propertius, Iuuenalis, Cicero explicati.

Cap. V I.

INterulæ, siue subuculæ superior tunica imponebatur, quæ & *superaria* inde dicta. Eius mensura vulgo erat, vt paulo infra genua caderet, vt docet Quintil. lib. xi. *Cui lati clauus non erit, ita cingatur, vt tunica prioribus oris infragenua paulum, posterioribus ad medios poplites usque perueniant, nam infra mulierum est, supra Centuriorum.* Qui ergo in longis, ac demissis tunicis solebant quòd id fœminarum proprium esset, ij tamquam molles malè audiebant. Horatius.

Malthinus tunicis demissis ambulat: est qui

Inguen ad obscenam subductis usque facetus.

Et Propertius lib. iv. eleg. i i.

Suppetat, hoc pisces calamo prædabor: & ibo

Mundus demissis institor in tunicis.

Ex quo colligit Turnebus lib. xi. cap. xx i i i. elegantia, cultusque studiosos, demissas, longasque tunicas gestasse. Quod si verum esset, non eas Horatius, non reliqui scriptores tantopere damnassent, tanquam parum virorum proprias. Non ea est Propertij mens. Vertumnus Deus narrat ibi suam naturam, cunctis figuris opportunam, seque in quam libuisset verti. Sic fœminam, virum, messorum, & militem fieri, venatorem, aurigam, desultorem, posse etiã piscatorem esse, mox & institorem. *Suppetat, hoc pisces calamo prædabor:* Post autem fiam institor. *Et ibo mundus demissis institor in tunicis.* Sensus est si velim ex piscatore fieri institor, mutanda mihi schema, & altius subductæ, sordentesq;

tesque tunicæ quales sunt piscatorum, more reliquorum demittendæ, & quidem mundæ. Piscatoribus enim qui sæpè se in aquam demittebant, succinctæ altius, & ad inguen subductæ tunicæ, ne fluctibus madescerent; Quare Vertumnus ait si ex piscatore institor fieri velim, patiar tunicas more aliorum cadere dempto squalore; Nec demissæ hic valet talaræ, vt apud Horatium, sed longiores, quàm vt a piscatoribus ferrentur.

Iuuenalis etiam tunicas medio crure tenus demittere tantum virorum docet fuisse, cuius verba afferemus, quia Interpretes non ceperunt, & pessimè acceperunt.

Nam si docta nimis cupit, & facunda videri:

Crure tenus medio tunicas succingere debet:

Cedere Siluano porcum: quadrante lauari.

Mitto veteres, qui aiunt omnia facere debere mulierem, quæ fieri solent a poetis, & viris literatis, qui cum loca solitaria quærant, Siluano nemorum Deo sacrificant. Etiam qui notas breuiores in hunc poetam vulgauit, *Sumat*, inquit, *hunc Oratoris, vel Peripatetici habitum*. Quali vero Oratores tantum, & Philosophi tunicas crure tenus gestarent, Siluano facerent, & quadrante lauarentur. Logi. Perstringit ibi Satyricus mulieres, quæ literas callere videri volebant doctiùs, quam vt probas deceret.

Laudat Virgilium, peritura ignoscit Elise,

Comittit vates, & comparat inde Maronem,

Atque alia parte in trutina suspendit Homerum.

Et infra.

Non habeat matrona tibi, quæ iuncta recumbit.

Dicendi genus, aut curtum sermone rotato

Torqueat enthymema.

Et cetera in eundem sensum.

Si ergo, inquit, mulier vult literas tractare descriptori-
bus iudicium ferre, philosophari, & reliqua quæ sunt viro-
rum propria, etiam virili habitu incedat, quæque sunt viro-
rum munia tantum peragat. Primum est, *medio crure tenus
tunicas succingat*, cum mulieres stolis talaribus vterentur.

Alte-

Alterum *Cedere Siluano porcum*; Id enim tantum viris licitum, quod veluti per caliginem Brittanicus vidit, nam quod Siluano porcum caderet vt Epicuræa, gerræ sunt. Soli viri Siluano sacrificabant, qui genius virorum, vt Iuno fœminarum. In Vet. Inscriptione. *Siluano Aug.* hoc est *Augusti*, Non quòd scioli *Augusto*, vel *Augustissimo*. Nam *Siluano* Augusti genio, tutelæ, defensori. In ijsdem plerunq; iungitur cum Hercule. *Herculi Siluano*. Item cum Marte, cum quo eundem plerique fecerunt. Ita *Herculi Augusti* idest defensori, & custodiæ. Cædat ergo, inquit, Sartyricus Siluano porcum vt viri solent, quæ virorum officia occupat. Clarè id Vetus Interpres. *Crure tenus*. Idest accipere debet virilem habitum & cingi vt vir. Mox. *Cedere Siluano*. *Siluano mulieres non licet sacrificare*. Quo respicere nuperi debuerunt. Glossæ item veteres MS. in Mediolani Bibliotheca. *Sacrificare Siluano quòd virorum: Quadrante lauari, sicut vir balneari*. Aliæ. *Sicut mulieres viri facundiam affectabant, deberent, & tunicam suam sicut viri in altum succingere. Viri quando ingredi volebant thermas aere lauabantur, idest pecuniam dabant custodibus: fœmina se ipsas propretio*. Aliæ demum vetustissimæ. *Cedere Siluano. Effici viri: Siluano mares, fœmina Cereæ sacrificabant; Nam mulieres neque ad tonsores, neque ad balneas publicas eunt*. Postremum est. *Quadrante lauatur*. Vt Stoica, aiunt, quadrante lauatur. Nam Horatius de Stoico. *Dum tu quadrante lauatum Rex ibis*. Ineptissimè. Non enim soli Stoici, sed viri omnes quadrante lauabantur, idest pro mercede balneatori quadrantem soluebant, & ideo Seneca Balneum appellat rem quadrantariam, vt sciunt etiâ qui nondum quadrante lauantur. Sciuit & Mercurialis in Arte Gymnastica: sed Balnei pretium in imensum auxit, cum ex vno centum quadrantes fecit, ait enim conqueri Martialem quòd sibi balnea tanti constarent.

Balnea post decimam lasso, centumque petuntur Quadrantes.

Quali Martialis ibi de pretio balnei loquatur, & non de sportula, quæ centum quadrantes lassis clientibus post balneas

neas loco rectæ dabat. Quadrans pretium balnei, sed virorum tantum: nam fœminas gratis lauisse si nihil aliud, hic vnus Iuuenalis locus satis ostenderet: cum inter ea quæ virorum tantum essent, lauari quadrante ponit. Eædem glossæ Veteres. *Quadrante lauari, sicut vir balneari*. Aliæ. *Quadrante, virorum pretium, fœmina vero gratis*. Nec mirum fœminas nihil pro balneo dedisse, nam hoc & impuberibus præstabatur. Idem poeta.

Nec pueri credunt, nisi qui nondum ere lauantur.

Vetus Interpres. *Infantes*. *Quia pueri non dant balneaticum*. Mulieres tamen balneatori mercedem soluisse indicare videtur Cicero pro Cœlio. *Nisi fortè mulier potens quadrantaria illa permutatione familiaris facta erat balneatori*. Scio quemadmodum hunc locum docti explicuerint, præcipuè Manutius, Quòd nempe Clodia pro quadrante corporis sui copiam balneatori faceret. Sed vt lasciuia perdita fuerit, omnique probro respersa, & in mediastini, ac balneatoris amplexus ruerit, id tamen fecisse ad redimendū quadrantem, potentem alioqui, & auri largam in amatores suos, nemo sanus crediderit. Vix hoc de lupis diobolaribus & meretricum mendicabulis credatur. Quid ergo? Quadrantariam Clodiam dictam ex Plutarcho notum, quod ex eius amatoribus quidam perfacetus quadrantes argéteorum loco in loculos miserat. Hæc igitur quadrantis mercede quadrantaria facta erat, & sic balneatori familiaris quæstus, ac mercimonij similitudine; Ille quadrantem a viris pro balneo exigebat, hæc quadrante merces suas permutabat: ille quadrantarius, hæc quadrantaria: & ex quæstus communione, mercedisque similitudine familiaritas. Altera interpretatio vix quadrante digna est, & ipsas balneas refrigerare potest.

Vt ad tunicas longas redeamus, cum illæ essent mulierū propriæ in viris probro habitæ. Cicero in Catilin. *Quos videtis manicatis, & talaribus tunicis, velis amictos non togis*. Etiam D. Augustinus in III. de Doctrina Christiana. *Talares, ac manicatas tunicas habere olim apud Romanos flagitium*. Confirmat

firmat Seruius ad illud.

Et tunica manicas, & habent redimiculā mitræ

Tunica inquit *vestræ* habent *manicas* quod etiam Cicero vituperat dicens, *manicatis, & talaribus tunicis*. Idem ad illud *Discinctos Mulciber Afros*. Vel habitum inquit eorum ostendit qui usque in talos fluebat, quod Plautus ridet in *Pænulo* *Quenam illac auis est?* Cum Afrum vidisset vestem dimissam trahentem, neque enim utuntur hodieque *Zonis*. Alijs etiam locis ostendit Plautus, probrosas fuisse tunicas longas, & puerorum meritoriorum proprias, quæ iam ab alijs sunt adducta. *Pænulo*. a. v. sc. v. *Quis hic homo est cum tunicis longis quasi puer cauponius?* Mox. *Sane genus hoc mulierosum est tunicis demistis*. Temporum mutatione tunicas talaris in vsum communem venisse, & cum togis etiam gestatas nemo in antiquis monumentis versatus dubitare potest. Huiusmodi statuas togatas cum tunica talari non paucas attulit Ian. Boissardus.

De Cinctu. Cap. VII.

Sed quoniam tunicæ ferme longiores, aut breuiores erant cincturæ arbitrio, de ea hic pauca afferemus. Et Romanos quidem exceptis laticlauijs cingi solitos certum est. Nam laticlauios sine cinctu fuisse ex Quintiliano acutè colligit Manutius quique eum secuti sunt. Locus est supra laudatus, lib. xi. *Cui lati clauus non erit, ita cingatur ut tunica prioribus oris infra genua paulum, posterioribus ad medios poplites usque perueniant, nam infra mulierum est, supra Centurionum. Latum habentium clauum modus est, ut sit paulum cinctis submissior.* Quæ verba supra expendimus, cum de cinctu Cæsaris loqueremur, quem tradit Suetonius supra latum clauum cingi solitum, quod præter morem fuisse ostendit, aliqui id tamquam notabile non tradidisset.

Omnes igitur, præter laticlauios, tunicam cingebant, & pro ut libebat, contrahebant, aut demittebant. Ita Centurionum, & militum omnium tunicæ breuiores, & intra genua subductæ. Hinc apud Petronium. *Statores altius cin-*

Hi, & apud Horatium lib. i. Sat. v.

*Hoc iter ignavi diuissimus, altius ac nos
Præcinctis unum.*

Idest fortioribus, & expeditioribus. Idem alibi

*His ubi sublatis puer alte cinctus acernam
Gausape purpureo mensam præterit.*

Non fortis, ac strenuus ut explicat Turneb. lib. xv. c. xxi. r. sed agilis atque expeditus. Contra *discincti* pro imbellibus, & effœminatis. Seruius ad illud

Illi se præda accingunt.

Accinctos inquit, industrios dicimus, ut Horatius.

Altius, ac nos præcincti:

sicut contra negligentes *discinctos* vocamus, ut *discinctos* Mulciber Afros. Magno scilicet probro habitum *discinctum* incessisse. Dio Lib. lxi. i. postquam multa Neronis infanda percensuit adiicit. Quibus ipsis in rebus ita faciebat contra ius fasque *ὄρε καὶ ἀλώσεως χιτῶνας* ut etiam tunicas *discinctas* publice indueretur. Et alia quæ nemo ignorat. Sicut quæ de Mecenatē *discincto* scriptoribus traduntur. Seneca epist. xciii. *Alte cinctum putes dixisse: habebat enim ingenium, & grande, & virile nisi illud ipse discinxisset;* Quod etiam in Cæsare fefellit, qui etsi fluxiore cinctura, grandi tamen & virili ingenio fuit, quod Sullam non latuit, qui male cinctum cauendum monuit. Mecenatis Epicedium quo solutas tunicas excusat a Turnebo allatum, quia mirifice totam rem illustrat, afferemus.

Quod discinctus eras animo quoque carpitur unum;

Diluitur nimia simplicitate tua.

Sic illi vixere, quibus fuit aurea Virgo

Qua benè præcinctos postmodo pulsa fugit

Inuidi quid tandem tunica nocuere soluta?

Aut tibi ventosi quid nocuere sinus?

Tunicarum igitur solutarum, & *discinctarū* laxi ac ventosi sinus, & ideo mollium atque effœminatorum. Plutarchi in Apophtegm. tradit Xerxem Babylonijs iratum quod defecissent, quum illos recepisset ne arma ferrent imperasse

ſed canerent, lenocinia, ac cauponas exercerent, καὶ κοπιῶν
 κολπωτὲς χιτῶνας, & vt ſinuofas tunicas geſtarent quales
 erant mulierum.

Quamquam & aliquos in ipſo cinctu elegantiam affectaſ-
 ſe innuit Ouidius in 111. de arte.

Nec coma vos fallat liquida nitidiſſima nardo

Nec brevis in rugas cingula preſſa ſuas.

Qui ſcilicet tunicae rugas moroſe collectas & diſpoſitas
 cingula conſtringerent. Cuius vocis uſus neſcio an alibi re-
 periatuꝝ præter eundem Ouidium in primo de Remedio, ſed
 in re diuerſa.

Vt noua velocem cingula ledat æquum.

Ceterum cum tunica cincta eſſet in ſinum pecuniam re-
 conditam docet Plutarch. in Coriolano cum ait, *Candidatos*
ſine tunicis in forum deſcendere ſolitos ne pecunias emendis ſuffra-
gijs in ſinu geſtarent. Tum etiam quod nullas tum braccas,
 aut peras geſtarent, quibus nummos crederent, vt neceſſe
 eſſet, vel in ſinu, vel in zonis circumferre. Ouid ius Amo-
 rum. lib. 1.

Quid puerum Veneris pretio proſtare iubetis

Quo pretium condat non habet ille ſinum?

Seneca in epistoſis. *Sinum laxa, merum lucrum eſt.* Horat.
 lib. 11. Sat. 111.

Ferre ſinu laxo donare & ludere vidi.

Vbi recte notauit Turnebus *ſinum laxum illius dici ſoli-*
tum, qui ſinum non adſtringeret, & ideo quæ in eo gerit eſſuere,
& excidere ſinit, quales diſcincti, & nepotes.

Tunica Manuleata. Colobia. Cap. 11X.

Sicut longæ tunicae, ac talaræ, ita & manuleatæ infa-
 mes olim fuere. Gellius lib. vii. cap. xii. *Tunicis uti*
uirum prolixis ultra brachia, & uſque in primores manns, ac propè
digitos Romæ atque omni in Latio indecorum fuit. Hac antiquita-
 te inductus P. Africanus P. Sulpitio Gallo homini delicato inter ple-
 raque alia, quæ obiectabat, id quoque probro dedit, quod tunicis
 utere.

uteretur manus totas operientibus. Quod ergo hæ tunice talar-
res, & manuleatæ fœminarum propriæ essent, in iisdem
etiam pueros meritorios consueuisse, ex eodem Gellij loco
colligit recte Lipsius lib. iv. Antiquarum. Verba enim Sci-
pionis in Sulpitium sunt. *Qui in conuiuijs cum amatore cum chi-
ridota tunica accubuerit, enim ne quisquam dubitet quin fecerit,
quod cinadi solent?* Plaut. Pœnulo.

Quis est hic cum tunicis longis quasi puer cauponius?

Seneca in epistolis. Mirum est aliquid fortiter dici ab homine
mollitiem professo; ita enim plerique indicant. Apud me vero Epi-
curus est & fortis, licet manuleatus sit. Addit Gellius. Virgi-
lius quoque tunicas huiusmodi quasi fœmineas, ac probrosas cri-
minatur.

Et tunica manicas, & habent redimicula mitræ.

Vbi Seruius. Tunica vestræ habent manicas quod etiam Cicero
vituperat dicens manicatis, ac talaribus tunicis. Nam colobys
utebantur antiqui. Locus Ciceronis est Orat. ii. in Catili-
nam. Quos pexo capillo nitidos, aut imberbes, aut bene barba-
tos videtis, manicatis, & talaribus tunicis, velis amictus non to-
gis. Curtius etiam lib. ii. mollitiem luxumque Persarum
describens ait. Illi vestem auro distinctam habebant, manica-
tasque tunicas, gemmis etiam adornatas, quæ in militaribus
viris turpiores.

Dio etiam lib. lxxvi. i. narrat Caracallam imparem mi-
litaribus laboribus, cum nec ælitum, nec arma ferre posset
induere solitum τῆς χειρὶδωτῆς χιτῶνας tunicas manicatas ad
loricæ formam contectas. Idem lib. lxxi. i. de Commmodo.
Solebat antequam veniret in Theatrum amictus esse tunica χειρὶδω-
τῆς, manuleata, serica alba, auro interstincta, ingressurus autem
Theatrum induebatur purpurea auro inspersa, chlamydeque simili
more Græco. Suet. c. li. i. cum Caligulæ habitum perstringit
vt parum civilem ac virilem inter reliqua ait, manuleatus, &
armillatus in publicum processit.

Colobia tunicas sine manicis dictas veteribus docti ad
notarunt, quasi truncas, ac mutilas. Glossæ. Κολοβὸς ὁ κων-
δὸς. Curtax. Κολοβὸς ὁ μέρος τῆς σώματος ἀφαιρεθῆναι. Mutilus,

truncus. Κολόβιον *Colobium*, *subicula* L. *Subucula*. Isidorus. *Colobium dictum quia longum est, & sine manicis; Antiqui enim hoc magis utebantur.* Quod de longo ponit præter rem est, nam manuleatæ, non truncæ longæ fuerunt. Idem. *Leuitonarium est Colobium sine manicis, quali monachi Aegyptij utuntur.* Aegyptiorum Colobia describit Cassianus lib. i. c. v. *Colobys quoque lineis induti, quæ vix ad cubitum ima pertingunt, nudas de reliquo circumferunt manus.* Et c. xi. *Nam neque caligis nos, neque Colobys, seu unica tunica esse contentos hiemis permittit asperitas.*

Veterum ergo Romanorum tunicæ colobia fuere, manicis scilicet carentes, quod non ita intelligendum est, ut totis brachijs renudatis incederent, sed quod manicæ ad cubitum tantum pertinerent, & non cum brachijs magnam quoque manus partem cooperirent, Quas tunicas eleganter Tertullianus de pallio *nec manibus arctas* appellat, *nec brachijs parcas.* Male enim eum locum docti sollicitant.

Quæ cum ita sint, merito quis Plutarchum miretur, quod tradat Catonem Censorium (si Interpreti credimus,) postquam in foro amicis operam dedisset, domum reuersum hyeme tunica sine manicis, æstate nudum cum seruis labore certasse.

Quasi non & reliqui in talibus tunicis solerent. Sed nimirum Interpres hoc de suo commentus est. Nam in Græco est. ἐξωμίδα λαβών. Erat quidem ut diximus Exomis tunica sine manicis, sed a communi tunica distinguebatur, quod hæc dimidiatas manicas cubito tenus habebat: ut in veteribus statuis tunicatis videre est. Exomis prorsus manicis carebat, ut etiam humeros renudaret, quales antiquissimorum Romanorum tunicas describit Gellius. Hoc itaque ad Catonis tolerantiam spectabat, quod pro tunica exomide utebatur, prorsus ad exemplum seruorum suorum, nam Exomides seruiles vestes fuisse diximus; Cato eadem cum seruis veste utebatur in opere rustico, & quod sequitur ἰδίῳ τὸν αὐτὸν ἄρτον ὡς καθημέριος, καὶ πίνει τὸν αὐτὸν οἶνον.

Quamquam Exomidem ex altera parte manuleatam fuisse

se testetur Pollux. Εξωμὶς, καὶ περίβλημα λεῖον, καὶ χιτὼν ἑτερομήχαλος Grauius eiusdem Interpretis peccatū est in Othonis vita. Scribit Plutarchus ibi Cæcinam partium Vitellianarum ducem grauem habitu cultuq; Italicis Urbibus fuisse quod γαλατικῶς ἀναξυρίσι, καὶ χερίσιν ἐνεσπιδασμένους signa ducesque Romanos alloqueretur. Gallicis inquit Interpres *subligaculis, thecisque ornatus*. Quæ malum istæ thecæ? Etiam qui vix a limine Græcas litteras salutarit braccis, & manicis ornatum interpretabitur. Sed qui locus hic manicis? Manicæ olim vt dictum tunicarum longarum & muliebrium fuere, quarum nullus in viro & milite locus. Nec credibile ducem impudicorum habitu præteruectum Cum Vrbes, & Municipia non mollitiem eius, sed superbiam notarent. Tacitus lib. I I. Hist. eadem narrans. *Ornatum inquit ipsius municipia, & colonie in superbiam trahabant, quod versicolore sagulo brachias barbarum tegmen indutus togatos alloqueretur*. Nec dubitandum est eas manicas in sagulo fuisse, quæ quoniam vt brachæ inusitatæ Romanis erant, & hostilis cultus, id superbo, & contemptori animo adscribebant. Sed de sago infra.

Dalmaticæ. Non vnus Baronij error notatus.

Cap. IX.

Colobium, siue communis tunica, etiam penes Christianos fuit, & quidem in sacris, vt & reliquæ vestes communes, gestata ad vsque Siluestri Pontificis tempora, cuius instituto in locum colobiorum *Dalmaticæ* venerunt, id est tunicæ manuleatæ, quas ita appellatas, quod in Dalmatia primo confectæ sint, & illinc Romam allatæ notum est. *Chiridotæ Dalmatarum* appellat Capitolinus in Pertinace cum tradit in auctione rerum Commodi repertas fuisse *Lacernas, & Chiridotæ Dalmatarum*. Alcuinus de diuinis officijs. *Dalmatica ob hoc dicitur, quod in Dalmatia sit reperta. Vsus autem Dalmaticarum a B. Siluestro Papa institutus est, nam antea Colobijs utebantur; Colobium vero est vestis sine manicis. Cum ergo nuditas brachiorum culparetur a B. Siluestro Dalmaticarum repertus*

est

eſt uſus. Deſcribit deinde Alcuinus Dalmaticam, atque fuiſſe veſtimentum ad inſtar Crucis, habuiſſe in ſiniſtra parte ſimbrias, fuiſſe inconfutilem, ac large manuleatam: additque cauſas myſticas, quas hic attingere non eſt opus: ſicut & illud, habuiſſe lineas coccineas, vel vt alij purpureos tramites, vel clauos pariter purpureos, vt tunica ſenatorum, primo a Sacerdotibus geſtatas, dein Diaconis conſeſſas, poſt ſolos Episcopos Dalmaticarum ius habuiſſe, quæ alias cum Deo exequemur. Et licet Dalmaticæ a Colobijs diſtinguerentur tamẽ pro eadem re aliquando ſumptas notauit Salmaſius ex Niceta Theſauri Orthodoxi lib. I. c. III. *Dalmatica, quæ nunc Colobia dicuntur, purpuraque prætexuntur.*

Vt ad rem noſtram veniamus, Dalmaticæ, ideſt tunica manuleatæ pro colobijs in uſum venerunt, & tamen olim infames, vt diximus, fuere. Quare Principes Dalmaticatos in publico conſpectos pro magno dedecore ſcriptores poſuere. Lampridius in Commodo. *Dalmaticatus in publicum proceſſit, atque ita ſignum quadrigis emittendis dedit.* Idem in Heliogabalo. *Dalmaticatus in publico poſt cœnam ſæpẽ viſus eſt Gurgitem Fabium, & Scipionem ſe appellans, quòd cum ea veſte eſſet, cum qua Fabius & Cornelius a parentibus ad corrigendos mores adoleſcentes eſſent producti.* Atque ita, vt Caſaubonus ad hunc locum rectè notat, veſtis illa, quæ olim fuerat mollium & delicatiorum, poſtea grauiffimorum ſanctiſſimorumque Episcoporum fuit geſtamen. Nam quod Cerda inde Dalmaticam Regium veſtimentum fuiſſe dicit, & illi Socienus Kercoetius non fuiſſe notatos, quòd Dalmaticati eſſent exiſtimat, ſed quod in ſolis Dalmaticis, ne refutandi quidem ſunt.

Nec ob aliam cauſam Dalmaticæ probroſæ, quam quia manuleatæ: quas tamen mulierum virorumque effœminatorum fuiſſe oſtendimus: & ideo chiridotæ Dalmatarum vocat Capitolinus. Καρπῶτοι etiam dicebantur, vt alijs notatum, quòd καρπῶν manus obuelabant, quæ vox adhuc Venetijs perſeuerat, vbi muliebres tunicae *Carpette* vocantur.

Manu-

Manuleatas Bassianitunicas cum Helagabalo faceret describit Herodianus lib. v. *ὑποφέρει τε χιτῶνι βαρβαρῶν, χιτῶνας χρυσοῦ φοῖ, καὶ ἀλουργεῖς χειρῶν τοὺς καὶ ποδῶν ἀνεζωσμένους*. Vbi recte Politianus *tunicas manuleatas, & ad pedes usque demissas* interpretatur, eumque cultum tanquam mulierculis quam viris congruentiorem Mœsa auia Antonino exprobrauit. Idem paulo infra tales chirodotas talaris ab ijs gestatas narrat, qui in eiusdem Dei sacrificio exta victimarum lancibus aureis gestabant.

Quòd ad Dalmaticas sacrorum attinet, nollem Baroniū virum præstantissimum in ijs explicandis toties lapsum esse, notumque fecisse, quam negligenter in re vestiaria versatus esset; Qui vt excusandus sit, quod in vetere prophano cultu indagando operam ponere non curauerit, ita sacræ historiæ conditor sacrorum vestem, & paratum sine culpa ignorare non potuit. Piget referre, quam falsa, & tanto viro indigna de Dalmatica prodiderit in Martyrologio ad diem Prædie Kal. Iunij.

Primo ait *Reges Dalmatica aliquando vsos*. Sed præter Commodum, & Heliogabalum, qui ea abusi sunt, nullus sanus, aut honestus Princeps eam gestasse legitur, & ideo illi a scriptoribus notati. Frustra itaque nostris Diaconis decus ex eo acquirit Baroniū quòd in Regijs vestimentis incedant, cum non modo Regiæ, vt diximus, non fuerint, sed & probro habitæ. Dein meminisse ait *Capitolinum Dalmaticarum, quibus utebatur Pertinax*. Falsò. Nam meminit Dalmaticarum, quæ Commodi fuerant, cuius rerum auctio sub Pertinace. Non enim seueri, & antiqui moris Princeps se ea veste de honestasset, quam in duobus lasciuia, atque impudentiæ monstris populus Romanus damnauerat.

Sed quod vix ferendum est, cum Dalmaticam fuisse tunicam manicatam ex Dione in Commodò agnoscat, subiicit, qualis fuerit Dalmatica describi ab Ammiano lib. xiv. *Post hæc indumentum regale quærebatur, & ministris fucanda purpureæ torris, confectisque pectoralem tuniculam sine manicis textam* Maras quidam nomine inductus est, vt appellant Christiani Dia-

conus. Atqui tunica hæc trunca & sine manicis, Dalmatica manuleata: Subdit eam persimilem chlamydi figura fuisse tradere Marcellinum. Nihil minus: nam tantum purpura infectam scribit; tantum enim a chlamyde distabat Dalmatica, quantum a pallio tunica.

Sed leuë coniecturam leuiori argumento sustentat, quod illa dicitur tunica, & tunicę Diaconorum Italis *tunicula* dicuntur, siue *tunicellæ*. Nam sicut illa non fuit Dalmatica quippe quæ carebat manicis, ita vestes Diaconorum neque ipsæ propriè Dalmaticæ sunt, sed potius colobia, qualesque veterum tunicæ, quarum manicæ ad manus non pertinebant & ideo tuniculę appellantur: nec sunt istę talaris, vt omnes tunc Dalmaticæ. Quidquid sit, si istæ Dalmaticæ sunt, illa Ammiani nequaquam fuit.

Non contentus Annalium scriptor Dalmaticam eandem cum Colobio, & chlamyde fecisse, cum toga quoque & quidem triumphali confundit. Quem Bulengerus sarcinator, non scriptor secutus est. Quid cogitabat cum hæc scriberet vir summus? Ait, palmatam Consularem apud Ausonium in gratiarum actione literis inscribi solitam, talem plane esse Dalmaticam Diaconorum, quod Ammianus tuniculam appellat qua & Imperator indui posset; Colligit deinde, & ministrorum cultum Regijs indumentis inuidiose contendit. *Ex his perpende*, inquit, *quanto Augustinus atque Magnificentius legali veteri cultu noui testamenti ministerium apparetur, cum antiquis Leuitis, nec linea uti stola concessum esset.* Sed quid palmata toga cum dalmatica, quid Ausonio cum Ammiano? Quid Regibus cum Diaconis? Palmatam fuisse togam apud Ausonium & nemo ignorat & ipse testatur. Ea non literis inscribi solita, sed variis figuris intexi. Verba Gratiani fuerant cum trabeam mitteret. *Palmatam tibi misi, in qua Diuus Constantius parens noster intextus est.* Quæ verba Ausonius ipsa trabea pluris æstimat. *Hec planè*, inquit, *hæc est Picta, ut dicitur vestis, non magis auro suo, quam tuis verbis.* Non quod ipsa verba inscripta essent, vt credidit Baronius. Sequitur enim. *Constantius in argumento vestis intexitur: Gra-*

tianus in muneris honore sentitur. Porro Ammianus tuniculam appellat *Regale indumentum*, non a forma sed quòd esset tota purpurea, qui tunc color solis Principibus reseruatus. Sed iam me satias istorum capit. Potius igitur Diaconi post hac augustissimo sacrorum ministerio, quam Regio indumento iactare se poterunt.

De Tunica colore. Non fuisse purpureum. Manutij opinio reiecta. Cap. X.

TOgas communes albas fuisse, supra ostendimus talis & tunicarum color. Nam vt cetera omittantur, illud satis firmum argumentum est, quod attulit Lipsius ex Cicerone, qui Verri obijcit, quod in officina sedere solitus sit cum pallio, & tunica pulla. Firmum inquam argumentum, nam cetera quæ affert, parum iuuant; Ex Vopisco in Aureliano. *Sciendum tamen congiaria illum ter dedisse, donasse etiam populo Romano tunicas albas manicatas ex diuersis prouincijs.* Nā contra si omnes tunc albæ tunicae fuerunt, satis fuisset dicere, donasse eum tunicas, & hinc videtur posse colligi, nō fuisse tunc vulgares tunicas albi coloris. Quod verum est, nam tempore Aureliani peregrini vestitus donabantur populo, vt Caracallæ, Dalmaticæ, Birri Atrebatice, atque ita & tunicae manicatæ albæ, cum vulgares sine manicis essent. Alterum quòd ex Iuuenale adducit Lipsius infirmum est.

Sufficiunt tunice summis Aedilibus albæ.

Loquitur ibi poeta de vita rustica, quæ in pagis & oppidis agebatur, vbi ait togas non fuisse in vlu, atque ita Aediles satis habuisse, si in tunicis albis conspicerentur, quod indicare videtur reliquis albas tunicas non fuisse, si id tantum Aedilium gestamen fuit. Falsum tamen est, nam omnes in tunicis albis; Idem ibi.

*Aequales habitus illic, similemque videbis
Orchestram.*

Sed Aedilium tunicae, vel candidæ fuere, vt de toga petitorum diximus, vel quod verius, recens lotæ.

Obstat modo auctoritas Manutij, qui tunicas totas fuisse purpureas cōtendit, inductus verbis Ciceronis in Sextiana; qui Pisonem Consulem perstringens eius habitum denotat. *Vestitus*, inquit, *asperè nostra hac purpura plebeia, ac penè fusca*. Dubitat ibi Manutius, vtrum de toga loquatur Cicero, an de tunica, eoque flectit, vt existimet de tunica sermonem habere; Quoniam ait *purpura nostra*, id enim ad prætextam referri non posse, quia tunc Cicero in magistratu non erat, & propterea minime prætextatus, cum præterea prætexta non esset tota purpurea. Itaque ad tunicam latriclauriam referendum, quam hinc totam purpuream esse credit, quaque Cicero vt senator indutus erat.

Hęc ratio quàm nullius momenti sit, inde apparet, quod si tunica tota purpurea fuit, cur clauis ex purpura inditi vt ab reliquis ordinibus senatum distinguerent? Quomodo extra reliquam purpuram ea signa eminebant? Non de alia igitur purpura Cicero capiendus est, quàm quę prætextę in extrema ora, tunicęque Senatorum, & equitum, ad pectus per clauos latiores, & angustiores indebatur. Plebeiam Cicero, ac penè fuscā appellat, quod ea ipse cum vulgo senatorum & equitum utebatur, cuius libra, vt supra notauimus, centum denarijs venibat, cum Tyria non nisi a potentioribus ac delicatoribus emeretur, & quidem vix mille denarijs. Plutarchus tradit, Catonem purpura fusca vsum, cum videret saturo rubore ardentem esse tunc in pretio. Et si igitur nō esset Cicero prætextatus, purpuram tamen in clauis tunicę Senatorię gestabat, sed communem & minime pretiosam, quam ideo plebeiam vocat, ac penè fuscā. Atque ita purpuram simpliciter appellauit, quę in prætextā, & lato clauo Pisonis erat. Similiter Iuuenalis purpuram pro prætextā dixit. Sat. xi.

Ingenui vultus puer, ingenuique pudoris,

Quales esse decet, quos ardens purpura vestit.

idest prætextā. Alterum Manutij argumentum de purpura Quintij Tribuni plebis satis supra expendimus, cum de prætextā ageremus.

Tunica palmata. Russa. Galbina. Cap. XI.

AT tunicam triumphantium totam, vt & togam, purpuream fuisse palmis, vel acupictis, vel intextis distinctam, & elaboratam ostendimus, cum de toga picta verba fecimus. *Vbi palmatam tunicam ex Festo docuimus distinctam, quod clavis latioribus ad instar palma manus distinguere-
tur, siue ab intextis palmis victoriæ insignibus.* Ita vt auro intexeretur, & pingeretur, vt toga triumphalis. Dio lib. ix. Caligulae triumphali pompa per pontem Baianum vecto dat
 χιτῶνα χρυσόπασον.

Quod ad communes tunicas attinet processu temporis in locum tunicarum albarum Russæ siue Russatæ venerē, maxime apud milites. Trebellius in Claudio. *Tunicas Russas militares annuas.* Isidorus *Russatas* vocat. *Russata quam Græci Phœniceam vocat, nos coccinam, reperta est a Lacedæmonijs ad celandum coloris similitudine sanguinem, quoties quis in acie vulneraretur, ne contemplatione aduersario animus angesceret.* Subijcit, ea vsos milites sub Coss. vnde & Russatos dictos; Sed fallitur solens nam nec milites sub Coss. Russati, & is color in Circi factionibus.

Has autem tunicas Russas non fuisse purpureas, omnino doctis viris assentiendum est, quod soli Imperatores tunicas, & paludamenta purpurea gestarent. Itaque verba Vopisci in Aureliano. *Paragaudas vestes ipse primus militibus dedit, cum ante non nisi rectas purpureas accepissent.* Rectas purpureas tunicas simpliciter rubras, vel russas, aut rufas cum iisdem intelligimus. Fuere & *Galbine tunice* a viridi siue aureo colore dictæ de quibus Turnebus lib. xvi. i. cap. ix. Qui tamen libro sequenti cap. xix. tunicas russas non recte interpretatur eas esse quæ Græcis φοινικίδες, adducitq; locum Plut. in Bruto. *Iussit corpus operiri τῇ πολυτελεστάτῃ τῶν ἐαυτῆς φοινικίδων*, ibi enim de paludamento loquitur Plutarchus, de quo infra.

Puniceas etiam tunicas lictoribus tribuit in triumpho

Appianus in Punicis . *Ipsum Imperatorem præcedunt lictores*
ποινῆς χιτῶνας ἐυδεδυκότες . Vbi perperam Interpres vertit
Paludati, quasi tunica paludamentum fuerit . Paulo post
 idem in reliqua pompa fuisse tradit Pantomimum, qui ποδύ-
 ρη πορφύρεαν indutus esset, hoc est talarem tunicam purpu-
 ream, vt effeminatedum saltatorem decebat .

De Tunica ornamentis . Latus clauus . Doctissimorum
virorum sententia explosa . Quintilianus
explicatus . Cap. XII.

PRæcipua tunicæ ornamenta clauī purpurei fuere, sed
 Equestris tantum, & Senatoriæ, illius angustiores,
 huius latiores, vnde ad discrimen ordinum lati clauī, & an-
 gusti dicti . Ita Romanorum tunicæ vulgo & lancæ fuerunt,
 & albæ, sed Senatorum, & Equitum per clauos purpureos
 maiores, ac minores a reliquis distinctæ . Quid essent hi
 clauī, & quomodo gestarentur, non esset operæ referre,
 nisi viderem viros præstantissimos dubitasse, alios etiam
 minorum gentium penitus ignorasse . Magnus enim Scali-
 ger ad Varronem non fuisse clauos partem tunicæ existi-
 mat, sed de collo suspensos, & ad libitum sublato, vt amu-
 leta, & numismata, quæ in pectus demittuntur . Iuris con-
 sultorum Princeps Scaligerum sequutus est, latumque cla-
 uum & angustum nihil aliud fuisse docet, quam purpuræ
 clauum vesti non confutum, sed supra eam in pectus demis-
 sum, Senatorum latiore, Equitum arctiore . Vterque
 tamen à Manutio discere potuisset, clauos fuisse purpuræ
 fragmenta, quæ tunicis insuerentur, vt inde etiam detra-
 hi, & refui possent, non autem intexerentur, aut de collo
 penderent . Quomodo enim ignorare potuerunt Vlpiani
 verba de auro arg. legato? *Vestimentorum sunt omnia laxe*
vel serica, vel bombycina, quæ induendi, præcingendi, amiciendi,
incubandine causa parata sunt, & quæ his accessionis vice cedunt,
quæ sunt instita, picturae, clauique, qui vestibus insuuntur. *Quin-*
tilianus autem lib. i ix. c. v. clauos vestibus insutos docet.

Porro ut affert lumen clauus purpura loco inferens, ita certe neminem decet intertexta pluribus notis vestis.

Haud inscius sum, tantos viros Horatij verbis in hanc sententiam concessisse. lib. I. Sat. VI.

*Nam ut quisque infans nigris medium impedit erus,
Pellibus, & latum demisit pectore clauum.*

Sed supra ex Quintiliano ostendimus, Senatores quibus lati clauus ius erat tunicam laticlauiam cingere non consueuisse; Cui lati clauus non erit ita cingatur, ut tunica prioribus oris infra genua paululum, posterioribus ad medios poplites usque perueniant. Latum habentium clauum modus est, ut sit paululum cinctis submissior. Ex quibus apparet, tunicam laticlauiam, quæ ipsa latus clauus dicebatur non cingi solitam; Atque ita clauus purpurei cum Zona non constringerentur cadebant in pectus, siue ut Horatius loquitur, pectore demittebantur. Recte Acron. *Purpuram dicit, quæ in pectore extenditur senatorum.* Secus in Equitibus, qui cum tunicam cingerent, angusti clauus non descendebant in pectus, sed in sinu, quem Zona succincta efficiebat, supra ipsam Zonam conspiciabantur. Qui vero ex Equitibus in senatum allegebantur, soluebant tunicas & latiores clauos demittebant, atque in pectus fluere sinebant. Ex his etiam facile intelligemus, quid sibi velit idem Horatius cum ait alibi.

— *clauum mutabat in horas.*

Nam clauus ibi est tunica laticlauia, quam Priscus ille inqualis, & inconstans sæpissimè mutabat. Quemadmodum & clauus pro eadem sumitur apud eundem Horatium.

— *sumere depositum clauum.*

Acron Colobiona vocat, idest ipsam tunicam. Ita & Suetonius loco toties adducto latum clauum pro tunica usurpauit. *Vsum ferunt lato clauo ad manus simbriato, nec ut vnquam aliter, quam super eum cingeretur:* idest, tunica laticlauia manicata, quam contra morem Cæsar cingebat.

Lati ergo clauus purpurei tunicis Senatorum assuebantur: unde latum clauum tribuere & adimere, pro Senatore facere, & Senatu mouere scriptores usurpant. Ut mirum sit, cur

Lambinus, qui quid essent clavi non ignoravit, *id insigne maiorum magistratuum fuisse* scribat, *ut Aedilium, Pretorum, Consulium*, nam & minorum, & omnium senatorum fuit, etiam si nondum in magistratu essent.

Nec aliud hi clavi fuere, quam purpuræ segmenta, siue frusta purpurea, ut sunt capita clavorum rotunda, unde & nomen traxere, eaque in pectore ipsius tunicæ assuebantur. Fuisse autem plures clavos, patet ex Varrone lib. 11. de L. L. qui clavos *plagulas* appellat, quod ijs tunica, ut rete plagis distingueretur: Et Quintiliano ante laudato. *Ut purpura recta descendant lenis cura est: notatur interim negligentia.* Ex quibus verbis viri doctissimi etiam quadratos fuisse clavos credi volunt, nam si rotundi essent, inquirunt, quoquomodo descenderent recti essent. Non ita rectè; Nam clavi siue rotundi, siue quadrati cum rectè tunicæ infuerentur, recti semper erant, nec poterant aliter; Verum inter se non rectè cadere poterant, quoties tunica cingebatur: nam ea cincta cum pars superior attraheretur ne longius descenderet, sinusque in quo clavi erant subduceretur, quos purpuras appellat Quintilianus, nisi æqualiter sinus subductus fuisset, purpurei clavi non recti descendisset: quare subiicit Rhetor, ita subducendum sinum, ut purpuræ rectæ cadant; loquitur autem ibi de angusto clavo, qui ab Equitibus cingebatur, cum latus in senatoribus sine cinctura descenderet.

Ad pectus tunicæ clavos assutos diximus; Non defuere tamen nuperi qui ad Ciceronis Coelianam notarunt, clavos tota tunica dispersos fuisse, aut saltem tunicæ marginem prætexuisse, & ideo imperite Limbos dixere. Utuntur Ovidij testimonio in Tristibus.

Induiturque humeris cum lato purpura clavo.

Et Statij Silvarum.

Mox Tyrios ex more sinus, tunicamque potentem

Agnoscere humeri.

Quare & humeris clavos inditos. Sed ut dicebamus, latus clavus pro ipsa tunica accipiebatur, in qua clavi purpurei:

& in-

&c, induitur humeris cum lato purpura clauo, idem est atque, induitur tunica lato clauo purpureo distincta: qui clauus purpurei quoniam in pectore erant, Tyrios sinus vocat Statius, non quod in humeris purpura esset, sed quod tunica laticlauia, vt & communes tunicæ, humeris dependeret. Sicut autem latus clauus sumebatur pro ipsa tunica ita contra ἀπλῶς tunica pro lato clauo. Plinius. *Annuli distinxerunt alterum ordinem* (Equestrem) a plebe, sicut tunica ab annulis (Equitibus) *Senatum tantum*. Hinc etiam Senatoria vestis latus clauus dicebatur. Spartianus Caracalla. *Sub veste Senatoria lorica habens cum armatis militibus Curiam ingressus est*. Hoc idem narrans in vita Getæ ait. *Ipsæ autem tantum timuit vt lorica sublata habens clauo etiam Curiam sit ingressus*. Non aliud ergo Senatoria vestis fuit quàm latus clauus, siue laticlauium. Dio lib. lxxiv. appellat ornatum Senatorium siue simpliciter ornatum. *Nos inquit* (Senatores) ἐν κόσμῳ *aderamus*. Appianus & reliqui Græci σολὴν Βουλῆσιν. Suet. Claudio. *Latum clauum quamuis initio affirmasset non lecturum Senatorem nisi ciuis Romani abnepotem etiam Libertini filio attribuit*. Idem Tib. *Senatori latum clauum ademit*.

Latum clauum stlatariam purpuram poeticè appellat Iuuenalis Sat. vii.

Spondet enim Tyrio stlataria purpura filo.

Vbi stlatariam Interpretes pro lato clauo accipiunt, quod veteres Festo, & Quintiliano auctoribus *stlatum* pro lato *stlitum* pro lite dicerent. Quod si verum, nulli tunc Causidici in pretio, nisi qui & Senatores, quibusque lati clauus. Nisi malimus de lacernis Causidicorum interpretari.

— *purpura vendit*

Causidicum, vendunt Amethystina.

Nam lacernas in causis agendis adhibitas, testatur idem Satyra xvi.

— *iam facundo ponente lacernas*

Ceditio.

Immo & pænulas apud auctorem Dialogi de causis corruptæ

ruptæ eloquentiæ. Improbum autem illum colorem etiam in lacernis a ditioribus usurpatum nemo nescit. Nisi rectius sit dicere, magnam etiam Equitum partem per ea tempora latum clauum usurpasse. Turnebus lib. xix. cap. vlt. quod *Stlata* in veteri lexico navis Piratica dicitur, dubitat num *stlataria* purpura sit piratica, & latrocinans, cuius splendore decepti fallantur, & spolientur venditores diuitem censentes, qui eam gestat, siue potius clientes *Causidicum* inde doctum, & magni nominis existimantes. Vetus Interpres *stlatariam* illecebrosam explicat: reliqua adeo corrupta sunt ut frustra sit huc afferre. Nescio quid tamen de nauiponit, ex Ennio.

Et melior navis, quàm quæ stlataria portat.

Papias. *Stlata* genus nauigij alacritudine dictum: inde *stlataria* purpura dicitur idest marina: vel navis piratica, quæ Turnebi coniecturam iuuant. Idem Iuuenalis latum clauum vocat purpuram maiorem Sat. i.

— quid confert purpura maior
Optandum?

Vbi Vetus Interp. *laticlauiam* explicat.

Laticlauij etiam Senatorum filij. Dionis Interpres notatus. Cap. XIII.

INter reliqua ostenta, quibus Augusto Imperium preñunciatum est, id quoque recenset Tranquillus. *Sumentitogam virilem, tunicam laticlauij resutam ex utraque parte ad pedes decidisse: fuisse qui interpretarentur, non aliud significare, quam ut is ordo, cuius insigne id esset, quandoque ei subiceretur: nempe senatorius, cui tunica laticlauiæ. Atqui id Dio, si Interpreti credimus, de toga accepit, quem iure reprehendit Torrentius quod χιτων togam verterit, in quo etiam Leunclavius lapsus est. Narrat enim Dio lib. xlii. Octavianum cum ex phebis excessisset ἐδῆται τὸ ἀνδρῆν τὸν togam virilem induisse: Mox subdit οὐκ ἔστιν περὶ ἐπράγῃ τε ἐπατέρωθεν ἀπὸ τῶν ἐπαπίδων, id per se non modo vllum indicium boni omnis attulisse, sed etiam presentibus fuisse molestum,*

ὅτι ἐν τῇ πρώτῃ τῇ ἀνδρικοῦ χιτῶνος ἐνδύσει συνέβη βῆναι. *Quod in assumptione prima tunica virilis accidisset.* Sed si culpandus Interpretes, quod pro tunica togam verterit, non expers culpæ videri posset Dio, qui togam virilem tunicam appellauit. Quod ne credamus, credere debemus generica voce χιτῶνα pro toga vsurpasse. Non enim vt inter togam puerilem, siue prætextam, & virilem siue puram, ita inter tunicam viro- rum, ac puerorum aliquod fuisse discrimen videtur. Re- ctius tamen erit, si dicamus tunicam virilem fuisse Laticla- uiam, quæ simul cum virili toga sumebatur. Nullus enim quod ego sciam togam χιτῶνα appellauit.

Sed illud difficultate non caret, quod ait Tranquillus, *tunicam lati clauī ad pedes decidisse.* Cur enim Augustus Ti- rocinij die latum clauum sumpsit, si nondum senator? Scio eum postquam rerum potitus est, vt tradit idem auctor, li- beris senatorum, quò celerius Reip. assuescerent, protin- us virilem togam, ac latum clauum induere, & Curia in- teresse permisisse, quod ante ipsum Augustum in vsu non fuisse demonstrat. Cur ergo ipsi latus clauus virili togæ in- ducitur? An hoc illi Iul. Cæsar peculiariter indulxit, vt su- spicatur Casaubonus? Sed Dio id non omisisset, cum subiit, ob hoc ostentum Cæsarem in magnam de Octauio spem adductum esse, ideo & ad patricos reduxisse, & ad geren- dum magistratum erudiisse. Nam quod Casaubonus existi- mat, etiam ante Augustum licentia temporum id in more fuisse, idque ex Suetonij verbis colligi de Cæsare, vsu la- to clauo ad manus simbriato; nequaquam ea verba indi- cant, Cæsarem a puero laticlauium, sed tantum quòd præ- ter morem, cum esset vir, super latum clauum cingeretur. Fortè Suetonius tunicam laticlaui appellauit tunicam supe- riorem, cui nempe legitimo tempore latus clauus assue- retur, quæ fortasse ideo virilis tunica Dioni dicitur, quòd nempe paulo diuersa a communi simul cum toga sumere- tur. Cui hæc coniectura non placet, illam Casauboni per me sequatur licet. Quidam tamen volebant cum toga vi- rili latum clauum sumere. Suet. in Vespas. *Sumpta toga virili*

latum clauum, quidquid fratre adepto diu auersatus est nec vltandem appeteret compelli nisi a matre potuit.

Angustus clauus. Angusticlanij. Cap. XLV.

VT latiores clauī purpurei in tunicis Senatorum assuebantur, ita minores siue arctiores Equitum tunicas illuminabant, vnde ipsi Angusti clauij dicti, quod ex Bucanano notauit Turnebus lib. I. c. I I. ad quod illud Paterculi de Mœcenate adducit. *Quippe vixit angusto clauo pene contentus, nec maiora consequi non potuit, sed non tam optauit.* Ex quo etiam Statium corrigit lib. VI. Siluarum.

Hic paruus, inter pignora Curia:

Contentus arcto lumine purpure.

id est angusto clauo. Cum in vulgatis legeretur *rarolumine*. Lampridius in Alex. Seuero: *Tum satis esse constituit, ut equites Romani a senatoribus clauī qualitate discernerentur.* Equestrem purpuram eleganter Statius pauperem clauum appellat in V. Silu. ad Crispinum.

— *non te series inhonora parentum*

Obscurum proavis, & priscae Lucis egentem

Plebeia de stirpe tulit: non sanguine cretus

Turmalī, Trabeaque Remi, & paupere clauo

Augustam sedem & Latij penetrāle Senatus,

Aduena pulsasti.

Prout idem Turnebus lib. XI I. c. VI. in veteribus extare docuit. Pro quo inepti reposuerant *trabeque & remis*. Ait enim Crispinum non obscuro loco ortum, nec ex equestri dignitate Romanum Senatum intrasse. *Sanguine turmalī* quia equitum turmæ erant: *Trabea Remi*: quod Romulus, & Remus trabeati; vnde *Quirinus trabeatus* Ouidio dicitur. Tandem *paupere clauo* id est angusto.

Eandem postea correctionem posuit Lipsius ad Tacitum lib. III. Ann. oblitus eam se apud Turnebum legisse. nam si meminisset, qua erat ingenuitate, auctorem laudasset.

Hinc *lati clauij & angusticlanij* fluxere. Suet. *Augustum*
tradit

tradit singulis alis binos plerumque laticlauios præposuisse: Ali-
 bi patrem suum *Tribunum angusticlauium* vocat, nec semel
 has voces vsurpat. Quinam hi essent, docti dubitarunt.
 Sed facile fuerit dicere laticlauios Tribunos fuisse Senato-
 rum filios, quibus ab instituto Augusti tam domi, quam
 militiæ ius lati clauifuit: Angusticlauios autem equitum li-
 beros. Clare id idem Tranquillus: *Liberis Senatorum, quo ce-*
lerius Reip. assuescerent, protinus virilem togam, & latum cla-
uum induere, & Curia interesse permisit, militiamque auspican-
tibus non Tribunatum modo legionum, sed & Præfecturas Ala-
rum dedit: ac ne quis expers castrorum esset, binos plerumque la-
ticiauios præposuit singulis alis. Hi laticlauij sunt, quos supra
 Senatorum filios militiam auspicantes dixerat. Quare non
 ita recte idem Turnebus, cum Suetonius scribit, *Neronem*
vapulasse a quodam laticlauiio, non de Tribuno, sed de Sena-
 tore intelligendum existimat, quòd eum Dio Senatorem
 appellat. In qua etiam sententia Torrentius est, quòd Ta-
 citus ait Senatorij ordinis fuisse, sed qui nondum honorem
 vllum cepisset. Nam Tribunus laticlauius etiam Senator,
 cui nempe tanquam filio Senatoris ius Curia, & insigne la-
 ti clauierat.

Ceterum Equites insigniores, qui & *Illustres* dicti, ius la-
 ti clau non secus, ac Senatores habuisse, ex Dione nota-
 uit Lipsius ad Tacitum. Qui Dio lib. LIX. scribit, Caium,
 cum ordo Equestris ad paucos redigeretur, primores ex
 omni imperio etiam extra Italiam, qui genere, & opibus
 excellerent, in eum allegisse, & quibusdam eorum etiam
 ἑδῆται τῇ ἐλευθερίῃ Senatoria veste, priusquam magistratum
 vllum cepissent vti concessisse in spem dignitatis. Nam an-
 tea non nisi ijs, qui Senatoria stirpe essent, id permisso.

Id tamen non diu obtinuisse illud declarat, quod Præfe-
 cti Prætorio, qui ferme ex equitibus legebantur, laticlauij
 ius non habuere. Quare id tamquam singulare in Plantia-
 no notauit Herodianus, quod ἡμῶν τε καὶ πλαινοῦ ἐδῆται,
latum clauum gestaret. Hinc Commodus apud Lampridium,
 cum Paterno Præfecturam Prætorii adinere vellet, lati-

clauium creauit. Paternum autem huius cedis auctorem per lati clauii honorem a Praefectura administratione submonit. Capitolinus in Pertinace: Doluit palam Marcus, quod cum Senator esset, Praefectus Pratorio fieri a se non posset. Clarissimè Lamprius in Alexandro: Praefectis Pratorio suis Senatoriam addidit dignitatem, ut viri Clarissimi, & essent, & dicerentur, quod antea vel raro fuerat, eo usque ut si quis Imperatorum successorem Pratorii dare vellet, laticlauium eidem per libertum submitteret, ut in multorum vita Marius Maximus dixit. Cur autem id fecerit Alexander, rationem affert: ne quis scilicet non Senator de Senatore iudicaret. Videtur tamen usque ad extrema Imperij tépora Praefectura Prætorij purpuræ insigni caruisse. Nam Eunapius in Progreso Prætorio. Ad Praefecti, inquit, Prætorij munus euectus est. ἡ δὲ ἀρχὴ βασιλεία ἐστὶν ἀπορφύρος. Imperatoria dignitas sine purpura, nisi de purpura Imperatoria intelligamus.

Non solum autem Equites Illustres, sed & eorum filios ius lati clauii habuisse, doctis viris assentimur, qui id Ouidii testimonio confirmant.

Interea tacito passu labentibus annis

Liberior fratri sumpta mihiq; toga est.

Induiturque humeris cum lato purpura clauo.

Qui ubi ad ætatem Senatoriam peruenerant, si nolebant, aut non poterant, in amplissimum ordinem adscribi, angustum clauum resumebant. Idem poeta:

Curia restabat, clauii mensura coacta est.

Maius erat nostris viribus illud onus.

Vestis equestris mentio habetur apud Dionem lib. lxxiv. de Seuero Urbem ingrediente: *Seuerus in urbem venit, cumque sedisset in equo usque ad portas urbis, καὶ ἐν ἰσθμῷ ἰππικῇ ingressus*, in veste equestri, hoc est militari, siue Imperatorio paludamento, ne quis in angusto clauo ingressum crederet. Sequitur enim, ipsum ab ipsa porta vestē urbanam in diuisse, id est togam, τὴν πολὺν μὲν ἀλλὰ ἄμεινον. Hoc est, ad verbum: usque ad portas equo veetus ac paludatus, inde sumpta toga pedibus incessit.

Tunica Afema. Clavi mappis & linteis affuti. Alia tunica ornamenta. Cap. XV.

Tunica à clavis laticlauiæ & angusticlauiæ dictæ. At quæ clavis carebant, *Afema* appellata, quod *σημειον* clauus vestis, *σημειωται* clauata vestes dicerentur, vt Casaubono rectè visum est. Qui illud Strabonis lib. 11. de Balearibus. *Hi primi hominum, feruntur gestasse χιτῶνας πλεκτοσύμης*: *tunicas laticlavi* explicat, non vt *Xylander* latè prætextas. *Lampridius* in *Alexandro Chlamydes hirtas, Seueri & tunicas asemas*. Vocat tunicas *asemas*, non quidem quod omnino clavis carerent, sed quod exigua admodum purpuræ signa haberent. *Spartianus* in *Seuero*: *Hic tamen exiguis vestibus usus est, vt vix tunica eius aliquid purpure haberet: & cum hirta chlamyde humeros velaret*. Nam licet laticlaui Senatorū essent, alij tamē latiore, alij angustiore utebantur. *Suet. de Aug.* *Usus est togis neque restrictis, neque fuscis: clauo nec lato, nec angusto*. Latos autem clauos, siue tunicas laticlauias a Senatoribus depositas in luctu, & ab equitibus angusticlauias, ita tamen, vt sine clauo equites, senatores in clauo equestri apparerent, diximus cum de vestis mutatione egimus.

Nec vestibus modo clavi purpurei latiores inditi, sed & supellectili lectorum, ac mensarum, vt ad *Lamprid.* notauit *Casaubonus*. Hinc *laticlauiam* *mappa* *Petronio*, & *lato variatamappa* *clauo* *Martiali*: *pura*, & *clauata* *lindea* *Lampridio*: *lindea* *item* *toralia* *duos clauos latissimos habentia* *Ammiano*.

Præter clauos fuisse, & alia in potentiorum tunicis ornamenta docet *Suetonius*, cum *Cæsarem* tradit *usum lato clauo ad manus fimbriato*. nam *fimbriæ* illæ non aliud, quam ornamenta tunice manuleatæ fuere. *Inuenalis* etiam de *Graccho* *retiarium* in arena agente ait:

*Credamus tunica de faucibus aurea cum se
Porrigat & longo iactetur spira galero.*

Quo loco male Interpretes Senatoriam tunicam clavis aureis distinctam intelligi volunt. Nam in tunica senatoria nulli aurei clavi fuere, sed tantum in triumphali. Et clavi in pectore, non in faucibus. Interpres vetus corruptissimus est. Ait enim, *Tunicam de faucibus quidam vestem gladiatoriam dicunt, quam fibulam pugnaturis mordet a faucibus.* Quæ puto legenda: *quam fibula mordet faucibus pugnaturi.* Mox in extremo ait. *Qui munera edebant, habebant ut extremas partes tunice ad guttur ornarent, quo famam haberent.* Sed tunc Gracchus non edebat munus, sed pugnabat in munere. Illud ergo potius, nobiliores & potentiores in tunicis ad guttur aurea segmenta gestasse; & ideo ait Poeta Gracchum in arena pignantem esse nobilissimum credamus tunice ad fauces ornatae. Nam quod de galero addit, sic vetus Interpres explicat: *pilo quem habent Retiarii, ubi deleta nota legendum est pileo.* nam Retiarii sine galea, & solo pileo tecti pugnarunt. Ceterum tunice palmatae, quam totam purpuream fuisse diximus, & pictam, clavi aurei induebantur. Halicarn. lib. 111. *χιτῶνα τι πορφύρεον χρυσοῖσμιον.* *Tunicam purpuream auro clauatam.* Tunicam etiam auro intextam luxu perduto principes usurparunt. Dio de Commodo lib. lxxii. *Solebat antequam veniret in Theatrum induere tunicam χειριδυτὸν, σιρκὸν, λευκὸν, σάχρυσον, manicatam, sericam, albam, auro interstinctam.* Ingressus vero Theatrum induebatur purpuream χρυσῶ κατὰ πᾶσον auro inspersam. Lampridius de Heliogabalo: *Vsus est aurea omni tunica, vsus & purpura, vsus est de gemmis Persica.* De eodem Herodianus lib. v. *Vestitum usurpans pretiosissimum, διότι πορφύρας χρυσοῖ ἐφάσκει, purpura intextum atque auro.*

*De Tunica Christi Domini inconfutuli. Doctissimi
viri opinio reiecta. Cap. XV I.*

EXactis quæ ad veterum tunicas pertinebant, Christi Domini tunicam super omnes exunias ac peplos superq; omnes apices ac tutulos augustam vestem intactam præ-

prætermisisse nefas esset, cum quænam illa & qualis fuerit, adhuc quæri videam, & viri præstantes artifices illi manus nuper admouerint, atque ex inconsutili consutam concinnauerint. Ioannis xix. hæc habentur: *Milites ergo cum crucifixissent eum, acceperunt vestimenta eius, fecerunt quatuor partes, unicuique militi partem, & tunicam:* Ἦν δὲ ὁ χιτὼν ἀπράγος ἐν τῶν ἀνωθεν ὕφαντος δι' ὅλου. *Erat autem tunica inconsutilis desuper contexta per totum. Dixerunt ergo ad inuicem non scindamus eam, sed sortiamur de illa cuius sit.*

Vir doctissimus ad Vopiscum, tam veteres, quam recentiores omnes in illa inconsutili tunica explicanda tota regione aberrauisse pronūciare audet, & quomodo vox ἀπράγος capienda esset ignorauisse. Putasse enim omnes, peculiare artificium, & texturæ speciem non vulgarem in tunica Domini notari a D. Ioanne. Ita omnes hæcenus desudasse quærendo, & inuestigando, quam ratione tale contexti vestimentum potuerit, quod futuram non haberet, quoniam per artem huiusmodi vestis in tela fieri non potuerit. Ipse nouam & mirabilem explicationem affert, mordicusque retinet: Ex tunicis alias apertas siue χιτῶνς, alias ἀπράγους fuisse, quæ ex toto rectæ, ac conclusæ nulla parte futescissilesque essent, ut sunt camisæ & interulæ nostræ laneæ, vel lineæ. Tunicas apertas ex vtraque parte in humeris fibulis stringi consueuisse: quas fibulas *ῥαφαὶς* & *ῥαφίδας* dicerent, idest futuras. Ita Sutum pro fibulatum, & resutum pro refibulatum, a Latinis dici. Nam Suetonius in Augusto: *Sumentem virilem togam tunica latyclauis resuta ex vtraque parte ad pedes decedit.* Quoniam igitur tunica Domini non esset de eo tunicarum genere, quæ *ῥαφαὶς* idest fibulas haberent, aut futuras, Græcè ἀπράγος dici, Latine *inconsutilem*. Tales autem tuniceas laneas nostras, siue lineas, quæ licet consutæ sarcinatricis acu dicantur, nihil tamen prohibere, quin inconsutiles sint: nam acum sarcinatricis idē facere, quod pecten textoris, quod nempe & acu texere veteres dixerunt. Ita hanc tunicam Domini fuisse ex eo vestium genere, quæ ut apud nos ex varijs pannis sectis consuntur,

suuntur, cum tunicæ reliquæ, & colobia non fuerentur, sed tantum duæ plagulę in humero ac latere fibulis committerentur. Hinc tunicam Domini a militibus non fuisse diuisam, quia si diuisissent perdidissent, cum nulli vsui futura fuisset, pallium contra quod fibulis commissum erat, licet sic diuisum, alicui vsui esse posset.

Hęc quam breuissime, sed candide, & cum fide retulimus, vt noua hęc opinio curatius expenderetur, cui assensionem præbere multa sunt quæ vetant. Primo illud omnibus durum merito videbitur, vocatam fuisse inconsutilem, quia esset consuta, & ita omnia vestimenta consuta dicenda inconsutilia. Demus enim fibulas *παρὰς* dictas esse, & futuras, quanquam improprie, quod futuræ loco essent, quid sequetur? Tunicas apertas etiam consutas fuisse, quia habebant fibulas; contra tunicas clausas non fuisse consutas, quia carebant fibulis, idest futuris, licet acu essent consutæ. Et si inquam, fibulæ futuræ dictæ sint, non video, cur tunica Augusti resibulata potius fuerit, quam resuta; nec scio quis fibularum in tunicis virilibus & colobijs Romanorum mentionem fecerit. Paucas admodum statuas togatas, in queis vna fibula tunicam iungit, videre est, in reliquis nullæ fibulæ apparent. Sed omnes tunicas superiores *χιτώνες* & apertas fuisse concedamus, fibulisque nexas, quod non ita facile fuerit ostendere. At saltem subuculas siue interulas tam apud Græcos, quam apud Romanos consutas acu fuisse credendum est, nullisque fibulis confectas, quod corpori pressæ & ad frigus arcendum, velandumque corpus essent clausæ. Atque ita omnes interulas, & subuculas inconsutiles fuisse necesse est; Et ideo quid opus erat talem Christi tunicam describere, cum tunicæ siue interulæ communes tales essent? Atqui Ioannes tanquam rem peculiarem in ea tunica notauit, quod esset inconsutilis, siue inconsuta: & ideo modum quo texta erat posuit, non utiq; facturum, si tales omnium interulæ fuissent, quemadmodum pallij texturam non addidit. Fuisse autem *ἀπράφον* aperte tradit, & quod sequitur, *desuper contextam per*
totum;

totum, id est non acu, aut futura iunctam.

Præterea verisimile est, ne dicam certum, etiam vestimenta aperta, præcipuè Græcorum pallium, licet in humero fibula neëterentur, saltem aliqua in parte consuta fuisse, qualia nostra pallia conficiunt. Et ita Christi Domini pallium, siue illud commune Græcorum, & Iudæorum fuerit, siue Tribonium, in quo nullus fibulæ vsus esse potuit, si debuit in quatuor partes diuidi non potuit non esse consutum, alioqui scissum fuisset, ac laceratum: quod ne in tunica eueniret, eam diuidere noluerunt. Nisi quis dicat, pallium Domini quatuor plagulis cōstitisse multiplici fibularum serie connexis, quod mihi nunquam persuaserit. Consutum ergo pallium illud fuit, & tantum in anteriori parte apertum, vt vel in humeris fibula neëteretur, vel a dextro brachio in sinistrum humerum rejiceretur.

Quidquid sit, ratio illa nihili est, tunicam consutam non fuisse diuisam, quod cum esset acu consuta nulli vsui futura erat si resueretur. Id enim falsum. Nam quemadmodum diuiso pallio in quatuor partes, certè partes illæ pallij vicem præstare non potuerunt, alterius minoris tamen vestimenti; nam aut palliolum ex ijs confici potuit, aut tunicula, aut manicæ, thoraxue. Eodem modo, si tunica illa consuta fuisset diuisa, ac resuta, tunicæ quidem vsum præstare non potuit, ex partibus tamen sic diuisis quid vetuit thoracem confici, manicas, orarium? Quod manifestum est in camisiis nostris, & interulis lineis. nam si quis resuat, & scindat, non tamen penitus peribunt, sed & lintheola, & sudaria, & pedules, & alia minora nihilominus conficientur. Secus in tunica inconsutili, siue inconsuta: quæ si diuisa, ideo tota peritura erat, quod nullas futuras haberet, sed per totum contexta esset.

Nam de duabus Christi Domini tunicis iisdem assentiri non possum, qui suspicantur diuisum pallium in duas plagulas, tunicam superariam in alias duas: sic factas quatuor partes vestimentorum. Qui enim credam, Christum duas tunicas gestasse, quæ earum vsu Apostolis interdixit? Præ-

rea aliquod discrimen inter vtramque tunicam Euangelistæ poſuiſſent, qui vnus tantum mentionem fecerunt. Merito ergo poſtea hæc opinio auctori ſuo diſplicuit.

Hæc omnia cogunt nos cum vulgo credere, tunicam illam inconſutilem vere fuiſſe conſutam, ideſt ſarcinatoris acu minimè, nullaque in parte conſutam, ſed adinſtar ſubucularum, & tibialium, quæ apud nos ſerica, vel lanea tota ſimul texuntur nõ quidem pectine, & in tela, ſed per acus longiores reticulatim conficiuntur. Quod artificium ſi tunc incognitum, ſaltem ſine acu ſolis manibus ſurſum verſus contextam, qualia nunc reticula, & muliebres calanticæ ſiunt, & ideo dici *ἀνωθεν deſuper*, ideſt ſurſum verſus contextam, & per totum ideſt in orbem, & totam ſimul, ſine vlla ſciſſura, quæ acu cõmittenda eſſet. Ita non fuiſſe a militibus diuiſam: quia huius generis veſtimenta ſi diuidantur, vt ſunt tibialia, ſubuculæ, ac reticula, nulli alij omnino vſui eſſe poſſunt. tota enim pereunt: cum ſubuculæ lineæ, vt dicebamus, conſutæ, qualem volunt fuiſſe tunicam illam, ſi ſcindantur, aut reſuantur nihilominus alium vſum præſtare poſſint. Obturbant tamen D. Chryſoſtomi verba Homil. lxxxiv. in Ioannem. *Τίνες αὐτὸ τὸ ἔδος τῆς χιτῶνις σου φασι τὸν Εὐαγγελιστὴν ἰσπερὶν. Ἐπειδὴ γὰρ ἐν Παλαιστίνῃ δύο ῥάκη συμβάλλοντες ἐν ταῖς ὑφαίνεσι τὰ ἱμάτια δηλῶν ὁ Ἰωάννης ὅτι τοῖς αὐτοῦ τῆς ὁ χιτῶνις σου φασὶν ἐκτῶν ἀνωθεν ὑφαντός.* Quæ ſic verti debebant. *Alij genus quoddam tunice ab Euangelifta notari dicunt. Siquidem in Paleſtina duos pannos committentes ita veſtes contextunt: quod ſignificans Ioannes ait deſuper contexta.* Quæ verba ait Magnus Caſaubonus in Exercitationibus nescire ſe, an alij intelligant; ſe quidem vix ſatis aſſequi. Neque ipſe quid ſibi ea velint capere poſſum. Qui enim illa duorum pannorum commiſſura per texturam confici poruit? Theophylaſtus, vt notat idem ibi, more ſuo Chryſoſtomi verba deſcribens quædam de ſuo adiecit. *Ἐν Παλαιστίνῃ δύο ῥάκη συμβάλλοντες, ἢ τοὶ δύο πανία, ὑφανεσὶ ἱμάτια, ἀντὶ ραφῆς χρωμῶν τῶ συνφασμῶ.* In Paleſtina duos pannos committentes texunt veſtimenta pro ſutura vtentes contextura. Quam texendis ra-

tionem ideo fortasse non assequimur, quia intercidit: vel eam nobis explicent, qui nihil ignorant.

Illud sequitur, cur Ioannes dixerit: ἐν τῶν ἄνωθεν ὕφαντος δι' ὅλου. *desuper contexta per totum*. Ideo factum dicunt, quod in superioribus tunicæ partibus ex ῥαπαῖ, vel fibulæ locum magis haberent. Quæram ego de reliquis partibus, quas non consutas, sed apertas a lateribus, vel in pectore fuisse volunt, num fibulis strictæ fuerint? Quod si verum est, cur tantum in superiori parte hoc factum indicavit Ioannes, cum in reliquis ita etiam se haberent, ut tam in humeris, quam hinc inde a lateribus fibulatae essent? Desuper ergo contextam rectius explicarunt, quod sursum versum texerentur: quales fuere vestes rectæ, quas patres, ut ait Festus, liberis suis consciendas curabant ominis causa, sic dictas, quod in altitudinem sursum versus, & a stantibus texerentur. Quem morem apud Palæstinos viguisse ex Theophylacto docti viri ostenderunt. Euthymius tradit, hanc tunicam fuisse a superioribus partibus contextam *veluti sunt*, inquit, *apud nos capitis aut pedum hiemalia integumenta*: nempe reticulatim facta. Perperam enim Casaubonus de vestimentis e lana coacta confectis, ea enim proprie non texebantur.

Miror autem ab iisdem viris doctissimis prodictum, putasse omnes veteres ac recentiores, peculiare artificium, & textura speciem non vulgarem in Domini tunica notari a D. Ioanne. Nam non modo id non existimavit Baronius, sed etiam eos erroris accusavit, qui id putarunt. Non enim credibile esse, eius generis vestibus Dominum usum esse, qui Ioannis sanctitatem commendans dixerat: *Qui mollibus vestiuntur, in domibus Regum sunt*. Sed præstat Isidorum Pelusiotam audire lib. I. ep. LXXIV. Τίς δὲ ἀγνοεῖ τὴν εὐτέλειαν τῆς ἐοδῆτος ἐκείνης, ἥ περ οἱ πολλοὶ κέχρηται τῶν γαλιλαίων, καὶ οὗς καὶ μάλιστα τὸ τοιοῦτο φιλεῖ γίνεσθαι ἱμάτιον, ὡς αἱ σινδοσιμίδες ἀνακρουσον ὑφανόμενον. Quis autem vestis illius vilitatem ignorat, ut qua Galileorum pauperes utantur? Apud eos enim maxime huiusmodi vestis genus fieri solet, ut pectoralia, sursum versus contextum. Quod persuadet facilem factu fuisse, & sine vilo pectine, aut textoris opera

manibus ad instar reticulorum confectam. Vt mirum etiam sit, Bulengerum existimasse pretiosam fuisse, & quidem ex eo, quod illam diuidere milites noluerint. D. Chrysof. loco adducto. *Quod mihi dicere videtur, inquit, ut vestimentorum vilitatem ostenderet. nam quemadmodum in alijs omnibus, ita in habitu vilem speciem præferebat.*

De Tunica Muliebri. Stola. Instituta. Segmenta. Plinius explicatus. Cap. XLII.

TOgam antiquissimis temporibus commune virorum, & feminarum gestamen fuisse, supra ostendimus. Mox toga penes viros remansit solaque feminas, quæ se viris vulgarentur de quibus multa docti, præcipuè Manutius. Ita penes matronas feminasque honestas, atque ingenuas tunica, quam & *stolam* dixerunt, & *pallium* siue *palla* remansit. Vtramque vno versu complexus est Horatius.

Ad talos stola demissa & circumdata palla.

Stola igitur matronarum tunica proprie dicta, licet apud Græcos, & barbaros pro cōmuni veste, & maxime virili accipiat. Cicero Philippica I. *Sumpsiſti virilem togam, quam statim stolam reddidiſti.* Eodem planè sensu ille apud Petronium. *Quid ille alter, qui die togæ virilis stolam tanquam togam sumpſit?* Ita enim locus ille legendus est. Sic Caligula Liuiam *Vlyſſem stolatum* appellabat. Seneca de beata vita cap. XIII. de Epicuro. *Hoc tale est, quale vir fortis stola indutus.* Val. Maximus lib. I. cap. I. *Sed quo matronale decus verecundia munimento tutius eſſet, in ius vocant: matronam corpus eius attingere non permiserunt, ut inuiolata manus aliena tactu stola relinqueretur.* Et lib. V. cap. I. de matre & vxore Coriolani. *In quarum honorem Senatus matronarum ordinem benignissimis decretis adornauit. Sanxit namque, uti feminis semita viri cederent, confessus plus salutis Reip. in stola, quam in armis fuisse.* Quæ sequuntur corrupta sunt. *Vetustisq; aurium insignibus nouum vitæ discrimen adiecit.* Lipsius ad Taciti lib. I. I. Annal. legit *crinium insignibus*: quod non probat Colerus, qui mauult

mauult *inaurium*. Sed quid vitta, quæ erat fasciola, cum inauribus? Quis matronas inauribus a ceteris distinctas, sicut stola, & vitta distinguebantur, notauit? Non displicet ergo Lipsij coniectura, modo veteribus libris nitatur; scilicet cum matronæ a Libertinis criniū sertis discernerentur, quas solæ habere poterant, nouum discrimen a Senatu adiectum scilicet vittæ, siue fasciolæ, quibus & stola semper, præcipue a poetis, matronæ denotantur. Sertis autem crinibus, id est crinium sertis nubentes ornari solitas ex Festo notum. Quo ornatu non tantum a virginibus distinctæ, ut vult Lipsius, sed a libertinis, ac meretricibus, quibus nullus vittæ stolæque ius fuit.

De stola etiam Vitruuius lib. I. cap. I. loquens de Caryatidibus: *Itaque oppido capto viris interfectis, matronas eorum in seruitutem abduxerunt. Nec sunt passi stolas, neque ornatus matronales deponere.* Martialis etiam stolam simpliciter posuit pro matrona lib. X. ep. V. *Quisquis stolæ purpureæ contemptor.* Stolam autem ad talos, ut loquitur Flaccus, demissam, & instita ad oram ornata docuit Turnebus lib. XX I X. & ex eo plures. Vbi duo insignia in cultu matronarum notat, vittas, quæ crines ligabantur, & talarem tunicam adfuta instita cultam. Secus in Libertinis, quæque viris morigerabantur. Tibul. eleg. VI.

— *quamuis non vitta ligatos*

Impediat crines, nec stola longa pedes.

Ouidius.

Esse præcul vitta tennes insigne pudoris,

Quæque tegis medios instita longa pedes.

Et de Tristib. I I.

Ecquid ab hac omnes rigidas submonimus arte,

Quas stola contingi, vittaque sumpta vetat?

De instita Horatius:

Quarum subsuta talos tegat instita veste.

Vbi Acron. *Qui matronæ stola vtuntur demissa usque ad imos pedes, cuius imam partem ambit instita subsuta. Quod instita subsueretur. Fallitur Acron vestis enim institæ subsuebat*
tur,

tur, quæ imam stolæ oram prætexebat. Rectius Porphyrio. *Matronas significat. Hæ enim stola vtuntur ad imas pedes demissa, cuius imam partem ambit instita assuta.*

Ouidius in 111. de Arte.

Quid de veste loquar? non tam segmenta requiro,

Nec quæ bis Tyrio murice lana rubet.

Alibi nempe lib. 11. *Institam simpliciter ponit pro veste matronali.*

Eniterum testor, nihil hic nisi lege remissum.

Luditurin nostris instita nulla iocis.

Quibus addendus Iuuenalis de Graccho nupturiente.

Segmenta, & longos habitus, & flamea sumit.

Vbi Vetus Interpres. *Segmenta; Profusas vestes. Et longos. Fimbriarum. (Lege, fimbriatas) siue vittatas velles, quibus matrone nouæ nupta cooperiuntur. Et ad Satyr. vi. Segmenta dicit vittam pendentem de vestibus intextam auro.*

Recte autem Ouidius segmenta cum veste purpurea coniunxit. Fuisse enim fasciâs, siue virgas purpureas, & aureas, quæ vesti ad ornamentum insuerentur, notum est, idque solis matronis concessum. Valerius Maximus. lib. 11. *Ceterum ut non tristis earum & horrida pudicitia, sed honesto comitatus genere temperata esset, indulgentibus maritis, & auro abundanti, & multa purpura usæ sunt. Idem. Permisit vique eius purpurea veste, & aureis uti segmentis. Hinc vestis segmentata Isidoro libro. xix. Zonis quibusdam, & quasi præcisamentis ornata. Seruius ad illud collog. monile. Ornamentum gutturis, quod & segmentum dicunt, ut Iuuenalis segmenta & longos habitus. Licet segmentatas vestes dicamus, ut Ipse. Et segmentatis dormiscet paruula cunis. Stola inquam tota Purpurea fuit, ne quem decipiat Lambinus, qui ad illud Horatij, mirator cunni Cupiennius albi. Albat, inquit, quia matrone albata id est stola amictæ in publicum prodibant. Quod ante Lambinum Turnebo placuisse video. ex cuius aduersarijs ille plurima conuerit. Ex albo inquit lib. xi. c. vi. Horatius ingenuam intelligit. Ingenue autem mulieres albata erant, Libertine atrata, nobiliores purpurata. Quod scilicet Artemidorus dicat, si in somnis Chlamys alba appareat, qui eam viderit, ducturus sit ingenuam,*

nuam, si atra libertinam, si purpurea nobilem. Nam ut concedamus ingenuas in veste alba, Libertinas in atra incessisse, quod falsum est, quis enim hanc colorē Libertinis adscripsit? verum in veste ingenuarum quæ libertatem adeptæ erant? Nobiliores ait Artemidorus purpurâ indutas: at istæ erant matronæ, non ergo albata. Horatium vero sectatores matronarum perstringere apparet. Sed fortasse Porphyriionem uterq; secutus est, qui ait, *Alibi* (l. albi) *autem non pro candido videtur mihi dixisse, cum utique possint & vulgares mulieres, etiam meretrices candida esse, sed ad vestem albam, quam matronæ maxime utuntur relatum est.* Verum matronas numquam nisi in luctu veste alba vfas ostendimus: & si stola alba fuisset, quæ tamen erat purpurea, an sequitur etiam albâ eam partem fuisse, qua mulieres sunt, quæq; stola velatur? Igitur matronalis locus albus dicitur Horatio, quod mundior, puriorque esset, quam publicarum libidinum receptacula, quæ fuit Britannici opinio: aut quod verius existimo, *albus* idest vetulus, ac canescens, quod scilicet ille matronarum sectator, veluti sepulchrorum incola vetularum noctibus testamenta matronarum captaret.

Quare eximius matronarum Romanarum cultus fuit: quibus purpurea vestis aureis segmentis ornata. Et usque ad Imperatores eo habitu insignes fuisse constat. Cæsarem modum purpuræ usurpandæ statuisse, nonnisi certis personis, & per certos dies eius usu permissio: eum deinde a Nerone omnino sublatum, post ab Aureliano concessum, ad Vopiscum Cl. Salmasius adnotavit.

Ingenuarum ergo, & honestarum matronarum propria stola fuit, tunica scilicet manicata, siue manuleata ad plantas fluens, purpura, segmentis siue limbis aureis ornata, eademque multis rugis, ac plicis constricta. Martialis.

Cum tibi trecenti Consules Vetusina

Et tres capilli, quatuorue sint dentes,

Rugosorem cum geras stola frontem.

Tunica inquam fuit, ut Isidorum falli necesse sit, qui stolam esse scribit matronale operimentum, quod cooperto capite,

& sca-

Et scapula, à dextro latere in leuum humerum mittitur. Nam id proprium fuit pallæ, siue pallij muliebris. Quare subiicit. Eadem, Et Recinium latino nomine appellatum, eo quod dimidia eius pars retro rejiciatur. Recinium autem de pallio dictum, siue pallium fuisse, notum est. Ita autem demissa ad pedes stola totum corpus operiebat, vt nihil, quemadmodum ait Horatius, præter faciem appareret. Quare mirum est Bayfium credidisse tunicarum muliebrium alas non fuisse consutas, sed more Spartanarum ad femora apertas, & φαυρονπίδες. Cum tamen id aperte neget Plutarchus in Lycurgo, cum ait attentio- rem curam circa Virgines a Numa adhibitam quam a Lycurgo, cuius institutione cum virgines nudis femoribus incederent locum sermonibus præbuisse poetis, qui eas φαυρονπίδες a nudis femoribus appellarunt, quod virginalis tunicæ alæ consutæ non erant ab inferiori parte, sed aperiebantur, simulque nudabant totum femur in incessu. Quem locum ipse Bayfius adducit. Nititur autem eo argumento tales fuisse tunicas Romanarum mulierum, quod Ouidius ait:

Pallia si nimium terra demissa iacebunt

Collige, Et immunda sedulus effer humo.

Protinus officij pretium patiente puella

Contingent oculis crura videnda tuis.

Neque enim elato pallio potuisse crura apparere, si integra tunica fuisset, alis vtriusque consutis. Sed hoc innuit nequitie magister, amantem, dum lapsam pallij oram tollit, posse etiam permittente puella non nihil stolæ subducere, atque crurum aspectu beari.

Similis locus est Amorum III.

Sed nimium demissa iacent tua pallia terra:

Collige, vel digitis en ego tollo meis.

Inuida vestis eras, quæ tum bona crura tegebas,

Quoque magis spectes, inuida vestis eras.

Loquitur enim de puellis sedentibus in spectaculis, cumque in sedendo tunica contraheretur, vt aliquid crurum appareret, si nimis pallium siue palla dimitteretur aspectum

etum crurum inuidebat. qui igitur pallium tollebat eadem opera crurum aspectu fruebatur.

Frustra autem Philippicarum nuperus Interpres Stolum Senatorij tantum ordinis putauit adductus verbis Plinij, quæ nec ipse, nec alius quod sciam afsecutus est, lib. xxxiii. cap. i. de auro. *Habeant femina in armis, digitisque totis, collo, auribus, spiris: discurrant catenæ per latera, & inserta margaritarum pondera ve collo de minimarum pendeant: etiamne pedibus induitur, atque inter stolum plebemque hunc medium feminarum equestrem ordinem facit?* Conqueritur Plinius ibi, aurum pedibus etiam, & cruribus addi. Petronius: *Iam pedum candor intra auri gracile vinculum positus Parium marmor exstinxerat.* Seneca: *Crura distincto religauit auro.*

Eas aureas compedes non a matronis, sed a libertinis gestatas, illud argumento est, quod matronæ fluente stola velatæ, non crura modo, sed & pedes veste contextos habebant, & omnia, ut ait Horatius, præter faciem veste tegebant: ita nullus auri ad ostentationem parati usus in parte quæ latebat. At Libertinæ, quibusque Venus non impermissa, cum altius tunicas succingerent, ut ex Ouidio & alijs scriptoribus liquet, crura, pedesque aureis circulis cultos ostentabant; quæ periscelides a plebe mulierum ob earum pretium non gestabantur: atque ita quemadmodum in viris aurum in annulis distinguebat a Curia, & a plebeio ordine equites, atque medium ordinem faciebat; ita in mulieribus aurum periscelio, compedeque gestatum distinguebat libertinas a stola, id est matronis honestis, & a plebe inope, sicque veluti medium quendam equestrem fœminarum ordinem faciebat. Non alius eius loci Pliniani sensus esse videtur: quem alium enim potiore Plinio interpretem dabimus ipso Plinio? Is cap. v. ait. *Argentum succedit ex re aliquando & auro, luxu feminarum plebis compedes sibi ex eo facientium, quas induere aureas mos tritior vetat.* Vbi innuit argenteas compedes a plebe gestatas, cum iam aureæ fastidiri cœpissent. Frustra docti calceorum ornatum explicant, quæ aureum in fœminis equestribus ordinis fuisse falso ex Plinio

colligunt. Quasi equestris ordinis matronæ non & ipse stolata. Vel si alius sensus est, haud illum nobis inuideant, quos nihil effugit. Apud Macrobiū mentio est libertinarum, quæ longa veste vterentur, cap. 6. Sat. 1. *Leetissimumque, ex collata stipe faciendum ita, ut libertina quoque qua longa veste vterentur in eam rem pecuniam subministrarent.* Quod de Libertinis intelligendū existimo, quæ patronis nupsissent, & ideo tamquam iustæ matresfamilias factæ longa veste idest stola matronali vterentur. Ceterum ut virilis tunica, ita & stola cingebatur. Id veteres statux ostendunt, & scriptores testantur. Ouid. Amorum. lib. 1. el. v.

Ecce Corinna venit tunica velata recincta.

Candida diuidua colla tegente coma.

Recincta est dicincta, siue soluta. Idem lib. 111. el. 1.

Per me decepto didicit custode Corinna

Liminis obstricti sollicitare forem.

Delabique toro tunica velata soluta

Quamquam in alijs extet recincta. Erat autem tunc Corinna in interiore tunica, quæ ut primo cum de lecto surgerent induebatur, nec cingebatur. Idem in lib. de Arte de Ariadna.

Vtque erat e somno tunica velata recincta,

Nuda pedem, croceas irreligata comas.

At superior tunica siue stola zona cingebatur. Idem Amorum lib. 1. el. vii. ubi a se pulsaram amicam conqueritur.

Nonne satis fuerat timide inclamasse puella,

Nec nimium rigidas insonnuisse minas?

Aut tunicam summa deducere turpiter ora

Vt mediam, media zona tulisset opem.

Sed locus corruptus est, quem viri doctissimi ita corrigunt.

Aut tunicam summa deducere turpiter ora

Ad mediam, media zona tulisset opem.

Satis fuisse discindere tunicam ab summa ora, siue ab extremitatè superiori usque ad mediam, ubi zona cingebatur,

tur, quæ zona impedisset, quominus tunica usque ad imam oram laceraretur. Zonæ etiam muliebris meminit Martialis in Apophoretis:

Longa satis nunc sum: dulci sed pondere venter

Si tumeat, fiam tum tibi Zona brevis.

Porro tunicas muliebres non talaes modo, sed etiam manicas siue manuleatas fuisse satis notum: unde tales tunicas in viris probrosas diximus. Eas manicas interdum luxus muliebris non consutas, sed fibulis nexas cogitavit, quod tradit Aelianus Variæ hist. lib. I. c. XVII. *Tunicarum vero inquit eam partem, quæ est ab humeris usque ad manus non consuebant, sed continuis fibulis aureis atque argenteis constringere.* Talis tunica icona dedit Rubenius in Elect.

Tabula XI.

Tab. XI



Pallium muliebre. Palla. Citbarædicus ornatus.

Palla Gallica. Cap. XVIII.

Tunicæ, siue stolæ mulieres honestæ injiciebant pallium, quod palla dicebatur. Virg.

Pallam signis auroque rigentem.

Seruius. Significat autem tunica pallium, quod secundum Varronem palla dicta est ab irrugatione, & mobilitate, quæ circa finem huiusmodi vestium, ἀπὸ τῆ πάλλευ. Illæ autem rugæ efficiebantur, quod cum pars eius in humerum sinistrum reiceretur, & sinistro brachio pars altera subduceretur, in rugas contrahebatur. Rigentem autem duram propter aurum, sicut & novas vestes videmus. Idem ad illud.

Pro longa tegmine palla;

Palla, inquit, proprie est vestis muliebris deducta usque ad vestigia. Isidorus quadrum pallium interpretatur: quod de suo adiecit, quemadmodum quod affixis in ordinem gemmis distincta esset. Id enim Seruius non habet, a quo ille ad verbum accepit. Recte autem illud, dictam pallam ἀπὸ τῆ πάλλευ, quod rugis vibrantibus sinuata crispetur. Ita Nonius Palla est honestæ mulieris vestimentum hoc est tunica pallium. Horatius matronarum habitum describens Sat. lib. I. II.

Ad talos stola demissa, & circumdata palla.

Et Ouid. lib. III. Amorum. el. XIII.

Virginæ crines auro gemmaque premuntur

Et tegit auratos palla superba pedes.

Idem pallium simpliciter appellat, de Arte lib. I.

Pallia, si terre nimium demissa iacebunt,

Collige, & immunda sedulus offer humo.

Et lib. II. Amorum.

Sed nimium demissa iacent tua pallia terra.

Collige, vel digitis en ego tollomeis.

Tam palla igitur, quàm stola, ita mulierum peculiaries fuere, matrisque familiæ causa comparatæ, ut ijs viri non facile uti possent sine vituperatione, ut loquitur Vlpianus lib.

xxi i i. D. de auro arg. leg. Vbi *pallæ*, non *pallia* legendum esse, et si ita extet in Pandectis Florentinis, idque tueatur Faber Semeft. lib. i. cap. xv, ex eo apparet, quod *pallia* inter communia viris & fœminis vestimenta a Iuriconsulto infra recensentur, cum *pallæ* muliebria tantum fuerint. *Communia sunt quibus promiscuè utitur mulier cum viro, velut si eiusmodi pennula palliumue est*. Liuius lib. xxv i i. narrat, Ptolomeo Aegypti Regi dono a Senatu missam tunicam & togam purpuream, Cleopatra Regine *pallam pictam cum amiculo*.

Porro *pallam* eandem cum *peplo* Seruius facit ad illud :

— *peplumque ferebant*.

Peplum proprie est palla picta fœminea Mineruæ consecrata. Ut Plautus. Numquam ad Civitatem venio nisi cum infertur *peplus*. Et paulo ante. Cum Diomedes auxilio Mineruæ plurimos Troianorum fudisset, Helenus vates monuit, ut Mineruæ numen exoraretur, & cum precibus Deæ ponerent vestem, quam Regina speciosissimam habebat, id est *peplum*: unde post Mineruæ *palla* *peplum* appellata est. Iuvenalis etiam Troadibus *pallam* tribuit.

— *scisBaque Polyxena palla*.

Ovidius etiam Dianæ Met. lib. i i i. cum se lotura exueret.

Altera deposita subiecit brachia palla

Et Ocyroe in equam conuersæ lib. i i.

Longæ pars maxima palla

Cauda fit.

Palla inde ad citharædos, Tragædos, & saltatores translata est. De Citharædo Cornificius lib. iv. *Vti citharædus cum procedit optimè vestitus, palla inaurata indutus cum chlamyde purpurea coloribus variis intexta*. Et Lucianus aduersus indoctum tradit citharædū imperitum venisse Delphos veste auro insigni, & descendisse in certamen purpura auro contexta. Ovidius i i. Fastorum de Arione.

Induerat Tyrio distinctam murice pallam.

Propter quam causam ipse Apollo *palla* indutus a poetis producit. Idem Amorum lib. i. el. vi i i.

Ipse Deus vatum palla spectabilis aurea

Tra-

Tractat inaurata consona fila lyra.

Et Tibullus lib. III eleg. IV. de Phœbo.

Ima videbatur talis illudere palla.

Namque hac in nitido corpore vestis erat.

Artis opus rare fulgens testudine & auro

Pendebat leua garrula parte lyra.

Sic Virgilius de Orpheo.

Nec non Threicius longa cum veste sacerdos.

Longa vestis est palla, ut apud Propertium :

Pythius in longa carmina veste sonat.

De Tragœdis Ovidius Amorum lib. I I. el. XVII.

Sceptra tamen sumpsi curaque Tragœdia nostra

Creuit, & huic operi quamlibet aptus eram.

Riset amor pallaque meam pictosque cothurnos

Sceptraque priuata tam cito sumpta manu.

Et lib. I I I. el. I.

Venit & ingenti violenta Tragœdia passu,

Fronte coma torua, palla iacebat humi.

De saltatorum palla animaduertit Turnebus libro XX. ex Plauto Menœchmis.

Sed obsecro hercle salta sic cum palla possea.

Quia autem saltatores molles & effœminati, ideo infra ait Peniculus. *Non ego te indutum foras Exire vidi palla? ME Vae capiti tuo Omnes cinados esse censēs, tu quia es: Tun' me induzum fuisse palla prædicas?*

Eadem fabula, cum Menœchmus induisset pallam, quam vxori surripuerat, ait ad parasitum.

Dic mihi nunquam tu vidisti tabulam pictam in pariete, Vbi Aquila catamitum raperet, aut ubi Venus Adonem? Age me aspice, et quid assimulo similiter.

Perro mihi mirum videtur, cum palla vestitus exterior muliebris esset, eamque Menœchmus parasito per iocum olfaciendam dedisset, illum aspernatum dicere. *Summum me olfactare oportet vestimentum muliebre. Nam & istoc loco spurcatur nasus odore illucibili.* Nam si de tunica aut subucula loqueretur credibilis esset. Sed iocus parasiticus est

Horat.

Horat.

*Post hæc perſona, pallaque repertor bonella
Aeſchylus.*

Hanc autem pallam longo ſyrmate humum verriſſe, illa indicant,

Traxitque vagus per pulpita veſtem.

Suetonius etiam de Caligula. *Tres Conſulares ſecunda vigilia in Palatium accitos, multaue & extrema metuentes ſuper pulpitum collocavit, deinde repente magno tibiaram, & ſcabellorum crepitu cum palla tunicaque talari proſiluit, ac deſaltato ſantico abiit.*

Quod ſane mirum videri poteſt, ſaltatores longis ac fluentibus tunica, pallaque velatos, cum habiliores ſuccincti, & tunicati tantum futuri fuiſſent. Sed de habitu citharædorum infra, cum de chlamyde agemus. Palla etiam inter virilia veſtimenta, ſed barbarica. Curtius lib. III. *Cultus Regis inter omnia luxuria notabatur: Purpurea tunice medium album intextum erat: pallam auro diſtinctam aurei accipræ adornabant.*

Tabula XII. & XIII.

— *Tab. XII.*



Jo. Georg. sculps.

Tab. XIII



Martialis lib. i.

Dimidiasque nates Gallica palla tegit

Quo fortasse respexit Strabo lib. v. de habitu Gallorum
 οἷοδ' Κέλ' ἀντὶ χιτῶνιων χιτῆς χρίδωτες φέρουσι μέχρι αἰδέων, καὶ
 γλέτων. Interpres magis sensum secutus quam verba pallas
 vertit, cum *tunicas apertas manuleatas* debuisset, quæ tamen
 Gallis pallæ fuere ad pudenda pertinentes.

De Amiculo. Cap. XIX.

PRæter pallam etiam amiculum muliebri vestimentum
 fuit; licet commune cum viris. Quod genus vestimen-
 ti a circumiectu dictum Festus interpretatur. Idque in viris
 non dissimile fuisse videtur chlamydi, siue paludamento.
 Nam Curtius lib. i i i. de Dario fugiente. *Insignibus quo-
 que Imperij, ne fugam proderent, indecore abiectis.* Subiicit pau-
 lo post: *Unus namque e captiuis spadonibus amiculum quod Da-
 rius, ne cultu proderetur, abiecerat in manibus eius, qui repertum
 ferebat, agnouit.* Alibi ait Alexandrum amiculo, cui adsueue-
 rat ipse, solum, in quo corpus Cyri iacebat, velauisse. Et lib. vi.
Philotas obsoleto amiculo velatus inducitur. Idem Philippo Me-
 dico tribuitur. Nec aliter vnquam vestem superiorem mi-
 litarem Curtius appellat. Val. Maximus lib. v. c. i i. *Darius
 priuata adhuc fortuna amiculo Sylofontis Samij delictatus, curio-
 siore contemplatione fecit, ut vltro sibi, & quidam a cupido dare-
 tur.* Quam rem narrans Aelianus Variæ lib. i v. ait ortum in-
 de adagium, ἡ Συλόωντος χλαμύς. *Sil sentis chlamys.*

Fuisse tamen vestem muliebrem apparet. Curtius lib. v.
*Famularum conuiuia ineunium in principio modestius est habitus:
 dein summa quaque amicula exuunt, paulatimque pudorem pro-
 phanant.* Isidorus lib. xix. c. xxv. censet fuisse pallium me-
 retricium lineum. Sed fallitur. nam & honestarum matro-
 narum gestamen fuit. Liuius lib. xxv i i. narrat missam a
 Senatu Cleopatræ Reginae pallam pictam cum amiculo purpu-
 reo. Et lib. xxxi v. *Fæminis dumtaxat purpura usum interdi-
 ctus, & cum tibi viro liceat purpura in ueste stragula uti, ma-*

trem familias tuam purpureum amiculum habere non sinēs?

Fuit quidem & meretricum, sed in Comœdia palliata. Nam Romæ prostibularum togam gestamen fuisse diximus. Plautus Cistellaria. Aët. 1. Sc. 1.

Gy. *Amiculum hoc sustolle saltem. Sil. sine trahi, cum ego met trahor.*

Vbi Lambinus amiculum paruum amictum interpretatur. Sed si parvus, quomodo trahebatur, humumque verrebatur, nisi sustolleretur? Etiam Poenulo Aët. 1. Sc. 11. ait Agorastocles ad meretricem. *Age, sustolle hoc amiculum.* Fuisse quidem a palla diuersum ex Liuiο didicimus, sed quodnam discrimen adhuc quærimus, nisi quod breuius palla fuerit, ita tamen vt, si pars eius læuo brachio, aut humero non sustineretur, flueret, & traheretur.

Varia muliebrium vestimentorum nomina ex Plauto recensentur. Caput. XX.

Muliebres luxus censuram agit senex ille Plautinus in Epidico, qui iure intolerabilius videri potest in illa paupertate, nondum subacta Asia, nondum orbis spoliis, ac peregrinis delitiis fera bellicosa Martis gente emollita. Quæ hic inferere placuit magis, quia ad institutum argumentum pertinent, quam quod addi posse aliquid ijs quæ a viris doctissimis allata sunt speremus: licet non pauca sint de quibus merito dubitemus.

Verba ergo Latine Syrenis sunt Epid. Aët. 11. Secena 11.

EP. *Sed vestita, aurata, ornata vt lepide! vt concinne! vt noue!*

PE. *Quid erat induta? an regillam induculam, an mendiculam? An impluuiatam vt ista faciunt vestimentis nomina?*

EP. *Vt in' impluuium induta eat!* PE. *Quid autem istuc mirabile est?*

Quasi non fundis exornata multe incedant per vias?

At tributus cum imperatus est, potesse pendi negant:

Illis, quibus tributus maior penditur, pendi potest.

Quid ista, qua vesti quotannis nomina inueniunt noua?

Tuni-

*Tunicam rallam, tunicam spissam, linteolum cassicum
Indusiata, patagiata, caltulam, aut crocotulam,
Supparum, aut sulminiam, ricam, basilicum, aut exoticum,
Cumatile, aut plumatile, cerinum, aut melinum, gerre
maxime.*

*Canis quoque etiam adeptum est nomen. EP. Qui? PE.
Vocant laconicum.*

Hæc vocabula auctiones subigunt ut faciant viri.

Sed in plerisque standum est fide Nonij, qui fatali more vaticinatur. *Regillam* vestem diminutive a Regia dictam prodit, ut & basilica, & pro *inducula tuniculam* legit. Sed quænam vestis ista Regia Romæ, aut cuius formæ? Nam quod Lambinus eandem cum trabea facit, qua Reges, & Reginae utebantur, nullus veterum trabeam fœminis adscripsit; & qui poterat, cum toga esset, eaque tantum meretricum. Heic autem Plautum etiam matronarum luxum perstringere certum est. *Regillæ* meminit Varro apud eundem Nonium Papia papæ.

Collum procerum fictum levi marmore

Regillam tunicam diffingitur purpura.

Sitamen locus illo menda vacat. Certe Latinitas non constat. Sed *Regilla* hand dubie tunica est, quæ & recta, quod sursum versus a stantibus texeretur, de qua Festus. *Regillis, tunicis albis, & reticulis luteis utrisque rectis textis sursum versum a stantibus pridie nuptarum virgines diem induere cubitum ibant omnis causa, ut etiam in togis virilibus dandis observari solet.* Cur autem *mendicula* in hoc censu, & factu, quam inde dictam, quod mendicis conveniret? Nam quod quidam *meddiculam* a voce *Meddix*, quæ magistratum teste Festo apud Oscos significat, dictum volunt, eadem somnia sunt. Præstat igitur aliqua ignorare, quam toties argutari.

Sequitur *impluviata*: quam a colore sic dictum idem Nonius existimat. *Impluviatus* color quasi fumato stillicidio implutus, qui est Mutinensis quem nunc dicimus. Sed quid sit stillicidium fumatum, & qui Mutinensis color, frustra quærimus.

Turnebus lib. XIV. cap. XIX. a forma ita dictam interpreta-

tur, scilicet a similitudine impluuij. Vt enim vites impluuiatæ, sic & vestem a forma impluuiorum dictam, quæ esset quaternata, idest quatuor quadrata lateribus vndique corpus ambiret, quæ est figura impluuiorū in cauædijs. Quam interpretationem quidam perperam Grutero adscripserunt. Sed num tunicam, aut pallium hac forma compacta vsui esse posset, videant docti.

De Ralla, quæ eadem, & rara Ouidio dicitur, item de spissa nulla diuicultas esse videtur: vt a ratione texturæ altera rara fuerit, altera densius texta. Glossæ tamen vesteres Rallam pro rafa accipiunt. *Ralla* ξυσπ. ξυσος *Rafus*. It. Ralla erit eadem ac rafa, spissa autē pexa, siue Phrygiana.

Linteolum casticium Nonius explicat *purum & canaidum*, a *cadendo*, quod ita ad candorem perueniat, vel quod oras circumcisas habeat. Sed vndicunque dictum, sit cuiusue hoc Linteolum fuerit, hoc quoque ignoramus.

Indusium siue *intusium* fuisse tunicam interiorē, supra ostendimus. Sed quid tunica indusiata non facile dixerim. Et tamen pro ipso indusio ponit non solum Nonius heic, sed ipse Varro lib. iij. de L.L. *Alterius, generis item duo, vnum quod foris, ac palam, pulla: alterum quod intus, a quo intusium, id quod Plautus dicit Intusiatam, patagiata.*

Patagium autem *clauum* interpretatur Nonius, qui *pretiosis vestibus immitti solet*. Vnde *vestis patagiata*. Porro *patagiatum* ἀπὸ τῆ παραόσω, παταγέων, *clauus* qui in materiam incuditur, vt docti monuerunt. Vt proprie *clauus* sit purpureus, *patagium* aureus. Tertullianus de pauone, *Omni patagio inauratior*. Festus. *Patagium est, quod ad summam tunicam assui solet, quæ patagiata dicitur: & patagiarij, qui eiusmodi opera faciunt*. Ad quem locum non est audiendus Scalliger, qui verba Liuij lib. iij. sollicitat. *Placet tollendæ ambitionis causa Tribunos legem promulgare, ne cui album in vestimentum addere petitionis causa liceret*. Legit enim *clauum*, quem errorem ex corrupta scriptura *clabum* mansisse ait. Sed cur clauus petitionis causa addebantur vestimentis? Quis nescit vetitam ibi togam candidam, quæ petitorum propria,

pria, siue cretatam ambitionem interdictam? Multo minus patagium dictum, quod quibusdam quasi maculis & næuis in spersum esset: quia patagus genus morbi, quo qui moriuntur, huiusmodi rotundis maculis foedantur. Cum potius a similitudine clauorum morbum eum ita dictum appareat, ἀπὸ τῆς πατασώσω, ut paulo ante notabamus.

Castulam, & crocotulam (explicat Nonius) *utrumque a generibus florum translatum, a calta, & à croco.* Virgil. in Bucol. *Pinguia luteola pingit vaccinia calta*. Dein adducit locum Plauti. Item Nouius Pedio. *Mollicinam, crocotam, chiridotam, ricam, ricinium*. Næuius Lycurgo. *Pallis, patagiis, crocotis, malaciis mortualibus*. Sed *castulam* Varro de vita Pop. Rom. lib. I. *palliolum breue voluit haberi. Castula est palliolum præcinctui, quo nuda infra papillas præcinguntur, quo mulieres nunc eo magis utuntur, postquam subuculis desierunt.* Quare aut apud Plautum *Castula*, aut apud Varronem *Castula* legendum est. Si *Castula*, notatio perit, ut a flore dicta sit. Locus Næuii & ipse deprauatus est. Quid enim est *malaciis mortualibus*? Olim Beroaldus ad Apuleium legit *malacis*, quia præceptore suo Baptista Pio accepit in hunc Plauti locum. Recte. nam *malcum pallium* apud Plautum Bacchidibus pro molli & delicato. Nisi quis legere malit *mollicinis*. Nam ibidem apud Nonium Nouius Pedio. *Mollicinam, crocotam, chiridotam, ricam, ricinium*. Mortualibus autem fortasse intelligit *ricam, & ricinium*, quæ in funere a matronis adhibita supra notauimus, & loco Nouii cum *crocotæ*, & *chiridota* coniunguntur.

Quod ad *crocotam* attinet, aliqua a nobis dicta sunt lib. I I I. cap. v. huius commentarii, quæ inde petantur. Diximus muliebre gestamen fuisse, & quod sequitur mollium atque effœminatorum. Apuleius lib. XI. *Simiam pileo textili, crocotisque Phrygijs catamiti pastoris specie*. Ita apud Aristophanem ridet Hercules Bacchum *crocotæ Leoninam* superinduisse. Ridet inquam

Ὁπῶν Λεοντῶν ἐπὶ προχωρῶν περιέβλεν

Vbi Scholiastes *Crocotam Bacchicum gestamen, & muliebre*

bre indumentum interpretatur. Ita Lucianus Baccho Sile-
num inducit vehementem alino ἐν προχωτῶ in *Crocota*. Inde
Crocota saltatorum, ac pantominorum propria, vt viri do-
cti monuerunt. Ita Daris Samius apud Athenæum lib. iv.
inducit Polysperchonta peritia rei militaris & auctoritate
inter Macedonas præcipuum saltantem ἐνδύμενον αὐτὸν προ-
χωτὸν, *Crocota indutum*. Sic Lucianus de Historia, *Herculem*
apud *Omphalem* ἐν προχωτῶ καὶ πορφυρίδι pensa trahentem in-
ducit. Athenienſibus etiam bacchanalia agitantibus προ-
χωτοὶ adſcribuntur a Philoſtrato lib. iv. cap. vii. & quoniā,
vt alibi diximus, *Crocotam* appellatam Græci tradunt, quod
croceo colore eſſet infecta; vnde *infectores Crocotarij* apud
Plautum; hinc Turnebus illud Virgilij lib. ix. de Teucris.

Vobis pecta croco, & ſplendenti murice veſtis

de *Crocota* interpretatur quæ effœminatorum, & ſemiui-
rorum propria. *Crocotam* etiam intellexit Ouidius lib.
iii. de Arte.

Ille crocum ſimulat, croceo velatur amiſſu,

Rofcida Luciferos cum Dea iungit equos.

Pergamus in Plauto. *Supparum* Nonius interpretatur
Lintem femorale uſque ad talos pendens, dictum quod ſubtus ap-
pareat. Nouius Pedio. *Supparum purum, bellientem interim,*
efcam meram. (*Velientem interim Oſcam meram* Liplius corri-
git) Afranius epiſtola: *Tace puella, non ſum ſupparo, ſi induta*
ſum. Varro Eumenid. *Hic indutus ſupparum, coronam ex au-
ro & gemmis fulgentem gerit.* Feſtus *veſtimentum puellarum li-
neum* interpretatur, quod ea ſubucula diceretur. At Varro lib.
iv. de L. L. a ſubucula diſtinguit, & ab eo deducit quod eſt
ſupra. *Alterum genus inquit, quod ſubtus eſt: a quo ſupparus.*
Quod veriſimilius eſt. Si enim interior veſtis fuiſſet, quo-
modo ille apud Afranium negaret ſe puellam eſſe, eſſi ſup-
paro indutus, ſi veſtis illa latuiſſet? Non fuiſſe autem tantum
puellarum, indicare videtur Lucanus lib. i. de Marcia Ca-
tonis matrimonium repetente.

Humerisque barentia primis

Suppara nudatos cingunt anguſta lacertos.

Vbi & vestem superiorem fuisse apparet, & primis humeris hæsisse. Cur autem dicatur nudatos lacertos cinxisse, ea fortasse causa est, quod Marcia recens a funere Hortensij mariti nudis ad planctum pectore & lacertis veniebat. Subiicit enim

Sicut erat mæsti seruans lugubria cultus.

Porro eleganter Tertullianus aduersus Gentes vexillorum vela transuersis hastulis alligata *suppara* vocat, & *stolas crucium* appellat.

Ceterum *subminiam* vocem nihili scioli intruserunt, & vel a *minio*, vel a *minuendo* interpretati sunt, cum apud Nonium disertim scriptum sit *subnimium*, nihilq; certius doctorum virorum coniectura, allusum esse ad vocem præcedentem *supparum*, quæ est quasi *subparum*, atque ita oppositam per iocum vocem *subnimium*. Quemadmodum paulo ante tunicam *mendiculam* Regilla opposuerat, & in voce *implunij*, ac *fundi* luserat.

De Rica hæc Nonius. *Rica est quod nos sudarium dicimus.* Serenus opusculo. lib. I. *Aut zonulam, aut auem, aut ricam.* Auem Pius interpretatur gruë, qui color in veste foeminea. Ouidius. *Albentesue rosas Threiciamue gruem.* Sed durum videtur vestem coloris gruini auem appellatam. Nouius Pedio. *Mollicinam crocotam, chiridotam, ricam, ricinium.* Lucil. Sat. lib. I I. *Ricini aurati, rica, & oraria mitra.* Turpilius Etera. *Ducit me secum, postquam ad aedem venimus veneratur Deos. interea aspexit virginem iniectam in capite riculam indutam ostrinam.* Pius in libris suis pro *Iniectam*, *Instantem* repperit & pro *Ostrina*, *Mustelinam*. Varro Prometheo lib. I. *Alia mitram ricinam, aut mitram Melitensem.* Festus, *Vestimentum quadratum & fimbriatum interpretatur, quo flaminice pro palliolo utebantur.* Varro lib. IV. de L. L. a ritu dictam vult, quod Romano ritu sacrificium fæminæ cum faciunt capita velant. De recineo autem siue *recinio* non pauca a nobis in superioribus disputata sunt.

Basilicum & Exoticum alteram *Regiam*, alteram *peregrinam* vestem Nonius explicat, vt vox ipsa declarat. Sed quæ nam

ea, pari cum ceteris fato ignoratur.

Cumatilis color eidem dicitur, aut marinus aut ceruleus. Tractum a Græco, quasi fluctuum similis. Fluctus enim Græce νότα. Ta dicuntur. Titinius Setina. Et quem colos cumatilis deceat. Gruterus tamen existimat non ita vocatam esse hanc vestem ob colorem, sed texturam representantem fluctus, quæ & undulata Varroni dicta apud Nonium. Sed cum de toga undulata quærebamus, quam fuisse albam constat, quomodo vndarum textura in vestimento albo exprimi posset dubitauimus. nam quo nunc vestes aqua respersæ ac prælo subiectæ vndarum speciem exprimunt, nescio an veteribus notum artificium fuerit. Certe undulatas vestes describit Ouidius.

Hic vndas imitatur, habet quoque nomen ab vndis.

Crediderim nymphas hac ego veste tegi.

At plumatile, aut clauatum, aut ex plumis factum, eidem dicitur. An vestis confici possit, ex plumis, haud scio. Verisimilius est clauis distinctam fuisse opere Phrygionis, qui plumarum formam referrent. Vnde opus plumarium, de quo viri docti dicere occuparunt. Cerinum a cere colore dictum idem obseruat, cumque in veteribus libris garinum legatur, recte Turnebus existimat esse pro carinum a Siculo καρός, pro καρός, quod est ceræ coloris. Vnde carinarios Plautus in Aulularia appellat, qui eo colore vestes inficerent.

Melinum omisit Nonius. Lambinus a melle hoc est mellei coloris vestem, tunc liquida duplicando. Alii melinum colorem, qui mali Cydonii pallorem imitetur. Alii candidum ex Plinio a Melo insula, vbi optimus habetur.

Tandem Plautus ait cani ademptum nomen esse, cum genus vestis laconicum diceretur. Nam cum aliqui canes lacones, & Laconici dicerentur, ea vox ad vestes transit, quæ Laconica dictæ.

Atque ita vno veluti fasce tot luxuriæ muliebris nomina in illa horrida antiquitate dedimus, quot fortasse non fuere, cum eadem luxuria frenos abruptisset.

Alia in Plauto, quæ ad muliebrum mundum pertinent, expenduntur. Cap. XXI.

Non minor fœminei luxus insania ab eodem traducitur in Aulularia Ac. III. Sc. v. his verbis.

Sed hoc etiam pulchrum est, praequam ubi sumptus petunt.

Stat fullo, Phrygio, aurifex, lanarius,

Caupones patagiarij, indufiarij,

Flammearij, violarij, carinarij,

Aut manulearii, aut murrobathrarij,

Propole, linteones, calceolarij,

Sedentarij sutores, diabathrarij

Solearij astant, astant molochinarij,

Petunt fullones, sarcinatores petunt,

Stropharij astant, astant semizonarij,

Iam hosce absolutos censeas: cedunt, petunt.

Trecenti cum stant phylacista in atrijs,

Textores, limbolarij, arcularij ducuntur: datur

Aes. Iamque hosce absolutos censeas,

Cum incedunt infectores crocotarij,

Aut aliqua mala crux semper est, quæ aliquid petat.

In quibus utinam non toties diuinandum esset. Quid enim ipso statim initio hic *caupones* faciunt? Lambinus non esse eos qui vinum vendunt, sed qui rem quamlibet quam emerunt pluris reuendunt. Sed hi paulopost *propole* appellantur. Turnebus *caupones* dictos a *copijs*, ut sint mercatores, & insitiores *patagiorum*. Sed cur soli *patagiorum* mercatores *caupones* dicti? Veteres editiones habent *cinistones*. Verum hi potius in familia erant calefaciendis calamistris, & rutilandis crinibus destinati.

De *patagio* atque *indusio* supra dictum est. *Flammeum* velum fuisse, quo nouæ nuptæ caput nubebant. unde & nuptiæ appellatæ notum est. Indi *Flammearii*. Alij tamen quod *flammeo*, siue rubro colore vestes tingerent dictos putant. Sicut *violarios* qui violæ, *cerinarios* qui ceræ colore

vestes tingerent. Sed mirum est artificium, quod fuit vnius infectoris, ita inter plures dispersitum: nisi ista ad augendam luxum inuidiam conficta sunt. Cur autem *carinarij* pro *cerinarij* dicti, supra ex Turnebo rationem attulimus. *Manulearios* qui tunicarum manicas, siue tunicas manuleatas, quarum mentio apud Plautum alibi, conficerent dictos existimant: si tamen hoc a sarcinatoribus diuersum artificium fuit.

At *murrobathrarij* mire Criticos sollicitant. Ita enim in veteribus libris extare monuit Camerarius. Quod ita interpretatur Turnebus ad Theophrastum de Odoribus: *myrobathrarios* fuisse, qui calciamenta muliebria, vt bene olerent, vnguentis, & gratis odoribus, ac suffimentis imbuebant. Sed quis credat artifices fuisse, qui hoc tantum facerent? Quali ipsæ mulieres hoc ministerio defungi non possent, vt vnguenta quæ corpori infunderent, etiam calceis illinerent. Sitamen eo luxum prouenerat, vt res tam pretiosa etiam solo subiceretur. Mutauit postea sententiam in Aduersarijs, & *aromatarias* legendum suspicatur: sicut Lambino placet legere *malobatrarij*, a *malobatro* preciosissimo, vt fuerint vnguentarii. Mihi simplicior notatio videtur, quæ ab eodem Lambino adducitur *myrobrecharij*, quæ vox significat eos, qui vnguento perfundunt, & madefaciunt. Vt sint simpliciter vnguentarii.

Nec felicius idem Turnebus lib. r. Adu. cap. r. vocem *propola* interpretatus est, quem sequitur Lambinus: & *propala* legendum censet. Eos scilicet qui merces palam, & veluti ante palum, siue de palo pendentes vendunt. Quæ enim merces non palam vendebantur? Rectius Scaliger *Propolam* ex Græco *πολὴν*, sed præpositione Latina, quæ propterea produciuntur, vt in *Prologo*. Dictum autem quod primus vendat merces, quas in portu primum anticipat, & vt Persius ait

Primos tollit piper e sitiente camelo
Lucilius.

Sicuti cum ficus primos propola recentes

Attulit, & pretio ingenti dat primum patcos.

Quæ verba e gregie declarant, quid essent propolæ.

Inter *linteones*, & *lintearios* hoc discrimen docti posuere, quod illi linteæ texerent, hi venderent.

Sed cur solos *sutores* sedentarios appellauerit, cum tamē omnes quos recensuit, & qui sequuntur artifices sellularij sint, incertum est. Ipse tamen etiam contra librorum fidem *segmentarij* legere ausim, idest aureorum segmentorum confectores, de quibus supra dictum est. Monet Lam- binus in libris veteribus extare *sedentarij sutates*: vnde quibusdam placere *sutantes*, idest multum suentes, quod verbi monstrum est. Bapt. Pius *sedentarios* fuisse dicit, qui sedes & cathedras matronarum molli strato coopertas conficerent. Quod fortasse minus ineptum est, quam quod *sutelates* legit, idest *sutela* textores: *sutelam* autem fuisse tenuem & subtilem telam, ex Nonio: vnde & *strophæ sutelæ* dictæ sint.

Diabathrarij quid essent declarat Festus, cum ait *diabathra* genus fuisse *solearum Græcanicarum*, quarum confectores *diabathrarij*. Neuius apud Varronem de L. L. lib. vi. *Diabathra* in pedibus habebat, & erat amictus Equinoco. Sed cur id opus non fuit *sutorum*, aut *calceolariorum* quos supra posuerat, aut *soleariorum*, qui mox sequuntur?

Molochinarios Nonius interpretatur *infectores molochini coloris*, quem similem fuisse *flori malue*. Cecilius: *Carbasina, ampelina, molochina*. Ita color is inter purpureos a Plinio recensetur. Sed cur hoc opus vnius infectoris non fuit?

Sarcinatoris inepta notatio apud Nonium, dictum scilicet a *sarcina*, quia plurimum vestium sumat. Quasi vero non etiam vna vestis, vestisque pars sarciat. Malè etiam cum *sutore* confundit. nam licet sarcire sit suere, vt indicat Lucilius. *Sarcinatore* esse summum suere centonem optime. *Sutoris* tamen vox proprie de eo qui calceos sūt.

Strophium idem rectè interpretatur breuem fasciam, quæ virginales papillarum tumorem cohibet. Hinc *stropharij*. Catul-

lus.

Non conſecta leui velatum peſtus amiſtu;

Non tenui ſtrophio lactantes vinſta papillas.

Cicero de Aruſp. reſp. *Clodius a crocota, a mitra, a muliebribus ſoleis purpureiſque faſciolis, a ſtrophio, a ſpaltrio, a ſtagitio, a ſupro eſt faſtus repente popularis.*

At ſemizonarios dictos exiſtimat Turnebus, qui ſemizonas conficerent, quæ ſemicinctia dicerentur. Sed cum zona eſſet faſcia, qua tunica cingeretur, vt dictum ſupra, aliquid minus, & breuius fuerit ſemizona neceſſe eſt: non ergo eadem cum ſemicinctio, quod, vt idem fatetur, partem hominis anteriorem a cingulo, & lumbis ad pedes uſque præcingebat. Itaque ſemizonarij ſimpliciter ſemizonarum confectores: quamquam haud ſcio, cur qui zonas conficerent, iidem non & ſemizonas darent.

Limbolarios, ſiue vt Nonius *Limborarios*, qui limbos, & inſtitas conficerent, ſiue limbo veſtes ipſas prætexerent, ac pingerent. *Arcularios*, qui arculas, & ſeriniola conficerent, ac venderent; *Crocotarios*, qui croco tunicas inficerent, dictos conſtat. Atque ita omnes iſti nugiuendi, qui toties crucem criticis, ſicut illi maritis, fixerunt, qualitercumque abſoluti ſunt.

Sed quoniam in hoc ſumus, vt non ſine rubore fateri cogamur, quam plurima eſſe, quæ in his literis ignorentur, Ouidij locum de cultu muliebri adſcribam deploratæ obſcuritatis. In III. de Arte.

Conueniunt tennes ſcapulis ameletides altis

Anguſtum circa faſcia peſtus eat.

In manu exaratis, vt & in antiquis editionibus extare analeſtides monuit me Nicolaus Heinfius magni parentis magna proles, cui cum alia plurima, tum accuratiſſimam Ouidij editionem poſteritas debebit. Turnebus lib. IV. cap. XXI. *Ometides* legendum eſſe affirmat, vt ſint ſcapulares, vel humerales faſciæ. Nam ſi, quod veteres interpretes ponunt, analeſtides puluini eſſent ad conſtipandas puellarum ſcapulas, altiores illæ extitiſſent, magiſque vitium apparuiſſet. Quare ad diſſimulandam ſcapularum altitudinem

tenui.

tenuibus fascijs vtendumerat . Scaliger propius veterem scripturam omaletides reponit. Sed vox vtraque nusquam quod sciam audita. Itaque contenti sumus hoc Catone .

De Varijs coloribus muliebris cultus . Caput. XXII.

Matronas in Tyria aureis institis segmentata incessisse supra notauimus . At libertinæ , & quæcumq; apud Aediles licentiam stupri vulgauerant , quibus purpura interdictum , aliæ alijs vestium coloribus gaudebant . Varios enumerat peccandi magister Libro tertio .

Cum tot prodierint pretio leuiore colores ,

Quis furor est census corpore ferre suos ?

Dixerat enim se non loqui de purpura dibapha matronarum , qui quia preciosissima , integra patrimonia vno cultu gestata , indicat . Subjicit .

Aeris ecce color tum cum sine nubibus ær ,

Nec tepidus pluuias conceitat Auster aquas .

Ecce tibi similis qui quondam Phryxon , & Hellen

Diceris Inois eripuisse dolis .

Hic undas imitatur , habet quoque nomen ab undis .

Crediderim Nymphas hac ego veste tegi .

Ille crocum simulat , croceo velatur amictu ,

Rescida luciferos cum Dea iungit equos .

Hic Paphias myrtos , hic purpureos amethystos ,

Albentesue rosas , Threiciamue gruem .

Nec glandes Amaryllitæ , nec amygdala desunt ,

Et sua velleribus nomina cera dedit .

Quot noua terra parit flores , cum vere tepenti

Vitis agit gemmas , pigraque fugit hiems :

Lana tot aut plures succos bibet : elige certos .

Nam non conueniens omnibus omnis erit .

Recenset deinde quis color in cultu quamque deceat . Primus ergo aeris color cum sudum est cœlum , qui & caruleus , & hyacinthinus , vulgo cœlestis dicitur . Quidam Cæsium eundem fecere , sed fuisse diuersos ex Cicerone docuit

Thy-

Thyestesius, qui in primo de natura Deorum *Cæsius* oculos Mineræ, cœruleos esse Neptuni dicit. Quod autem cæsiū a cædo, ut qui cæsius sit cædem quodammodo oculis minari videatur, eius opinioni subscribere non possum, nisi alter dilutior, alter pressior fuerit, uterque a Cœlo dictus. Quem admodum in eo fallitur, quod cœruleum eundem cum Veneto facit, cum hic Ovidius eum ab Aërio distinguat, & fuerit proprie glaucus, qui ad viridem magis vergit, sed prasino dilutiorem. Doctissimus Alciatus lib. i. r. Parergon cap. r. *Cesium* magis fuluo hæerere arbitratur, quod Catullus *Cesium* Leonem dicat, & Terentius *cæsam* virginem, id est coloris lentiginei, ut Seruius interpretatur, vel oculis felis, ut Donatus, ita ut Fronto apud Gellium cum Cesium quasi Celiā dictam notat, de colore Cœli intellexerit, cum nubibus sole percussis aer nec serenus, nec limpidus est, & in glaucum vertitur.

Alter color apud Ovidium est *aureus*, referens scilicet arietem, quo Phryxus cum sorore noueræ insidias per freta fugit. Qui vero *undas imitatur glaucus* siue *viridis*, *Venerius*, & *thalassicus*, quem etiam ferrugineum Plautus appellat. *Hyalum* etiam intelligi existimant, quod dicat Nymphas ea veste tegi, cum Virgilius in Georgicis,

Milesia vellera Nymphæ

Carpebant hyali saturo fucata colore.

Quoniam autem cum colorem ab undis vocari tradat poeta, nonnulli existimant *Cumatilem* siue *undulatum* denotare: quam vocem ex Plauto supra exposuimus.

Sequitur *croceus* quem Auroræ adscribit. Inde *myrteus*, post *amethystinus* a gemma purpuræ violaceæ. *Rosens* ab albente rosa, ut distinguatur a sanguinea, qui color purpuræ tantum matronis concessæ. Tum *gruinus* ab aue, *amygdalinus* siue *castaneus* a castaneis, *cerinus* a cera, cuius supra meminimus.

Sed et alij colores in vestibus earum, quæ corporis sui vstram non inuiderent: præcipue *galbus* siue *galbinus*, quem viridem interpretatur Turnebus lib. xvii. cap. vi. r. r. Nam

in veteri lexico Galbus est χαλκός hoc est viridis, siue luteus.
Iuuenal. Sat. 11.

Cerulea indutus scutulata & galbina rafa.

Ita enim Vetus Interpres pro eo quod est in vulgatis galbana: explicat *polita, tenuiter rafa*. Vegetius in Veterinaria lib. 111. cap. 11. *Florem eryngij ait esse galbini coloris, id est, ut idē Turnebus, coloris cœrulei dilutioris palescentis: quāquam alij aureum colorem interpretentur, eumque intellexisse Ovidium, cum de colore arietis Phryxi loqueretur. Et quoniam is color foeminarum dedecere viros videbatur Martialis de zoiolo.*

Iacet occupato galbinatus in lecto

Et alibi.

Amator ille tristiū lacernarum

Et baticatus, atque lenco phœatus,

Qui coccinatos non putat viros esse,

Amethystinasque mulierum vocat vestes,

Natina laudat, habeat & licet semper

Fuscos colores, galbinos habet mores.

Id est molles & effœminatos.

Porro illud Iuuenalis *Cerulea indutus scutulata* duo summi viri Turnebus, ac Scaliger ita interpretantur. Scutulæ esse formam quadratam oblongiorem, quales quadræ in tela araneorum cernuntur. Nam cum in ambitum araneæ plurimos orbes multis filis circinent, a centro transuersa subtemina quoquo versum distendunt, quæ orbes secantia multas scutulas reddunt: vnde scutulatum araneorum rete Plinio dicitur. Eam autem esse formam scutulæ confirmat Turnebus auctoritate Censorini cap. xxi 1. *Heteromecos quadrangulum nec latera habet paria, nec angulos rectos simile scutula.*

Adjicit Scaliger ad Varronem vestes *scutulatas, & virgatas* quales Gallorum easdem fuisse. Diodorus enim ait Gallos gestare *σάβδατα πλινθίσις πολυάνδρσι, καὶ πυκνοῖς διαλημμένα*, *scutulata, & reticulatim distincta*. Virgata Propertio, ac Virgilio, Polluci *σάβδατα*. *Scutulatus ergo virgatus ma-*

cularum inſtar cancellatim & reticulatim diſtinctus.

Fuerunt & veſtes verſicolores, quæ & variæ & floridæ appellatæ, eæquæ mulierum propriæ. Querit Plutarchus in Problematis Græcis cur apud Coos Sacerdos Hercules γενναϊκὴν ἐνδεδυμένος ἐδῆται *femineam veſtem indutus* rem diuinam faciat, & allata fabula ſubjicit, quia Hercules Alciopi filiam vxorem ducens ἀνέλαβε πολλὰ ἀνδρῶν induit *floridam veſtem* hinc factum vt eius ſacerdos, & ſponſi muliebriveſte induantur. Artemidorus lib. 11. cap. 111. *Ἰσχυρὴ δὲ πομίλῃ, καὶ ἀνδρὰ ἐδῆς συμφέρει. Mulieri florida & varia veſtis conducit, maxime meretrici, & opulenta: illa enim ob quaſtum, hæc ob delitias floridis veſtibus utitur.* Clemens Alexand. lib. 11. Paedag. cap. x. αἱ δὲ τοῖς ἀνδρῶν ἐοικῆαι ἐδῆτες, Βαρχμοῖς, καὶ τελεςμοῖς καταληπτέαι λήροις.

A viris etiam aliquando uſurpatæ maxime in pompa ac triumpho. Dio lib. LIX. de Caligula ſine victoria triumphante. Comitabantur eum amici eius, & ſocij ἐν ἐδῆσιν ἀνδρῶν, in veſtibus floridis. Et lib. LXXIV. de ingreſſu Seueri in Urbem. Nam vrbe tota floribus, & laureis coronata, καὶ ἱματίοις ποικίλοις ornata.

Sed de coloreis veſtibus, & quas oxypæderotinas Vopiſcus appellat uſe ad eundem Voſpiſcum viri doctiſſimi diſputarunt.

De Veſte Ancillari, & Meretricia. Imuenalis, & Onidius explicati. Cap. XXIII.

Vlpianus D. de iniurijs. Si quis Virgines appellaffet, ſi tamen ancillari veſte veſtitas, minus peccare videtur: multominus ſi meretricia veſte femina non matris familias veſtitæ eſſent. Ad quem locum Iuriſconſultorum ſummi obſervarunt, quod pridem Manutius docuerat, matronas a meretricibus habitu diſcretas, quod illæ ſtola; ideſt, tunica talari aſſuta inſtituta, & palla vterentur; At proſtitulæ breuibus tunicis ad inſtar virilium, & toga vti cogerentur. Sed quæ veſtis ancillaris eſſet, non eſt proditum. Verum cum matronæ ſtolæ,

stola, & palla vterentur, facile est credere vtramque ancillis interdictam, atque ita tunica breuiori ad medium crus pertinente nulla instita adsuta vsas esse ancillas, qualem tunicam meretriciam fuisse diximus: hoc tamen a lupis distinctas ancillas, quod hæ togatæ, illæ tunicatæ tantum. An vero aliud fuerit discrimen, doctis quærendum relinquimus. Faber vestem ancillarem atram, & sordidam interpretatur: sed talis etiam viliorum scæminarum ingenuarum esse potuit. An vero quæ corpus vulgabant, quibus interdictus stolæ vsus erat, gemmas atque aurum gestare possent, quæri potest. Negat Apuleius lib. 11. Met. de Byrrhæna. *Aurum in gemmis, & in tunicis, ibi inflexum, hic in-textum matronam profecto confitebantur.* Et Horat. lib. 1. Sat. 11.

*Nec magis huic (matronæ) inter niveos viridesq; lapillos
Sit licet hoc Cherinte tuum, tenerum est femur, aut crus
Rectius, atque etiam melius persape togata.*

Et Iuuenal. Sat. vi.

*Nil non permittit mulier, sibi turpe putat nil,
Cum virides gemmas collo circumdedit, & cum
Auribus extensis magnos commisit elenchos.*

Et tamen ille paulo post etiam deterioris conditionis mulieribus aurum assignat, vbi ait matronas siderali scientiæ impense addictas, Augures, Aruspices, magnique nominis Chaldæos consulere solitas. At tenuiores in circo a plebeijs sortilegis ac diuinatoribus responsa futurorum petere consueuisse.

*Si mediocris erit spatium lustrabit vtrumque
Metarum, & sortes ducet, frontemque, manumque
Præbebit vati crebrum poppysma roganti.
Pleberum in circo positum est, & in aggere fatum.
Quæ nudis longum ostendit ceruicibus aurum
Consulit ante phalas, delphinorumque columnas.*

Hic certe diuersam a matronis inducit, quæ nudis ceruicibus longum aurum siue monile gestabat, & ideo ad Circi spinam inter plebeios vates plebeij fati arcana rimabatur. Quod quia vix credibile viris doctis visum est, ad cor-

rectionem confugerunt, & satis audacter.

Quæ nullis longum ostendit ceruicibus aurum,
 reposuerunt contra receptam veterum editorum & manu exaratorum lectionem. Ego nescio ac Latinum sit gestare aurum nullis ceruicibus, pro nullum aurum ceruicibus ostendere. Illud ausim affirmare, nihil opus esse correctione, immo verbis illis vitæ liberioris mulieres denotari. Nam cum matronæ ita stola talari, & manuleata operte essent, ut nihil præter faciem appareret. Horatius.

Matrona præter faciem nil cernere possis

Cetera, ni Catia est, demissa veste tegentis.

contra secunda classis, libertinarum dico, quæque licentiam stupri vulgauerant, non ceruice modo, sed humeris atque lacertis conspicuis, ac seminudis erant. Ovidius de Arte lib. I I I.

Pars humeri tamen ima tui pars summa lacerti

Nuda sit a laua conspicienda manu.

Hoc vos præcipuè ninea decet: hoc tibi vidi,

Oscula ferre humero qua patet usque libet.

Ab his autem præceptis longe magistrum matronas submovisse, quid attinet inculcare?

Non ceruix igitur solum nuda, sed & ima pars humeri, & quæ coniungitur prima lacerti in amatorum oculos incurrebat. Lacertus enim pars brachij humero proxima. Idem Amorum lib. I. el. VI I.

Ante meos humeris vellem cecidisse lacertos.

Nuda ergo ceruice monile suspendebant, quibus stolæ cuncta operientis ius non erat. Sed quid opus coniectura? Clare idem Ovidius puellis aurū & gemmas tribuit, in quis tuta Venus, concessaque furta. Nam de remedio Amoris lib. I. sic canit.

Proderit & subito cum se non finxerit ulli

Ad dominam celeres mane tulisse gradus.

Auferimur cultu: gemmis auroque teguntur

Omnia: pars minima est ipsa puella sibi;

Atqui paulo post subjicit.

Thais in arte mea est, lasciuia libera nostra est.

Nil mihi cum nupta, Thais in arte mea est.

Sed quod magis mirum iure videbitur, iisdem etiam purpuram, & quidem Tyriam adsignat, vestemq; auratam de Arte lib. I I.

Sed te, cuicumque est retinenda cura puella

Attonitum forma fac putet esse sua.

Sine erit in Tyrijs, Tyrios laudabis amictus,

Sine erit in Cois, Coa decere puta.

Aurata est: ipso tibi sit pretiosior auro

Gausapa si sumpsit, gausapa sumpta proba.

Et tamen de vestibus scripturus Tyrias excipit tamquam matronarum. lib. I I I. de Arte.

Quid de veste loquar? non iam segmenta requiro,

Nec quæ de Tyrio murice lana rubet.

Fortasse igitur nō fuit meretricibus purpuræ vsus simpliciter interdictus, sed in stola idest tunica talari, sed sine aureis segmētis, sed sine vitta, qua coma ligabatur, quæ insignia matronarum semper apud Ouidium coniunguntur, numquam auri, ac gemmarum mentio, quibus a scortis distinguerentur. Aut quod verisimilius, est verbo docet artem fallendi liberiores amicas re ipsa matronis ac nuptis idem lenocinium conciliat. Certe nihil melius in præsentia succurrit.

Plautus etiam auratā meretricē inducit Epidico Act. I I. Sc. I I. *Sed vestita, aurata, ornata ut lepide! ut concinne! ut noue!*

Interim eorum error castigandus, qui lacernam vestimentum muliebrem putant inducti verbis Iuuenalis:

Ipse lacernata cum se iactaret amica.

Quis enim paulo in literis versatus ignorat Satyricum ibi de Sporo loqui, quem vxoris loco habuit Nero, quemque ob hoc poeta lacernatam amicam vocat, quod lacerna virorum tantum esset; quod idem est, ac si quis nunc amicam braccatam vocaret. Recte Vetus Interpres. *Lacernata. Satyrice*, inquit, *habitu virili fæminam describit.* Non quidem fæminam, sed qui loco mulieris esset. Fortasse quis id ex Horatio firmari posse putet Serm. lib. I I. Sat. VI I. *Sub clara*

nuda lucerna, vt quidem nuper ediderunt, & inepte interpretati sunt *sub linea veste tam tenui, vt meretrix quasi nuda videretur*. Sed omnino contra veteres libros scriptos & impressos, qui habent *sub clara nuda lucerna*. Nec attinet hunc morem prostandi sub lucerna satis alijs notatum retexere; Iuuenal. de Messalina a lupanari ad puluina r transeunte.

— *turpis fumoque lucerna*.

Et Martialis.

Ludere teste lucerna.

Vestis seruilis. Lipsij sententia reiecta. Interpres Iuuenalis correctus. Fabri opinio expensa.

Cap. XXIV.

SERuos, & ingenuos non eodem habitu cultuq; vſos cum togati Quirites fuerunt palam est, quòd non nisi Romano ciui togæ ius esset. Suetonius Præfatione libri de claris Rhetoribus exemplum controuersiæ affert. *Venality cum Brundusij gregem venalium e navi educerent formoso & pretioso puero, quod portitores verebantur, bullam & prætextam togam imponere, facile fallaciam celarunt. Romam venit, res cognita est: puer petitur, quod domini voluntate fuerit liber in libertatem*. Vbi ad fallendos portitores siue publicanos portorium exigentes puer venalitijs ingenuorum habitu bulla & toga prætexta ornatur. Idem Thema in Declamationibus Quintiliani a Pythæo edicis. *Qui voluntate domini in libertate fuerit, liber sit. Mango nouitium puerum per publica rostra iecit prætextatum: dicitur ille liber*. Vbi per publicanos traecit recte a Rubenio emendatum est Elect. lib. I. cap. xvi. At postquam togæ depositæ sunt, tunc nullum in habitu discrimen inter seruos & ingenuos fuisse, quod sola toga faciebat, notauit Lipsius ex Appiano II. bellorum ciuiliū. Cuius verba sunt. *Nam urbana multitudo iam mixta est omnigenis exteris: & Libertini aquo iure degunt cum alijs ciuibus καὶ ὁ δούλων ἐπὶ τὸ χῆμα τοῖς διαφόροις ὅμοιος. (χαρὶς γὰρ τῆς βελούτινης ἡ ἄλλη εὐδὴ τοῖς διαφόροις ὅσιν ὁπλονος.) Et seruus cultu eodem*

titur

utitur quo dominus, exceptaque Senatoria veste, ceterarum usus est promiscuus. Vbi Senatoria vestis est laticlania. Falsò tamen illud adjicit Lipsius, tunicam communem vestem seruorum Romæ fuisse. nam tam liberi, quam serui, Romæ tunicati. Nec Sofias apud Plautum id confirmat.

Imo equidem tunicis confutis huc aduenio, non dolis.

Nam & Sofias, & Amphitruo & Græci omnes quemadmodum Romani tunicati. Atqui Lipsius de sola tunica intellexit: sed & sola tunica homines ingenui Romæ incesserunt, viliores nempe, & quibus togæ emendæ facultas non erat.

Hinc *tunicatus populus, & tunicata plebs*. At in municipijs, & in agro omnes etiam ditiores tunicati tantum. Præterea serui Romæ non tantum tunicati, sed & lacernati, birrosque, ac cucullos induti: & apud Græcos non solum tunicati, sed & palliolati. Hinc apud Plautum serui cum se ad cursum instituunt, *palliolum in collum iaciunt*.

Vetus Interpres Iuuenalis nondum editus in Bibliotheca Ambrosiana ad illud.

— *recitauerit ille togatas.*

Hoc autem distabat, inquit, inter seruos, & dominos, quia serui non utebantur colobijs nigris, sed albis. Quæ si vera essent, quæcunque a nobis & ab alijs de tunica disputata sunt, destruerent. Nam ingenuos toga, & tunica alba vsos diximus: hic nigra ingenuorum colobia ponit, alba seruorum. Cum hæsitarem, & reliquos versarem scholiastes, qui non pauci ibi extant, quosque publicari rei literariæ interlit, incidi in antiquissimum codicem, ex quo ille alter ab oscitante librario descriptus videbatur, qui omnem plane dubitationem sustulit. Ita enim ibi scriptum repperi. Quia serui non utebantur colobys, & nigris calceis, sed albis. Omissa vox, calceis, tantas turbas dedit. Indicare videtur vetus ille Interpres, præter togam etiam hoc discrimen fuisse inter seruos & liberos, quod serui non uterentur colobijs, sed tunicis manicatis, calceisque albis. Quod ad calceos attinet etiam albos a liberis gestatos constat, saltem inferiori æuo, sed forte ibi

Scholias tes de gypsatis seruorū pedibus intellexit, quos *albos* Iuuenalis appellat, siue gypsati erant, siue albis pedulibus vestiti. Calceos quidem nigros ingenuorum & nobilium fuisse quid attinet ostendere, & crambem apponere? Seruius etiam colobia seruis adimit, & præterea calceos. Ad Aeneidos 1. ubi rogam cōmune vestimentum fuisse omni conditioni ac sexui tradit antiquissimo tempore. *Quia sexus omnis & conditio toga utebatur: sed serui nec colobia, nec calceos habebant.* Fortasse quia colobia tunicæ erant, quibus brachia ad cubitum vsque tegebantur: seruorum autem exomides, quæ totum brachium excluderant; & calceos nigros intellexit, quibus carerent serui, ut ille Scholias tes Iuuenalis, qui potuit totum hoc a Seruio accepisse.

Quidquid sit de colobijs ingenuorum proprijs, quæ etiam a seruis post gestata indicat querela Appiani, depositis togis nullum fuisse inter ingenuos & seruos discrimen, sublato togarum vsu sublata etiam omnino videtur differentia in vestitu libero, ac seruili. Tunica utrisque communis. Vtrique penulatis, lacernati, cucullos induti ut infra dicemus. Penulatos, & cucullatos incessisse seruos demonstrat Lipsius, qui eum describunt.

Fuisse tamen aliquod discrimen etiam sub Imperatoribus, indicat Tacitus, qui non semel meminit vestis seruilis. *Q. Volusio P. Cepione Coss. otium foris feda domi lasciuia, qua Nero itinera Urbis & lupanaria & diuerticula veste seruili in dissimulationem sui compositis pererrabat;* Et Lampridius narrat, *Alexandrum Severum seruos suos semper cum seruili veste habuisse: & Aurelianum Vopiscus seruis suis vestes easdem Imperatorem, & priuatum dedisse.* Faber Alexandri & Aureliani seruos minime albatos fuisse intelligit, de quo supra a nobis dictum est. Neque tamen in hoc illi assentiri possum, omneis seruos atratos fuisse; etsi Marcellinus *atratum culinæ ministerium* appellat: nec est mirum inter fumum & caliginem versantibus.

Et quandiu in vsu togæ fuerunt, ingenui nonnisi albatii
Hinc Olympio villicus apud Plautū libertate donatus *candidatus*

didatus incedit. Sed postquam desiere vestiri togæ, nullum prorsus in colore discrimen. Pænulati omnes, ac lacernati; at hæ vestes fermè pulli coloris fuere. Suetonius de Augusto. *Visa quondam pro concione pullatorum turba*; Qui nam hi pullati? Ciues lacernas induti; *Negotium dedit Aedilibus ne quem post hac paterentur in foro, circoue, nisi positis lacernis togatum consistere*. Hinc pullata multitudo, & pullatus circus. Quod si serui tantum tunicati dicantur fuisse, etiam liberi vt populi fex in sola tunica, quod paulo ante diximus.

Quare neque in eo audiendus Faber est, quod *seruum pro libero se gerentem* apud Vlpianum interpretatur candidatum, & togatum. nam Vlpiani ætate togæ ex vsu communi abierant. Multo minus seruos libertate donatos lacernam candidam induisse: nam eas fusci coloris fuisse præcipue Romæ, cum in Gallia rufæ essent, in confesso est. Fuere & albæ eæ, præcipue quæ togæ superinduebantur: sed fuscarum vsus frequentior. Quare atra lacerna non tantum seruorum fuit, quod ille credit, sed & ingenuorum, vt Suetonij verba ante laudata conuincunt: nec contrarium innuit Flaccus Sat., VII. lib. II.

Tu cum proiectis insignibus, annulo equestri,

Romanoque habitu, prodixisti ex indice Dama

Turpis, odoratum caput obscurante lacerna:

Non es quod simulas?

Vt lateret ille insignia dignitatis, nempe annulum deposuerat, & libertatis, nempe togam, quæ Romanus habitus poetæ dicitur, & tunc in vsu erat saltem apud digniores, & sic in seruili habitu, nempe sine toga, quæ ingenuorum, præterea caput lacerna inuolutus vt lateret. Hoc enim indicat, *caput obscurante lacerna*, non quod seruorum lacerna atra esset.

Quod vero subicit, *cucullum peculiarem seruorum fuisse*, neque hoc præter culpam est. nam & ingenuorum fuit, vt Martialis verba ab eo mutilè adducta indicant:

Pullo Menius alget in cucullo:

Qui tamen ingenuus erat. Idem poeta lib. XI.

Non

Non te cucullis asseret caput tectum

Loquitur cum homine libero, qui nulla ratione poterat basiatores effugere. Iuuenalis.

Contentus illic Veneto, duroque cucullo.

Quæ cum ita sint, illud potius statuendum, quod neque ipsi Fabro displicet, nulla lege, aut constitutione post togas seruilem habitum a liberali distinctum, sed ita more receptum, ut materia & colore ferme viliores seruorum vestes essent: quod tamen neque ab omnibus seruatum, nec satis unquam ingenuos a seruis distinxit. Idque indicant Seneca, & Lampridius ab eodem laudati. Ille de Clementia. *In Senatu dicta est aliquando sententia, ut seruos a liberis cultus distingueret*; Deinde apparuit, quantum periculum immineret, si serui nostri numerare nos cepissent. Et Lampridius tradit, Alexandrum in animo habuisse omnibus officiis genus vestium proprium dare, & omnibus dignitatibus, ut a vestitu dignoscerentur, & omnibus seruis, ut in populo possent agnosci, ne quis seditiosus esset, simul ne serui ingenuis miscerentur: sed hoc Vlpiano, Pauloque displicuisse dicentibus, plurimum rixarum fore, si faciles essent homines ad iniurias. Nihilominus paulo ante Lampridius retulerat, seruos suos Alexandrum semper cum seruili veste habuisse. Id quod hoc loco, quemadmodum apud Tacitum, de vili, & obsoleta intelligendum, cum nullum post togas in libero, ac seruili vestitu discrimen fuisse appareat. Quotiescumque igitur libera republica, & togatis. Quiritibus occurrit aliquem seruilem habitum induisse, intelligendum est cum togam, & dignitatis insignia deposuisse sumpta lacerina vel penula, & cucullo, quæ vestimenta ingenuis, ac seruis communia. Sic Appianus lib. 11. tradit instante bello civili Antonium & C. Iunem ad Cæsarem in castra noctu contendisse vehiculo meritorio *ῥεπαρόντων ἐδῆτας ἐνδύων τε τectos seruili habitu*. Eodem libro narrat Cæsarem, cum ipse destinasset latenter ad arcendam classem traicere, sumplisse *ἐδῆτα ἰδιώτας*, quod infra explicat *ἐγκυκαλυμμένος*, quod non est stragulis tectus ut vertit Interpres, sed obuoluto capite siue cucullo tecto. Mox enim, cū se ad cōfirmandos nautas prederet

deret, ἀνοικαλυψάμενος, idest *caput aperiens*. Idem lib. III. ait adductum Crassum ad Cæsarem ἐν χήματι οἰκέειν, idest sine toga, atque ordinis insignibus. Ita cum tradit Dio lib. IX. seruos Saturnalibus τῶν δεωοτῶν χήμα *dominorum habitu indutos* festum celebrare, de toga intelligendum est; cū cōtra ipsū domini per eos dies positis togis in cœnatorijs incederent. Postquam autem togarum vsus sublatus est, non aliud, vt dicebamus, in vestitu inter seruos atque heros discriminē, quam a colore, ac vilitate tunicæ, lacernæ, ac penulæ. Vt vestes istæ fermè pullæ & fuscæ essent, & crassiori lana, ac soloci filo cōtextæ, licet quominus pretiosiores gestarent nulla lex prohiberet.

Quidam etiam birrum seruilem vestem fuisse putarunt, quod lex I. Cod. Theod. de habitu quo vti oportet intra Urbem. *Servos sane, quorum tamen dominos sollicitudine militiæ constat non teneri, aut birris vti permittimus, aut cucullis.* Quos merito reprehendit Salmasius ad Tertullianum de Pallio, birrosque & lacernas idem fere vestimenti genus fuisse ostendit. Nam Chlamydem & birrum non eandem vestem fuisse, eadem lex innuit, quæ servis militaribus birros non permittit, quibus Chlamys concessa erat. Sed de his in altera huius Operis parte cum Deo disputabimus.

Deo gloria & Deipara Virgini.





OCTAVII FERRARII
DE
RE VESTIARIA
PARS ALTERA.
LIBRI QVATVOR.



PATAVII, MDCLIV.

Typis Pauli Frambotti Bibliopolæ.
Superiorum Permissu.

UCLA LIBRARY

10

RECEIVED

1964

1964

1964

1964

1964

1964

1964



CHRISTINÆ AVGVSTÆ

Octavius Ferrarius Bene rem gerere.



Vod nuper Domina Germaniæ populum non tam regio murice, quam tuæ ac paternæ imaginis fulgore irradians, totque victoriis intextum ac pictum armatæ Palladis sacrario suspensum non auerso lumine adspexeris, sed inusitatis munificentia exemplis exce-

peris; ausus sum nouam telam, veterum mortalium habitum cultumque sacri gynæcei texitinis inferre, nouoque artificio pacatam Mineram aduocare. Huic ego telæ. Augusta, quæ mea tenuitas est, & improspere valetudinis iniuriæ, solidos decem annos impendi: & nunc vereor ne Troiæ fatum labor iste sortiatur, aut pro elephanto musculus existat. Vt cumque sit, Ithaci matrona longo regulatorum procatu claritudinem nacta vix annis viginti fallax pensum absoluit, cum quod die confecerat opus nocte demum detexeret, ac pari coniugis erroribus mora, nec dissimili ingenio turbam iniuriolam eluderet. Ipse nocturnam operam addere non semel coactus sum, ac bo-

na fide lucubrare, ut longa vetustate obrutum artificium in lucem euocarem. Immo geminato labore alienum opus, aut infectum, aut aduersa Minerua inceptum retexere, implexaq; aut incisa licia, nec cohærentem stamini tramam nouo pectine nouisque radiis redordiri.

Postquam igitur natiuo colore ac vellere communes populis tunicas, atque hinc rerum dominam togam, illinc sapientiæ velamen pallium, sexusque alterius stolas, ac pallas pudoris & frigoris munimenta, simplicissimos mortalium cultus, pacisq; habitus contextui, ac suam cuique formam, & gestandi modos aptaui; horrentia saga, cruoreque infectas chlamydes cognata armis tegmina, Martisque spolia sub adspæctum dedi. Facto inde gradu honoris insignia, ordinum discrimen prætextas, palmatas, ac trabeas, nec uno alieno incocta paludamenta, Imperatorium coccum, ac veluti priuatarum comes totum augustale vestiariū, ac triumphali auro immixtam purpuram vestram populis adorandam exposui. Quin, ne quid argumento deesset, hac quoque parte fractos seculi mores notare, ac veluti luxui patrocinari coactus sum: ab orbe ultimo petitam frondium canitiem, Coasque, & Assyrias bombyces, vermium saliuam, ac foeturam improbam, vestesque renudandis matronis inuentas, etiam maribus expetitas, ventum textilem, ac sericas nebulas pro-dendo.

Vna laboris merces grandeque pretium, hæc qualiacumque non displicuisse tibi, Augusta, quæ ab rerum maximarum molimine, imperiique curis non pateris inodo te auocari, sed iubes, ultroque ad ista descendis. Quippe literis non tam regię manus, quam inauditæ clementiæ

non una nota insignibus nuper mandasti, ut si quid librorum viri eruditionis gloria præstantes publici iuris facerent, aut ieiunitas mea extunderet, ne cunctarer istuc transmittere. Quid ipse præstare possim iam vides: solam enim mihi te religiosius venerandi audaciam relictam esse. At viri magnaliquid te dignum concipient, quos noministui gloria ac liberalitas accendit. Nexile enim aurum, quo plumbea dicta atque humiles sonos rependisti, sicut quorundam oculosturbavit, palloremque suum in homines transfudit, ita multorum studia arrexit, ut quod in me fortuna fuit, ipsi virtute promereant.

Neque tamen præter rem fecisse videbor, quod leuidente contextum soloci filo deductum obtulerim tibi, quæ utriusque Mineræ numen occupasti: neque indecorum mihi opificio manus admouisse, quando, te literas ac bella eadem felicitate tractante, reliquum est, ut lanam ac calathos respiciant viri. Ipse certe si vita suppetat eam aliquando telam daturus sum, quæ si non Dædala, at fida manu te tibi reddat, tuosq; ac giganteos patris triumphos exequatur. Tu noua quotidie argumenta suppeditabis. Vale, teque fatis ad summa vocantibus præbe.

Patauî Kal. Februariis MDCLIV.

Beneuole Lector.



Arde immo penè iam sero vetus nomen expungo, atque olim cæpti voluminis alteram partem represento. Præter virium tenuitatem, torque annos morbis atque ærumnis vitæ exemptos, vitamque ipsam non semel extremis metis admotam, quæ tædio ac desperatione sæpe opus manibus excusserunt, operis ipsius magnitudo ac difficultas, quæ summos viros hætenus absterruit, ægre molientem ad hanc usque diem delassauit. Nam in prioribus libris ipsoq; argumenti vestibulo habui interdum quos sequerer, in his aucta licet cura intimos materiæ sinus ac recessus tentans vix a quibus dissentirem inueni. Adeo cuncta aut intentata, nulliusque trita solo, aut profundo vetustatis demersa eruenda fuère, genusque omne scriptorum utriusque linguæ, ne quid effugeret, ærumnabili labore non semel excutiendum fuit. Præter hæc ea quoque diem profcrendi causa erat, quod viros doctissimos aliquid contra iam edita parturire audieram, aut quia vere id agerent, aut quia ita credi quorundam intererat.

Itaque menses aliquot editionem sustinui, ut eadem opera illis reponerem, atque ista publicarem. Non enim deerant, qui se modeste licet ac molliter perstrictos inique ferrent. Inter quos qui nuper decessit Claudius Salmasius, vir in omni literarum genere eminentissimus, ac sine controuersia huius æui summus. Sed quæsitæ meritis superbia immodicus sui æstimator, aliorum contemptor, omnisque sententiæ, cuius ipse auctor non esset, inimicus. Itaque dum à se vel petita venia et cum honore dissentientes traducit, et carpit, rursusque æquo iure re-

vincitur, totaq; vita hunc funem contentionis ducens aut pulsatur, aut verberat, male dicendo, & quod consequitur male audiendo, senex factus in ipso opere recriminandi consumptus est.

Non pauca quidem in superioribus libris fuere, quibus eum in hoc argumento lapsum non semel indicaui: atque in alia omnia interim discedere coactus sum: integra tanti nominis reuerentia, ut non modo non agre laturum, sed paratam mihi apud ipsum gratiam sperarem. Res secus accidit. Nam inter tot maioris momenti ab eo perperam animaduersa, aut explicata, quæ aut dare, aut defendere debuerat, unum leue admodum & dicis causa positum arripuit in obseruationibus ad Ius Atticum, & Romanum, ut me viris doctissimis, quos capite VI. maledicentissime insectatur, accenseret. Nam cum aduersus Petauium raræ eruditionis virum, quod emendationem Aratei versus ab se olim proditam minime probaret, inuectus esset, eumque male sanum, impurum, virulentum, omniumq; hominum impudentissimum, atque iniquissimum, ac nullo iudicio præditum appellasset (tantum crimen est Critici correctionem præ vulgata lectione aspernari) eandem amaritudinem in Italum auctorem libri De re Vestiaria effudit, non aliam ob causam, quam quod audaculus ille Salmasii notationem, atque expositionem super vestibus holoueris, quam ipse certissimam & optimam iudicat, probam esse negauerit. Di vestram fidem. At semper Italus ille credidit, licere cuique præsertim in re literaria sententiam suam in nullius inuidiam expromere. Cur enim Gallo homini liceat holoueras vestes esse totas veras, siue purpureas dicere: Italo fas non sit eam vocem ab holoporphyris contractam arbitrari, cum utriusq; notationis idem sit sensus? Sed ipse dixit. Digito compesce label-

lum. Si quis contra mutire ausus fuerit, imperioso eiusdem decreto numerum Criticorum augebit, qui glandes inuentis frugibus præferunt. Quis autem Salmasium Dictatorem nobis dixit? Quis tyrannicam potestatem solis maledictis fultam in liberos homines exercere permisit? Opera pretium est paucis repetere, quæ de Vestibus holoueris supra notauimus Lib. II. Cap. IX. ut quam nullam causam habuerit excandescendi Salmasius facile appareat. Nam cum eiusdem honorificentissime appellari opinionem ac notationem de holoueris non modo non improbassem, ut etiam ingeniosam esse affirmarem, subieci ius fasque esse quid & nos sentiremus aperire. Non enim eam vocem semilatinam, sed puram Græcam contractam mox & corruptam ex Holoporphyris uideri, quod apud Isidorum Olophera, siue Olofera, Holoporphyra explicaretur: idemque Papias exprimeret, nempe Holophoram Vestem totam ex purpura: hancque si non veriore, at simpliciore notationem esse. Quid pote modestius? At ille tanquam acerbissime proscriptus quesitam non semel ab Italo occasionem carpendi Salmasii *καὶ δὴ αὖτις* indignatur. Bene se habet, quod quædam iuste reprehensa fatetur. quæ autem iniquè, cur non percussit, aut cur certaminis gloriam inuidit?

Ceterum ibi non aliud ad confirmandam opinionem suam attulit, quam aliquot scriptorum loca, qui holouerarum mentionem fecerunt, quæ nihil eum iuuant; non enim de voce, sed de vocis origine ambigitur. Neque hæcenus me illius notationis prænituit, holoueras esse holoporphyras, quam viris doctissimis approbatam scimus. Nam ut demus colorem purpureum totum verum dictum esse, non solum colorem, sed etiam vestes totas veras dictas, durius certe videri debet etiam modice eruditis, quam holoueras esse ex holoporphyris constatas. Quæ non

ita mordicus unquam tueri cogitauimus, ut si quis alteram sequatur cælum terræ misceamus, quasi in ea uocula Græciæ salutem sitam existimemus.

Ceterum in sequentibus libris, quos multis ante obitum Salmasii mensibus impressos typis, sculptoris ægre areas tabulas molientis tarditate editionē morante innumeri ciues, & exteri viderunt, vix ullum caput exhibet, in quo diuersa ab eo sentire non adigar, quanquam dissimulato nomine sola operis indicatura, ne a vetere instituto abscederem. Quid opus est verbis? Eum qui de pallio tam multa in Tertullianum commentatus est, quale pallium esset, quique illud gestandi modus ignorasse, tam liquido apparebit, quam meridie lucet. Sed de his nimis fortasse multa, animo certe meo haudquaquam grata aduersus utcumque de nobis, at de literis optime meritum, & iam tum compositum. Itaque plura adscribere parcam, ne videar cum laruis luctari. Cum præterea querelæ ne tum quidem gratae sint, cum sunt necessariae. Vale mi Lector, & faue.

INDEX CAPITVM

LIB. I.

Cap. I.

Lacernarum usus quando primum Romæ
inceperit. Cicero & Seneca explicati.
Huius vetus lectio defensa contra Lipsii non
unam correctionem. 1

II. Lacernarum notatio incerta. Quod vestimen-
ti genus esset. Μανδύας. Ερσίδης. Herodiani
Interpres notatus. 6

III. Quale vestimenti genus Lacerna fuerit. 7

IV. Lacernarum usus, & materia. 9

V. Lacernas pluviæ causa in Vrbe gestatas. Pli-
nius emendatus, & explicatus. 10

VI. De Lacernis, & reliquis vestimentis Gausa-
pinis. 11

VII. Gausape quadratū. Martialis explicatus. 13

VIII. Gausape Balanatum. Gausapatus. Persius, Se-
neca, Petronius explicati. 14

IX. De Lana, & reliquis vestimentis villosis.
Amictus duplex. 18

X. De Chlæna. χλαῖναι ἀπὸ ὀδῆς, καὶ διπλᾶ. Εὐρυ-
πᾶς. Homerus atque Hesychius explicatus.
χλαῖνις, χλαῖνιδιον. 20

XI. De Endromide. Quæsitum de voce Treche-
dipna apud Iuvenalem. Eius Interpres
emendatus. 23

XII. Tunica, ac Lacerna Gausapina. 26

XIII. Lacerna æstiva. Tritæ, ac leniores. Iuvenalis,

Index Capitum.

	<i>Et Martialis explicati.</i>	27
XIV.	<i>De Amphimallis. Amphitape. Isidorus correctus.</i>	28
XV.	<i>Lacernarum Forma.</i>	30
XVI.	<i>De Fibulis. An insigne Tribunitium fuerint. Martialis locus expensus.</i>	30
XVII.	<i>Fibule Vestiarie figura. Quintilianus explicatus. Pollionis locus expensus.</i>	33
XIX.	<i>De Fibula Theatralli. Martialis explicatus.</i>	35
XIX.	<i>De Fimbriis.</i>	37
XX.	<i>An Lacerna cucullum habuerint. Martialis explicatus.</i>	40
XXI.	<i>Lacerna pro Cucullo. Item birrhus pro eodem. Bardocucullus. Juuenalis explicatus.</i>	42
XXII.	<i>Cucullus Monachorum. Eius figura. Cadurcum. Juuenalis explicatus.</i>	45
XXIII.	<i>De Colore Lacernarum. Martialis non uno in loco explicatus.</i>	48
XXIV.	<i>Lacerna Coccinea. Coccina. Martialis, Quintilianus explicati.</i>	51
XXV.	<i>Causarum patroni in Lacernis purpureis. Vestis prelo splendens. Canusinus color.</i>	55
XXVI.	<i>De Birrhis. Atrebatice unde dicti. Alii aliis pretiosiores.</i>	57
XXVII.	<i>An Lacerna vestis seruilis fuerit. Martialis explicatus.</i>	60
XXIX.	<i>De Caracallis. Quale vestimenti genus fuerint.</i>	62
XXIX.	<i>Lacernas honoris specie depositas.</i>	63

Index Capitum.

L I B. I I.

Cap. I.	P ænule notatio quasita.	65
II.	Pænulam itinerarium vestimentū fuisse, & pluuiæ tempore sumptum. Quando primum illud intra Urbem usurpatū sit.	68
III.	An Senatores sub Hadriano pænulati. A. Gellius explicatus.	70
IV.	An Senatores in funere Principū pænulati.	72
V.	An Imperatores Pænulati.	74
VI.	De Materia Pænularum. Pænule scortee, Gausapinae, Canusinae.	76
VII.	Pænularum Figura.	78
II X.	De Colore Pænularum. Canusinae, Fuscae, ac Ruse.	87
IX.	Pænule inter vestes muliebres. Ea virilibus pretiosiores.	90

L I B. I I I.

Cap. I.	D iuersæ Chlamydis species. Chlamys puerilis. Alicula. Velius Longus correctus. Martialis explicatus.	91
II.	Chlamys muliebris. Dionis Interpres notatus.	96
III.	Chlamys militaris. Eadem cum Sago.	97
IV.	Chlamydem, & Paludamentum idem vestimentum fuisse. Cicero explicatus.	98
V.	Sagum pro Paludamento, & contra scriptoribus positum. Appiani & Plutarchi Inter-	ter-

Index Capitum.

	terpretes notati.	101
VI.	Paludamentum Vestis Imperatoria.	102
VII.	De Sago.	104
IX.	Chlamydis, Sagi, Paludamenti forma. Valtrini non unus error in Re Vestitaria.	105
IX.	De Sago Gallico. Non fuisse fibulatum. Plutarchi Interpreter notatus.	111
X.	Sagum Hispanicum, & Germanicum.	113
XI.	Sagochlamys. Chlamys Dardanica Mantuelis.	115
XII.	Sagi, Chlamydis, & Paludamenti Materia.	116
XIII.	Chlamys & Paludamentum auratum. Lacerata aurata. Habitus Citharoedorum.	119
XIV.	Tunica militaris color. Tertullianus explicatus.	122
XV.	Chlamydis, Sagi, & Paludamenti color.	124
XVI.	Gallici Sagi color.	127
XVII.	De Subarmali.	128

LIB IV.

Cap. I.	P allium Græcorum indumentum. Comædiæ palliata, togata, prætextata. Prolegomena in Terentium expenduntur.	130
II.	Pallium Græcè ἱμάτιον, Φίπος.	132
III.	Pallium. Eius notatio. Vestis stragula Romanorum Amictus Græcorum. Pallium Proconsulare.	136
IV.	Pallium commune. Eius figura.	139

Index Capitum.

- V.** *Modus gestandi pallium. Brachium cohibere. Manum chlamyde inuoluere.* 142
- VI.** *Magna Veterum cura in pallio decorè, & ciuilitèr cõponendo. Αναβάλλεσθαι ἑνὸς ἐξ ἑα.* 147
- VII.** *Pallium in humeros reiiicere. Casauboni opinio expensa. Aristoph. Not. Jnterpres.* 149
- II X.** *Quando brachium pallio exerebatur. Ἐπιδέξια: ἐπαπίσσεια. Aristophanes explicatus.* 152
- IX.** *An palliũ fibula neceteretur Tertul.expl.* 155
- X.** *Pallium cum crepidis. Tertul. explic.* 160
- XI.** *De Pallii materia. Vestimẽta lanea. An lineæ vestes in usu. Thucyd. expl Lintea lorica.* 161
- XII.** *Lineus Apellonii Thianei vestitus. Byssus. Ὀδόν. Pollux notatus.* 165
- XIII.** *De Pallii colore. Alba Græcorum vestimenta. Artemid. & Lucian. expl Ælian. not.* 168
- XIV.** *Pallium Philosophicum. Triboniũ. Philostrat. & Laertius explicati. πάχος, Pannus.* 173
- XV.** *Triboniũ non modo pauperiorum gestamen, sed uestis forẽsis, ac Iudicial. Aristoph. expl.* 178
- XVI.** *Triboniũ non Cynicorũ modo, sed Philosoph. seuerioris notæ palliũ. Itẽ Sophist. Laert expl.* 181
- XVII.** *Pallii Philosophici color. Petron. correct.* 187
- XII X.** *Christianorũ Ascetarũ Tribon. Quãdo Tert. Lib. de Pallio ediderit. Triboniũ fuscũ.* 189
- XIX.** *Tribonium Cynicum. Modus illud gestandi. Pallium διπλῶσαι. Duplex pannus.* 194
- XX.** *An Cynici interulam gestarent. Laertius explicatus. Eius Interpres notatus.* 200
- XX I.** *Serui palliati. Plautus explicatus. Diphthera. Scortum. Festus emendatus.* 206
- XX II.** *Exemis. Ἐτερομάσχαλος. Κατωράκη.* 209
- XX III.** *Pallio caput operire. Palliolũ. Plaut. tent.* 211

OCTAVII FERRARII DE RE VESTIARIA

PARS SECVNDA

LIBER PRIMVS

QVI EST DE LACERNIS.

Lacernarum usus quando primum Romæ incepterit. Cicero & Seneca explicati. Huius vetus lectio defensa contra Lipsij non vnâ correctionem. Cap. I.



ERGO admodum nec nisi extremis Reipublicæ temporibus Lacernarum usum in Urbem inductum illud argumento est, quod nomen ipsum incognitum, nec vlla mentio pro urbano habitu apud eorum temporum scriptores. Primus Cicero, quod ego sciam, Philippica secunda obiecit Antonio, quod in Urbem venisset cum caligis & lacerna. *Nam quod querebas quomodo redissem, primum luce, non tenebris, deinde cum calceis & toga, nullis nec caligis, nec lacerna.* Neque tamen ideo a Cicerone notatum Antonium credendum, quod in itinere toga, & calceis usus non sit. id enim præter morem omnium, qui penulati, & soleati iter faciebant in Urbis ingressu togam, & calceos sumebant; quod de se Cicero testatur: sed quod pro penula lacernam, & caligas militare indumentum, ac calceamentum sumpisset, & ad augendam rei inuidiam eo habitu non modo in itinere, sed quam peteret Consulatum, per Galliæ Municipia, ac Colonias incessisset, in quibus more Romano homines rogati versarentur. Nam paulo infra ait, *Ex omnium omnibus flagitijs nullum turpius vidi, nullum audiri, quam quod qui Consulatum peteres, is per Municipia & Colonias Galliæ cum ca-*

ligis & lacerna cucurristi. Scio quosdam cum Gallicis re-
posuisse auctoritate Gellij lib. xi i i. sed si Gallicæ eadem,
ac soleæ, siue crepidæ fuerunt, quarum vsus in itinere de-
positis vrbanis calceis, non video cur notari potuerit An-
tonius, si communi pedum tegmine itineris causa vsus sit,
sed quòd militare calceamentum cum militari veste induerit.
Verum ista non sunt huius loci.

Ignotus igitur, ac probrosus ætate Ciceronis in Vrbe
Lacernarum vsus. nec iniuria, quod vestimentum militare
esset, ac castrense, idemque quod chlamys. Propertius lib.
i i i. Eleg. x.

*Tu tamen iniecta tectus vesane Lacerna
Potabis galea fessus Araxis aquam.*

Et lib. i v. Eleg. i i i.

Texitur hac castris quarta lacerna tuis.

Ouidius, i i. Fastorum de Lucretia inter ancillas lucu-
brante, marito in castris Ardeam obsidente.

*Mittenda est domino, nunc nunc properate puella,
Quam primum nostra facta lacerna manu.*

Gallus etiam Asinius elegia elegantissima, quam vnicam
edidit Manutius.

*Quin etiam argento puroque intexit in auro,
Altera iam castris parta lacerna meis.*

Vbilegendum intextitur auro. Sed nescio an aliud in
tota antiquitate vestigium extet lacernæ acupictæ, & phry-
gionis opere elaboratæ. Et cui vsui fuerit hæc lacerna ve-
luti triumphalis, cum Gallus non Imperator esset, sed sub
Ventidio militaret.

Lacernæ militaris meminit & Paterculus lib. i i. de Cas-
sio loquens. *Existimans hostes esse, qui irruerent lacerna caput
circumdedit, extantamque cernicem interritus liberto præbuit.* Et
infra de Augusto cum Lepidum exercitu exiit. *Quippe cum
inermis & lacernatus esset præter nomen nihil trahens ingressus
castra Lepidi, euitatis, qua iussu hominis prauissimi, tela in eum
iacta erant, cum lacerna eius perforata esset lancea.*

Dio Cassius lib. xlv i. narrat cum M. Antonio bellum

indictum esset, vulgo depositis togis sumptas lacernas siue chlamydes militares. τὰς τε χλαμύδας τὰς στρατιωτικὰς πάντες καὶ οἱ μὴ ἐστρατεύσαντες ἤμπέχοντο. Vbi an recte Interpretēs Saga verterit, infra videbimus.

Paulatim deinde per bella Triumvirorum ciuilia, quum togæ deponi cœpissent, in earum locum lacernæ successerunt, quod viris doctis pridem adnotatum est. Et quia vt diximus initio vestimentum militare tantum fuit, quod & chlamys dicebatur, propterea Seneca non vno in loco ciues chlamydatos appellat, qui lacernam induiti essent. De beata vita cap. 11. *Queramus quid optime factum sit, non quid vsitatissimum: quid nos in possessione felicitatis aeternæ constituat, non quid vulgo veritatis pessimo interpreti probatum sit. Vulgus autem tam chlamydatos, quàm coronam voco. Non enim colorem vestium, quibus pretexta corpora sunt aspicio, oculis de homine non credo. Doctissimus Lipsius legit. Vulgus autem tam candidatos, quam coloratos voco: atque hunc locum a se eximiè emendatum prædicat. Sed hercules haud vidi magis. Candidatos autem honestiores intelligi ait, coloratos pullatam multitudinem.*

Sed si candidatos intelligit cretatis, ac splendentibus togis, quales erant petitorum, indutos, ætate Senecæ sublati Comitibus nulli petitores candidati; sin albatos, siue albis togis simpliciter amictos intelligit, & rarus admodum eodem æuo nisi per officia togarum vsus, & albam togam parare etiam tenuiori facile erat. Quidquid ergo Lipsius iactitet etiam cum supercilio nunquam futurum vt vulgaram lectionem explicent omnes xviri fatalium librorum, ipse licet in illud Collegium non allectus, & Sibyllinorum ignarus veterem lectionem tueri, atque explicare ausim. Nam lacernatos inuidiose appellat chlamydatos, quod vt diximus lacerna initio non aliud fuerit quam chlamys. Licet autem commune vestimentum esset, vt & toga, honestiores tamen a vulgo lacernarum colore distinguebantur. Nam, vt infra dicemus, erant purpureæ, pretiosisque coloribus imbutæ: eas potentiores ac ditiores gestabant

viliores aut sine lacernis, aut iis pullis & paupere colore tinctis utebantur. Quare non sine stomacho chlamydatos appellat lacernas improbi coloris, & non nisi olim militaris, indutos; Atque ideo subiicit; *non enim colorem vestium aspicio*, quo scilicet Romæ vulgus a nobilioribus distinguebatur. Vulgus autem coronam appellat, siue quod idem est circulum pullatum apud Quintilianum. Idem de Ira lib. I. cap. XI. *Quum hoc dicis Theophraste queris invidiam preceptis fortioribus, & relicto iudice ad coronam venis? Quia unusquisque in eiusmodi suorum casibus irascitur: putas iudicatuROS homines id fieri debere, quod faciunt.* Corona ibi est vulgus. Item lib. II. cap. VI. *Et index damnaturus quæ fecit eligitur, & corona pro mala causa bona patroni voce corrupta.* Atqui inquit Lipsius idem Seneca *virtutem coloratam* appellat, id est sole fuscata, ut coloratos Indos, ac Seres poetæ vocant. Verè. nemo tamen aliquem coloratum Latine dixerit pullis vestibus indutum, cum id potius de vestibus aut alia re colore infecta dicendum sit.

Non contentus Lipsius probam lectionem semel sollicitasse, eodem libro cap. xxv. iterum pro chlamydato candidatum obtrudit. *Poneme, inquit, in instrumentis splendentibus, & delicato apparatu, nihilo me feliciorem credam quod mihi molle est amiculum, quod purpura conuiuiis meis substernetur. Nihilo miserior ero, si lassæ cervix mea in manipulo feni acquiescet, si super Circense tomentum per suturas veteris linteï effluens incubabo. Quid ergo est? Malo quid mihi animi sit ostendere prætextatus, & chlamydatus, quam nudis scapulis, & ferentibus. Hic quoque prætextatus, & candidatus legit. Sed libri veteres in vulgata lectione constantes sunt. Cum præterea etiam pauper non magno pretio candidatus esse possit. Neque audiendus Muretus, qui *Canusinus* legit. nam is color ferme penularum, quarum tunc aut nullus aut rarus usus in Vrbe. Multo minus facit ad rem *Gausapatus*, & *Petapatus*; & quidquid denique Critica libido impingit. Prætextatus prætextâ indutus, quæ vestis magistratuum. Chlamydatus lacerna vestitus, sed quæ aut cocco, aut murice,*

rice, aut alio pretioso colore tincta esset. Quemadmodum autem malle se ait domum omni cultu instructam, quam pontem, ita pretiosas vestes, quam centunculum. Quid porro sint *scapula fatentes*, a doctis viris quaesitum est. Fortasse a tomenti Circensis de concisa palude confecti, cui pauperes incubabant ingrato ac turpi odore. Nec displicet quod se in libris reperisse tradit Lipsius: *quam nudis scapulis, aut semitectis.*

Lacernarum notatio incerta. Quod vestimenti genus esset?
Μανδύας. Εφεσπῖς. Herodiani Interpret notatus. Cap. 11.

Primus igitur Lacernarum usus in militia, sed quando coeperit haud mihi compertum; cum praeter Propertium, Ovidium, ac Paterculum nullus veterum scriptorum earum mentionem fecerit in cultu militari, ut vox sub ipsum Reipublicae interitum nata videatur. Sed vnde nam, quaeque eius notatio, multo mihi ignotius. Persij Interpres vetus ad Satyram 1. *Lacerna pallium fimbriatum, quo olim soli milites utebantur.* Eadem Isidorus lib. xix. cap. xxiv. qui adijcit. *Vnde & in distinguenda Castrensi, Urbanaeque turba, hos togatos, illos lacernatos vocabant. Inde autem lacerna, quasi amputatis capitibus fimbriarum, neque ita laxis, ut sunt penularum. Ut lacernam quasi laceram dictam putet: quod & Paulus Festi abbreviator innuere perobscure videtur. Lacerare, comminuerere, diuidere. Lacerna quod minus capitio est. Sed notatio inepta, illudque de fimbrijs laxioribus, & minus laxis Grammaticorum est commentum, quidue capitium illud sit, quo minor est Lacerna, ne Oedipus quidem dininauerit: nec tanti est hisce diutius immorari.*

Vnde cunque igitur nomen acceperit Lacerna, vestimentum militare initio fuit. Propterea Graecis scriptoribus *Μανδύας*, *Κλαμύς*, & *Εφεσπῖς* dicitur. Artemidorus lib. ii. cap. iiii. *χλαμύς δὲ τὸ ἐνίοις μανδύην οἱ δὲ ἐφεσπίδα, οἱ δὲ βήριον καλοῦσι.* Hesychio *Μανδύας* est *εἶδος ἱματίου περὶ ὧν πολεμικὸν*

Vestimentum militare Persicum. Suidas *vestimentum Loricion* interpretatur. Pollux lib. vi i. cap. xi i i. ἡ δὲ μανδύη οὐσίον τι τῷ καλούμένῳ φανόλῃ. *Vestimentum simile Penula*. Male Interpretes *Sagulum*, vertit. Eius mentio apud Xiphilinum Domitiano. *Bello navali facto, in quo non solum omnes qui pugnaverunt fere mortui sunt, sed etiam multi ex spectatōribus, propterea quod maximo imbree, & vehementi tempestate repente commota, nemini permisit abire e spectaculo, & quamquam ipse, Μανδύας ἀλλασσόμενος, Lacernam mutavit, tamen ceteros mutare non est passus*. Ibi μανδύας Lacerna est, non pænula. Idem vestimenti genus Εφερίς, militare scilicet, siue chlamys. Hesychius. Εφερίς, χλαμὺς. Εφερίδες τὰ ἐπιβλήματα, quod reliquis vestimentis injicerentur. Suidas Vestimentum Romanum, quod & μανδύας & Βηρὶον vocetur. Athenæus etiam lib. i i i. καὶ τὸ ἐφερίδα τὸ αἰχρῖσον. *Lacernam quam nondum indui*. Herodianus lib. vi i. de militibus Maximini, qui in Senatum explorandi causa ingressi sunt, ὅπλων μὲν γυμνοὶ, ἐν λιταῖς δὲ ἐδῆσι καὶ ἐφερίσιν. Interpretum quotquot fuerunt doctissimus, *Inermes videlicet, tantumque subarmalibus, & sagis induti*. Quid essent subarmalia notum est. Sed nō habent hic locum. Vertendum erat. *Sine armis vulgari vestitu, solasque chlamydes induti*. Alibi Herodianus λιταῖς ἐδῆταις appellat vestes communes siue vulgares loquens de matronis in Apotheosi Severi, quas ait sine auro atque villo muliebri mundo fuisse. ἀλλὰ λιταῖς ἐδῆταις λευκαῖς ἀμφιεννύμενας, *vulgari veste alba indutas*, non exili, vt idem summus interpretes vertit. Nam cum Senatores in pullis lacerenis essent, matronæ albas vestes gestabant, pallam scilicet, & stolam, sed vulgarem, ac communem, non purpura, & auro de more pretiosam. Vt ad milites reuertamur, ij in veste vulgari id est tunica Quiritibus communi solas chlamydes militares induti. Ita paulo post: ἔχοντες δὲ τὰς χεῖρας ὑποκαθημένας ταῖς ἐφερίσι, *est habentes manus sub chlamydibus*.

Perperam etiam viri doctissimi pro quouis vestimenti genere Ephestrída sumi crediderunt ex eodem Herodiano, qui

cas Senatoribus tribuit in funere Seueri. ἐν μὲν λαῶν μέρει
 πᾶσα ἡ σύγκλιτος μελαίναις ἐφεστῖσι χρώμενοι. Ibi enim Sena-
 tores depositis luctus causa togis, in pullis lacernis siue pe-
 nulis, nam hæc vox de vtroque vestimento vsurpatur,
 quod non multum dissimile esset, vt dicemus. Non igitur pro
 quouis vestimenti genere accipitur. Itaque non atris ve-
 stibus, sed *pullis lacernis*, aut *penulis* vertendum erat. De
 chlamyde & Byrrho erit infra dicendi locus.

Quale vestimenti genus Lacerna fuerit, Cap. III.

Lacernam a castris & militia in Urbem licentia bellorum
 ciuiliū traductam, & promiscuo Quiritium cultu as-
 sumptam diximus. Ea fuit amiculum siue pallium laneum,
 apertum, quod ipsi quandoque togæ, & hac deposita fer-
 me loco ipsius togæ iniciebatur tunicæ, ne tēbaturque fi-
 bula vel in humero, vel ad pectus, natiuo ipsius lanæ co-
 lore, aut varia infectura. Et quemadmodum Græcanico
 pallio breuior, atque angustior lacerna fuit, ita facile cre-
 diderim, postquam a militia in vrbānū habitum concess-
 ferit, laxiorem ipsa chlamyde longioreque confici cœ-
 ptam: quandoquidem arcendo frigori, immo & pluuiæ, to-
 ti denique corpori regendo assumebatur, cum chlamys, vt
 in antiquis monumentis apparet, vix partem corporis tege-
 ret, nec ferè ad genua pertineret. Subiectas figuras lacer-
 natas ex columna Traiana depromptas Roma misit Vir
 incomparabilis Cassianus a Puteo, cui bonam partem mo-
 numentorum veterum, quæ hoc opere edita sunt, non ipse
 solum, sed tota posteritas acceptam feret. Sed vt rem to-
 tam distincte, ac particulatim exequamur, primò de lacer-
 narum materia verba faciemus, tum de eius ornamentis ac
 colore breuiter disseremus.

Tab. XIV.



Lacernarum usus, & materia . Cap. IV.

Q Viritium vestes omnes ex lana confectas, togas, tunicas, pallas, stolas alias ostendimus: idem de lacernis dicendum. Mart. lib. II. Ep. XLVI.

Sic tua suppositis perlucet praela lacernis,

Sic micat innumeris arcula sinibilibus:

Atque unam vestire tribum tua cellera possunt.

Scilicet fere arcendi frigoris causa sumebantur, & togis superinduebantur. Iuuenal. Sat. IX.

. . . . pingues aliquando lacernas

Munimenta togæ, duri, crassique coloris

Et male percussas textoris pectine Galli

Accipimus.

Viliori nempe materia, hoc est crassiore lana, & male textas, quales in Gallia conficiebantur. Martialis.

Me pinguis Gallia vestit.

Et lib. IV.

Accipe Sequanica pinguem textricis alumnam.

Colore autem pullo, vel rufo. Ex quibus patet, ut togas, ita & lacernas non eadem materia confectas, sed lana pretiosiore, aut viliori contextas, & quidem etiam viliori textura. Vetus Interpres Iuuenalis. *Pingues lacernas: pingues ut ostendat grossas, ac per hoc pluuias, quæ muniant a pluuiâ, non quæ ornent. Male percussas, male textas. Gallum autem textorem Venetum interpretatur, Venetumque cucullum intelligit ex eodem Poeta:*

Atque ibi contentas Veneto, duroque cucullo.

Lacernæ igitur arcendo frigori, immo & pluviæ, cum nondum penulæ in Urbem receptæ essent. Et vel tunicis, vel etiam ipsi togæ iniiciebantur. Mart. lib. VIII. Ep. XXVIII. ubi togam sibi a Parthenio Domitiani cubiculario donatam commendat, sic colligit:

O quantos risus pariter spectata mouebit

Trita Palatina nostra lacerna toga.

Pars II.

B

Futu-

Futuram enim rem ridiculam, si nouæ pexæque togæ vilis & longo vsu detrita lacerna superindueretur. Idem lib. xiv. Ep. cxxxvii. *Lacerna Alba.*

Amphitheatrales nos commendamur ad vsus,

Cum tegit argentes nostra lacerna togas.

Ex quo apparet, non nisi albas lacernas togæ inditas, cum reliquæ ferme pullæ essent: quod videretur indecorum & ridiculum, albæ niuæque togæ atrii coloris vestimentum inducere: quod tamen nunc passim faciunt id genus hominum, qui habitu picas imitantur. Quo spectat iocus eiusdem Poetæ lib. iv. in Horatium, qui cum solus nigris lacernis munus spectaret, Cæsare, & reliquis albatis, niuem Cælo repente demissam, sitque & ipsum Horatium albis lacernis spectasse.

Lacernas pluuia causa in Vrbe gestatas. Plinius

emendatus, & explicatus. Cap. V.

Lacernas munimenta togæ, & togæ ipsius succedaneas, nō modo arcendo frigori, sed & defendendo imbrige-
stas, ex Plinio discimus lib. xvi. cap. xxv. *Hoc ipso Vergiliarum occasu fieri putant. Aliqui ad III. Idus Nouembris, vt diximus seruant, quoniam id sidus etiam vestis institoris est, & est in cælo notatu facillimum. Ergo ex occasu eius de hieme augurantur, quibus est cura insidiandi negotiatoris auaritia. Nubilo occasu pluuiosam hiemem denuntiat, statimque augent lacernarum pretia: sereno, asperam, & reliquarum pretium accendunt. Læuinus Torrentius ad Suetonium legit. Quoniam id sidus etiam vestis institor est. sic enim in scriptis libris extare, & in veteribus editis. Atque ita sidus illud, quo exoriente æstas, occidente hiems ostenditur, quia utroque tempore vestem mutamus, veluti institor, inquit, a Plinio dicitur. Ante Torrentium Sipontinus aliam causam attulit, cur Vergiliarum sidus institor vestis dicatur, quod nempe vt pluri-
mimorise vendatur vestis efficiat. Neuter ad Plinij mentem, cuius vulgata lectio non mouenda, quam etiam præ-
fert*

fert vetus Veneta editio optima, cuius ope innumeras e Plinio mendas sustulimus. Sidus, inquit, Vergiliarum non tantum est agricolæ, siue ab agricola obseruatur pro tempore sementis faciendæ, sed etiam est sidus vestium institoris, siue ab institore vestis obseruatur: Quod sequentia explicant, quæ non recte intelligi possunt, nisi illud ponatur quid esset *Negotiator*, quidque *Institor*. Negotiatores enim erant mercatores locupletiores, qualem *negotiatorem magnarium* Apuleius lib. I. appellat: hi mercaturam amplam, siue negotiationem exercebant, qualis *negotatio Sagaria* Leg. LII. π. quidem D. pro socio. Item *negotatio lignaria* apud Capitolinum. Ab his negotiatoribus Institores mercium partem emebant, quas minutim, & carius distraherent. Nam proprie Institor *παλινάπιδος*. Labeo. *Etiam eos Institores dicendos placuit, quibus Vestiarj & Lintearj dant vestem circumferendam, & distrahendam.* Ergo Institores, ex casu Vergiliarum qualis futura esset hiems coniecturam facientes, negotiatoris auaritiæ insidiabantur. nam si nubilus occasus fuisset, quod pluuiosa hiems immineret, plus lacernarum, quam reliquæ vestis emebant, earumque pretium augebant: sin vero serenus fuisset casus, augurantes futuram frigore infestam, alias vestes, vt chlanas, endromides, Gausapinas emebant, quarum pretium intendebant. Hoc autem erat insidiari negotiatoris auaritiæ: lucrum nempe, quod ipse facere debuerat, auertere, & ex siderum coniectura negotiatoris auaritiam ferire, eas vestes tantum emendo, quas carius distraherent. Porro aliquem lacernarum vsum etiam domi fuisse arcendo frigori, indicare videtur Propertius lib. v. Eleg. ix.

Imperat, & totas iterum mutare lacernas:

Terque meum tetigit sulphuris igne caput.

De Lacernis, & reliquis vestimentis Gausapinis.

Cap. VI.

EX his apparet antequam pænulæ in Urbem inducerentur, lacernas, & frigori arcendo, & pluuiæ causa

Pars II.

B 2 gesta-

geſtatas: quod ex pinguiori, ac craſſiori materia confe-
ctas fuiſſe declarat. Eas fermè gauſapinas fuiſſe exiſtimo,
de quibus non ab inſtituto alienum fuerit pauca præmiſſe.
In prima operis huius parte Plinij locum lib. vi. i. cap. iiii.
ex veteri codice emendauimus, eorum errore perſtricto
qui Gauſape ſtramentum militare praua loci illius inter-
punctione tradiderunt. *Antiquis thorus e ſtramento erat, qua-
liter etiam nunc in caſtris gauſape. Patris mei memoria cœpere
Amphimalla noſtra.* Legendum ex Veteri monuimus. *Gauſa-
pe patris mei memoria, cœpere amphimalla noſtra.* Gauſape, ſiue
gauſapina veſtimenta ætate patris ſui inducta, amphimal-
la ſe viuente cœpiſſe tradit. Certe Ouidij ætate, quæ & Pli-
nij parenti eadem eſſe potuit, non incognita fuiſſe gauſapa
illa docent in Amoribus.

Gauſapa ſi ſumpſit, gauſapa ſumpta proba.

Ex quo Scaliger in Titium cap. xxi. i. colligit lacernas tam
viriles quam muliebres gauſapinas fieri ſolitas. Sed lacer-
nam fuiſſe tantum veſtimentum virile alias oſtendimus.
Ergo hæc gauſapa vel fuere penulæ gauſapinæ, quæ vtriq;
ſexui communes, vel tunicæ, non lacernæ, quæ nunquam
alteri ſexui permiſſæ. Ceterum etiam Varronem feciſſe
gauſapinarû mentionem teſtantur Charifiſius, & Priſcianus,
vt obſeruatum eſt doctiſſimo Voſſio lib. i. de Analogia
cap. xxxv. Meminere etiam Lucilius, Horatius, & Perſius,
vt de Martiali fileam.

Gauſapa igitur ſiue Gauſape, & Gauſapum, nam hæc
tria Grammatici agnoſcunt, fuit veſtimentum ex pingui, ac
denſa lana compactum, tunica, lacerna, penula, ex vna
tantum parte villoſum: nam quod vtrinque villos habebat
ex eo *Amphimallum* Græcè dictum eſt, eamque Græcam
vocem fatetur Varro lib. iv. de L. L. Vt falli neceſſe ſit qui
Gauſape, amphimallum verterunt, quos Plinius redarguit,
qui *Gauſapina* ante ætatem ſuam in uſu fuiſſe docet, *Am-
phimalla* memoria ſua inducta.

Gausape quadratum . Martialis explicatū.

Cap. VII.

N Ec lanea modo vestimenta , sed etiam linea , quæ villos haberent *Gausapa* dicta, eaque tegendis mentis adhibita , quæ & mantilia . Martialis lib. XIV. *Gausapa villosa, vel mantile.*

Nobilius villosa tegant tibi lintea citrum,

Orbibus in nostris circulus esse potest.

Scilicet solæ citreæ mensæ, & pretiosiores mantili tegebantur, ne fœdarentur, aut maculas traherent: at viliores orbis, siue mensæ, nam omnes tunc rotundæ, sine integumento erant, & ideo in ijs circuli non semel spectabantur, hoc est maculæ rotundæ, non quidem lagenis impressæ, vt censet Scaliger, nam in abaco vasa vinaria prostabant, sed ij circuli lancium, ac patinarum positu ferme fiebant, vt Turnebus docuit.

Quod autem omnes mensæ tum rotundæ erant, ita & mantile siue *Gausape* pariter rotundum fuit. Ad cuius distinctionem, *Gausape* quod lectis pro stragulo injiciebatur *Gausape quadratum* dicitur eidem Poetæ Epigrammate CLII. *Gausape quadratum.*

Lodices mittet docti tibi terra Catulli:

Nos Helicaonia de regione sumus.

Lodices hoc est stragula leuiora mittet tibi Verona, densa ac villosa *Gausapa* Patauium suppeditabit. Talis enim lana Patauina. Idem de tunicis Patauinis.

Vellera cum sumant Patauina multa trilices,

Et pingues tunicas ferra secare potes.

Strabo lib v. *Lanam mollem, & omnium longe optimam producunt loca circa Mutinam, & Scutanam flumen. Asperam Lygures & Symbri, ex qua plerique Itali familia vestimenta conficiunt.* Τὴν δὲ μέσλιν οἱ περὶ Παταύουρον, ἐξ ἧς οἱ τὰ πᾶσι τοῖς πολυτελεῖς, καὶ γαυσάπαι, καὶ τὸ τοιοῦτον εἶδος πᾶν, ἀμφομαλλόν τε, καὶ ἑτερόμαλλον. *Lanam mediam inter asperam, & mollem Patauina regio, ex qua fiunt pretiosi tapetes, gausapa, aliaque id genus,*

nis, vel ex vna tantum parte, vel vtrunque villosa. Gausapa scilicet quadrata sternendis lectis. At apud diuites erant stragula Gausapina purpurea. Martialis Ep. cXLVII. Cubicularia Gausapina.

Stragula purpureis lucent villosa tapetis.

Quid prodest sive congelat uxor anus?

Vocat cubicularia, vt distinguat a tricliniaribus, quæ ferme leuiora, licet & ipsa purpurea.

Quadratum ergo Gausape vt distingueretur a rotundo, quo mensæ sternebantur; Immo & Gausape easdem mensas tergebant, quod villosum erat, & quidem luxuriæ causa purpureum. Lucilius apud Priscianum lib. VII.

Purpureo terfit tunc lautas Gausape mensas.

Quod expressit Horatius lib. II. Sat. VI II.

His ubi sublati puer alte cinctus acernam

Gausape purpureo mensam praterfit.

Gausape Acron mappam villosam interpretatur. Apparet tamen mensam illam non fuisse Gausape instratam. Quid enim opus fuisset detergere?

Ceterum mantilia, siue mappas villosas in usu fuisse apud veteres docet Seruius ad illud

Tonsisque ferunt mantilia villis.

Et ideo tonsis interpretatur vel minutis, vel compositis, vt tonsa coma pressa corona. Constat enim inquit maiores mappas habuisse villosas.

Gausape Balanatum. Gausapatus. Persius, Seneca,

Petronius explicati. Cap. VIII.

VT ad Gausape, siue vestem Gausapinam reuertamur, quam densam fuisse diximus, & ex vna parte villosam, frigorisque causa sumptam, eam peregrinam fuisse, immo & barbaricam certum est, nec nisi sub Augusto Romæ cognitam. Glossæ Veteres. *Gausapa Βαυλαπινος παλαιο.* *Ευδρομις.* *Gausarus. Ευδρομης.* Lege. *Gausapus, vel Gausapinus. Ευδρομις.* Messala de statuis Antonij. *Armenij Regis Gausapa.* Persius Sat. VI.

Iam chlamydes Regum, iam lutea gausapa captis.

Parthorum Regis statuam gausapatam, & pellitam spectare hic licet olim a Cauallcrio editam.

Tabula XV.

Tab. XV



Idem, quod villosum vestimentum id esset, audaci translatione barbam densam, & hircinam, *balanatum gausape* appellat Sat. iv.

Tu cum maxillis balanatum gausape pectas :

Neque enim Casauboni interpretatio placere potest, qui balanatū gausape intelligit comam & cæsariem prolixam, maxillas autem interpretatur *κτενα ὀδοντωρὸν dentatam pectinem*. Sugillat hic Persius, quos & Iuuenalis perstringit, tristes nempe, obscænos, fictosque Curios, qui ad captandam seueritatis famam propexam barbam alebant, sed plantaria, & infernas partes vellere non erubescabant. Intonsa erant barba, brachia, ac crura fruticante pilo siluescebant, in reliquis locis foedam silicem runcabant. Duplici igitur nomine insectatur hunc poeta, quod barbam pasceret, reliquum corpus læuigaret, quodque hirtam illam ac veluti muscarium balano, siue vnguento perfunderet. Nec de coma capiendum Persium maxillæ vox declarat: quam si quis cum Casaubono pro pectine accipiat, Persius diceret comam pectere pectine. Interpretes Vetus. *Tu cum maxillis balanatum. Balanum genus vnguenti, unde Horatius. Pressa tuis balanus capillis. Et hoc dicit cum barbam nutrias, & vnguento madidam pectas, quare inguina tua psilothro denudas? Item Gausape dixit propexam barbam. Id est, cum pexa barba delectoris, quam in maxillis tuis velut gausape habeas vnguentatam, & defricatam balano, cur pubem vulsam babes? Sed hæc prætereuntes.*

Gausapæ etiam meminit Seneca epist. lxxx. *Memor artificij mei veteris mitto me in mare quomodo Psichrolutam decet, gausapatus*. Lipsius notat, qui in Gymnasijs exercebantur, itemque balneis, eos ferè lodicula, aut gausapina leuiter obuolutos fuisse, & circa verendas maxime partes, vt Petronianus Trimalcio coccinea gausapa inuolutus. Gausapam autem ad manum fuisse, quia & nautis earum usus. Sed gausapa in gymnasijs, & balneis, nec lodiculæ fuere, nec leuiter tegebant, neque verendas modo partes, sed arcendo frigori totum corpus villosę, ac crassę inuo-

luebant, neque Seneca in mare descensurus gausapam sumpsit a nautis. Quare enim sumeret? Nauigabat Seneca, & quidem ob frigus gausapa inuolutus. Exorta tempestate, cum maris cecos voluentis fluctus iactationem ferre non posset, gubernatorem coegit, ut se in aliquo littore exponeret, neque expectauit ut naus ripæ appelleret, sed moræ impatiens se in aquam demisit, tanta festinatione, ut ne vestimenta quidem deponeret, sed ut erat gausapatus in mare desiliit. Cuius ut viciniam, inquit attigimus non expecto ut quidquam ex præceptis Virgilij fiat: obuertant pelago proras, aut anchora de prora iaciatur, sed memor artificij mei veteris mitto me in mare, quomodo Psichrolutam deest, gausapatus. Psichrolutam autem, qui in balneis frigida magis Laconū more delectaretur, quam calida, rectè docti interpretantur. Talis enim Seneca erat. Epistola LXXXI I I. Ille tantus Psichrolutes qui Kal. Ianuarij in Euripum saltabam. Quod igitur frigida delectaretur descendit in mare, cum expectare littus potuisset, & quidem gausapatus, quod brevis aqua esset nec gausapam madefacere posset. nam in balneis nudi erant, præcipue cum in piscinam descenderent, in qua natabant. At hic crura modo, pedesque vadis merferat. Sequitur enim. Dum per aspera erepo. Erat namque littus importuosum, & asperis cautibus inæquale, ut non tam ire, quam repere cogeretur. Quare licet libri manu exarati habeant *eripior*, quod ad seruos, & nautas, qui herum exportarent, referri posse censet Lipsius, nihil mutandum. Nam per aspera repere, est difficulter per scrupos, & glareas pedes ferre. Itaque nihil gausapa ad Psichrolutam, nec balnei, aut exercitationis causa a Seneca sumpta, sed frigoris.

Ita apud Petronium Trimalcio *coccina gausapina inuolutus* traditur. quod de lacerna, aut gausapa simpliciter intelligendum. Alibi apud eundem. *Vltimo cinadus superuenit, myrtea subornatus gausapina cinguloquo succinctus*. Vbi gausapina tunica est. non enim lacerna, aut pallium, quæque vestes exteriores brachia premebant cingi poterant.

Meminit & gauſapæ Martialis lib. xiv. Epigr. xxix.

Gauſapa.

In Pompeiano tectus ſpectabo Theatro.

Nam ventus populo vela negare ſolet.

Lipſius de Amphitheatro, titulum inuertit & *Cauſa* legit, *pileumque Theſſalicum* interpretatur. Sed omnes editiones Gauſapa conſtanter retinent. Itaque malim lacernam gauſapinam interpretari, cum cucullo aduerſus ſolem, & pluuiam, quibus arcendis vela extendebantur. Ait enim in Pompeiano Theatro ſeſſurum ſe cum lacernæ gauſapina, cuius cucullus veli vicem præſtet aduerſus cœli, ſoliſque iniurias.

De Lana, & reliquis veſtimentis villoſis. Amictus duplex. Cap. ix.

Non modo igitur lodices, ſtragula, & mappæ, ſed omnia veſtimenta quæ villos haberent Gauſapa, ſive gauſapæ, & gauſapina dicta ſunt, lænæ, chlænæ, tunicæ, lacernæ, penulæ. De quibus ſingillatim dicendum eſt.

Et Lænā quidem non fuiſſe togā alias docuimus, ſed indumentum apertum, denſum, ac villoſum: quod tunicæ, aut etiam togæ ſuperindueretur, & quidem olim peculiari ritu a Flaminiſ in ſacrificijs adhibitam, Ciceronis ac Seruii teſtimonio comprobauimus, mox promiſcuo uſu, & cum toga, & ſine eadem geſtatam. Varro lib. iv. de L. L. Lænā dictā exiſtimat quod de lana multa eſſet, ſed credibilius eſt, quod & Feſtus exiſtimat, Græcam vocem eſſe, a chlæna Græcorum dictā auctoritate Plutarchi in Numa. Verè quidem multa lana, eaque denſa conficiebatur. Nam idem Varro ait fuiſſe adinſtar duarum togarum. ex quo Seruius duplicem togā dixit, Feſtus duplicem amictum; Quod intelligendum de craſſa, ac denſa materia, quæ æquæ grauis eſſet, ac duæ togæ, aut duæ aliæ veſtes.

Nam quod aliqui duplicem amictum interpretati ſunt, qui totum hominem vtrinq̃ue operiret, cum ſimplex vnā tantum corporis partem: id repugnat primo vocis amictus

nota.

notationi, quem recte Varro dictum putat quasi Amictum, siue amphiectum, idest circumiectum. Deinde si adinstar duarum togarū erat, toga etiam simplex totū corpus inuoluebat, vt & ipsa hac notatione amictus duplex dici possit. Seruius ad illud: *duplicem ex humeris reiecit amictum* interpretatur *Abollam*, qua duplex inquit vt *chlamys*. Atque chlamydes fere omnes non totum corpus inuoluebant. Adicit Seruius illud Horatij.

Quem duplici panno sapientia velat.

Sed de pallij duplicatione infra commodius dicemus. Quare verisimilius est, *Lanam*, duplicem amictum dictam quasi duplicem pannum, siue quod densa, crassaque esset ac villosa, siue fortasse quod ad arcendum frigus duplici panno conferta, quales hibernæ vestes altero panno subsutæ, aut pellibus suffultæ. Cumque lacerna gaufapina pariter densa esset, & villosa, & togæ frigoris causa superinjiceretur, facile apparet lacernam gaufapinam, & lænam, aut idem vestimentum fuisse, aut non multum dissimile.

Porro præcipuus lænæ vsus in conuiuiis fuit, quod scilicet a balneis redeuntēs lænam gestarent, ne corpus calore solutum frigoris inclementia læderet, atque ideo eadem ferme veste discumberent, atque eadem ab amicorum cœnadam redirent. Iuuenalis. Sat. vi.

. . . . plurima sunt, quæ

Non audent homines pertusa dicere lana.

Loquitur de paupere superbi diuitis conuiuiο iniuriosum cibum edente. Ita tamen vt vestis balnearis æstate lacerna esset, hieme læna. Lampridius in Seuero. *Thermis & suis, & veterum frequenter cum populo vsus est, & æstate maxime balnari veste ad Palatium reuertens*. Quæ autem ista vestis balnearis? Subjicit idem. *Hoc solum Imperatorium habens, quod lacernam coccineam accipiebat*. Martialis lænam cum cænatorijs coniunxit. Nam lib. xiv. cum notasset cœnatoria non nili conuiuijs adhibita, hæc subjicit. *Lana*.

Tempore brumali non multum leuia profunt.

Calfaciunt villi pallia veſtra mei.

Vt clarum ſit, lænam in conuiuio hieme adhibitam, æſtate ſyntheſes, quæ ex lino, ac leuiore materia erant. Vt quod alijs viſum eſt legere placeat.

Tempore brumali non multum linea proſunt.

Idem Martialis de fure conuiuiorum ſubſeſſore.

Et teſtus Lenis ſæpe duabus abeſt.

Perſius Sat. 1.

Ecce inter pocula quarunt

Romulida ſaturi, quid dia poemata narrant:

Heic aliquis cui circum humeros hyacinthina lana eſt.

Iuuenalis Sat. 111. de diuite a cœna redeunte.

. . . . canet hunc, quem coccina lana

Vitari iubet, & comitum longiſſimus ordo.

De Chlæna. χλαῖναι ἀπλοῖδες, καὶ διπλᾶ. Εὐτυπᾶς.

Homerus atque Heſychius explicatus.

χλανίς, χλανίδιον. Cap. X.

Plutarchus in Numa ex Iuba notauit *Lænam* Latinorum eſſe Græcorum *Chlænā*. Idque veſtimenti genus antiquiſſimum, & Heroicum fuiſſe conſtat. Item fuiſſe veſtem duplicem, quæ tunicæ ſuperindueretur, præſertim hieme ad propulſandum frigus. Heſychius. χλαῖνα χλαμὺς, ἢ ἡμαῖτον χειμερινὸν ἀπὸ τῆς χλαίνης, ὃ ἐς τὴν δερμαίνην. Euſtathius ait eſſe μανδουεῖδες, καὶ χιτῶνος παχύτρον περίελημα. Quod autem tunicæ injiceretur ex Homero clarum eſt, vbi Heroes primo Chlænas, mox & tunicas exuunt. Idem διπλῶ duplicem appellat, & arcendo frigori, ventoque adhibitam docet. Præter duplices ſive ἀμφιμίτες, etiam chlænæ ſimplices fuere, quas idem vates ἀπλοῖδας ſive μονομίτες appellat. Iliad. ω.

Ἐνθεν δώδεκα μὲν περιμαλλέας ἔξελε πέπλους

Δώδεκα δ' ἀπλοῖδας χλαίνας,

Ex quo Pollux lib. vii. cap. xiii. Εἰσὶ δὲ χλαῖναι αἱ μὲν ἀπλοῖδες, αἱ δὲ διπλᾶ, Laudatque Homerum. Quæ loca li-

cet omnibus obuia eo retuli, vt intelligeremus quid duplex vestimentum esset, duplex lana, duplexue amictus, crassius scilicet indumentum, ac duplici filo contextum siue ἀμφομίτων: non quod totum hominem vtrunque velaret, nam & chlæna simplex totum corpus operiebat: & simplices quidem sine villis, duplices villosæ fuisse videntur. nam Homerus Odysseæ. χλαίνας ἔλας appellat. *Chlanas villosas.* Ἀμφὶ δ' ἄρα χλαίνας ἔλας βάλλον ἠδὲ χιτῶνας. Alibi etiam non semel chlænas villosas appellat, quæ lectis injiciebantur.

Apud eundem eodem libro Priamus lugens Hectora inducitur Ἐντυπὰς ἐν χλαίνῃ κεκαλλυμμένος. Vbi multa Græci Interpretes. Mihi placet Hesychij explicatio. Ἐντυπωμένος τῷ ἱματίῳ. Nam qui pallio se strictim inuoluit, illud ita corpori applicat, & adstringit, vt ipsius corporis typus, siue figura exprimatur, magisque appareat, quam cum laxè fluit, caditque. Subjicit doctissimus Grammaticus: Ἐκεκαλλυμμένος τὸ πρόσωπον τῷ ἱματίῳ τῷ χεῖρα ἔχων πρὸ τῆς προσώπου. Quod in luctu faciem iniecta chlæna obuolarent. quod dum fieret, pallium, siue chlæna corpori adstringebatur, manusque ori opponebatur. Inepte Latinus interpres togam Priamo dat, eumque toga inuolutim lectum inducit. Nec minore ineptia Circem, veluti aliquod Romanum scortum, togatam inducit Odys. K. quasi ἀργύρεον φᾶρος μέγα toga sit, non pallium, siue stola candida tenuis, & decora. Nec absimile schema Telemachi in conuiuio Menelai parentem lugentis Odys.

Χλαῖναν πορφύρελῳ ἄντ' ὀφθαλμοῖν ἀναχών
 Ἀμφοτέρησσι χερσίν.

Nisi hoc ideo factum a Telemacho putemus, vt conuiuas lugens lateret.

Nec chlænas modo induendi, atque amiciendi, sed & insternendi, & incubandi causa sumptas, ex eodem vate apparet eodem libro vltimo Iliados, vbi Achilles iubet Priamo lectum sterni, stragulaque purpurea injici.

Χλαίνας τ' ἐνδύμεναι οὐλὰς κατ' ὑπερθεῖν ἑσταδάαι

Et Odyss. tertio . Nestor vetat a se discedere Telemachum, qui in nauibus pernoctare volebat . Sibi enim esse molliter dormiendi copiam, & hosp. itibus . non enim esse pauperem se . ὦ ἔτε χλαῖναι δὲ καὶ ῥήγεια πολλὰ ἐνὶ οἴκῳ . Cui neque chlæna neque operimenta multa in domo . Theocritus etiam chlænæ, quæ lecto internebatur, meminit. Idyllio xvi i i .

Ζάνος τοι θυγάτηρ ὑπὸ ταῖς μίαν ὤχετο χλαῖναν . Nam filia Ionis tecum unum subit stragulum . Ita & Romæ cubicularia gauſapina in eundem vsum fuere. Martialis. Cubicularia Gauſapina .

Stragula purpureis lucent villosa tapetis

Quid prodest, site congelat vxor anax?

Atqui chlæna tenuior , ac mollior χλανὶς dicta, & χλανίδιον . Quod Grammatici veteres ἱμάτιον λεπτόν interpretantur, nostri *Lenulam* . Quale vestimenti genus Ciceroni gestatum exprobrat Calenus apud Dionem lib. xlv i . τίς μὲν γὰρ οὐχ' ὅρα σου τὰ λεπτὰ ταῦτα χλανίδια ; si tamen aliquid Græculo illi credendum est . Sane vt par summorum Oratorum fatum videatur etiam Demostheni . κόμψη χλανὶς, καὶ μαλακοὶ χιτωνίσκοι vitio dati teste Gellio lib. i . cap. v . Menander apud Athenæum lib. iv . inducit Etesippum hominem luxu perditum sic cum vxore loquentem .

Καίτοι νέος πότε ἐγενόμην καὶ γὰρ γύναι

Ἀλλὰ οὐκ ἐλέμην πεντάκις τῆς ἡμέρας

Τοτ' ἀλλὰ νῦν οὐδὲ χλανίδ' ἔχον ἀλλὰ νῦν .

Quamuis iuuenis aliquando vxor fuerim . Non tamen quinques laui quotidie illa ætate , sed nunc . Nec tum lenulam habui, sed nunc . Male Interpres . Chlamydem : quam gestare non erat indecorum : at lenula, siue chlænula probro habebatur .

Philostratus de Iſeō , quem ait adolescentiæ tempus voluptatibus impendisse . καὶ λεπτὰ ἤμπιχέτο . hoc est χλανίδια, tenuia vestimenta .

Porro inter χλαῖναν & χλανίδα hoc fuisse discrimen notat Ammonius ex Tryphone, quod chlænæ vestimenta essent crassa, quæ & lectis injicerentur, chlænule molliores . Chlæn-

ne & gestarentur, & insternerentur lectis; chlenule ami-
ctui tantum adhiberentur. At inter chlenam, & chlamy-
dē hoc esse discrimen, quod chlena Heroum gestamen
fuerit, chlamys Macedonicum; illam quadrangulum pal-
lium fuisse, hanc in inferiori parte conclusam.

*De Endromide. Quæsitum de voce Trechedipna apud
Iuvenalem. Eius Interpres emendatus.*

Cap. XI.

C Hlenē Endromidem adiiciemus, quia Veteres Glossę
laudatę *Gausapum endromidem* dicunt, tum quia non
dissimile admodum vestimentum fuisse videtur. Nam pin-
gue, densumque, ac villosum fuit, cuius in palæstra præci-
pius vsus. Dictam endromidem Baysius, & alii existimant,
quod eo genere vestis *ἐν δρόμῳ* in cursu siue stadio, ac palæ-
stra vterentur. Quos iure Mercerus reprehendit ad Tertul-
lianum de Pallio. Non enim quod cursui apta esset, quid
enim currenti magis in commodum? sed quod post cursum,
& quod libet certamen vsui esset, ne frigus madidos sudo-
re artus penetraret. Fuisse autem hirsutam, villosam, &
pinguem. Verba Tertuliani sunt de Cleomacho, qui ex pu-
gile turpiore palæstra intercutitus factus erat. *Utique sicut
vestigia cæstum viria occupavit, ita endromidis solocem ali-
qua multitia synthesi extrusit.* Vbi *synthesi* lineo, mollique
pallio endromida hirsutam, pinguemque, & soloci filo
contextam opponit. Porro *solox pallium* idem Mercerus
ex vet. Gloss. τὸ πᾶχες crassum, & pingue interpretatur. Pri-
mus autem Cl. & Optimus Vir Gaspar Scioppius quid solox
filum esset docuit ad Symmachum epist. 1. & in Verisimili-
bus lib. 1. cap. 1. Verba Symmachi erant. *Quare elabora-
tam solatiij filo accipe cantilenam: feliciter emendavit soloci
filo.* Cuius vocis notationem a Græco fonte de duxit Sal-
masius ad eundem Tertullianum.

Pingue igitur, crassumque, & soloci filo contextum ve-
stimenti genus fuit endromis, idque Athletarum pecu-
liare.

liare. Obuium est Martialis Epigramma XIX. lib. IV.

Hanc tibi Sequanica pinguem tetricis alumnam

Quæ Lacedæmonium barbara nomen habet:

Sordida sed gelido non adspersanda Decembri

Dona peregrinam mittimus endromida.

Sen lentum ceroma teris, tepidumue trigona,

Sine harpasta manu puluerulenta rapis.

Plumæ seu laxi partiris pondera follis,

Sine leuem cursu vincere quaris Atham.

Ne madidos intret penetrabile frigus in artus,

Neue gravis subita te premat Iris aqua:

Ridebis ventos hoc munere tectus & imbres.

Non sic in Tyria sindone tutus eris.

Alibi etiam pauperis munus idem esse ait, sed non vsum pauperis, cum a diuitibus in Gymnasijs adhiberetur. Sumptam autem præcipuè ad pellendum frigus Iuuenalis docet. Sat. III.

. . . igniculum bruma si tempore poscas

Accipit endromiden.

Vet Interpres. *Endromidem lodicem, quæ se cooperiat.* Nam quemadmodum Gausape, chlæna, sic & endromis quæ amiciendo, quæ insternendo adhibebatur.

Idem cum mulieres perstringit, quæ cum viris in palæstra exercebantur, ait

Endromidas Tyrias, & fæmineum ceroma

Quis nescit?

Vbi non recte Tyrias molliores explicari videmus. Nam omnes omnino endromides pingues, crassæque erant, quippe arcendo frigori. Sed diuites, vt saltem colore distinguerentur, eas absurdo luxu purpura suebant, quales purpureas Homericorum Heroum chlænas fuisse scimus, qualem & Petronij coccinam gausapinam, & apud eundem Iuuenalem coccinam lænam.

Ceterum Græcis endromidas non pro vestibus, sed pro calceis accipi docti pridem obseruarunt ex Polluce lib. III. cap. vltimo. *Endromidas appellant cursorum calcamenta.*

Hinc

Hinc Vir doctus illud Iuuenalis

Rusticus ille tuus sumit trechedipna Quirine.

Trechedipna, Galliculas interpretatur parasitorū ad cœnam currentium. Quod Ver. Interp. habeat. *Trechedipna vestimenta parasitica*, ut Galliculas Graias currentium ad cœnam. Sed in veteribus constanter est *Rechedipna*, quam & V. Interp. tueretur neq; tamen satis explicat. Verba eius afferam, ut meliora reddam. *Rechedipna vestimenta parasitica*, ut caligulas Graias currentium ad cœnam. *Niceteria*. Vestes peregrinas victis convenientes; Vel *Rechedipna* est ipse, qui cœnam facit, ut sit ordo. O *Quirine* ille tuus rusticus *rechedipna* sumit, & fert *niceteria collo ceromatico*, & est sensus. En tibi o *Romule* rustici tui in omnem diffundi luxum iam didicerunt, & palastris frui, & *syllaterijs*. Nam & *niceteria* *syllateria* sunt, quæ ob victoriam fiebant, & de collo pendentia gestabantur. Infra. *Niceteria vestes peregrinas victis* (*Pithœus victoribus*) convenientes. Lege. *Vitijs convenientes*, quod tunc Græcanicis vitijs corrupti *Quirites* essent. Illud autem *Syllaterijs* recte idem *Pithœus phylacterys* emendat, nam paulo ante *fracterys*. Licet inepte Interpres, quod *niceteria* collo gestarentur ideo *phylacteria* credidit, siue amuleta victoriæ causa sumpta, quæ collo gestabantur, & hodie gestantur.

Sed quod ad *Trechedipna* attinet, licet Græci *Trechedipnos* appellarint parasitos, vestes tamen aut caligas ita appellatas non memini: neque apud Iuvenalem vlla conuiuij mentio, sed palastræ, & ceromatis. & ideo V. Interpres ait. Ecce in quantum Romani rustici didicerunt luxuriam, & palastris uti & *fracterys*, ut athletæ ad vincendum. Quare Turnebus lib. I. I. cap. XVI. *Trechedipna vestes Gymnasticas interpretatur*, & *Endromidem* intelligit, quod Iuuenalis alibi *endromidem*, & *ceroma* coniuxerit. Inde autem dicta censet, quod Romani adeo Gymnasticis exercitationibus dediti fuerint, ut ad eas tanquā ad cœnam currebant. Quæ notatio ut placere non potest, nec tamen melior succurrit, ita *Trechedipna* malim vestes Gymnasticas, quam calceos paraliticos interpretari. Nam quod Rutgerius in Varijs Lectio-

nibus vestes peculiaribus familiarum coloribus distinctas intelligit, quas *Liureas* appellant, nimis argutatur.

Tunica, ac Lacerna Gausapina. Cap. XII.

HAcc Gausapinorum vestimentorum causa dicta sunt. Sed & tunicae, lacernae, penulae gausapinae fuerunt. De penulis Gausapinis infra dicemus. Plinius lib. viii. cap. xlviii. ait *etate sua tunicam Laticlaui capisse texti in modum gausape*. quod indicat, & alias tunicas aemas, & vulgares gausapinas fuisse. cum enim laticlaui alijs tunicis superindueretur, ex usu vitae magis fuit interiores tunicas, & corpori propiores hirtas fuisse, & villosas, quam exteriores quae ornando magis, quam tuendo corpori sumebantur. Fuere & ventralia gausapina, de quibus intelligendus Plinius eodem loco, cum ait *etate sua in usum venisse ventralia villosa*. De quibus suus erit dicendi locus.

De lacernis gausapinis Martialis l. vi. Ep. lxx.

Et dolet & queritur sibi non contingere frigus

Propter sex centas Baccara gausapinas.

Optat, & obscuras luces, ventosque, niuesque

Odit & hibernos, si tepuerit, dies.

Quid fecere mali nostra tibi, sana, lacerna,

Tollere de scapulis quas levis aura potest?

Quanto simplicius, quanto est humanius illud,

Mense vel Augusto sumere gausapinas?

Quod de penulis viri docti interpretantur non alio sanè argumento, quam quòd penularum gausapinarum alibi meminert Martialis. Non tamen hoc obstat, quin & lacernae gausapinae fuerint: Primo quia etate Martialis nondum penulae in promiscuo usu urbano fuere, sed tantum in itinere sumptae: & gausapinae quidem cum sudum erat, scortae pluvia causa. Præterea iocose queritur Martialis lacernas suas tenues, ac detritas veluti per iniuriam a lacernis gausapinis expelli, dicturus alioqui penulas suas leues a gausapinis Baccarae penulis extrudi. Quod compro-

bat alias lacernas hibernas fuisse, gausapinas nempe villosas, & hirsutas arcendo frigori, quæ togæ & tunicæ injicerentur, alias leniores, & æstiuas quæ soli tunicæ loco togarum inductæ. Baccara igitur ut plures lacernas gausapinas, quarum non nisi hyeme usus, ostentaret, optabat frigus, ventosque, ac niues. At poeta, cui artis malo genio detritæ, leuesque lacernæ erant, crudeliter illum facere dicit, qui male vestitis hiemem imprecetur, humanius, ac simplicius facturum si ipse vel mediæ æstate gausapinas sumat, luxumq; in nullius iniuriam ostendet. Legendum ergo ut habent veteres editiones.

Quid fecere mali nostra tibi, saue, lacernæ?

Ut Baccara nomen viri sit, non fœminæ. Nullum enim mulieribus lacernarum usum fuisse, alias ostendimus.

Lacerna æstiuæ. Tritæ, ac leniores. Iuuenalis, & Martialis explicati. Cap. XIII.

EX his manifestum est Lacernas alia crassas fuisse densasq; filo contextas, hirtas & villosas, quæ & gausapinæ dictæ, quæ ferme albæ erant, & ut loquitur Iuuenalis duri, crassique coloris, & arcendo frigori togis super inducebantur, & tunicis: leniores alias, ac tenuiores æstate gestatas, superbi firmè coloris, & improbi. Tales Crispino lacernas obiecit Iuuenalis Sat. I. idq; inter causas cur satyram scribere cogeretur ponit, quod Crispinus Aegyptiæ plebis pars, Tyrias lacernas gestaret.

Crispinus Tyrias humero reuocante lacernas.

Quem locum veteribus intactum sic nuperi interpretantur, humero reuocante lacernas, quæ mollitiæ, vel pondere defluxere. Sed nec mollitiæ, nec pondere fluere lacernæ poterant, quæ in humero fibula neceiebantur. Addunt. Vel quæ reiectæ sunt in humeros. Plautus.

Suam qui undantem chlamydem quassando facit.

Atqui undantem vestem facit, non qui in humerum reiecit, vel humero reuocat, sed potius qui explicat, & vento

restandam, atque implendam aperit.

Magnus Aegyptij vernæ luxus fuit, qui lacernas Tyrias idest dibaphas gestaret, sed maior, & non ferendus, quod plures in die lacernas mutaret, easque Tyrias. Hoc est, humerum reuocare lacernas, quemadmodum Zoilus apud Martialem toties in hora syntheses mutabat. Sicut autem rogas & tunicas alias pexas fuisse diximus, alias vsu detritas, idem de lacernis dicendum. Martial. lib. i. Ep. xcii.

Cerea si pendet lumbis, & trita lacerna.

Vbi cerea est amisso candore flauescens, & colore ceram referens, vt Turnebus: quod ante Domitius adnotauerat. Idem.

O quantos pariter visus spectata mouebit

Trita Palatina nostra lacerna toga!

Item aliae longiores, breuiores aliae fuere. Idem in superiori Epigrammate. *Cerea si pendet lumbis*. Idest non ultra lumbos cadit, quemadmodum & tunica eiusdem Ma-
muriani.

Dimidiasque nates Gallica palla tegit.

Et lib. ii. Ep. xlii.

Tu spectas hiemem succincti lentus amici.

Idest breues & tritas lacernas induti. Non quod lacernæ succingerentur, sed quod tunica succincta breuior esset soluta, ita & breuiores lacernas indutum succinctum appellat.

De Amphimallis: Amphitapa. Isidorus correctus.

Cap. xlv.

QUod ad lacernas, ac reliqua vestimenta gauſapina at-
tinet his contenti esse poteramus, nisi gauſapina
cum Amphimallis a viris doctis perperam confun-
dideremus. *Amphimalla*, enim ex Polluce lib. vii. ve-
stimenta vtriusque villosa recte explicarunt; nollem tamen
adiecissent talia esse gauſapa villosa apud Martialem, & Gau-
ſapinas pænulas. Nam diuersa a Gauſapis Amphimalla fuisse

se vel vnus Plinius docuerit lib. vi i i. cap. xlv. Cum ait *Gausape patris sui memoria cœpisse, Amphimalla autem etate sua venisse in usum.* Non aliud ergo discrimen, quam quod gausapa ex vna tantum parte villosa essent, Amphimalla, vt & ipsa vox declarat, vtrimque villos haberent.

Eadem prorsus ratione, qua Ammonius inter Tapetes, & Amphitapetes discrimen posuit. *Τάπητες καὶ ἀμφιτάπητες διαφέρουσι. Τάπητες μὲν ὅδ' εἰσιν οἱ ἐκ τῆς ἑτέρας μέρους μαλακὸν ἔχοντες. Ἀμφιτάπητες δὲ οἱ ἐξ ἀμφοτέρων.* Vbi μαλακὸν pro molli villo, siue pilorum mollitie posuit. Vt eadem res plane fuerit Gausapæ & Tapetes, Amphimalla & Amphitapetes, siue Amphitapæ. Illa ex vna parte, hæc vtrimque villos habentia. Hesychius. *Ἀμφιτάπητες χιτῶνες ἑκατέρωθεν ἔχοντες μάλλους.* *Amphitapas vestes* teste Nonio Latini dixere. Lucilius Sat. i. lib. i.

Pfila, atque amphitapa villi ingentibus molles.

Quæ voces apud Isidorum corruptæ leguntur lib. xix. cap. xxvi. *Habet enim Sipla & Amphitaba.* Additque de more ineptam notationem *Sipla quasi simplex.* Sed *Ψιλὴ μαλλῶν δάπτης* est tapes villis nudus, siue glaber. Alium Lucilij verbum adducit Nonius:

Pluma, atque amphitapa & aliud quid Deliciarum.

Item Varro Manio. *Alterum bene acceptum dormire super Amphitapa bene molli.* Vlpianus etiam D. de auro argento Legato. *Amphitapa inter vestimenta virilia recensuit.*

Ergo Amphitapæ siue Amphimalla vtrimque villosa. Pollux lib. vi i. *τὸν ἀμφιμάλλον χιτῶνα δασεῖ, καὶ χιτῶνα μαλλοῖς δασεῖ, καὶ ἀμφίμπον.* Aelianus Variæ historiæ lib. i i i. cap. xl. *Ἐσθῆς δ' ὡς τοῖς Σιληνοῖς ἀμφιμάλλοι χιτῶνες.* Subjicit hoc vestitu referri vitium sationem, & vinearum palmitumq; hirsutam densitatem. Glossæ Isidori. *Amphibulum birrum, villosum.* Lege. *Amphibalum, siue Amphimallum, birrum villosum.* Male qui birrum vtrimque villosum corrigunt. Nam Amphimallos birrus est lacerna vtrimque villosa.

Lacernarum Forma. Cap. XV.

E Thæ de Lacernarum materia ſatis dicta ſint. Earum formam nobis antiqua monumenta repræſentant. Vt lacerna pallium fuerit Græcanico breuius, ac ſtrictius; chlamyde laxius, ac fuſius. Alias nullum inter Græcorum pallium, lacernam, & chlamydem diſcrimen fuiſſet. Nam licet initio, vt ante diximus, lacerna nihil aliud fuit, quam veſtis militaris, hoc eſt ipſa chlamys, credibile tamen eſt poſtquam in vſum vrbanum conceſſit, & decori cauſa quod toge loco ſumeretur, & quia ad propulſandum frigus, latiore longioreque chlamyde fieri cœptam, vt chlamys vix ad genua pertineret, & fere poſteriorē corporis partem velaret, lacerna totum corpus tegeret, & infra genua caderet. Alioqui Martialis Mamurianum non notafſet quod trita lacerna lumbis penderet: id eſt, non vltra lumbos caderet. Fuiſſe autē pallium Græcanico breuius, & ſtrictius præter veteres figuras ex eo apparet, quod cum Romæ multi palliati Græcoritu eſſent, multi etiam in prouincijs lacernati, cum omnes tunicati eſſent, hoc vnum diſcrimen debuit eſſe inter Romanum, & peregrinum veſtitum. Præterea lacernam veſtem fuiſſe ſtrictam, & anguſtam docet Artemidorus lib. I. cap. I. cum ait ſi quis in ſomnis videat chlamydem, quam alij *Μανδύλην*, alij *ἱερὴν*, alij *ἱερὴν* vocant, porrendere anguſtias, & litigantibus damnationem *διὰ τὸ ἱερὰν εἶναι τὸ ἑώρα*, quod corpus circū amplectatur, & ſtringat. Idemque penulam ſimile veſtimenti genus ſignificare.

De Fibulis. An inſigne Tribunitium fuerint. Martialis locus expenſus. Cap. XVI.

Q Voniam autem pallia aperta, & reliqua amictula, quæ tunica inſiciebantur ne humeris deſluerent, fibula neceſſabantur: qualiter chlamydes veteres nummi, ac ſtatue referunt, ita & lacernas fibula iunctas credi poteſt

est, licet in nummis & statuis lacernam adhuc requiramus. nec mirum cum duraturæ in sæcula effigies præstantissimo pacis, aut militiæ cultu formarentur, toga scilicet, chlamyde siue paludamento. Nec amicula modo, sed & tunicas fibulis nexas scimus: quas nempe *χιτὼν* & *χιζορδύας* dixere. Polux lib. viii. *ὁ χιτὼν χιτῶν πρεσόναις κατὰ τὰς ὥρας διήρητο*. In quibus fibulæ loco futuræ erant. Porro in togis nullum fibulæ locum fuisse olim vicimus. Fuisse in lacernis eò credimus, quia chlamydes cum fibula, quodque alioqui nisi fibulatae essent humeris fluxissent, quam quòd apud scriptores fibulæ mentio in lacernis occurrat. Aut certe loco fibulæ futuram fuisse necesse est, ut in Tabula videre licet. Nam quòd illud Ammiani lib. xiv. *sudant sub ponderibus lacernarum, quas in colli exserta singulis ipsis adnectant*, Marcellus Donatus Fibulis ipsis legat, vox ipsis redundet necesse est, deinde quid erit colli exserta. Sed locus ille, licet Cl. Valesius medicinam facere conetur, depositus est, & ne ab Apolline quidem sanandus. Meminit & fibularum Martialis lib. v. Ep. xlii.

Spadone cum sis cuirator fluxo

Theatra loqueris, & gradus, & edicta,

Trabeasque, & Idus, Fibulasque, censusque.

Sermo est de molli, atque cuirato, cui cum quadringenta essent, insignia equestria, has prærogatiua iactabat. Theatra, & gradus, ius sedendi in xiv. Edicta de separandis equitum subsellijs: Trabeas & Idus Iulias, quibus trabeati transuehebantur, ut omnibus notum. Sed quid sint hic fibulæ, non est facile statuere. Domitius vestem Theatralem intelligit. Sed qualis ista? & quis fibulam vestem dixit? Alij fibulam insigne nobilitatis, & Tribunatus fuisse aiunt. Quod nullo vetustatis testimonio confirmatur. Et quarendum primo fuit, quanam ista fibula. non togæ, aut tunicæ, non lacernæ. nam promiscuus in lacernis etiam eorum, qui non essent equites, fibulæ usus. Sed Tribunorum aureas fuisse contendunt, laudantque Alexandrum ab Alexandro quasi eius auctoritas tanti esse debeat, ut

pro veterum testimonio stare possit. Saniores Plinium ad-
 uocant qui lib. xxxiii. cap. iiii. conqueritur auri luxum
 adeo in militia quoque dura illa, atque horrida adoleuisse,
 vt M. Bruti in Philippicis campis Epistolæ repertæ sint fre-
 mentes fibulas Tribunitias ex auro geri. Quæ quidem ex
 opposito sententiam Alexandri oppugnant. Si enim extre-
 ma Rep. fremebat Brutus aureas fibulas gestari: non ergo
 illæ insigne Tribunatus fuere. Cum præterea non con-
 stet ex Martiale Didymum fuisse Tribunum.

Brodæus hic censet fibulas Trabearū fuisse. Sed cum Tra-
 bæ togæ fuerint, nullus in toga fibulæ vsus. Quamquam
 non ita præter rem fuerit aliquem fibulæ locum in Trabea
 dare, ad eam nempe cum in equis transueherentur contra-
 hendam. Cum Dionysius in trabeis saliorum fibulam agno-
 scat lib. ii. τὰ τῆς ἐννης ἐμπροσθημένοι. Et si alias, nec recte,
 togam Salijs a Dionysio dari dixerimus, & trabeas in trans-
 uectione Gabino cinctum non fibula suspensas dixerimus.

Verisimilius est, fibulas aureas militari luxu ætate Bruti
 a Tribunis vsurpatas inualuisse per bella ciuilia, vt postea
 Tribunitium insigne fuerint. Didymum autem Tribunum
 fuisse honorarium, vt & Martialis

Vidit me Roma Tribunum.

Sed adhuc incertum fibula ea aurea in chlamyde fuerit, an
 lacernis, an in baltheo militari.

Quidquid sit, non parum fallieos necesse est, qui tradunt
 Tribunos primum vetusto more aureas fibulas gestasse, de-
 inde pueros, mox ciues, postea milites gregarios, denum
 ijs donatos Equites a Senatoribus clauī qualitate distin-
 ctos. De Tribunis falsum, ex Plinio ostendimus. Quod
 pueri, & ciues, id longe a vero abit. Apuleius notat pue-
 rum ephebica chlamyda indutum sinistrum tegente hume-
 rum. Sed nulla ibi fibula. Quæ si adfuisset, vtrumque hume-
 rum chlamys operuisset. Solus Aurelianus earum vsum
 manipularibus indulsit. Et equestri ordini donatas, nullus
 quod sciā tradidit. Nā Liuius loquitur de equitibus in exer-
 citu: quos equestri ordine nō omnes fuisse nemo ignorat.

Fibu-

*Fibula Vestiaria figura. Quintilianus explicatus.
Pollionis locus expansus. Cap. XVII.*

Varias fibule Vestiarię figuras attulit doctissimus Io. Rhodius in libro de Actis, quem opere pretium fuerit consulere. Maior earum pars ad instar arcus fuit, ut fibula oblonga fuerit & incurua, acus recta, neruum in arcu exprimen. Quare facile fuerit intelligere cur apud Quintilianum lib. vi. cap. i. i. Iunius homo longus, niger, macerque & pandus appellaretur *fibula ferrea*. nam quod pandus esset, siue incuruus figuram fibule, quod macer tenuitatem, quod niger ferri colorem exprimebat.

In Lentulo cui Spinter cognomen tū inditum est, diuersa res fuit. nam quod Spinteri histrioni simillimus esset ita appellatus est. Plinius lib. vi. i. cap. xii. *Eiusdem familie Scipioni cognomen Salutio mimus dedit, sicut Spinter secundarum, tertiarumque Pamphilus collegio Lentuli, & Metelli Consulum*. Nam cum Spinteri secundarum partium in comœdia simillimus esset Scipio Lentulus, Spinter inde dictus est, quemadmodum Metellus, quod similis esset Pamphilo tertiarum partium, Pamphilus dictus est. In quo perquam importune subijcit Plinius fortuitum hoc quoque fuit duorum simul Consulum in scena imagines cerni. Veteres libri habent *Spinter Secundanus, Retiariusque*, quæ res impulit doctissimum Barbarum, ut de gladiatoribus Plinium interpretaretur, neque animaduertit nullum fuisse in scena gladiatoribus locum. Secundarius & Tertarius est, quod nuperi reposerunt secundarum, & tertiarum partium histrio in comœdia: nec erat cur vetus lectio moueretur. Ceterum spintherem fibulam in humeris, aut armillam veteres Grammatici in Plauti Menæchmis interpretantur. Festus: *Armille genus, quod mulieres gestare solebant in brachio sinistro*. Quod autem ex armillæ annulis iungerentur inde Tiberianos spinthrias infando opere tres inuicem colligatos Iosephus Scaliger dictos recte putauit.

tes tegebat, quam infra appellat fibulam.

Ergo ne videaris inuidere

Seruo Galia fibulam remitte.

Salte hoc idem in alia matrona perstringit lib. vii. Ep. lxxxiv. cui ait quoties calidis aquis foueretur præsto fuisse feruum succinctum inguina nigra aluta: subjicit.

Sed meus, ut de me taceam Lecania, seruus

Iudeum nulla sub cute pondus habet.

Cur seruus tuus fibulam habet, cum nec ego, nec seruus meus, nec quicumque in balneo est eam habeat? quam Iudæum pondus appellat, quod circumcisi ad velandam gentis infamiam membrum tegerent, quod præcidebant. Præterea Epig. lxxxi. eiusdem libri.

Menophili penem tam grandis fibula vestit,

Vt sit Comædis omnibus una satis.

Hunc ego credideram, nam sepe lauamur in uno,

Sollicitum voci parcere Flacce sue.

Dum ludit media populo spectante palaestra,

Delapsa est misero fibula: Verpus erat.

Quo loco notant Interpretes duo fibularum genera fuisse: Indumentum quo comprimebantur simul, & tegebantur verenda, tum filum æneum, argenteumque præputio traiectum. Vtrumque falsum. Nam neque filum fuisse Celsus indicat, qui a filo fibulam distinguit, & filo exempto fibulam inditam docet: neque vestimentum fuit, quomodo enim eo comprimi, & coerceri pudenda potuere? Annulus ergo fuit promiscuus ex ære, in pædagogis ad luxum argenteus:isque ne facile solui posset a fabro igne glutinabatur, & ab eodem cum opus esset resfibulabatur, siue soluebatur. Quid ergo theca illa & aluta, fibulaque penem vestiens apud Martialem fuit? Nempe subligaculum, & vagina quædam, cuius usus non ad custodiendam vocem. qui enim fieri poterat, sit tam facile remouebatur, & sponte cadebat? sed honestatis causa adhibebatur, præcipue a Iudæis, ad celandam præcisionem qui tamen non infibulati, nec enim poterant, cum pellicula carerent,

quæ

quæ trajiciebatur, quod Iosepho Scaligero negotium facebat: sed quia firmè, qui infibulati erant, etiam thecam huiusmodi, & alutam gestabant, siue ut laterent, siue ne nimio motu, atque incussu annulus cutem læderet, siue aliam ob causam, propterea improprie eam Martialis fibulam appellauit, quæ fibula non erat, sed potius fibulæ ipsius tutamen, certe nullus in ea fibulæ vsus, qui erat Venerem arcere: atqui huiusmodi theca, siue vagina exaluta, & remoueri facile poterat, & sponte labebatur. Cum præterea Celsus fibulam meliorem dixerit quo leuior: at hæc quæ ad celandum inuenta adeo grauis, ut Iudæum pondus Martialis appellauerit, quo recutitorum inguina trahebantur. Hæc igitur vel subligaculum fuit, vel non multum subligaculo dissimilis, aut campestri. Sed in viam redeamus.

De Fimbrijs. Cap. XIX.

Grammatici veteres Lacernam pallium fimbriatum esse dixerunt; Penulam autem pallium cum fimbrijs longis. Sed vereor ne id suo Marte commenti sint, cum in antiquis monumentis quæ lacernas, ac penulas præferunt nusquam huiusmodi fimbriæ breues aut longæ appareant. Et tamen Isidorus ideo lacernas dictas putat, quasi amputatis capitibus fimbriarum, neque ita laxis ut sunt penularum, ut lacernæ quasi laceræ dictæ sint. Somnia. Nam quæ sunt ista fimbriarum capita? Et quomodo minus laxa quam in penulis? Ut sit, veteres teste Varrone *Fibrum dicebant extremum, unde fibræ iecoris, & viscerum extremitates: ita a fibro fimbrias in sagis extremitates esse dictas* subijcit. Nonius etiam fimbriam extremitatem vestium explicat. *Fimbria sunt omnis extremitas.* Næuius Lycurgo. *Ut videam Vulcani opera hæc flammis fieri flora.* Grotius: *Fimbrijs fieri florida.* Sed lacunam doctissimus Mercerus deprehendit, & defectum, quod Næuij locus ad aliam notam pertinet, nempe *Flora.* cuius exemplum e Næuij Lycurgo petit, exemplum fimbriarum librarij incuria omissum sit. Isidorus:

rus: *Fimbria vocata ora vestimentorum, hoc est fines, ex Graeco vocabulum trahentes. Graeci enim terminum ὅρον vocant. Vbi non vnde fimbriae, sed ora vestimentorum dictae sint indicatur.*

Quod si fimbriae non aliud quam vestium extremitates fuere, ineptum esset aliquod vestimentum fimbriatum appellare, cum omnia extremitates habeant. Sed fimbriarum tanquam ornamentorum scriptores meminerunt. Marcellinus lib. xlv. *Ut longiores fimbriae tunicae perspicua luceant varietate licitorum effigiate in species animalium multiformes.* Suetonius in Caesare: *Et cultu notabilem ferunt. usum enim lato clauo ad manus fimbriato.* Ad quem locum Beroaldus & Sabellicus viri ætatis suæ doctissimi quid essent fimbriae ex Plinio docuerunt, qui *fimbriata vrtica folia esse tradit, & alibi fimbriatam auellanae nucis barbam, multifariam scilicet in ora recisam.* Fimbriae ergo in extrema vestimentorum parte filae fuerunt, flocciq; dependentes quas nos *Frangias* appellamus; item ipsa vestium extremitas, minutim concisa capitibus in acutum desinentibus ad instar pinnarum, quos ideo *merlos* dicimus. Cicero in Pisonem. *Madentes cincinnorum fimbriae.* Capilli enim ferro vibrati & in cincinnos torti in extremitate cum soluuntur fimbrias referunt.

Porro Caesaris Dictatoris latum clauum ad manus fimbriatum dupliciter Casaubonus interpretatur. Tunicam laticlauiam manicas ad manus vsque habentem, easque fimbriatas; vel tunicam simpliciter ἀνάνωλον, id est ea longitudine, ut brachia regeret. Quod quomodo fieri potuerit, non satis scio. Tunica enim ἀνάνωλος Plutarcho dicitur breuissima tunica. cumque communes tunicæ brachia ad manus vsque non regerent, multo minus breuiores & angustæ. Duplex igitur Caesaris luxus notatur, quod manuleatam & chiridotam tunicam laticlauiam gestaret, quodque eæ manicae fimbriatae essent: quale ornamentum minime viros deceret.

Nec vestibus modo, sed & stragulis mappisque fimbriae addebantur. Plinius inter signa letalia recenset *fimbriarum*

curam, & stragula vestis plicaturas. Petronius Trimalcio nem discumbere commodum incipientem describens: *Pallio coccino adrasum incluserat caput; circaque onerosas veste cernices laticlaviam immiserat mappam fimbrijs hinc atque illinc pendentibus.* Tale & linteum, quod atriensem accinctum describit Phædrus in fabulis.

Ex alte cinctis unus atriensibus,

Cui tunica ab humeris linteo Pelusio

Erat destincta cirris pendentibus..

Malo enim cirros, siue fimbrias ad linteum Pelusium referre, quo tunica destincta, quam cum doctissimo viro ad ipsam tunicam. nam linteum illud sindon fuit, siue mappa, qua ministri conuiuiorum accingebantur, quæ adinstar Petronianæ fimbriata. Porro *arratas militares* apud Capitolinum malo cum eodem *fimbriatas* interpretari, quam hirtas, aut villosas.

Ceterum fimbria Græcis est *πέζα*, κράσπεδον, θύσανος, κροσσός. Quamquam *πέζα*, & κράσπεδον omnem vestium extremitatem significet, limbum scilicet, oram, laciniam, institam. Theocritus Idyllio 11. τοῦ ἀπὸ τῆς χλαῖνας τὸ κράσπεδον ὤλεσε δέλφις. θύσανος καὶ κροσσός proprie fimbriam, qualiter Homerus *αἰγίδα θυσακίαν* appellat, & Plutarchus Luculli *κροσσωτὴν ἐπισπίδα chlamydem fimbriatam*. Hanc distinctionem agnoscit Pollux lib. vii. Scribit enim *κράσπεδα* dici τὰς τελευταίας ὀχθὰς τῆ ἱματίου: θυσάνης verò τῆς λεγομένης κροσσός. Hesychius *κροσσός τὰ κάτω τῶν ἱματίων τὰ ραμματώδη*, villos scilicet siue floccos, & fimbrias. Ita Suidæ *κροσσός* est *μαλλός*. Quare Marci cap. vi. καὶ παρεάλαν αὐτὸν ἵνα καὶ τῆ κρασπέδου τῆ ἱματίου αὐτῆς ἄλονται, malim interpretari limbum, & laciniam pallij, quā fimbriam. Ita & Plutarchus in Graccho de Scipione Nasica: Τὸ κράσπεδον τοῦ ἱματίου θέμενος ἐπὶ τῆς κεφαλῆς. *Toga laciniam capiti impiciens.*

An Lacerna cucullum habuerint. Martialis explicatus.

Cap. XX.

Romanos, cum togati essent, nudo capite incessisse ostendimus : penulam cucullum habuisse dicturi sumus : an lacernati recto capite fuerint disquirendum est. Lacernas pileum annexum habuisse indicare videtur Martialis lib. XIV. Ep. cxxxii. *Pileus.*

Si possens totas cuperem misisse lacernas,

Nunc tantum capiti munera mitto tuo.

Domitius & reliqui notant pileum libertatis insigne Saturnalibus gestatum, quibus cum & lacernæ gestarentur, a paupere causam reddi cur lacernas non mitteret simul cum pileo, quod pauperi facilius esset pileum donare, quam lacernas. Sed lacernæ cum pileo Saturnalibus minime gestatæ, cum syntheses, siue cænatoria tantum induerentur, ut ex Martiale notissimum est. Idem Domitius ad Statium & cum eo Brodæus in Miscellaneis aliam afferunt interpretationem, pilea scilicet ex attritis lacernis confici solita teste Statio Silu. lib. IV. cap. IX.

. usque adeo ne defuerunt

Casis pilea suta de lacernis?

Mihi tamen verisimilius videtur hic pileum sumi pro cucullo, qui cum opus esset simul cum lacernis tegendo capiti sumebatur, ut pauper, qui totas lacernas mittere non poterat, solum cucullum miserit. Nam ut demus, pauperiores pilea ex lacernis confecisse, pilea tamen, quæ a libertis, & in Saturnalibus ab ingenuis gestabantur ex lana coacta confecta fuisse credere debemus, aliter ægre pluvia arceri potuisset. Statius autem eo loco vilissima, & pauperum Saturnalia dona per iocum recenset : quælia Martialis inter Apophoreta non adscriberet. Neque pileum ex lacerna confectum proprie quis lacernæ partem diceret.

Quod igitur cuculli cum lacernis sumerentur, pauper qui lacernam mittere non poterat solum cucullum donat.

Idem

Idem Ep. cxxix. Cuculli Liburnici.

Ingerere nescisti nobis, o stulte, lacernas:

Indueras albas, exue callaicas.

Mirum est nullum Interpretum veram sententiam affectum esse. Alij enim togas tinctas rufo colore, cum parum eum retinerent, superindutas lacernas infecisse: quasi togæ communes alio colore, quam albo essent, aut cucullum haberent. Alij pallia cucullata dixerunt, quasi lacernis pallia imponerentur: Alij demum contrario sensu albas lacernas cucullis Liburnicis superindutas, cum cuculli lacernis ipsis injicerentur.

Sed cucullus capitis tegmen fuit, vt & partem humerorum velaret, quales a sacris hominibus hodie gestari videmus. Ii cum lacernis sumebantur, vel pluviæ arcendæ, cum nondum penulæ in usu intra urbem essent, vel latendi causa, ita tamen vt separari a lacernis possent, atque amoueri. Vnde ait Martialis

Si possem, totas cuperem misisse lacernas,

Nunc tantum capiti munera mitto tuo.

Porro cuculli Liburnici dicti sunt, quod Liburnica lana cōficerentur: de qua Plinius lib. viii. Illos igitur non bene cum lacernis albis iunctos tradit Martialis, quod colorem male retinentes eundem lacernis affricarent, vt pro albis callaicæ exuerentur. Callaicas autem ab auri colore rutilas dici quidam existimant, alii callainas, id est cæruleas a gemmæ colore instar sapphiri.

Cucullus igitur capitis, atque humerorum tegmen densum, ac villosum ad frigus atque imbrem arcendum sumebatur, & ipsi lacernæ, cum opus esset, injiciebatur. Iuuenalis Sat. iii. de Curio Dentato.

Fistilibus cenare pudet, quod turpe negabit

Translatus subito ad Marsos mensamque Sabellam

Contentus illic Veneto duroque cucullo.

Vet. Int. duroque aut crasso habitu, aut quales cucullos habent Perusini. Veneto a colore, aut a provincia. Quod autem vile regumen esset, & præcipue ad latendum, propterea noctu

ſumebatur in diſcurſationibus, & ad diſſimulandam perſonam. Idem poeta de Meſſalina petente lupanar.

Sumere nocturnos meretrix Auguſta cucullos,

Sed nigrum ſtauo crinem abſcondente galero.

Vbi alia res fuit cucullus, alia galerus, quamuis vtrumque capitis tegmen. Nam galerus eſt capillamentum adſcititium, quod & galericulum. Rotundum muliebre capitis tegumentum in modum galeæ factum Vetus Scholiaſtes interpretatur, quo utebantur meretrices. Quod vero adjicit, ideo ſtauum ſumptum, quia nigro crine matronæ utebantur, Grammatici deliramentum eſt. Quis enim credat matronas omnes nigro, meretrices ſtauo crine fuiſſe? & tamen huc Seruius tantus vir miſere impegit. Nam ad illud

Nondum illi ſtauum Proſerpina vertice crinem

Abſtulerat.

Numquam matronis ait ſtaua coma dabatur, ſed nigra, mox Iuuenalis verſum adducit. Quasi Eliſæ, quod futura impudica eſſet, ſtaui crines initio proueniſſent. Tum in contrariam labitur ſententiam. *Aut Flauum* inquit *quia in Catone legitur de matronarum crinibus: Flauo cinere vñtabant ut rutile eſſent.* Sed credibile eſt flauum crinem a poeta Eliſæ datum ad augendam eius pulchritudinem, & Meſſalinam, cum nigris capillis eſſet, flauum galerum ſumpſiſſe, ſiue ne dignoſceretur, ſiue vt formoſior amantibus videretur.

Lacerna pro Cucullo. Item birrhus pro eodem. Bardocucullus. Iuuenalis explicatus.

Cap. XXI.

CVcullum ferme latendi cauſa ſumptum diximus. Capitulinus in Vero. *Vagabatur nocte per tabernas, & lupanaria obteſto capite cucullione vulgari viatorio.* Iuuenal. Sat. v. 1.

Ille iubet iuuenem ſumpto properare cucullo.

Ne ſcilicet dignoſceretur in itinere, cum matronæ fucum factum properaret. Quia autem, vt diximus, ſimel cum lac-

cerna sumebatur, ideo lacerna pro cucullo, & capitis tegumento sumitur apud Horatium.

Turpis odoratum caput obscurante lacerna.

Et quia lacerna, & birrhus, vt dicemus, eadem res fuit, inde birrhus pro pileo, siue cucullo. Iuuenalis Sat. VI. 1.

quo te nocturnus adulter

Tempora Santonico velas adoperta cucullo?

Vet. Interpres *Birrum Gallicum* explicat. nam apud Santonas Gallia oppidum, conficiebantur. Fulgentius lib. III. aduersus Monimum. *Itaque cum Arrianus quidam aliquando in Africa cum Catholico de his verbis Ioannis disputaret accepto de capite Catholici pileo, & manu tenens interrogabat. Hic Byrrhus, sic enim appellabat, est ne in me, an apud te? Inde birretum profluxit. Porro idem vetus Iuuenalis Scholias-tes Santonicum cucullum explicat galerum fuscum & horridum Ardeliunculum, quales sunt latrunculatorum, aut ex lucerna turpi intinctum. Quod quid sit, diuinare non possum, nec Rutgerfio assentiri, qui Albelionem legit. Illud certum est bardo cucullum hic a Iuuenale notari. Martialis.*

Gallia Santonico vestit te bardocucullo

Cercopithecorum penula nuper erat.

Quo vilissimum tegumenti genus fuisse apparet, vt per ludibrium eam simiorum penulam fuisse dicat. Quod lib. I. Ep. LIV. confirmat:

Sic interpositus vitio contaminat vncto

Vrbica Lingonicus Tyrianthina bardocucullus.

Vbi placet quod docti reposuerunt, *villo contaminat vncto*. Nam lacernis vrbanis purpureis Gallicum cucullum villosum, & vnctum opponit.

Sed incerta nominis notatio. Turnebus, & alij a Bardeis Illyrii populis deducunt ex Vetere Glossario. Quod si placet, dicendum est, vestem in Illyrico inuentam post apud Gallos texti, atque in vsu haberi coeptam. Nam qui a Bardis Gallorum vatibus, aut a bardis fatuis & stolidis originem trahunt, nae illi parum a bardis absunt. Huc quidam trahunt illud Martialis:

Laſſi Bardiacus quod euocati.

Vt ſit bardiacus, ſiue vt alij habet Bardaicus cucullus, ſiue ſagum militare ex pilis caprarum, quo milites in caſtris utebantur, quod ſentit Domitius. Non tamen grauem bardiaci odorem, quod pili hircini male oleant, ſed ex ſudore, & ſordibus manipularis defatigati.

Eadem vox apud Iuuenalem extat Sat. xvi.

Bardaicus Iudex datur hæc punire volenti,

Calceus, & grandes magna ad ſubſellia ſura.

Veteres interpretes, quos ſequitur Vir Doctiſſimus ad Hiftoriam Auguſtam, calceum bardaicum intelligunt Sed verior Britanici interpretatio de ſago, ſiue cucullo bardaico, idq; ex ſententia poetæ. Datur Iudex Bardaicus grandisq; calceus, id eſt caliga, vel cāpagus, & grandes ſuræ, per quæ omnia deſcribitur Tribunus, vel Centurio. Vet. Interpres. *Bardaicus Iudex Centurio, qui quaſi apud illos militauit habentibus ſtationem apud Bardos. eſt autem gens Gallia, vel qualis fuit Bardus.* Corruptè. Rutgerſius legit *qui Oaſi inter illos militauit*, ſed reliqua repugnant: nam Oaſis in Aegypto. Turnebus militarem Gallicum interpretatur; ſiue a Bardis Galliæ, ſiue a Bardis Illyrii. Simplicior ſententia eſt *Bardaicus Iudex*, id eſt bardo cucullo veſtitus, ſiue ille ex craſſiore lana, ſiue ex caprarum pilis, & cilicio conſectus. Qualem propterea Centurionem fortasſe hirtutum capellam audacter appellat idem poeta alibi, non tam quod capillis, ac barba promiſſa, ſed quod ſago hirtuto atque villoſo indueretur. Gemina Claudiani; ſententia Lib. i. in Ruſinum

Mærent captina pellito Iudice leges.

Bardiaci cuculli meminit & Capitolinus in Pertinace. *Auctio rerum Commodi in his inſignior fuit. Veſtis ſubtegmine ſerico aureis ſilis inſignior per tunicas, penulaſque, lacernas, & chiridotas Dalmatarum, & curvatas militares, purpureaſque chlamydes Græcæ, atque caſtrenſes: & cuculli Bardiaci, & toga, armaque gladiatoria gemmis auroque compoſita.* Caſaubonus corrigat *Veſtes ſ. ſ. a. ſ. inſigni opere tunicas &c.* quo loco

loco intelligendum putat Salmasius *vendidit*. Sed cuculli Bardaici & toga armaque in recto casu sunt, nec ad *vendidit* referri possunt. Ego nihil mutandum censerem. Vestis insignior fuit subtegmīne serico aureis filis per tunicas penulasque &c. quod omnes hę vestes recensitę aurea trama & serico stamine (hoc enim subtegmen hic significare Salmasio assentior) contextę essent. Tum sic interpunge. *Chlamydes Græcicas, atque Castrenses. Cuculli Bardaici.* & reliqua. Quid enim insigne in his vestibus fuisset, nisi quod contra morem Romanum auro, & serico confectę erant? Ita Caligulam tradit Tranquillus solitum pīctas gemmatasque penulas gestare. Quod autem hę vestes partim in quarto casu legantur, partim in recto non aliam causam asserre scio, quā culpam eius, qui incuriose has vitas consarcinavit. Non recte autem idem Causabonus insententiam Fabri concedit existimantis mendum esse in voce *toga*, & reponentis *sagum*, quod nullus in gladiatorio vestitu togę locus. Falso. Nam gladiatores togati per pompam incedebant, cum in arenam inducebantur.

*Cucullus Monachorum. Eius figura. Cadurcum.
Iuuenalis explicatus. Cap. XXII.*

Non bardocucullus modo, sed quicumque cucullus vilissimum tegmen fuit. Martialis:

Pullo Manius alget in cucullo:

Cocco mulio fulget Incitatus.

Quam causam fuisse puto, vt Faber seruilem vestem crediderit, quem satis antea refutauimus. Vere etiam serui cucullati. Sed & liberi, vt ex allatis poetarum locis & alijs pluribus liquet. Martialis de Manneio, qui non modo ingenuus, sed etiam pro equite se venditabat. lib. v. Ep. xiv.

Illic cucullo prospicit caput tectus,

Oculoque ludos spectat indecens vno.

De seruis Columella lib. i. cap. vii. *Cultam vestitamque familiam magis utiliter, quam delicate habeat, munitam diligenter*

liger a vento, frigore, pluviaeque, qua cuncta prohibentur pellibus manicatis (idest tunicis scorteis manuleatis) centonibus confectis, vel sagis cucullis, vbi malim cucullatis. Propter eandem causam antiquis Ascetis, ac Monachis cucullus adhibitus arcendo scilicet frigori, coelique iniurijs. Aliam affert D Hieronymus. Sedentes autem cucullis capita sua velent, ne alter alterum aspiciat manducantem. Nunc Monachi Capitium a tegendo capite vocant: sed Capitium, teste Varrone, alia res veteribus fuit. Scotorum doctissimus non ille pida in genus quoddam hominū ludit, quod sexus ignoratione barbare, ac præposterè cucullam appellent, & sic veluti naturam inuertant. Sed vt arbitror istis latinitatis osoribus cuculla est contracte vestis cucullata, siue habens cucillum, qualis Benedictinorum.

Nec eadem apud omnes nunc cuculli forma, alijs acuminata, alijs rotunda. Mirorque tantum otij viris grauibus, & vanitatis contemptum professis superasse, vt longis, atque aculeatis commentationibus disputauerint Diui Francisci cucullus acuminatusne fuerit, an rotundus: quasi in hoc Christianæ Reip. salus niteretur. Sanè veterum cuculli oblongi, & in acumen desinentes. Nam per similitudinem cucullos appellauerunt chartæ inuolucra, quibus thus, piper, & alia odoramenta tegebantur Martial. lib. III. Ep. II.

Cuius vis fieri, libelle, munus?

Festina tibi vindicem parare.

Ne nigram cito raptus in culinam

Cordyllas madida tegas papyro:

Vel thuris, piperisque sis cucullus.

Eorum autem forma etiam hodie oblonga, & in acutum inuoluta.

Porro cucillum Græcæ notationis esse facile Doctissimo Salmasio assentior. Nam Κόκκος est Galea, vel Galerus. Hesychius. Κόκκος περιμεγαλαία λόφος. Vnde Cucus, & per diminutionem cucullus, vnde & cucullio, cuius mentio apud Capitolinum in Vero. Figuram cuculli infra, cum de-

pænulis agemus, dabimus. Vetus Iuuenalis Interpres ad Sat. VII. notat cucullum album cadurcum appellatum.

Institor hibernæ tegetis, niueique cadurci.

Cadurcum quidam cucullum dicunt candidum propter hiemes & niues comparatum, alij tabernaculum, aut tentorium, quibus merces suas protegere consueverunt. Sed hic pro vili merce tam cadurcum, quam tegetes ponitur. Sententia autem poetæ est, de mercede, siue minerali Grammatici præmordere aliquid pueri custodem, quin & dispensatorem eandem delibare. Hortatur porro Grammaticum, ut patiaturs detrahi potius aliquid, quam totum perire: quemadmodum mercium vilissimarum institor patitur aliquid de solito pretio imminui potius, quam nihil vendere. Hoc intellexit idem Vet. Interpres. *Institor hibernæ tegetis. Negotiator, qui pro qualitate temporis mercem suam distrabit. nam cum illa sint æstimenta, vel stragula hiberna, institor mitiori hieme patitur vilius distrabi ac aliquid de pretio perire potius, quam non vendere: ita & præceptor de minerali pretio aliquid decimari, quam ut totum pereat.*

Cadurcum igitur vestis stragula siue lodix ad frigus arcedendum densa scilicet, & villosa. Idem Interpres ad illud.

Magnaque debetur violato pœna cadurco.

Cadurcum membrum, quo fœminæ sunt, explicat, vel membri velamen, vel institoris, qua lecti intenduntur. Affert carmen Sulpitiæ:

Ne me cadurcis destitutam fascijs

Nudam Calexo concubantem proferat.

Sed de lodices, & stragulis, non de institis, loquitur Sulpitia. Ne scilicet, inquit, remotis cadurcis fascijs siue stragulis nudus concubitus appareat. Etiam Isidori Glossæ Cadurdum, siue Cadurcum membrum fœminæ, & cadurda labra pudendi muliebris, siue spondam lecti interpretantur. quod a veteri Interprete Isidorus accepit. Sed non aliud cadurca fuere, quam lodices & stragula, & culcitæ ex lino Cadurcenti, quæ apud Iuuenalē pro lecto sumuntur. Nam cum in Sacris Iudis

per nouem dies fœminæ secubarent, si per eos dies mariti matrimonijus vsurparent a sacerdotibus petenda erat concubitus venia, magnaq; pœna debebatur violato lecto, siue cadurco. Miror autem viros doctos prodidisse horum carminum sententiam a nemine rectè explicatam. Nam Britanicus Interpretum Iuuenalis doctissimus ante multos annos *violatum cadurcum*, non seruata castitatem interpretatus est lecti coniugalis, per nouem dies, quibus sacra Isis peragebantur. Idque ex Propertio:

Tristitia iam redeunt iterum solemnia nobis

Cinthia iam noctes est operata decem.

Cadurcum autem lectum ex lino Cadurcensi. Plinius enim lib. xx. *Nullum est candidius linum, lanæne similis: sic culcitris precipuam gloriam Cadurci obtinent Galliarum.*

De Colore Lacernarum. Martialis non vno in loco explicatus. Cap. XXIII.

LAcernas pulli coloris fuisse credit Manutius in Quæsitis. Nam Suetonius tradit Augustum visa pro concione pullatorum turba indignabundum exclamasse: *En Romanos rerum dominos gentemque togatam!*

Negotiumque Aedilibus dedisse, ne quem postea paterentur in foro, circoque, nisi positis lacernis togatum consistere. & paulo post. *Sanxit ne quis pullatorum in media cauea federet.* Non omnes tamen lacernas fuisse pulli coloris nemo potest dubitare, qui & albas, & Beticas, & coccineas, & Tyrias apud Martialem, & alios legerit. Solæ tenuiorum, ac pauperum lacernæ pullæ fuerunt: has solas vetuit Augustus, cum alterius coloris in promiscuo vsu essent.

Iocum Martialis supra retulimus in Horatium, qui cum solus nigris lacernis spectaret, omni populo cum Cæsare, ac Senatu albato, commodum cœlo nix decidit, atque ita etiam Horatius albis lacernis spectauit. Alibi de lacernis:

Indueras albas, exue Calaicas.

Coccinæ, etiam & Tyriæ siue dibaphæ in promiscuo vsu
sub

sub Imperatoribus fuerunt etiam vilissimorum hominum, & peregrinorum. Iuuenalis Sat. i.

Cum pars Niliacæ plebis, cum verna Canopi.

Crispinus Tyrias humero reuocante lacernas.

Idest dibaphas, & bis tinctas, & ideo pretiosiores. Idem alibi indignatur Græcorum fecem conchyliatam incedere. Sat. i i i.

Horum ego non fugiam conchylia?

Idest lacernas conchyliatas. Vet. Interpres *Vestem fucatam*. Mox subiicit *& togæ erubescendæ fucatos habitus*. Sed fallitur. nulla enim in togis communibus purpura. Quæ sequuntur etiam corrupta sunt. *In capitium purpuram, quasi conchylia signant*. Georgius Valla, qui veterem interpretem Probum vocat, & ex eo pleraque sumplit, vsus fortasse meliori libro sic legit. *Conchylia, capitia purpurea ita flagrantia, vt conchylia ipsa videri possint: vbi capitia sunt lacernæ cum cucullo siue capitio*. Martialis lib. ii. Ep. lvi i.

Hic quem videtis gressibus vagis lentum:

Amerhystinatus media qui secat septa,

Quem non lacernis Publius meus vincit:

Et lib. v. Ep. vi i i.

Dum laudat modo Phasis in Theatro,

Phasis purpureis ruber lacernis.

Et lib. ix. Ep. xxi i i.

Vt luculenta linat Tyrias mihi mula lacernas.

Libro x. appellat *municipes Cadmi*, idest Tyrias, & inter dona natalitia mitti solitas docet lib. xiii. *Murices*

Sanguine de nostro tinctas ingrata lacernas

Induis, & non est hoc satis, esca sumus.

Hinc ingens earum pretium. Idem lib. iv. Ep. lxi.

Dum fabulamur, millibus decem dixti

Emptas lacernas minus esse Pompilla,

Et lib. viii. Ep. x.

Emit lacernas millibus decem Bassus

Tyrias coloris optimi.

Vtrobique ducentis & quinquaginta florenis steteret lacernæ.

Seneca etiam lacernas purpureas intellexit epistola
 LXXI. *Demetrium virorum optimum mecum circumfero, & re-*
lictis conchyliatis cum illo seminudo loquor, illum admiror. Idest
relictis lacernatis. Et epistola LXXVI. Nemo ex istis, quos pur-
puratos vides, felix est, non magis quam ex illis, quibus sceptrum,
& chlamydem in scena fabula assignant.

Nec purpureas modo, sed varijs coloribus infectas lacer-
 nas in vsu fuisse docet Martialis lib. I. Ep. xcvi I.

Amator ille tristium lacernarum
Et Baticatus, ac Leucophaatus,
Qui coccinatos non putat viros esse,
Amethystinasque mulierum vocat vestes
Natiua laudat: habeat & licet semper
Fuscos colores: Galbanos habet mores.

Natiua iste laudabat, idest natiuos lanæ colores, qualis
 lanæ Baticæ cuius color natura subrutilus. Idem lib. XIV.
Lacerna Batica

Non est lana mihi mendax, nec mutor abeno
Si placeant Tyria, me mea tinxit onis.

Natura igitur, non arte & infectura color ille lacerna-
 rum erat. *Leucophaatum* colorem ex λευκῷ albo & φαιῷ sub-
 nigro mixtum recte interpretatur Merula, nugator alioqui
 homo, & impudenti maledicentia Domitij obtrektor.

Tristes igitur lacernas appellat poeta natiui, ac subfusci
 coloris: quales a viris seueris gestabantur, quos puderet in-
 duere colores improbos & feminarum proprios. Cur au-
 tem Galbanos mores dicat non fatis scio, & aliquid latere
 debet. Nam quod Turnebus, & Lipsius putant dictos mol-
 les & effeminatos quia hic color feminarum ex Iuvenale:

Coernlea indutus scutulata, & Galbanarasa.

Cur non potius Tyrios mores & Amethystinos dixit, qui
 colores pretiosiores, & feminis magis conuenientes? cum
 Galbeus color eorundem interpretatione vilis fuerit, her-
 baceus scilicet, & ideo exigui pretij. Multo minus audien-
 di, qui Galbanos mores dicunt instar Galbæ Imperatoris.
 Quis enim Galbam hoc crimine vnquam notauit? cum po-
 tius

tius nimius illi rigor, & seueritas obiecta sit. nam quod in mares pronior fuerit, nihil ad mollitiem, nec id vnus Galbæ vitium.

Lacerna Coccinea. Coccina. Martialis, & Quintilianus explicati. Cap. xxiv.

Lacernæ igitur purpureæ Tyriæ scilicet, Amethystinæ, item coccinæ in vsu fuerunt apud ditiores, ac lautiores. Idem Martialis lib. II. Ep. xxix.

Quaque Tyron toties epotauere lacerna.

Id est, non semel sed sæpius purpura infectæ.

Et toga non tactas vincere iussa niues.

Vbi apparet etiam purpureas togæ albæ superinductas. Et epigram. xlii.

Misit Agenorida Cadmi tibi terra lacernas:

Non vendes nummis coccina nostra tribus.

Ex quibus constat inferioris pretij fuisse lacernas cocco, quam purpura infectas. Nam coccineas & pauperiores gestabant, & quidem vix tribus nummis taxatas, vt iocatur Martialis hic inuidiose. Coccinearū, quæ & simpliciter *Coccina* dicebantur meminit idem lib. xiv. *Lacerna coccinea.*

Si Veneto Prasinoque faues, qui coccina sumis?

Ne fias ista transfuga sorte vide.

Qui enim Circi factionibus fauebant, factionum colores vestimentis præferebant, & Venetorum studiosi cœruleas, Prasinatorum virides gestabant.

Quamuis autem inferioris pretij coccinæ purpureis, nihilominus, & coccinæ, siue *Coccina* in pretio. Iuuenalis.

Cauet hunc quem coccina lena

Vitari iubet, & comitum longissimus ordo.

Et Martialis lib. v.

Cum sibi redire de patruelibus fundis

Ducenta clamet coccinatus Euclides.

Alibi.

Cocco mulio fulget incitatus.

Et lib. i. v. iocatur in Baſſum, quem ait indutum fuiſſe herbarum colores, virides ſcilicet, galbeos, & ſimiles, dum promiſcue in Theatro ſederetur: at poſtquam Domitianus legem Roſciam reuocauerit, vt Equites tantum in Quatordecim ſederent, Baſſum, vt videretur Eques, purpuream, aut coccineam lacernam geſtaſſe.

Non niſi vel cocco madida, vel murice tinſta

Veſte nites, & te ſic dare verba putas.

Quadringentorum nulla ſunt Baſe lacernæ:

Aut meus ante omnes Cordus haberet equum.

Poſſet videlicet Eques eſſe quicumque coccinam, aut purpuream haberet lacernam. Alio loco ait a Zoilo fingi morbum, vt occaſionem haberet oſtentandi coccina ſtragula. Demum alibi

Coccina famoſa donas & Ianthina mæhe.

Cur ergo poeta lacernas ſuas coccinas, ſiue coccina opponit purpureis, & vix tribus nummis vendi poſſe ait? Quidam Ironice locutum putant. Sed nullus hic Ironiæ locus. Lacernæ tunc omnes commodiorum ferè purpureæ erant, aut coccinæ: vt propterea, & coccina dicerentur. Martialis lacernæ, vt poetam decebat, longo uſu obſoletæ erant, ac detritæ. Alibi

Quare ergo habes tam malas lacernas?

Et ideo, licet coccineas vix tribus nummis æſtimari potuiſſe dicit: potuere etiam alterius vilioris coloris eſſe, vt ruſti, & ſubrutili, & improprie coccinas appellare.

Quod autem lacernæ vulgo coccinæ eſſent, teſtatur Quintilianus lib. xii. cap. x. loco inſigni, ſed perobſcuro, quæ totū adſcribam, vt facilius intelligatur. *Falluntur enim, inquit, plurimum, qui vitioſum, & corruptum dicendi genus, quod aut verborum licentia reſultat, aut puerilibus ſententiis laſciunt, aut immodico tumore turgeſcit, aut inanibus locis bacchatur, aut caſuris ſi leuiter excutiantur floſculis nitet, aut præcipitia pro ſublimibus habet, aut ſpecie libertatis inſanit, magis exiſtimant populare, atque plauſibile. Mox ſubiicit: Vbi vero quid exquisitus dictum accedit auribus imperitorum, qualecunque id quod modo*

modo se ipsi posse desperent, habet admirationem. Neque immerito, nam ne illud quidem facile est. Sed evanescent hac atque emoriuntur comparatione meliorum, ut lana tincta fucocitra purpuram, placet: at si contuleris etiam lacernæ, conspectu melioris obruatur, ut Ovidius ait. Si vero iudicium his corruptis acrius adhibeas, ut buccinis purpuram, iam illud quod fefellerat exuat mentitum colorem, & quadam vix ennarrabili fæditate pallescat. Ait magnus Rhetor corruptum, & vitiosum dicendi genus imperitorum auribus esse plausibile. Sed si cum recto, & meliore comparetur, non secus evanescere, quam lanam fucocinctam, si aut cum lacernæ cocco, aut cum Tyria purpura componatur. Fucus enim erat herba marina rubens, qua lana inficiebatur. Plinius lib. xxvi. cap. x. Precipue vero liberat eo malo phycos thalassio, idest fucus marinus lactuca similis, qui conchylijs substernitur. Tria autem genera eius, latum, & alterum longius quadantenus rubens cortium crispis folijs, quo in Creta vestes tinguntur. Servius etiam ad illud:

Spiramenta linuntur, fucoque & floribus oras:

Genus est herba, unde tinguntur vestes.

Quadantenus igitur rubebat fucus, eoque viliorum lana tingebatur. Sed quia ad purpuræ colorem accedebat, siue mentiebatur, inde mentitus ille color pro fraude accipi cæpit. Hinc *facere fucum mulieri* apud Terentium, quod *fraudem, & insidias, sub quibus occultatur veritas*, Donatus interpretatur. *Sine fucoc*, idest simpliciter & aperte, & *merx sine fucoc* apud Horatium. Idem Quintilianus lib. ii. cap. xv. *Mangonum, qui colorem fucoc, & verum robur inani sagina mentiantur*. Inde vnguenta, & medicamina, quibus natium ruborem feminæ mentiuntur, fucus dictus est. Hinc vitia corporis fucoc occultare. *Et fucare formam, & similia.*

Lana igitur inquit Rhetor *fucocincta citra purpuram*, (idest minime comparata ad vestes purpureas,) placet: quod si *contuleris lacernæ*, (idest si cum lacernis, quæ vulgo cocco tingeantur,) *comparetur conspectu melioris obruatur*, nec placere potest; multo minus, si cum *buccini purpura* (ita enim legendum est) componatur: tunc enim mentitus ille color
fæde

fæde palleſcebat . Nam purpura, ſiue murex marinus cocco pretioſior: buccinum autem præſtantiffimum, auctore Plinio, licet eodem teſte ſolum damnaretur, quod fucum remitteret, ideſt, tincturam, & ideo pelagio admiſcebatur . Recta igitur lectio eſt, rectaque ſententia . *Si vero iudicium bis corruptis (fucatis) adhibeas, ut buccini purpuram (cum fucō conferas) iam illud quod feſellerat, exuat mentitum colorem, & quadam vix enarrabili fæditate palleſcat .* Quamquam fucum poſtea pro omni tinctura etiam purpuræ ſcriptoribus uſurpatum ſatis conſtat .

Licet autem in uſu Tyriæ eſſent, ac coccineæ, reprehendi tamen qui eas geſtarent . Martialis loco laudato:

Qui coccinatos non putat viros eſſe

Amethiſtinaſque mulierum vocat veſtes .

Seneca Ep. cxiv. *Quod vides iſtos ſequi, qui aut vellunt barbam, aut interuellunt, qui labra preſſius tondent, & abradunt, qui lacernas coloris improbi ſumunt . Improbum colorem recte Lipſius interpretatur purpureum, vel coccineum : quod inſolens iſtius coloris tempore Senecæ . Immo & Martialis lib. v. Ep. viii .*

Illas purpureas & arrogantes

Iuſſit ſurgere Lectius lacernas .

Recte inquam Lipſius, quem immerito reprehendit Ramireſius: nec recte interpretatur Maſambertius colorem improbum, ideſt iteratum . Nam improbus color qui viris modeſtis, ac probis haud probabatur .

Cam tamen ut diximus in promiſcuo uſu eſſent . Et videntur Tiberij ævo cœpiſſe, quod nō tam lege, quam exemplo eius coercitum . Dio lib. lvi . *Nam cum multi veſtem purpuream (intellige lacernam) geſtarent, quamquam vetitum, nec reprehendit, nec mulctavit quemquam: ſed plunio tempore in ludis paucis modicis interdixit, atq; ſic effecit, ne quis alius veſtem inconceſſam ſumere auderet .* Vbi male Interpres, & Lipſius penulam verterunt . Nam *μαυδὺς* proprie lacerna . & ſic eam Artemidorus appellat, & a penula diſtinguit . Nec ætate Tiberij penulæ in uſu Urbano fuere, & ut fuerint, non in

tantum luxus exceſſerat vt purpureæ penulæ tunc geſtarentur.

Cauſarum patroni in Lacernis purpureis. Veſtis prælo ſplendens. Canuſinus color. Cap. XXV.

A Etate Iuuenalis, hoc eſt ſub Domitiano, ac Nerua, & fortasſe Traiano cauſarum patroni in lacernis purpureis. Sat. VII.

Spondet enim Tyrio ſtalaria purpura filo.

Caſſidicum vendunt Amethiſtina, conuenit illis

Et ſtrepitu, & facie maioris viuere cenſus.

Vbi de lacernis loquitur poeta, non de lato clauo. Alioqui omnes cauſidicos Senatores fuiſſe oportet, & laticlauios. Lacernæ ergo purpureæ clientes alliciebant: nam lacernas in cauſis adhibitas alias docuimus ex eodem poeta:

Iam facundo penente lacernas

Cœditio.

Quamquam non ita compertum mihi ſit, fueritne ille Cœditius patronus, an Iudex: & ſi patronus fuit, quia illum facundum appellat, cur poſuerit lacernas: non quod deſtigatus eſſet expectando, non enim mora æſtum affert: neque dicendo deſaſſatus, nondum enim cauſa cœpta erat. Fortasſe quia dicturi lacernas deponebant, in quo tamen hæſito, cum Auctor, Dialogi de cauſis corruptæ eloquentiæ etiam penulas in agendo adhibitas dicat. Videant ergo eruditi.

Præter purpureas, coccinasque lacernas, quas lautiores & delicatiores geſtabant, varijs paſſim coloribus in vſu fuiſſe indicat illud Martialis ſupra allatum:

Indutus fueras herbarum Baſſe colores,

Et alibi.

Florida per varios vt pingitur Hybla colores

Cum berue Sicania ver populantur apes.

Sic tua ſuppoſitis perlucent præla lacernis.

Quæ nempe prælis ſubiiciebantur, vt ſplenderent. Seneca
de

de Tranquillitate cap. i. *Non ex arcula prolata vestis, non mille ponderibus, aut tormentis splendere cogentibus pressa.* Idem togam prælo pressam perluculentem appellat Epist. cxiv. *Qui lacernas coloris improbi sumunt, qui perluculentem togam:* idest prælo splendentem, non sericam, aut bombycinam, vt interpretatur Lipsius. Nam aliud est hominem pellucere, aliud ipsam vestem. Homo per vestem sericam, ac bombycinam pellucebat, vt Creticus apud Iuuenalem. At vestes prælo pressæ splendebant ipsæ, quamuis densæ, & ex lana. Prælorum meminit Ammianus lib. xiv. ac pressoria vocat. *Solutis pressorijs vestes luce nitentes arbitra diligenter explorant.* Recte Lipsius *solutis.*

Vulgo tamen lacernæ fuscæ, aut pullæ vsurpatæ: vnde pullatus circulus, & pullata plebs. Præcipuè autem ex lana Canusina fiebant, cuius natiuus color turbato mulso similis, vt ait Martialis lib. xiv. Ep. cxxvi. *Canusina fusca.*

Hæc tibi turbato Canusina simillima mulso

Munus erit, gaude: non cito fiet anus.

Nam licet docti ibi Canusinas penulas interpretentur, potest etiã illud de lacernis accipi. Nam hinc Canusini Birri dicti sunt, qui lacernæ fuerunt, non penulæ. Vopiscus in Carino. *Donati sunt ab Atrebatibus Birri petiti: donati Birri Canusini.* Porro fuscus color, non niger est, sed ex fuluo, rufoque mixtus, quem castaneum, & subnigrum appellant, Veneti roanum obscurum, Insuabres tanetum, quasi castanetum. Præter Canusinas fuscas fuere & rufæ tam lacernæ, quam penulæ. Idem paulo infra. *Canusina rufa.*

Roma magis fuscis vestitur, Gallia rufis:

Et placet hic pueris, militibusque color.

Lacernæ Canusinæ fuscæ magis in vsu Romæ erant, in Gallia rufæ; licet hoc colore Romæ etiam pueri & milites gauderent. Fuere quidem penulæ Canusinæ, de quibus infra. Lanam enim canusinā penulis vtilem Plinius commendat lib. viii. cap. xlvii.

*De Birrhis. Atrebatice unde dicti. Alij alijs
pretiosiores. Cap. XXV I.*

Sed quia temporum successu ferme lacernæ rufi coloris vulgo vsurpabantur, inde simpliciter *Birrhi* dictæ sunt. Isidorus lib. xix. cap. xxiv. *Birrus a Græco vocabulum trahit, illi enim birrum birrum dicunt.* lege πυρρόν. Nam πυρρός rufus, rutilus. Plato in Timæo: πυρρόν δὲ ξανθεῖ τε, καὶ φαιῷ κράσει γίγεται. φαιὸν δὲ λευκὸν τε καὶ μέλανος. Seruius ad illud: primoque in limine Pyrrhus. *Pyrrhus inquit a colore come dictus: qui Latine byrrus dicitur.* Quidam πυρρόν fuluum, interpretati sunt, vt ex flauo ac fusci commixtione conficeretur. Sed rectius est H. Stephani sententia rufum interpretari, cum Plinio, qui illud Aristotelis de regibus apum, ὁ μὲν βελτίων πυρρός ὁ δ' ἕτερος μέλας, καὶ ποιμιλωτέρως, vertit *melior rufus quam niger, variusque.* Festus. *Burrannica potio appellatur lacte commixtum sapa a rufo colore, quem burrum vocant. Burrum dicebant antiqui, quod nunc dicimus rufum, unde rustici burram appellant bucculam quæ rostrum habet rufum, Glossæ Isidori. Birrus, rufus.*

Πυρρός igitur siue rufus color lacernis Birri, siue Birrhi nomen dedit, vt pluribus docuit ad illud Vopisci in Carino Cl. Salmasius. *Donati sunt ab Atrebatibus birri petiti: donati birri Canuifini, Horū color, vt paulo ante notauimus, turbato multo similis, flauo scilicet, & subnigro temperatus.*

Fuisse autem in Birrhis lacernas, non penulas, docet Artemidorus. lib. ii. cap. iiii. *Χλαμύς δὲ ἐστὶ ἐννὸς μανδύου, οἱ δὲ ἱερσίδα, οἱ δὲ βήριον καλοῦσι.* Vet. Interpres Perlij *Scis comitem horridulum trita donare lacerna. Scis birrum inquit attritum comiti condonare.* Et Suidas in voce *Ατρεβατικὸς*, qui chlamydes appellat. *ἐν δὲ ταῖς κομαῖς συνόδοις χλαμύδας ἐνεδύοντο ξυραμπελίνας, ἃς ἐκάλεον Ατρεβατικὰς ἀπὸ τοῦ χράματος. τὸ γὰρ μέλαν ἄτρον καλεῖσι.* Inepte Atreaticas ab atro colore dictas putat. nam Atreaticæ a populis Atrebatibus dictæ. *Vopiscus in Carino. Donati sunt ab Atrebatibus birri petiti.*

Appellat autem Chlamydas *Xerampelinas*, quod eo colore essent, qui est foliorum vitis arescentium, rufus scilicet ex flauo, & fusco temperatus. Nam qui atrum colorem, siue pulliginem interpretantur, cum Suida decipiuntur. *Xerampelinarum* meminit Iuuenalis Sat. vi.

Et Xerampelinas veteres donauerit ipsi.

Vet. Interpres. *Vestes ampelini coloris, qui inter coccinum, & muricem medius est*, quod scilicet coccineus color clare rubesceret, muricis pressior esset, ac suboscuro, ut *Xerampelinus* sit rufus ex flauo & fusco temperatus.

Birri igitur lacernæ fuerunt rufi coloris. & quemadmodum lacernæ materia, & colore aliæ alijs pretiosiores, ita & birri. Quare falli eos necesse est qui vestem semper pretiosam dixerunt, meritoque Zonaram, & Balsamonem reprehendit Salmasius, quod ad Canones *ἱερὰς σιμὰς ἐσθῆτας* exposuerunt, sericas vestes. nam licet fuerint lacernæ, & birri serici, non tamen omnes tales fuerunt. Nec est quod Turnebum sententiæ peniteat, qui lib. xvi i. cap. xxvi. ait se olim credidisse *birrum* crassum vestimentum fuisse, sed mutasse sententiam, fortasse quia Birrum apud Zonaram, & Balsamonem repererat. nam lib. xxii. cap. xxx. ait birros, non esse beros, quod in Gallia sericum non texeretur: ita & Pithæus diuersos birros a beris censet, sed eadem res fuerunt, & alij ex lana, alij serici.

Neque verba Concilij Gangrentis Can. xi i. ostendunt birros vestes pretiosas fuisse. *Si quis amictu pallij utitur, & eos qui cum reuerentia birris utuntur despicit, anathema sit.* Birrus enim siue lacerna communis vestis erat: Christiani securiores, ut idem vir doctissimus ad Tertullianum de pallio obseruat, cum triboniū gestarent reprehendebant eos, qui in communi veste erant, id est birro, siue lacerna: hos canon anathemate ferit. Ludouicus Cerda aliam affert rationem, quod birri monachis essent interdicti, sed non propterea erant pretiosi. nam cum habitu secernerentur monachia ceteris hominibus, etiam ijs vestes vulgares interdictæ. Iſidorus in Regula. *Linteo non oportet monachum uti:*

orarium, planetas, birros, non est fas induere. hæc autem communia vestimenta erant, neque tamè pretiosa. Verè & birri fuerunt, quorum materia, & color in pretio. Ita Cassianus lib. I. cap. VI I. birrorum pretia simul, ambitionemque declinant. Nouit hanc differentiam Augustinus sermone Li. de diuersis. Nemo clericorum det birrum, vel tunicam lineam, seu aliquid nisi in commune. Offeratur mibi birrum pretiosum, forte decet Episcopum. Vbi vulgare permissum, sed in commune pretiosum repudiatum.

Alia veterum testimonia de birro attulit Salmasius ad Tertullianum, ex quæis illud notabile in actis S. Cypriani exiit *lacernum birrum*, quod idè est, ac lacerna rufa. Non recte enim Baronius lacernum birrum interpretatur birrum in modum lacernæ factum.

Nec propterea quod vestis Episcoporum fermè dicatur, ideo pretiosior. nam tunc Episcopi in communi vestitu, in quo etiam diu sacra peregerunt. Vulgaris ergo ferme vestis fuit, & ideo seruis etiam concessa. Lex I. codicis Theodosiani de habitu, quo vti oportet intra Urbem. *Seruos sane, quorum tamen dominos sollicitudine militia constat non teneri, aut birris vti permittimus, aut cucullis.* Neque propterea vestis seruilis, vt alias indicauimus. Quæ lex præterea declarat chlamydem & birrum non omnino eandem vestem fuisse. nam chlamys permittitur seruis militaribus, birrus nequaquam. Verè inter chlamydè, & lacernam aliquod discrimen fuisse notauimus. Immo inter birrum & lacernam videtur distinguere Sulpitius Seuerus Dialog. lib. I. cap. XIV. *Hæc charis viduis & familiaribus mandat tributa Virginitibus, illa vt birrum rigentem, hæc vt fluentem texat lacernam.* Vt scilicet omnes birri fuerint lacernæ; non contra, cum & alio colore, quam rufo conficerentur. Fortasse etiam longiores & laxius fluentes lacernæ, quam birri. Vet. Interpres Iuuenalis. *Santonicum cucullum, birrum Gallicum* explicat, & ideo rigentem, & breuiorem. Adderem fortasse birrum fuisse lacernam cum cucullo, nisi lex Theodosiana birros a cucullis distingueret.

An Lacerna vestis seruilis fuerit. Martialis explicatus. Cap. XXVII.

Quidquid sit, nec birrus, nec lacerna vestis solum seruilis fuit, vt contra doctissimorum opinionem alias disputauimus. Quos nihil iuuant Horatij verba
lib. II. Sat. VII.

*Tu cum proiectis insignibus, annulo equestri,
Romanoque habitu prodis ex Iudice Dama
Turpis, odoratum caput obscurante lacerna.
Non es quid simulas?*

Non quia lacerna caput tegebat seruus credebatur, quod Fabrum secutus Pisonianæ nuperus enarrator statuit, verum quod insignia, & dignitatis nempe annulum, & ingenuitatis scilicet togam deposuerat. Caput autem lacerna, siue cucullo viliori, & coloris atrii inuoluerat: quod tegmen, omnibus commune, & ferme a seruis gestabatur. Fuisse autem cucullum, quo abditus mœcharetur, testatur & Acron. *Inuehitur in equitem Romanum, qui deposito habitu n e cognoscatur exit de adulterio obiecto capite.*

Ex quo apparet lacernas cum cucullo sumptas communes seruorum & ingenuorum, nisi quod, vt alias diximus, seruales viliori materia, & colore erant, ac fermè cucullatæ.

Non es quod simulas?

Simulabat seruum deposita ingenuorum veste, & verè fædum voluptatis mancipium erat.

Sed & Martialem in partes vocant, vt ostendant lacernas fuisse vestimentum seruile. lib. XI. Ep. XXVI.

Nec venit ablati clamator verna lacernis:

Accedit gelidam seruus ad auriculam.

Sed haud vidi magis. Conqueritur ibi poeta Urbis proceres, ac Senatores salutationis matutinæ officium morose peragere per totam Urbem discursantes; se autem videri desidiosum, quod nō terat tot limina, nec tantum vagetur per urbem; sed illis pro præmio officij Consularis esse,

Pro-

Proconsulatus, & Præturas, sibi nihil expectandum cum fracto calceo, decidente pluuia nō habeat lacernas quīs imbrem propulset.

*Sed tu purpureis, ut des noua nomina Fastis,
Aut Numidum gentes, Cappadocumque petas.*

*At mihi quem cogis medios abrumpere somnos,
Et matutinum ferre, patique lutum.*

*Quid petitur? rupta cum pes vagus exit aluta,
Et subitus crassæ decedit imber aquæ:*

*Nec venit ablati clamator verna lacernis:
Accedit gelidam seruus ad auriculam.*

*Et rogat ut cœnes secum Latorius inquit,
Viginti nummis non ego malo famem?*

Hæc attuli ut sani homines intelligerent, numquid ex his lacernas vestem seruilem fuisse deprehendi possit. Recte viri docti pridem emendarunt:

Nec venit ablati clamatus verna lacernis.

Ut sit sensus. Cum decedit imber, non præsto est vocatus verna, qui alias afferat lacernas, quibus imbre madidas mutem. Sed Raderus omnes codices *Clamator*, habere ait, tum lepidam interpretationem subjicit, *clamatorem* esse conuiuij vocatorem, quasi opus clamore esset ad vocandos conuiuas, aut vnquam vocatores clamatores dicti sint. Immo subjicit Martialis accessisse seruulum, & clam in auriculam vocationem ad conuiuium insufurasse. Et si igitur omnes libri veteres repugnent, optima emendatio est: *clamatus verna lacernis*. Nam clamatus est vocatus Martiali. lib. I. Ep. LI.

Vocabitur venator & veniet tibi

Conuiua clamatus propè.

Et Ouidio II. Met.

Aspicit hanc, visamque vocat, clamata refugit.

De Caracallis. Quale vestimenti genus fuerint.

Cap. XXVIII.

L Acernis Caracallas subjiçiemus, quia eam vestem ad instar lacernæ factam tradit Xiphilinus ex Dione lib. LXXVIII. *Αλλὰ καὶ τίνα ἰδίαν ἐνδύσιν βαρβαρικῶς πῶς καταπόπτων, καὶ συρράπτων ἐν μανδύῃ Τρόπον προσεξεῦρε. καὶ αὐτοῖς τε συνεχέσασα αὐτῷ ἐνέδυσεν, ὥστε καὶ Καράκαλλος διὰ τῆς ἐπιπληθύναι, καὶ τῆς σπατιώτας μάλιστα ἀμφιέννυσθ' ἐκέλευσεν.* Sed etiam proprium genus indumenti in modum lacernæ (male Interpreter penulæ) excogitavit. Id barbarum, discissumque & consutum erat ex multis partibus, eoque indutus erat semper, ex quo, & Caracallus cognominatus est, iussitque milites eodem genere vestis uti.

Id vestimenti genus Gallicum fuisse recte Salmasius ad Spartianum obseruat ex Victore. Cum Gallia vestem plurimam deuenisset, talaresque caracallas fecisset, coegissetque plebem ad se salutandum indutam talibus introire de nomine huius vestis Caracalla dictus est. Quod igitur Caracallas e Gallia petierit, easque gestaret ipse, & milites, moxque ciues inducere coegerit Caracallus inde dictus est. Sed, ut idem vir doctissimus ex Spartiano obseruat, eas talares fecit, cū antea non essent. Ipse Caracalli nomen, inquit Spartianus, a vestimento, quod populo dederat, demisso usque ad talos, quod antea non fuerat, unde hodieque dicuntur Antoninianæ Caracallæ eiusmodi, in usu maximè Romana plebis frequentatæ.

Talares igitur caracallas Antoninus fecit, cum antea non essent, & sicut ille a veste Caracalla dictus est, ita caracallæ talares ab eo Antoninianæ dictæ sunt.

Sed quomodo id vestimenti genus scissum, & ex multis partibus confectum esset ignoramus, cum & ipsam vestem ignoremus. Casaubonus ad Spartianum existimat plerasque omnes veterū vestes textura solum confici solitas sine opera futoris, siue sarcitoris, & ut loquuntur Euangelistæ ὑφαντὲς δὲ ὄλγε: at istas caracallas more hodiernarum vestium

confectas a pluribus pannis scissis primo, deinde confutis. Sed non credibile mihi videtur veterum vestes totas sola textura confectas, sine vlla sutoris opera, præcipuè togas & tunicas, cyclades, & reliqua vestimenta clausa. Quod id fieri non posse videatur in tela (nam tunica Christi Domini peculiare artificium diximus, quæ ideo in confutilis dicta) cum præterea futuræ in toga, & tunica veteres meminerint. Quod si vestimenta aperta pallia, lacernæ, textricis opera confecta, mox fibulis iungebantur, cū caracallæ lacernæ, siue ad instar lacernarum essent: quod opus fuit varijs pannis scissis, & confutis ad instar nostrarum vestium? Artificium igitur illud barbaricum fuit, sicut & vestis, quæ scissa, & ad instar centonis ex multis pannis confuta. Ceterum caracallas a clericis gestatas, easque palliola fuisse cum cucullo, idem Salmasius obseruat: quem opere pretium fuerit consuluisse. Meminit & Palladius in Lausiaca. cap. cxvii. *ἀντὶ τῆς ἀνδρείας παυδαρίας καρακάλιον λαμβάνεσθαι*. Induta serui caracallion.

Lacernas honoris specie depositas.

Cap. XXIX.

Lacernam fuisse vestimentū virile docet Vlpianus, cum inter ea recenset, quæ solis viris permessa erant, & nos ante confirmauimus. Porro lacernas honoris specie depositas vnus, quod ego sciam, Suetonius indicat, qui in Claudio cap. v. *Cum interim quamquam hoc modo agenti nunquam aut officium humanum, aut reuerentia publica defuit. Equester ordo bis patronum eum perferenda pro se legationis elegit. Quin & Spectaculis aduentanti assurgere, & lacernas deponere solebant.* Ex quo apparet quemadmodum in deprecando, vt alias diximus, togæ deponebantur, ita & honoris causa depositas lacernas. Ita & Tertullianus de Oratione, Christianorum morem, ac superstitionem castigat, qui inter orandum penulas deponebant ethnicorum imitatione. *Quibus merito vanitas exprobranda est, siquidem sine vllius,*

aut

aut Dominici, aut Apostolici praecepti auctoritate fiunt: huiusmodi enim non religioni sed superstitioni deputantur, affectata, & coacta, & curiosi potius quam rationalis officij, certe vel eo coercenda, quod gentibus adequent. Ut est quorundam positis parulis orationem facere. sic enim adeunt ad Idola nationes.

Finis Libri Primi.



65

OCTAVII FERRARII DE RE VESTIARIA PARS SECVNDA.

LIBER SECVNDVS
QVI EST DE PAENVLIS.

Penula notatio quaesita. Cap. 1.



Acernam, & penulam licet non idem vestimentum fuerit, plerumq; tamen a scriptoribus confundi docti adnotarunt: sed diuersum plane indumentum forma, atq; vsu fuisse ostensuri sumus, si prius nominis notationem quaesierimus. Quidam a

Græco originem duxere Φαινόλις, siue Doricè Φαινόλα. Et Casaubonus quidem ad Spartianum sic dictam putat, quod vestis adstricta esset, & quæ partium corporis, quas tegebat, figuram exprimeret, quæque ὅλον τὸ σῶμα φαίνει: quales vestes strictiores, per quas corpori adpressas membra apparerent. Quæ notatio viro doctissimo haud probatur, qui nuper de pænula scripsit. Sed firmatur auctoritate Artemidori, qui inter vestes accenset, quæ ἐλπίδι, καὶ στενοχωρίαν in somnis significant, angustias scilicet, ac pressuras: διὰ τὸ ἐμπεριέχειν τὸ σῶμα. ex hoc enim quod membra pressim constringeret, angustias ac pressuras significabat. Quod si falsa Casauboni notatio est, non ita tamen vera videtur auctoris illius etymologia ex veteribus Grammaticis. Dicta nempe Φαινόλις quod tota conspiciatur ὅτι ὅλη φαίνεται. Nam omnes vestes exteriores, quæque tunicæ superinduebantur, & vt Varro ait foris ac palam vestiebant, pallia, lacernæ, chlamydes, saga hac ratione penulæ dici possent: nam tota apparebant. Quæ ratio etiam Casauboni notationem

eludit, nam & lacernæ, & chlamydes ita corpori adpressæ erant, vt membra exprimerent: & ideo Artemidorus inter illas enumerat, quæ pressuram, & angustias significant. Multo minus audiendis, quibus ὁ φαινόλης χιτῶν translucens, & pellucida tunica. nam nihil minus de vestimenti genere crasso, duroque, quodq; itineris, & pluuiæ causa sumebatur, dici poterat, quam quod transluceret, aut pelluceret.

H. Stephanus existimat Græcam vocem a Latina factam, vt tenuis in adspiratam sit mutata, & a penula φαινόλης, vel φενόλης dicta sit. Quod mihi maxime affine vero videtur. Nam apud Athenæum lib. 111. Vlpianum Cynalcus perstringit, quod vocē nouam & insolentem inuexerit, εἰς τὴν, inquit, ὁ καὶ τὸν καινὸν, καὶ ἐδέπω τὸν ἄχρησον φενόλῳ (εἴρηται γὰρ, ὡς βέλτιστε, καὶ ὁ φαινόλης,) εἰπῶν; Πᾶν λεῖνε, δὲ μοι τὸν ἄχρησον φενόλῳ. Vertit Casaubonus; *Nonne tu is es, qui nouum, & quo vsus pondum erat φαινόλῳ* (reperitur enim vir optime penula dicta ὁ φαινόλης) *διχίστι ἄχρησον*. In quo quidem Dalechampium arguit, qui existimauit notari vocis ὁ φενόλης insolentem vsum pro φαινόλης. Nam in Græco contextu scribitur περ αἰ. Ceterū quod ipse subjicit, cum Vlpianus Latine penulam a puero petjisset, eamque Græce φαινόλῳ dixisset, quasi reformidans ingeniū Vlpiani, excusationem adiecisse, eam vocem extare apud scriptores, non videtur Athenæi mentem affecutus. Cur enim Vlpianus Latine penulam petens ἄχρησον dixisset? Sed cum fere ab omnibus diceretur ἡ φαίνολης, & Cynulcus dixisset τὸν φαίνολῳ subiecit. Εἴρηται γὰρ, καὶ ὁ φαινόλης. Nā virili genere extulerat. Verē quidem notari insolentiæ vocem ἄχρησον a Cynulco idem obseruat, non quod φαινόλῳ dixisset, quæ vox iam in vsu erat, sed obiter ostendit vtroq; genere elatam. Hoc sonant verba illa. Dicitur enim & ὁ φαινόλης nobiliori genere. Vocem autem e Latina factam videri illud ostendit, quod infra *Canusinam* Latina pariter voce appellat. Loqui enim illum de Romana penula declarat, quod statim sequitur. In balneum vero cum te conferres, non ne interroganti quo ires respondisti. Ego quidem ἀπολέμενος ἐπέρομαι;

μαι; eo porro die pulchram illam Canusinam fures surripuerunt, magno risu in balneis oborto, ἀχρίσου ζητουμένου φαινόλε cum noua ἔ' nondum usu detrita penula quaereretur. Nam vestis Canusina est penula: cuius Martialis, & alij meminere. Antiquiorem quidem Vlpiano eam vocem apparet, etiā ex loco D. Pauli Epistola 11. ad Timotheum. Τὸν φαλόνην δὲ ἀπέλιπον. Sed pro φαινόλε φαλόνην habet. Et quid hoc fuerit ambigitur, & si vestis fuit, nihil tamen inde trahi, Græcæne, an Latinae originis fuerit. Nec mirum propterea est vllum Romanæ historiæ Græcum scriptorem quod sciam ea voce usum, quod scilicet nō Græca esset, sed a Latina facta, verum vel μανδυάν, vel ἐφ' ἑσπίδα posuisse. Hinc etiam factum, ut qui ea voce vsi sunt modo φιλόνην, ac φελάνην dixerint, modo φενόλεν, ac φαινόλεν, ut apud Latinos pænula, & penula, variasque interpretationes addiderint. Hesychius. φαινόλης τὸ ὕψωμα. Ρίνθων. ἔχρισσα καὶ νὸν φαινόλεν. Vt eum locum ex Polluce viri docti emendarunt, & Φαλόνης ἐιλητάρει μεμβραῖνον ἢ γλωσσόκομον. A quo Suidas φαλόνης ἐιλητὸν τομάριον, μεμβραῖνον. ἢ γλωσσόκομον. ἢ χιτῶνιον. Et paulo post: φαινόλης χιτῶνίσκος. οἱ δὲ παλαιὲ ἐφ' ἑσπίδα. καὶ χιτῶν ἱερατικός. ἢ φαινόλης ὁ ἀπατίειν. Siue ergo a Penula φαινόλης deducatur, siue contra Latinae voci Græca originem dedit, vtriusque notatio incerta, nec tanti est in ea peruestiganda desudare. Ita & quando primum apud Romanos in usu esse coeperit, haud mihi compertum. Tertullianus inuentum Lacedæmoniorum scribit in Apologetico. *Et ne voluptas impudica frigeret Lacedæmonij penulam ludis excogitarunt.* Quod si verum est, vtrique & vox Græcæ originis fuerit. Sed cum nullus veterū Græcorū, aut Latinorū hoc tradat, maxime in gente seuera, & frigoris tolerantissima, suspicor aut deceptū Tertullianum, aut penulam pro endromide posuisse, quam inuentum Lacedæmoniorum ex Martiale notum, vsusque maxime in palæstra fuit. Neque tamen summo Viro qui nuper Tertullianum edidit assentiri possum legenti *Primi Lacedæmonij odium penula ludis excogitarunt.* Quod scilicet Lacedæmonij gens dura & bellicosa ad militares potius expe-

ditiones hieme obeundas, quam ad ludos & Theatra penulas graues, ac præ pondere odiosas excogitasse. Itaque hoc ridiculi causa à Tertulliano positum. Sed non conueniunt sententiæ huic Tertulliani verba, qui credidit à Lacedæmonijs primum inuentam penulam, & quidem ne ludis uoluptas impudica frigeret. In quo cum aliud cogitasse omni pignore contenderim.

Penulam itinerarium vestimentum fuisse, & pluuiæ tempore sumptum. Quando primum illud intra Urbem usurpatum sit. Cap. 11.

DIuersum omnino vestimenti genus fuisse a lacerna penulam scriptores produnt. Artemidorus lib. 11. cap. 111. Vbi chlamydem, quam alij *μανδύλη*, alij *ἰφεςπίδα* alij *βήριον* vocant, significare ait vexationem, & angustias, & litigantibus damnationem, propterea quod corpus circum amplectatur. Subijcit: τὸ δὲ αὐτὸ καὶ ὁ λεγόμενος φανόλης. Idem significat & quæ vocatur penula. Athenæus loco laudato, cum penulæ mentionem fecisset, paulo infra *ἰφεςπίδα* idest lacernam ponit. Sic Latini poetæ, sic quicumque Romani vestitus meminere.

Fuisse autem vestimentum itinerarium quod supra tunicam acciperetur, & pluuiæ causa adhibitum nemo ignorat. Nonius. *Penula est vestis, quam supra tunicam accipimus. Pomponius Panuceatis. Penulam in caput induce, ne te noscat.* non enim in caput induci potuisset nisi vestimentum exterius fuisset. Varro. *Non querenda est homini, qui habet virtutem, penula in umbri.* Lucilius:

*Penula si queris, cantherius, seruus, segestre
Vtilior mihi, quam sapiens.*

Cicero ad Atticum lib. xiiii. Epist. xxxiiii. De Varro-
ne loquebamur: *Lupus in fabula. Venit ad me & quidem id
temporis, ut retinendus esset. Sed ego ita egi, ut non scinderem
penulam, meminim enim tui, & multi erant nosque imparati.* Pau-
lo post. *Caius Capito cum C. Carinate. Horum ego vix attigi pe-
nulam,*

mulam, & tamen remanserunt. Et pro Milone. Quid minus promptum ad pugnam, quam penula irretitus, rheda impeditus, uxore penè constrictus? Vnde & muliones in penula, quæ inde mulionia. Idem pro Sextio: Sensit rusticulus non incautus suum sanguinem queri: mulioniam penulam arripuit, cum qua primum Romam ad comitia venerat. Seneca Ep. lxxxv i i. de itinere suo. Culcita in terra iacet, ego in culcita. Ex duabus penulis altera stragulum, altera opertorium facta est. Ita tamen, ut nō nisi extra Urbem & pluviæ causa adhiberentur penulæ.

Sed quandonam primum intra Urbem earum usus cœperit, non constat. Si Dioni credimus lib. lvi i. Tiberio imperitante. Tradit enim cum multi vestem purpuream licet interdictam gestarent, Tiberium neque id reprehendisse, neq; mulctasse, tantum ludis, cum plueret *quid mædulus* indutum effecisse, ne quis alius vestem inconcessam usurparet. Interpres cum Lipsio *mædulus* penulam reddidit. sed fuisse lacernam docti pridem obseruarunt. Vestes purpureæ, quæ gestabantur contra morem, fuere lacernæ. nullæ enim *pænulæ* purpureæ fuerunt. has ut tolleret Tiberius, ipse lacernam fuscā siue pullam induit. Nam pluuio tempore lacernas intra Urbem gestatas diximus.

Sub Flauijs *pænulæ* intra Urbem gestatæ videtur. sed pluviæ tantum causa. Iuuenalis Sat. v. de salutatores, qui etiam fædis imbre diebus Aue matutinum portabat.

Scilicet hoc fuerat, propter quod sæpè relicta

Coniuge per montem aduersum gelidasque cucurri

Esquilias, fremeret laua cum grandine vernus

Iuppiter, & multo stillaret penula nimbo.

Hoc etiam docet iocus Galbæ apud Quintilianum, qui *pænulam* roganti, *Non possum commodare* inquit: *domi maneo: cum Canaculum eius perplueret.* Et paulo infra. *Non pluit, non est opus tibi: si pluit ipse utar.* Quæ satis indicant, non nisi pluuio tempore *pænulas* gestatas. Paulatim tamen in promiscuo usu, etiam cum sudum esset, esse cœperunt, & quod maxime mirum est, etiam ab oratoribus cum causas agerent

agerent adhibitæ. Auctor Dialogi de causis corruptæ eloquentiæ. *Quantum humilitatis putamus eloquentiæ attulisse pænulas istas quibus adstricti, & veluti inclusi cum iudicibus fabulamur.* Quæ verba non esse Quintilianum eius libelli auctorem indicant. Nam cum is lib. xi. i. Oratoris habitum morose disposeret, nusquam lacernæ meminit, ne dicam pænulæ, numquam profecto dissimulaturus tam grande eloquentiæ incommodum, atque actionis oratoriæ dehonestamentum, quod sua ætate patroni pænulis inuoluti, ac circumstricti ægre manum in agendo expedirent. Mihi tamen verisimile fit id a paucis admodum vsurpatum, nec diu obtinuisse, cum sequenti seculo causarum patroni *Togati* appellati sint, quod cum toga desisset ipsi inter orandū eam retinerent. Nisi dicere velimus, ab auctore illo pænulas pro lacernis ad maiorem invidiam appellatas.

An Senatores sub Hadriano penulati. A. Gellius explicatus. Cap. III.

F Visse tamen pænulas sub Hadriano etiam a Senatoribus gestatas quidam ex Gellio tradiderunt lib. xi. i. cap. xx. *T. Castritius Rhetoricæ disciplinæ doct̃or a D. Adriano ob mores, & literas spectatus, cum me præsentē discipulos quosdam suos Senatores vidisset die feriato tunicis, & lacernis indutos, & gallicis calceatos, Equidem, inquit, maluissē vos togatos esse. Pigritum saltem est cinctos esse, & penulatos.* Quæ si vera sunt quomodo multis post annis, vt tradit Lampiridius, primus Alexander Seuerus Senatoribus concessit vt frigoris causa penulis vterentur, cum id vestimenti genus semper itinerarium, aut pluuiæ fuisset. Deinde quis alius auctor pænulas lacernis honestiores facit? Sed pace doct̃issimorum viro-
rum dixerim, nemo hætenus Gellij mentē assecutus est. Nō enim Castritius Senatores reprehendit, quod essent lacernis induti: qua enim fronte id poterat, cum inde ab Augusti auo in promiscuo vsu essent, siue superinduerentur togis, siue tantum tunicis? Martialis narrat Horatium quen-
dam

dam solum inter omnes nigris lacernis munus spectasse

Cum plebs & minor ordo, maximusque

Sancto cum duce candidus sederet.

Idest, in lacernis albis, quæ in spectaculis adhibebantur.

Idem lib. XIV. Ep. CXXXV II. *Lacerna albæ.*

Amphitheatrales nos commendamur ad usus

Cum tegit argentes nostra lacerna togas.

Præterea paulo infra ipse Castritius faretur huiusmodi vestium de multo iam usu ignoscibilem esse. Lacernas nempe. Non hoc ergo reprehendebat Rhetor. Sed quod cum lacernis gallicis essent calceati, cum calceos gestare debuissent. Subiicit enim. *Sed si hic vester huiusmodi vestitus, de multo iam usu ignoscibilis est, soleatos tamen vos Pop. Romani Senatores per Urbis vias ingredi nequaquam decorum est, non hercle vobis minus, quam illi tum fuit, cui hoc M. Tullius pro turpi crimine obiectavit.* (Antonium intelligit.) Hoc autem calceos a' caligis, gallicis, crepidis, soleisque diuersos fuisse notum est, quod calcei totum pedem & dimidium ferè crus vestirent, caligæ soleæque, ac gallicæ pedis plantam tegerent. Ita cum togæ gestari desisissent & in earum locum succedere lacernæ, calceos nihilominus retētos apparet ex hoc loco, quod indecorum videretur ita nudis pedibus incedere per Urbem : deinde quod cum calcei Senatorum lunati essent, id insigne in solea spectari non poterat. At extra Urbem depositis calceis, soleæ adhibitæ. Mar-
tialis de vita rustica :

Lunata nusquam pellis, & nusquam toga.

Reprehendit igitur Castritius Senatores, quod contra morem, & decus magni ordinis pro calceis gallicas gestarent. *Soleatos tamen vos Populi Rom. Senatores per Urbis vias ingredi nequaquam decorum est.* Quod autem Gallicæ soleæ essent idem ostendit. *Plerique tamen inquit ex ijs, qui audierant, requirebant cur soleatos dixisset, qui gallicas, non soleas haberent. Sed Castritius scite, atque in corrupte locutus est. Omnia enim ferè id genus, quibus plantarum calces tantum in finem teguntur, cetera propè nuda, & teretibus habenis vinctæ sunt, soleas*

leas dixerunt, nonnumquam græca voce crepidulas. Gallicas autem verbum esse opinor nonnum non diu ante atatem M. Ciceronis usurpari captum. Itaque ab eo positum est in secunda Antonianarum. Cum gallicis inquit & lacerna cucurristi.

Nondum tamen difficultas omnis exhausta est. Cur enim dixit Castritius. *Pigitum est cinctos saltem esse, & penulatos.* Quasi honestius pænularum gestamen esset, quam lacernarum, contra veterum scriptorum fidem. Sed neque hoc viri eruditi cœperunt. Non est hæc Castritij sententia. Sed quando mallent gallicis, quam calceis uti, rectius atque honestius ipsos facturos fuisse, si etiam cincti, & penulati essent. Nam cum penula vestis viatoria esset, & soleæ cum ea gestarentur, non cum lacernis, aut toga, magis decorum futurum fuisse dixit, si penulati incessissent, quasi iter paulo post facturi. Quemadmodum indecens nunc videretur, si quis ocreas, & calcaria cum longa veste per urbem gestaret, nequaquam si accinctus, & penulatus. Ideo autem cinctos dixit, non solum quia omnes iter facturi præcipue in equo altius cincti, sed cum tunicæ senatorum, ut alias diximus, siue laticlavix sub toga & lacerna non cingerentur, iter facturi præcipue equo necesse habebant longiores tunicas cingulo suspendere: & ideo cincturam cum pænula coniunxit, non quod pænula cingeretur, ut quibusdam visum est, & infra refellemus.

Non igitur ante Severi Alexandri ætatem Senatores intra Urbem nisi pluvix causa penulati. Id primum illis Alexander concessit, ut supra posuimus. In vulgatis est. *Penuilis intra Urbem frigoris causa, ut senes uterentur permittit.* Recte Lipsius pro *Senibus*, Senatores subiecit, ut ante Lipsium Britanicus ad Iuvenalis. Sat. v.

An Senatores in funere Principum penulati.

Cap. IV.

Senatores in funere Cæsarum pænula vfos scribit Lampridius in Commodò. Ipse autem, inquit, prodigium non leve sibi fecit. Nam cum in gladiatoris occisi vulnere manum

miss-

misisset, ad caput sibi deterfit, & contra consuetudinem pænulatōs iussit spectatores, non togatos ad munus conuenire, quod funeribus solebat ipse in pullis vestimentis præsident. Omnino cum Casaubono legendum. Pænulatos iussit Senatores, non togatos. Nec enim spectatores in muneribus togati omnes, nec pænulati. qui enim id fieri poterat in minuto, ac tunicato populo cui ne togæ erant, nec pænulæ, nec lacernæ? Sed Senatores, cum in spectaculis togati essent, iussit eos pænulatos conuenire: quo habitu non nisi funera Principum frequentabant. Id tradit Dio lib. lxxxi. rem eandem narrans. *His perfectis rebus inquit, magnum nobis solatium dedit, quod cum esset rursus gladiatorum more pugnaturus nos* (scilicet Senatores. nam & ipse senator erat, & de periculo in quo omnes fuerant Senatores paulo ante narrauerat) *ἐν τῇ τοῇ ἱππᾷ, καὶ ἐν ταῖς μανδύας εἰς τὸ θεατρὸν εἰσελθεῖν.* Equestri veste & lacernis indutos venire in theatrum. Quo habitu nunquam ante Theatrum ingredi consueueramus, nisi princeps e vita decessisset. Sed cum μανδύαν καὶ ἐφεσρίδα proprie lacernam appellauerint Græci scriptores, vt diximus, Salmasio assentimur, qui Lampridium pænulas pro lacernis posuisse censet. Neque tamen omnino verum est μανδύας & ἱππᾶς τοῦ ἐκ παραλλήλου posita esse, & μανδύαν idest lacernam equitum vestem fuisse; nec equitum tantum, sed & popularium, quod toga per ea tempora in solis senatoribus substitisset. Nam si lacerna popularis etiam fuit, quomodo vestis equestris hîc dicitur? Vestis equestris, vt alias docuimus, fuit tunica equitum angusticlauiæ: quam deposito latoclaui senatores in luctu sumebant. Nam duo luctus insignia Patres vsurpabant, tunicam equestrem, & lacernas pullas. De lacernis pullis in funere Herodianus de funere Seueri. *πᾶσα ἡ Σύγκλητος μελαίνων ἐφεσρίσι χρώμενος.* Senatus omnis in pullis lacernis. Nunquam igitur ante Alexandri ætempora, nisi pluuiæ, aut itineris causa, senatores pænulati, sed togati, maxime in publico conuentu: tantum in funeribus, ac gladiatorijs muneribus, quæ mortui Principis causa edebantur, in equestri veste, & lacernis pullis, licet Lam-

leas dixerunt, nonnumquam græca voce crepidulas. Gallicas autem verbum esse opinor nonnum non diu ante ætatem M. Ciceronis usurpari ceptum. Itaque ab eo positum est in secunda Antonianarum. Cum gallicis inquit & lacerna cucurristi.

Nondum tamen difficultas omnis exhausta est. Cur enim dixit Castritius. Pigitum est cinctos saltem esse, & penulatos. Quasi honestius pænularum gestamen esset, quam lacernarum, contra veterum scriptorum fidem. Sed neque hoc viri eruditi cœperunt. Non est hæc Castritij sententia. Sed quando mallent gallicis, quam calceis uti, rectius atque honestius ipsos facturos fuisse, si etiam cincti, & penulati essent. Nam cum penula vestis viatoria esset, & soleæ cum ea gestarentur, non cum lacernis, aut toga, magis decorum futurum fuisse dixit, si penulati incessissent, quasi iter paulo post facturi. Quemadmodum indecens nunc videretur, si quis ocreas, & calcaria cum longa veste per urbem gestaret, nequaquam si accinctus, & penulatus. Ideo autem cinctos dixit, non solum quia omnes iter facturi præcipue in equo altius cincti, sed cum tunica senatorum, ut alias diximus, siue laticlaviæ sub toga & lacerna non cingerentur, iter facturi præcipue equo necesse habebant longiores tunicas cingulo suspendere: & ideo cincturam cum pænula coniunxit, non quod pænula cingeretur, ut quibusdam visum est, & infra refellemus.

Non igitur ante Severi Alexandri ætatem Senatores intra Urbem nisi pluviae causa penulati. Id primum illis Alexander concessit, ut supra posuimus. In vulgatis est. *Pænullis intra Urbem frigoris causa, ut senes uterentur permisit.* Recte Lipsius pro *Senibus*, *Senatores* subiecit, ut ante Lipsium Britanicus ad Iuvenalis. Sat. v.

An Senatores in funere Principum penulati.

Cap. IV.

Senatores in funere Cæsarum pænula vfos scribit Lampridius in Commodio. Ipse autem, inquit, prodigium non leve sibi fecit. Nam cum in gladiatoris occisi vulnere manum misisset.

mississet, ad caput sibi deterfit, & contra consuetudinem *pænulatos* iussit spectatores, non togatos ad munus conuenire, quod funeribus solebat ipse in pullis vestimentis prasidens. Omnino cum Casaubono legendum. *Pænulatos* iussit Senatores, non togatos. Nec enim spectatores in muneribus togati omnes, nec *pænulati*. qui enim id fieri poterat in minuto, ac tunicato populo cui nec togæ erant, nec *pænulæ*, nec *lacernæ*? Sed Senatores, cum in spectaculis togati essent, iussit eos *pænulatos* conuenire: quo habitu non nisi funera Principum frequentabant. Id tradit Dio lib. lxxii. rem eandem narrans. *His perfectis rebus* inquit, magnum nobis solatium dedit, quod cum esset rursus gladiatorum more pugnaturus nos (scilicet Senatores. nam & ipse senator erat, & de periculo in quo omnes fuerant Senatores paulo ante narrauerat) *ἐν τετῇ σολῇ ἱππιάδι, καὶ ἐν ταῖς μανδύας εἰς τὸ θεατρὸν ἐισελθεῖν.* Equestri veste & lacernis indutos venire in theatrum. Quo habitu nunquam ante Theatrum ingredi consueueramus, nisi princeps e vita decessisset. Sed cum *μανδύῳ καὶ ἐφεσρίδα* proprie lacernam appellauerint Græci scriptores, vt diximus, Salmasio assentimur, qui Lampridium *pænulas* pro lacernis posuisse censet. Neque tamen omnino verum est *μανδύας* & *ἱππιάδα* *σολῶ* ἐκ παραλλήλε posita esse, & *μανδύαν* idest lacernam equitum vestem fuisse; nec equitum tantum, sed & popularium, quod toga per ea tempora in solis senatoribus substitisset. Nam si lacerna popularis etiam fuit, quomodo vestis equestris hîc dicitur? Vestis equestris, vt alias docuimus, fuit tunica equitum angusticlauiâ: quam deposito latoclauiâ senatores in luctu sumebant. Nam duo luctus insignia Patres vsurpabant, tunicam equestrem, & lacernas pullas. De lacernis pullis in funere Herodianus de funere Seueri. *πᾶσα ἡ Σύγκλητος μελαίνων ἐφεσρίσι χρώμενος.* Senatus omnis in pullis lacernis. Nunquam igitur ante Alexandri tempora, nisi pluuiæ, aut itineris causa, senatores *pænulati*, sed togati, maxime in publico conuentu: tantum in funeribus, ac gladiatorijs muneribus, quæ mortui Principis causa edebantur, in equestri veste, & lacernis pullis, licet Lam-

pridius ex Dione pænulas verterit : quæ quidem nō omnes albæ . nam & fuscæ fuerunt , qui color aptus funeribus ; sed quia vt diximus *Mardon* Græcis est lacerna , non recte pænulas reposuit .

An Imperatores Panulati . Cap. V.

I Neo etiam diuersus a Dione Lampridius , quod Dio ait hoc factum , cum ipse Commodus gladiatorum more pugnaturus esset . hoc est enim *μνομαχῆσαι* . At Lampridius ad munus gladiatorium , cui ipse in vestimentis pullis præfedit , idest in tunicis & togis , aliquando etiam lacernis , vt de Tiberio idem Dio scribit pulla lacerna purpureas vestes redarguente . Nunquā autem Imperatores in pænulis . Spartianus in Adriano : *Tribunus plebis factus est , in quo magistratu ad perpetuam Tribunitiam potestatem omen sibi factum asserit , quod pænulas amiserit , quibus uti Tribuni plebis pluuia tempore solebant , Imperatores autem nunquam : unde hodieque Imperatores sine pænulis a togatis videntur .* Adrianus Tribunus plebis factus pro Imperij omine accepit , quod pænulas amisisset , quibus Imperatores perpetua Tribunitia potestate præditi nunquam utebantur : Tribuni pluuio tempore gestabant . Ideo autem Imperatores pænulis non utebantur , non quod vestis esset peregrina & exotica ; nam longo vsuiam inde a vetere Rep. facta erat Romana ; sed quod vilis , ac viatoria , & ad seruos vsque dimissa , dedecere Imperatoriam maiestatem videretur , quos togam modo puram , modo prætextam , interdum purpuream , ac pictam gestasse notauimus . Quod etiam ætate sua seruatum tradit Spartianus , vt Principes sine pænulis a togatis viderentur . Togatos Casaubonus salutatores interpretatur , quod officium illud matutinum in togis perageretur . Videre autē Imperatorem pro salutare a scriptoribus eius æui vsurpatum . Quæ omnia vera esse fatemur . Sed non hic locus togatorum , aut saluatorum . Vt enim idem Casaubonus subiicit , non loquitur hic Spartianus de saluatorum veste

veste, sed ipsius Imperatoris. Quare legendum existimat: *Sine pænulis togati, vel attogati videntur*. Simplicius erit si legatur *sine pænulis*, ac *togati videntur*. Nam Imperatores non modo in salutationis officio, sed ubique sine pænulis videbantur, & præterea togati. Quasi nunquam viderentur Imperatores nisi cum Aue matutinum illis portaretur. Et si aliquando pænulas gestassent, domi certe sumptas nemo dixerit cum arcendo frigori, & plures tunicas, togasq; & si placet lacernas induere possent: pænulae domi, ne a priuatis quidē gestarentur, nisi si cui, ut Galbæ illi, cœnaculum perplueret. Quid ergo opus erat tempus tantum salutationis a Spartiano notari, quo Imperatores sine pænulis viderentur, cum diserte tradat nunquam ab ijs gestatas? Recta igitur emendatio est quam nullus salutator, aut togatus loco mouebit. *Sine pænulis, ac togati videntur*. Quod scilicet prodente hæc Spartiano Imperatores nunquam viderentur pænulis, & togati incederent. Nam videri est in publicum procedere, & palam adspici.

Nec dicere attinet illud sine pænulis redundare, quod qui togati sunt utique pænulati non sunt. Nam contra potest aliquis esse sine pænulis, & tamen non togatus, laceratus, paludatus, chlamydatas. Innuit ergo Spartianus, cum pænulis Principes abstinerent, nihilominus togam retinuisse, & togatos intra Urbem visos esse.

Non ita facile tamen animum inducent, ut credant viri docti, nunquam pænulas ab Imperatore gestatas, quod tradit Dio Tiberium pænula usum. Sed *perdiderit* ibi lacernam esse, non pænulam, dictum est: & si semel redarguendo purpurearum vestium usu induerit, non efficit Principem pænulas in usu habuisse. Præterea Alexander Seuerus auctore Lampridio usus est togis, ac pænulis communibus. Verum non gestatas intra Urbem pænulas a Principibus, in itinere pluuiæ causa adhibitas credimus, quas Lampridius intellexit. Idem affirmandum de altero scriptoris eiusdem loco, quem supra adduximus. Concessum ab Alexandro, ut senatores pænulas frigoris causa haberent: & tamen

aiunt, Tribuni qui Senatores erant multo ante sub Adriano ferebant pænulas. Sed quis non videt Tribunos, & Senatores reliquos pluuiæ tempore, vt ait Spartianus, induisse pænulas: at Alexandrum permisisse, vt die sereno frigoris causa a Senatoribus gestarentur, quibus ante illud tempus impermissum. Nam Gellij locum satis ante examinauimus. Neque tamen verum est, has pænulas fuisse lacernas. nam lacernarum promiscuus vsus quolibet tempore. At pænulas pluuiæ tantum tempore a senatoribus adhibitæ tradit Spartianus. non ergo fuere lacernæ, quarum vsus nullo tempore interdictus. Ita quibus pænilis communibus vsus dicitur Alexander, pænulæ fuere, non lacernæ: præterea quas donare Macrinus rosei coloris populo voluerat in honorem filij, pænulæ fuere, nō lacernæ. non enim credibile scriptores, & si parum curiosos, tamen diuersa vestimenta confundere voluisse. Solus Lampridius Græcā apud Dionem vocem *μανδύνη* pænulam interpretatus est, quæ erat lacerna. Et si daremus recte interpretatum esse, & senatores illos in funere pænulatos fuisse, parum referret; & nihilominus verum esset, quod tradit idem, senatores ante Alexandri æuū nunquam pænilis nisi pluuiæ causa vsos.

De Materia Penularum. Penula scortea, Gausapina, Canusina. Cap. VI.

Pænularum vsum indicauimus, restat vt materiam formam, ac colorem demonstremus. Pænulas duplicis generis fuisse, alias scortecas, alias laneas, & gausapinas peruulgatum est. De scortecis Martialis. lib. xiv. Ep. cxxx.

Penula scortea.

Ingrediare viam cælo licet vsque sereno:

Ad subitas nunquam scortea desit aquas.

Seneca in quæst. naturalibus lib. iv. cap. vi. *Hicum signum dedissent adeste iam grandinem, quid expectas, vt homines ad pænulas discurrerent, aut scortecas? Hæ pænulæ expelle ætatem.*

fectæ. Quia ut ait Festus *omnia ex pellibus facta scortea appellabantur. unde & meretrices scorta dictæ, quod tanquam pellicula subigantur.* Scortæ etiam meminit Nonius de Improprijs loco corrupto. *Panulam abusive omne quicquid tegit nobilissimi veteres transtulerunt. Varro Manio: & cum corrigia disrumpita tenet aridum reliquum pedem panula scortea pertegere.* Ita Vetus editio. Sunt qui legant: *& cū corrigia disrumpita tonat aridum.* Fortasse. *Cum corrigia disrumpita tonat horridum.* Nam quod aliqui legunt *Tentet aridum reliquum pedem panula scortea pertegere:* id est, tentet pænulam, qua indutus est, ad pedes dimittere, ne videlicet calceus detritus appareat, parum proficiunt. nam talaris pænula non fuit, nec pedes stantis pertegere potuit. Sed hæc non sunt tanti.

Non solum autem expelle, sed etiam ex lana pænulæ conficiebantur: æque duplicis generis fuere. Nam aut breui villo, quæ & Canusina: aut villosæ, quæ gaufapinæ dictæ. Illæ pluviæ tempore adhibitæ etiam intra Urbem, cum fere scortæ tantum in itinere: gaufapinæ per hiemem causa frigoris sumptæ. De primis Plinius lib. viii. cap. xlvi. initio. *Lana autem laudatissima Appula, & quæ in Italia Græci pecoris appellatur: tertium locum Milesiæ oves obtinent. Appula brevis villo nec nisi pænulis celebres: circa Tarentum Canusumque summam nobilitatem habent.* Non nisi autem pænulis celebrem huiusmodi lanam tradit, propter villi breuitatem. nam villosæ vestes potius imbrē trahunt, quàm excutiunt. Istæ igitur pluviæ tēpore adhibitæ a Canusio Canusinæ appellatæ, quarū duplex color, de quo infra dicemus.

Sed alteræ gaufapinæ fuerunt longiori scilicet villo, æq; etiam cum sudum esset frigoris causa intra urbem adhibitæ, quanquam & lacernas gaufapinas in usu fuisse dixerimus. Martialis. *Pænula gaufapina.*

Is mihi candor inest, villorum gratia tanta

Vt me vel media sumere messe velis.

De hac, capiendus Horatius lib. i. Ep. xi.

Incolumi Rhodos, & Mylene pulchra facit quod

Pænula solstitio, campestre nivalibus auris

Per brumam Tyberis, Sextili mense caminus.

Pænula scilicet gausapina inepta solstitio æstiuo. Nisi quis malit quamlibet pænulam, quæ æstate non necessaria cum minimum pluat. Acron de gausapina interpretatur. *Nihil frigiditatis in æstate affert, quia spissa & crassa est. Campestre nihil caliditatis in hieme, quia tenue est.*

Panularum Figura. Cap. VII.

L Acernas pænulis breviores fuisse, cetera similes veterum Grammaticorum testimonio viri docti tradiderunt. Sed solus, quod ego sciam, Persii Interpres ait lacernam fuisse pallium fimbriatum, Pænulam pallium cum fimbriis longis. Quod Grammatici illius commentum existimo. Quis enim veterum in pænula aut lacerna fimbriarum meminit? Deinde potest vestimētū aliquod alio brevius esse, licet longiores fimbrias habeat. Verisimilius est, pænulas lacernis breviores fuisse, vestimentum scilicet viatorum, equitanti accomodatum, lecticarijs, cursoribus, & id genus hominibus aptum. Quidquid sit magnum in eo, totumque discrimen erat, quod lacernæ apertæ, & quæ fibula neceiebantur; pænulæ clausæ fuerunt, rotundæ, quæque togæ instar corpori inijcerentur, illudque ambirent, nisi quod strictiores erant, ac breviores, præterea cum in toga dextrum brachium per summā oram exereretur, pænula utroque brachio subducebatur.

Id mihi diu ignoratum est, donec subiectas alteram Mercurij alteram militis pænulati effigies Roma transmisit nunquam nobis, populisque nepotum silendus Eques Cassianus a Puteo, in Romana luce totius antiquitatis assertor felicissimus, idemque fugientium literarum Stator, quem vnum comitatis, ac magnificentiae simulacrū extera quoque gentes colunt, magna pars propter hunc vnum Urbem inuifunt. Absque eo foret adhuc pænulam ignoraremus.


Tabula XVI. XVII. XVIII.

Tab. XVI.



Gio. Georg. sculps.

Tab. XVII.



Gio. Georg. sculps.

Tab. XVIII.



Gio. Georg. sculps.

Fuisse autem vestimentum clausum, ac strictum nemo potest ignorare. Cicero pro Milone : *Quid minus promptum ad pugnam, cum pænula irretitus, rheda impeditus, uxore pæne constrictus esset?* Ac præter Artemidori verba non semel allata : auctor libri de causis corruptæ eloquentiæ. *Quantum humilitatis putamus eloquentiæ attulisse pænulas istas, quibus adstricti, & veluti inclusi cum iudicibus fabulamur?*

Veteris pænulæ vestigium in veste sacrificantium adhuc retinemus, licet illi ætas paulatim aliquid detraxerit. Nam antiquorum sacrificalem vestem, quam planetam, siue casulam dixere, fuisse clausam, longamque, vt utroque brachio subduceretur alias docuimus: licet similitudine decepti, cum nondum pænulam videre contigisset, eam togam, siue togæ simillimam fuisse dixerimus. Pænula igitur est non toga, breuior scilicet toga, & angustior, præterea utroque brachio subducta, cum in toga alterum exereretur. Rectè itaque eam pænulam fuisse Baronius, & Io. Baptista Dominus censuerunt. Multa autem de planeta, ac casula tunc obseruauimus, quæ inde lector petat. Cur autem in sacris pænula adhibita docti quæsiuerunt, quibus assentimur id eo factum, quod olim in promiscua veste sacra peragerentur: ea autem ferme pænula fuit, cum paulatim & togæ & lacernæ gestari desiissent.


Cum autem clausum vestimentum pænula esset, quod ita corpori injiciebatur, vt utrumque brachium premeret, sequitur nullo modo cingi potuisse, quod Vir Doctissimus credidit, qui pænulas omnes cinctas fuisse tradit ex Gellio. *Pigitum saltem vos pænulatos, cinctosque esse.* Sed cincturam ibi ad tunicam, non ad pænulam referendam diximus. Nam cū Senatores solutis tunicis incederent, credibile est iter facturos longiores tunicas cingulo suspendisse, ne longitudo illa expeditis, & equitaturis incommoda esset. Nam præter Senatores reliqui omnes tam sub toga, quam sub lacerna, ac pænula tunicas cincti. Falluntur igitur qui hinc mollitiem obiectam a Castritio putant Senatoribus, quod lacernas pro pænula, quodque tunicas discinctas gestarent.

starent. Nam nulla in lacernis lasciuiā, & omnes Senatores discincti fuerunt.

Atqui apud Petronium: *superuenit cinædus myrtea subornatus gaufapina, cinguloque succinctus*. Sed ibi gaufapina tunica est, ut Donius recte obseruat, coloris myrtei: exoleti in tunica succincti, conuiujs scilicet adhibiti. Seneca de breuitate vitæ; *Cum videam quam solliciti argentum ordinent, quam diligenter exoletorum suorum tunicas succingant*. Et si gaufapina illa pænula fuit, cingulo tunicam succinctus erat. Alij pænularum nomine tunicas venisse obseruant. Falso. Nam tunicatus populus non quod lacernatus esset, aut pænulatus dictus, sed quod in sola tunica. Et licet in Veteri Glossario *Scortea* explicetur *δεσματοχίτων*, non tamen pænula scortea tunica fuit. nam & tunica scortea esse potuit, siue ex corio, loroque confecta, unde & loricia, & lorica tunica ex loris. Ita & lacerna siue pænula loricia. Falsum item milites, & populum tunicis lineis superinduuisse pænulam, quæ fuit tunica superior. nam tunicæ manicas cubito tenus habebant, ex quibus brachia exerebantur, & ideo cingi poterant, at pænula vtrumque brachium premebat, & ipsi tunicæ superinjiciebatur. Neque Hieronymus tunicam pro pænula dixit ad Iulianum. *Iam dimisso synthemate equus publicus sternebatur, & nobilem iuuenem punicea indutum tunica baltheus ambiebat*. Cur enim tunicam eam pænulam fuisse dicamus? Sed quid opus est verbis? Si quis pænulati figuram adspiciat, facile intelliget nullo modo pænulas cingi potuisse, alioqui vtrumque brachium, quod pænulæ subiectum, eodem cingulo constrictum, & colligatum fuisset. Porro in Tabula xviii. cucullus pænulæ appensus apparet, & quidem acuminatus, sicut & in subiecta Icuncula, ut opinor Aegyptiaca, quam habuimus beneficio splendissimi Equitis Ioannis de Lazara, qui singulari comitate, harumque literarum cultu, & totius antiquitatis peritia, sed præcipue instructissimo Numismatum Museo non vetustissimam modo familiam urbemque hanc, sed totam Italiam collustrat.

Tab. XIX.

Tab. XIX.



At pænulae puerilis effigiem exhibet duplex marmor Patavinum editum a Cl. Equite Sertorio Orfato.

Tabula XX. XXI.

Tab. XX.



Ruffonus F.

Dq

Tab. XXI.



De Colore Pænularum. Canusina, Fusca, ac
Rufa. Cap. VIII.

DVplicem pænulam fuisse diximus, scorteam, & laneam. Scorteam natio colore pellis fuisse, non est dubitandum. Pænula lanea, alia villosa, siue gau sapina, alia breuibus villis, aut rasa, eaque Canulina dicta. Pænulas Gausapinas fuisse albas Martialis demonstrat. *Pænula Gausapina.* lib. XIV.

Is mihi candor inest villorum gratia tanta,

Vt me vel media sumere messe velis.

Canulinas duplicis coloris fuisse idem docet, vt, de laceris supra notauimus. Fuscas, & rufas. Fuscarum colorem turbato mulso similem fuisse testatur. *Canulina fusca.*

Hec tibi turbato Canulina simillima mulso

Munus erit, gaude, non cito fiet anus.

Hinc passim Canulina fusca a vulgo Romæ gestata, præter pueros, & milites, qui exemplo Gallorum magis rufo colore, quam fusco in pænulis gaudebant. Martialis:

Canulina rufa

Roma magis fuscis vestitur, Gallia rufis:

Et placet hic pueris militibusque color.

Ergo cum fuscis pænulis vulgo vterentur, pueri, & milites rufum colorem prætulerunt, qui color vulgo in Gallia vsurpabatur. Ex hoc Lipsius Canulinam pænulam seruorum, & militum peculiarem fuisse credidit, & pueros seruos intellexit. Sed pueri ingenui sunt, quorum pænula, cum viriles fusca essent & tristiores, lætiore colore, rufo scilicet tincta. Male autem intellectus Senecæ locus doctissimo viro imposuit. Is est lib. III. de Benef. cap. XXV. *Quo tandem ab istis gerulis raperis, cubile istud tuum circumferentibus? Quo te pænulati isti, in militum quidem non vulgarem cultum subornati, quo inquam te isti efferunt? Vbi pænulam militum vestem fuisse ait Lipsius, & quidem honestiorum colore rufo. Et primo Electorum Capite eandem seruorum,*

rum, & militum peculiarem facit. Sed Romæ serui, aut sine pænulis in sola tunica, aut pænulas fuscas olim induti. Nam præter pueros & milites vulgus in fuscis pænulis, teste Martiali. Crescente mox luxu ditiores servis suis pænulas Canusinas rufas inducere, præcipuè læticariis. Martialis lib. ix. Ep. xxi. i. i.

Vt Canusinatus nostro & yrus affere sudet.

Et quia is color militibus vsurpatus, ideo Seneca dixit læticarios in militarem cultum subornatos. Suetonius tanquam Neronis profusione dignum tradit cap. xxx. *Eum nunquam carrucis minus mille fecisse iter, soleis mularum argenteis, canusinatis mulionibus.* Magnæ autem id lautitiæ fuit, etiam propter lanæ nobilitatem, quam a marito emi sibi possulat sumptuosa vxor apud Iuvenalem.

Interea calet, & regnat, poscitque maritum

Pastores, & ovem Canusinam, vltimosque, Falernas.

Vt luxus non vulgaris argumentum fuerit seruorum pænulas ex nobilissima lana scilicet Canulina confectas: quales ab ingenuis vulgo gerebantur, præterea rufo colore, vt militari cultu mancipia incederent.

Non ergo pænula militum vestis peculiaris fuit, sed communis et paganorum. Vt minus audiendi sint, qui ad Spartianum obseruant, cum lacerna militum esset & diceretur, postquam ea ab Vrbani vsurpari cœperit, ad habitus distinctionem pænulas militum dictas esse. Nam semper pænula commune vestimentum fuit Quiritium, & militum, omnis sexus, omnis ætatis. Meminere & pænulæ militaris scriptores, sed non tanquam id peculiare vestimentum militis esset. Suetonius Nerone. *Irrumpenti Centurioni & pænula ad vulnus apposta.* Idem Galba. cap. vi. *Postridie quam ad legiones venit, solenni forte spectaculo plaudentes inhibuit, data tessera, vt manus pænulis continerent.* Seneca de benef. cap. xxi. v. lib. v. *Meministi quoque sub quadam arbore minimum umbra spargente, cum velles residere feruentissimo soles, quemdam ex commilitonibus pænulam suam substraxisse.*

Quæ verba solum declarant etiam milites pænulam habuisse.

habuisse. Et cur non haberent tegmen illud, ac munimen-
tum aduersus pluuias, coelique iniurias? Tertullianus
etiam meminit pænulę militaris de Corona militis cap. 1.
*Ibidem grauissimas pænulas posuit, reuelari auspicatus, speculato-
riam morosissimam pedibus absoluit.* Vbi reuelari legendum
esse, quemadmodum a Cl. Rigaltio editum est, facile intel-
liget, qui grauissimas pænulas cogitabit. Illud etiam ob-
seruabit, licet militibus communes pænulę essent, videri ta-
men magis speculatorum proprias, vt qui Imperatorum
mandata perferrent, supplicia exigenter, & ideo perpe-
tuo in itinere essent. Neque illud prætereundum est, pę-
nulas eas de more rufo colore fuisse, siue vt ipse loquitur
russo. Nam verbis illis, *grauissimas pænulas posuit, reuelari au-
spicatus, morosissimam speculatoriam pedibus absoluit, gladium
reddidit*, illa ex opposito respondent. *Nunc ruffatus sangui-
ne suo* (non pænulę colore) *spe calceatus*, & quę subijciun-
tur. Ita pænulę illę aut de more rufę, aut certe russo, siue
rubro colore fuerunt.

Quod verò subijcit Lipsius, viles seruorum in pullis vesti-
bus fuisse, verum est, si tunicam intelligit. Nam Martialis,
cuius locum adducit, loquitur de pueris, qui mensę mini-
strabant, qui sine pænula, sed tunicati tantum, vt notum
est, & viliores quidem tunicę ex lana Pollentina, quę pulli
coloris. Martialis.

*Lana quidem tristis (idest pulla) sed tonsis apta ministris
Quales non primo de grege mensa vocat.*

Pretiosiores ministri, & de grege primo tunicis albis,
mox & auratis succintri, iidemque intonsi, & muliebriter
culti; at secundarij, & viliores, tonsique, & inculti viliori
lana, ac colore tunicas induti. Quod autem Lipsius seruos
viliores cucullis vsos ex Martiali contendit:

Pullo Menius alget in cucullo.

vix venia dignus est. Ibi enim de ingenuo loquitur, & cu-
cullus quoque commune tegmen fuit. Postremo, neque il-
lud verum est, etiam pænulas purpureas fuisse ex Dionis
loco supra laudato de Tiberio, qui *mandyan* pullam gestauit
ad tollendum vsus purpurearum. nam Mandyam esse la-

cernam, non pænulam, doctis obseruatum est : lacernam inquam, non pænulam, neque togam purpuream, vt Xiphilini Interpres conuertit .

Narrat quidem Lampridius Macrinū destinasse dare populo pænulas coloris rosei in honorem Antonini filij, quæ vocarentur Antoninianæ . Quas miror cur in lacernas docti conuertant . nam vere pænulas donare decreuerat roseo colore insignes, cum lacernæ omnium colorum vulgo usurparentur, vt esset aliquod discrimen inter pænulas seruorum, & ingenuorum, cum Canulinæ rufæ etiam in lecticarijs viluissent . Quod autem auctor Libri de ytraque pænula pullum pænularum peculiarem colorem fuisse ex Suetonio contendit : *Visa quondam pro concione pullatorum turba, non animaduertit, ibi de lacernis loqui Suetonium . Subijcit enim: Vetuit quemquam nisi positis lacernis in circo consistere : quæ & ipsæ vulgo pullæ erant .*

Pænula inter vestes muliebres . Ea virilibus pretiosiores . Cap. IX.

Illud etiam discrimen inter lacernas, & pænulas fuit, quod lacerna vestimentum virile tantum fuit, vt supra ostendimus, pænula commune etiam mulieribus. D. de auro, argento, mundo legato : *Communia sunt quibus promiscuè vitur mulier cum viro: veluti pænula, palliumue est, & reliqua huiusmodi, quibus sine reprehensione vel vir, vel uxor utatur .* Lampridius tradit ab Alexandro interdictas matronis pænulas : *Matronas tamen intra Urbem pænulis uti vetuit, in itinere permisit .* Quas pænulas colore, & ornatu virilibus pretiosiores fuisse, credi par est. Nam Pollio in Quieti vita : *Alexandrum inquit Magnum viri in annulis argento, mulieres in reticulis, & in omni ornamentorum genere exsculptum semper habuerunt, eoque ut tunica, & limbi, & pænula matronales in familia eius hodieque sint, quæ Alexandri effigiem delicijs variantibus monstrent .* Ergo hæ pænulæ acupictæ, & variatæ fuerunt . Quales & Caligulæ de quo Suetonius cap. LII. *Vestitu, calceatque & cætero habitu, neque patriæ, neque civili, ac ne virili quidem, ac denique humano semper usus est . Sape depictas gemmatasque indutus pænulas .*

Finis Libri Secundi.

OCTA.

91

OCTAVII FERRARII DE RE VESTIARIA PARS SECVNDA. LIBER TERTIVS

QVI EST DE VESTE MILITARI.

*Diuerſa Chlamydis ſpecies . Chlamys puerilis . Alicula . Velum .
Longus correctus . Martialis explicatus . Cap. 1.*



Estimenta militaria apud Græcos, & Romanos fuere, Chlamys, Sagum, Paludamentum . Nam tunica communis etiam paganis fuit . Quæ licet diuerſa nomine, re tamen eadem indumenta, aut non multum diuerſa fuerunt . Chlamydem Græcæ originis eſſe, nec aliud quàm περιβόλαιον, hoc eſt veſtimentum quod tunicæ ſuperindueretur, & quidem ferè militare, ſcriptores conſentiunt . Vt quemadmodum toga pacis, ita chlamys belli inſigne eſſet. Philoſtratus lib.v. cap. xiv. χλαμύδος ἡράδῃ, καὶ ſτρατιώτε βίον . Chlamydem, & militarem vitam adamauit . An vero quemadmodum χλαῖνα, quod hieme frigus arceret, παρὰ τὸ χλαῖνεν dicta ſit, Grammatici viderint .

Porro diuerſæ chlamydis ſpecies apud ſcriptores occurrunt . Puerilis, Muliebris, ac Virilis . Rurſus hæc vulgaris, & Imperatoria, de quibus ſingillatim aliqua nobis adnotanda ſunt . Vlpianus D. de auro arg. leg. Puerilia veſtimenta eſſe ait, quæ ad nullum alium uſum pertinent niſi puerilem, veluti togæ prætextæ, Alicule chlamydes, pallia, quæ filiis noſtris comparamus . Iuris conſulti non infimæ notæ, qui quid eſſent Alicule non intellexerunt, Alicubi, aut Caligula repoſuerunt voces nihili . Doctiſſimus Hottomannus legendum putat

Aliculae, & manicatas tunicas intelligit, quæ pueris decoræ, grandioribus autem minus honeſtæ erant apud Romanos auctore Gellio . Sanè Heſychius ΑΛΙΚῆ χιτὼν χειρόδοτος explicat, tunica manicata . Quod verum eſſet, ſi huiuſmodi tunicas chiridotæ, ſiue manuleatæ pueris decoras aliquis veterum notaſſet, aut rationē Hottomannus attuliſſet, cur hæ tunicæ decoræ pueris, grandiori ætati probroſæ eſſent . Cum apud Gellium Scipio Sulpitium Gallū amarè perſtringat, quod in conuiuio adoleſcentulus cum amatore cum chiridota tunica inferior accubuerit . Vt nonniſi pueri meretricij ea tunica vterentur . Cuiacius Obſeruationum lib. x. xvi. i. i. Aliculas breues togas interpretatur, quod Martialis lib. xi. i. lxxx. i. i. ait :

Brumæ diebus, feriſſque Saturni

Mittebat Vmber Aliculam mihi pauper?

Id autem alibi ab eo ſic explicatum. lib. xi. i. i. vi.

Breuis gelidæ miſſa eſt toga tempore brumæ.

Sed tam Aliculæ, quam togæ, & alia veſtimenta mittebantur Saturni diebus, quas togas patronorum auaritia (qui munuſculis clientes colebant) vt ſumptui parceret, breuiores, & ſtriſſiores faciebat, vt idem vates non ſemel notauit . Sed cur aut vnde iſtæ breues togæ Aliculæ dictæ ſunt? Aliculæ notationem ſolus, quod ego ſciam, veterum poſuit Velius Longus de Orthographia . Cuius integrum locum afferam, quia ſatis obſcurus eſt, & corruptus . *Et de hac litera quaritur, quæ ſe cum his aut inferuit vocibus, aut præpoſuit: inferuit vt in his vehemens, reprehendit, cum elegantiores, & vehementer dicant . In reprehendit ſecundum primam poſitionem: prendo enim dicimus, non prehendo: at præpoſuit, vt cum dicas hoſtis, barena, alicam, etiam baliculam: cum ab alendo poſſit alica dici, & aliculam exiſtiment dictam, quod alas nobis inuicta contineat .* Haſtenus ille . Qui de aspiratione loquitur, ſiue vt ipſe credit litera H. Cum igitur ponenda eſſet nota aspirationis H. incuria librariorum hæc ſcriptum eſt . *Et* autem hanc literam partim ſe inferuiſſe quibuſdam vocibus, partim præpoſuiſſe . Inferuiſſe, vt in *vehemens*, & *reprehendens*.

prehendo, quum tamen elegantiores etiam vecemter diccerent, quod ibi sine aspiratione scribendum est. Inseruit etiam se in verbo *reprehendit* secundum primam positionem, scilicet *prendo* (cum post additum sit *Re*) *prendo* enim inquit dicimus, non *prehendo*. Subiicit prapositione se vocibus, ut *hostis*, *harena*, *halica*, *halicula*. Sententia veteris Grammatici est, *H*. literam velut in alienam possessionem irrupisse, & minime necessario prapositam vocibus, quæ ea carere poterant. Affert inter alia exemplum *Alice*, & *Alicule*, quarum si altera ab *alendo*, altera ab *alis* deducatur, quid opus aspiratione? Subiicit enim: *Hortus quoque non desiderabat aspirationem, quod ibi herbae oriantur*.

Totus igitur ille locus ita constituendus est. *Et de H. litera queritur, quæ se cum his aut inseruit vocibus, aut prapositione. Inseruit, in his vehemens, reprehendit, cum elegantiores, & vecemter dicant: in reprehendit secundum primam positionem: prendo enim dicimus non prehendo. At prapositione, ut cum dicas Hostis, Harena, Halica, Halicula: cum ab alendo possit Alice dici, & Aliculam existiment dictam, quod alas nobis iniecta contineat. Hæc ille. Verum neque Arena neque Alice neque Alicula aspirationem retinere.*


Ut in viam redeamus, si *Alicula* dicta est, quod alas nobis iniecta contineat, *Alicula* utique toga esse non potest, quod opinatur Cuiacius, quæ rotunda, & clausa alas habere non potuit. Fuit igitur *Alicula* chlamys, & quidem puerilis, & inter vestimenta puerilia a Iuris consulto recensita. Infantes enim olim, ac pusiones, aut nudi, aut chlamydula semitecti incedebant. Herodianus lib. i. narrat Commodum, quum familiarium nomina, quos neci destinauerat, libello inscripisset, eum libellum a puerulo, quem habebat in delitijs foras elatum totum negotium aperuisse. Erat autem inquit puerulus adhuc infans ex ijs, qui vestitu cetero nudi, sed auro, gemmisque ornati solent deliciarioribus oblectamento esse.

Reliqui ferme chlamydula humeris iniecta seminudi. Talem Mercurium suum describit Martianus initio operis:

*Ac iam pubefcentes genae ſeminudum incedere, chlamydeque indu-
tum parua, inuclatumque cetera humerorum cacumen obnubere
ſine magno riſu Cypridis non ſinebant. Apuleius lib. x: Aedeſt
luculentus puer nudus, niſi quod ephebica chlamyde ſiniſtrum te-
gebat humerum. Chlamydis puerilis meminit Suetonius Ti-
berio. cap. vi. Munera quibus a Pompeia Sexti Pompeij ſo-
rore in Sicilia donatus eſt, chlamys, & fibula, item bulla au-
rea durant, oſtendunturque adhuc Baijs. Subiectam Mercu-
rij chlamydari effigiem a Ioanne Galuano accepimus,
quo eloquentia, ac nobili reorum patrocinio nullus mor-
talium magis propitium Mercurium naſtus eſt, nemo The-
midis ſacrario propius admotus, nemo vetuſtatis cyme-
lijs publico bono inſtructior.*

Tabula XXII.





Quanquā haud verisimile est, præcipue apud Romanos, maiores pueros ita incessisse ea ætate, qua maxime velari corpora oportet, cum ob hanc causam etiam post togam virilem per annum exercitatione campestri tunicati essent. Sed infantes, puerique minusculi chlamydulam induti, quam, quia veluti alas haberet, *Aliculam* dixerunt.

Hinc iocus Martialis Interpretibus non intellectus lib. XII. Ep. LXXXIV.

Bruma diebus, feriisque Saturni

Mittebat Vmber aliculam mihi pauper:

Nunc mittit alicam, factus est enim diues.

Aiunt ex Plinio *Aliculam* maioris pretij fuisse, quam *Alicam*. Sed nihil horum apud Plinium. nam lib. XVI. cap. XI. ait. *Alica tria genera fuisse minimum, ac secundarium; grandissimum apherema appellari*. *Aliculam* pretiosiore fuisse nec apud Plinium, nec apud alios facile reperiās. Iocus poetæ non ita frigidus, ut isti volunt, in ipsa voce est. Nam *Alica* potionem e zeæ, ut notum est, significat, *Alicula* vestem siue parvam chlamydem. Ergo Vmber, cum esset pauper, mittebat *Aliculam*, id est vestem, Martiali: at diues factus mittit *Alicam*, hoc est potionem. Cum autem *Alica* maior esse videatur, *Alicula* argute carpit avaritiam Vmbri, qui factus diues pro veste potionem miserit. Missam autem *Alicam* a pauperioribus docet idem XII. VI.

Nos Alicam, mulsum poterit tibi mittere diues.

Si tibi noluerit mittere diues, eme.

Ceterum quemamodum nullus *Aliculam* pro *Alica* siue potionem accepit, sic contra nemo Latinorum *Alicam* pro veste posuit. Græci quidem ἄλκινα chlamydem dixere. Hesychius Ἄλκινα χλαμύδα, ἐν πόρπημα, οἱ δὲ πορπίδα χλαμύδα αἰνολογεῖται. Idem paulo post *Alica* tunicam chlidotam interpretatur.

Porro ephebos etiam in chlamydibus, & quidem veluti peculiari habitu fuisse apud exteros Plutarchus docet in Catone Minore, quum describit pompam Antiochientium, qui Demetrio Pompeij liberto apud herum gratiose ad se

aduentanti obuiam effuſi erant. Εν οἷς ἔφηβοι μὲν χωρὶς ἐν χλαμύσι, καὶ παῖδες ἐτέρωθεν κοσμίως ἐστήκεισαν. *Ephebi in chlamydis, pueri in alio ornatu separatim conſiſtebant.* Artemidorus lib. 1. cap. l. v. i. Εφ' ἑβεν id eſt *Epheborum habitum geſtare, ſi ſeruus ſibi videatur liber erit, quandoquidem ſolis liberis id lege permiſſum eſt.* Omnibus autem artiſtibus manuarijs, & Rhetoribus otium & ceſſationem in annum ſignificat. Oportet enim ephebum, ſive Tyronem τῇ χλαμύδι τὴν δεξιὰν ἐνελθύνειν ἔχειν. *Chlamydi dextram inuolutam habere.* Vbi obſeruandum, quemadmodū Romani anno Tyrocinii brachio togam cohibebant, vt ſupra adnotatum eſt, ita Græcos per annum dextram chlamyde inuolutam habuiſſe. χλαμύδιον ſive chlamydu- lam Plutarchus dat Fauſtulo nutricio Romuli ac Remi iam viro. Quum ſcilicet vt capto Remo opem ferret ſcapulam infantis crepundia Numitori detulit. οὐκ ἔλαθε τὴν σκά- φων τῷ χλαμύδι περιαλύπτων. *Apparuit ſcapula, quam chlamyda teſtam habebat.* Sed chlamydion pro ſimplici chlamyde ab eodem in Amoribus, & in Philopæmene uſurpatur. Et aut illa lacerna fuit, aut quid ſimile. nam Romæ ſecutis temporibus militum modo chlamydes fuere.

Chlamys muliebris. Dionis Interpres notatus.

Cap. 11.

Eſi chlamys propriè veſtimentum virile fuit, non ſemel tamen muliebris chlamydis mentio apud ſcriptores occurrit. Poeta de Didone:

Sidonio pictam chlamydem circundata limbo.

Agrippina etiā in ſpectaculo naualis prælij aurata chlamyde induta apud Tacitum lib. xlii. & Dionem lib. lx. quam Plinius paludamentum appellat. Idem Dio lib. lxxii. Bunduicæ Britanicæ habitum deſcribens χιτῶνατε παμπούκι- λον ἐννεκρόλπωτο, καὶ χλαμύδα ἐν αὐτῷ παχεῖαν ἐννεπύρπωτο. *Interpres. Induebatur tunica varijs coloribus diſtincta, ſinu- ſa per fibulas inſuper craſſa chlamyde cincta.* Sed quæ chlamyde cingi potuit? Rectius verteris. *Tunicam variegatam in ſinum*

sinum colligens, & in ipso (sinu) crassam chlamydem infibulata.

Chlamys militaris. Eadem cum Sago.

Cap. III.

Chlamydem fuisse vestimentum militare, quod tunicae, loricae, ac reliquae armaturae imponeretur apud Græcos, certum est & indubitatum. Plautus Comœdia palliata. Rudente Act. II. Scena II.

Ecquem adolescentemhuc,

Dum hic astatis strenua facie, rubicundum, fortem, qui tres

Duceret chlamydotos cum macharijs vidistis venire?

Vbi chlamydati sunt milites, quos secum Pleusidippus duxerat aduersus lenonem. Et Pseudolo. Quum sycophantam ornaturi essent militarem in modum:

Etiā opus est chlamyde, & machera, & petaso.

Quem Ballio primum videns.

Quis hic, inquit, homo chlamydatus est?

Vbi notant Interpretes, chlamydem viatoriam vestem esse, & chlamydotos qui peregre aduenirent. Quod ut verum sit, nam in itinere pro pallio chlamydem breuius vestimentum sumptum constat: sic Charinus apud eundem in exilium iturus posito pallio sumit chlamydem. Eo tamen loco chlamys non tam peregrinum, quam militem, militisue seruum demonstrat.

An vero chlamys etiam apud Romanos vestis militaris fuerit, dubitari potest. Nam Latini scriptores raro, aut nunquam in vestimentis militaribus chlamydis meminerunt, sed tantum Sagi, ac Paludamenti. Verum nihil aliud sagum, siue ut veteres loquebantur sagus, fuit quam chlamys. Indumentum scilicet siue περιβόλαιον, quod tunicae imponebatur, & fibula ut chlamys in humeris necebat. Auctor Etymologici: χλαμύς τὸ περιφερὲς καὶ κυκλοειδὲς, τὸ ἐν σινοειδεῖα λεγόμενον Σάγος: ἱμάτιον ὅπερ φορεῖσιν οἱ κηροφόροι.

Præterea cum inter bella ciuilia mutatio vestis fieret, depositis togis saga sumebantur. Hinc ire ad saga, & esse in

sagis apud Ciceronem & alios . Græci scriptores sumere chlamydes dixerunt . Dio lib. xlv. τὰς τε χλαμύδας τὰς στρατιωτικὰς πάντες καὶ ὅς μὴ ἐκστρατεύσαντες ἤμπέχοντο . Chlamydes autem militares (siue saga) etiam ὧ, qui non proficisciebantur in bellum, sumpserunt .

Chlamydem & Paludamentum idem vestimentum fuisse . Cicero explicatus . Cap. IV.

N Ec chlamys modo, ac sagum eadem res fuit, sed chlamys, ac paludamentum . ex quo illud sequitur, etiam sagum, & paludamentum idem indumentum fuisse . Nonius . *Paludamentum est vestis, qua nunc chlamys dicitur.* Nam licet paludamentum peculiaris Imperatorum vestitus fuisse videatur, sagum, siue chlamys militum, nihilominus etiam Imperatores chlamyde sagoque vsos apparet . Et de Græcis quidem Ducibus, atque Imperatoribus non est dubitandum, quin chlamyde in bello vsi sint . Plutarchus in Quæst. Conuualibus lib. i. Problem. xv. de Pericle. ὁ μὲν περιλής ὁσάκις ἡρημένος στρατηγὸς ἀνελάμβανε τὴν χλαμύδα . Idē in eius vita narrat quemadmodum classem in hostem educiturus, cum subita solis defectione consternatus esset gubernator triremis, sublatam chlamydem ori eius opposuerit, rogitans num illud dirum quid, aut horrendum videretur . Illo abnuente, quid igitur, inquit, interest, nisi quod maius chlamyde est, quod nunc tenebras agit . Idem Plutarchus de Alcibiade τῇ ἀριστερᾷ χειρὶ ἀπὸ τοῦ αὐτοῦ χλαμύδα περιέλας . Idem Philopæmenis chlamydem, siue chlamydulam tenuem, & detritam memorat, propter quam ab hospita vnus ex famulis creditus est : atque eundem in carcere, cum illi venenum carnifex attulisset, chlamyde obuolutum refert . Aelianus quoque variæ Hist. lib. xiv. cap. x. memorat dictum Demadis, qui ambitu Phocioni prælatus fuerat . Accedens enim ad Phocionem χρῆσόν μοι ἔφη τὴν ὑπὸ τὴν χλαμύδα κρυφθεῖσαν φορεῖν περὶ τὴν στρατηγίαν .

Romanos etiam Imperatores chlamyde vsos constat . Dio lib.

lib. LX. de Claudio . Αυτὲς μὲν οὖν ὀπλομαχίας ἀγῶνα ἐν τῷ
 στρατοπέδῳ χλαμύδα ἐνδὺς ἔθηκε . Xiphilinus de Seuero lib.
 LXXV. Sed vt vidit suos omnes fugere τῷ χλαμύδα περιῤῥή-
 ξάμενος, *discissa chlamyde districtoque gladio in fugientes insiliit.*
 Idem lib. LXXV I I. de Caracalla protegente Cilonem aduer-
 sus militare seditionem : Καὶ τῇ χλαμύδι (τῷ γὰρ στρατιωτικῷ
 ἔσθῃτα ἔρχε, περιβαλόντα αὐτὸν . *Ipsum Cilonum chlamydis obie-*
ctu tegens; nam tum ei vestis militaris erat . Herodianus de
 eodem Antonino lib. IV. ait eum sæpe Romana chlamyde
 deposita Germanorum indumenta sumpsi sse. Hoc est chla-
 mydes argento variegatas. Subjicit enim : ἐν τε χλαμύσῳ ἀρ-
 γύρῳ πεποικιλμέναις ἑώρατο . Apud eundem milites facturi
 Gordianum Imperatorem chlamydem purpuream ei cir-
 cumponunt . Et alibi Macrinum abiecta Regia chlamyde la-
 tuisse scribit .

An verò veteres Romani Duces, atque Imperatores li-
 bera ciuitate chlamyde vsi sint, non ita certum est . Imò
 Cicero negare videtur, qui in Oratione pro Rabirio Post
 humo, vt eum defendat, quod Alexandriæ palliatus in-
 cesserit, hæc habet . *Aut pallium sumendum Alexandriæ, vt*
& Romæ togato esse liceret : aut omnes fortune abijcienda, si to-
gam retinisset . Deliciarum causa, & voluptatis non modo ci-
ues Romanos, sed & nobiles adolescentes, & quosdam etiam Se-
natōres summo loco natos non in hortis, aut suburbanis suis, sed
Neapoli in celeberrimo oppido cum mitella sæpè videmus . Chla-
mydatum illum L. Sillam Imperatorem : L. vero Scipionis, qui bel-
lum in Asia gessit, Antiochumque deuicit, non solum cum chlamy-
de, sed etiam cum crepidis in Capitolio statuam videtis . Ex qui-
 bus verbis Vualtrinius de re militari lib. III. cap. XII. I.
 credit paludamentum, ac chlamydem diuersum vestimen-
 tum fuisse, alioqui frustra Cicero tanquam rem insolentem
 notasset Imperatorem chlamydatum . Verum locus iste
 Ciceronis omnino corruptus est, ac mutilus . Quomodo
 enim illa cohærent . *Chlamydatum illum L. Sillam, cum ijs*
quæ sequuntur ? Et hercle in veteribus libris variant . Sed
 ad intelligendum Ciceronem non parum conferet Val. Ma-

imus lib. xxi. cap. vi. cui titulus est. *Qui ex illuſtribus in veſte, aut in cætero cultu licentius, quam mos patrius permittebat, indulſerunt. Lucius quoque Silla, inquit, cum Imperator eſſet chlamydato ſibi, & crepidato Neapoli ambulare deforme non duxit. Fortaſſe igitur Ciceronis locum aut hæc, aut ſimilia verba ſuppleuerint. Chlamydatum illum L. Sillam Imperatorem Vrbs eadem vidit.*

Quidquid ſit, non notabile viſum eſt in Silla, & Scipione, quod chlamydati eſſent, quæ enim poterat, cum ea veſtis militaris & Imperatoria eſſet, ac paludamentum diceretur? Verum quum in vrbibus, atque oppidis non Imperatores modo, ſed reliqui ciues ea tempeſtate togati incederent, Silla contra conſuetudinem id ſibi indulſit, vt cum chlamyde, & crepidis incederet. L. vero Scipio ſtatuam ſibi chlamydatam, & crepidatam poni voluit, cum non niſi togatæ ponerentur, ea ſcilicet ſpecie, qua triumphabant: nam triumphantes in toga & quidem picta fuiſſe nemo ignorat. Idem Valerius de Scipione. *L. vero Scipionis ſtatuam chlamydatam, & crepidatam in Capitolio cernimus, quo habitu videlicet quia aliquando uſus erat effigiem ſuam formatam poni voluit.* Licentius igitur, quam patrius mos permetteret, id ſibi indulſit Scipio, vt ſtatua cum chlamyde ſibi poneretur, cum ſtatue togatæ ponerentur. Præterea cum crepidis, quæ Græcum pedum tegmen erant: ſi tamen tegmen dicendum eſt, quo ſola pedis inferior pars muniebatur reliqua inrecta, vt ſuo loco dicemus. Nam quod Liuius ait P. Scipionem notatum fuiſſe, quod palliatus cum crepidis apud Siciliam in Gymnaſio inambularet, Tacitus idem memorans ait, ipſum inteſtis pedibus inceſſiſſe. Ex quo apparet, Romanum calceamentum etiam militare pedem totum texiſſe, de quo infra.

Plinius etiam vt ſupra indicauiſus paludamentum cum chlamyde confundit. Nam quod Tacitus lib. xxi. narrat de Claudio edente Naumachiam. *Iſſe inſigni paludamento, neque procul Agrippina aurata chlamyde; & Dio confirmat.*

ὁ δὲ Κλαύδιος, ὁ τε Νέρων στρατιωτικῶς ἐς ἅλιν, ἥτε Αἰγυπτίαν

χλαμύδι διαχρύσω ἐκωσμεῖτο. Plinius sic retulit. Nos vidimā
 Agrippinam Claudij Principis edente eo navalis praelij spectacu-
 lum adsidentem ei indutam paludamento auro textili, sine alia
 materia.

*Sagum pro Paludamento, & contra scriptoribus pos-
 tum. Appiani & Plutarchi Interpretes
 notati. Cap. V.*

Quemadmodum Sagum & Chlamys, Chlamys & Palu-
 damentum, ita Paludamentum & Sagum pro eo-
 dem vestimento ponitur. Sallustius lib. II. Hi-
 stor. apud Nonium. Occurrere duci, & praelium accendere, adeo
 uti Metello in sagum, Hirtuleio in brachium tela venirent.
 Tunc autem Metellus Imperator. Horatius lib. Epodon.
 IX. de M. Antonio Imperatore.

*Terra, marisque victus hostis Punico
 Lugubre mutavit sagum.*

Vbi Porphyryon: Hoc est, deposuit coccineam chlamydem An-
 tonius, qua scilicet Imperator utebatur, & accepit lugubrem, id est
 nigram, & verum ob luctum victarum partium hoc facit, an ut in
 fuga lateat. Hirtius de bello Africano: Cum Scipio sagulo
 purpureo ante luba Regis aduentum uti solitus eset. Ita Sena-
 tus Romanus Masaniſſæ Regi munera mittit apud Liuium
 lib. xxx. Sagula purpurea duo cum fibulis aureis singulis, & la-
 to clavo tunicis.

Vt sagum pro paludamento, ita hoc pro illo vsurpatum
 inuenio. Liuius lib. I. de Horatij sorore. Cognitoque super
 humeros fratris paludamento, quod ipsa confecerat. At Curiatius
 miles manipularis erat. Lictores etiam paludati, id est cum
 sagulis. Idem lib. XLII. C. Claudius Cos. veritus, ne forte ea
 res provinciam, exercitumque sibi adimeret, non votis nuncupa-
 tis, non paludatis licторibus, nocte profectus praeceps in provinciam
 abiit. Et alibi. At lictores cum sagis. Cicero in Pisonem.
 Togula licторibus ad portam praesto fuerunt, quibus illi acceptis sa-
 gula reiecerunt. Male tamen illud Appiani in Punicis huc do-

ἄι trahunt de triumpho Scipionis : Αὐτοῦ δὲ ἠγέεσθαι τὰ στρα-
τηγὰ παρδοῦχοι, φωνικούς χιτῶνας ἐνδεδυκότες. Male inquam Pa-
ludatos liētores Interpretes vertunt. nam ibi liētores tuni-
cas purpureas, non paludamenta induunt. Quemadmo-
dum & illud Plutarchi in Marcello : Προικέτο μὲν ὁ φωνικούς
χιτῶν, ὅσπερ ἔκωθεν μαχρὴς ἰσομένης σύμβολον. Perperam *purpu-
reum paludamentū* interpretantur. Tunica enim ibi purpurea,
non paludamentum in signum pugnae proponitur.

Paludamentum Vestis Imperatoria. Cap: VI.

Licet hæc a scriptoribus confundantur, cū, vt diximus,
forma idem vestimentum fuerit paludamentum, chla-
mys, & sagum : qui tamen proprie locuti sunt paludamen-
tum Imperatoris chlamydem dixerunt, sagum militum.
Varro de lingua Latina lib. vi. *Paludata a paludamentis ; sunt
hæc insignia, & ornamenta militaria, ideo ad bellum cum exit Im-
perator, ac liētores vestem mutant, & signa incinuerunt Paludatus
dicitur proficisci; quæ propterea quòd conspiciuntur, & fiunt palam
Paludamenta dicta.* De notatione videant docti, ac rideant.
Cicero in Pisonem. *An cum proficiscebamini paludati in pro-
uincias, vel emptas, vel ereptas.* Et epist. ad Cassium. *Pansa
noster paludatus ad IIII. Kal. profectus est.* Liuius passim. lib.
xxi. *Ne auspicato profectus in Capitolium ad vota nuncupanda
paludatus inde in prouinciam iret.* Plinius in Panegyrico. *Ge-
stus Consulatus non hoc Urbis otio, & intimo sinu pacis, sed iuxta
barbaras gentes, vt illi solebant, quibus erat moris paludamento
mutare prætextam: id est, deposita prætexta sumere paluda-
mentum, & proficisci in hostes.* Iuuenalis Sat. vi.

*Cumque paludatis ducibus præsentē marito
Ipsa loqui.*

V. Interpres. *Euntibus ad militiam, chlamydati scilicet. Sal-
lustius: togam paludamento mutauit.*

Duces ergo, atque Imperatores paludati proficisceban-
tur in hostem, cum e bello reuenterentur, posito paludamen-
to togati Urbem ingrediebantur. Quare vt nouum, ac Ty-
ranni-

rannicum in Vitellio notauit Suetonius cap. xi. *Quod Urbem ad classicum introierit paludatus, ferroque succinctus inter signa, atque vexilla, sagulatis comitibus, ac detectis commilitonum armis.* Xiphilinus lib. lxxiv. de Seucro ingrediente primo Urbem cum Imperator factus esset narrat, *quum τisque ad portas Urbis in equo sedisset, καὶ ἐν εὐθῆτι ἵππικῇ, ἐντεῦθεν δὲ τὴν τε πολιτικὴν ἀλλαξάμενος.* Vbi pro veste equestri & Urbana rectius erit, *paludamentum*, & *togam* interpretari. Nunquam igitur intra urbem Duces paludati. Atqui si Dionis Interpreti credimus inter reliquos honores Pompeio absenti decretos ille etiam fuit, ut diebus festis paludamentum laureatus gestaret, vestem triumphalem in equestribus certaminibus. Verba Dionis sunt : *Δαφνοφορεῖν τε αὐτὸν κατὰ πάσας αἰετὰς πανηγύρεις, καὶ τὴν σολὴν, τὴν μὲν ἀρχικὴν ἐν πάσαις αὐταῖς τὴν δὲ ἐπὶ νίκῃ ἐν τοῖς τῶν ἵππων ἀγῶσι ἐνδύειν.* Atqui *σολὴ ἀρχικὴ* est vestis Consularis siue prætexta, non paludamentum. Dio autem paludamentum modo vertit *ἱμάτιον* purpureum, ut lib. xli i. de Cæsare, qui apud Aegyptum in mare deciderat, & cum grauaretur paludamento, cumque, quod esset purpureum, Aegyptiorum iaculis impeteretur, illud abiecit : quanquam Suetonius mordicus illud tenuisse dicit, ne spolio potiretur hostis. Partim *χλαμύδα στρατιωτικὴν* vocat, ut lib. il. de Polixeno, qui, ut in fuga lateret, *χλαμύδα τὴν στρατιωτικὴν* abiecit : partim simpliciter *Φόνικα*, ut lib. xlv i. de prodigijs, quæ Panfæ Cos. initio belli euenerunt : *Καὶ τις ἐν τούτῳ φόνικα αὐτῷ προσφέρων, ἐν effuso cruore lapsus, τὸν φόνικα ἐμίανεν.* Vbi *τὸν φόνικα* vertendum est *paludamentum*. Ergo *σολὴ ἀρχικὴ* non est paludamentum, quod olim credebamus, sed est vestis magistratuum, siue prætexta, qua S. C. uti poterat Pompeius, etiam si in magistratu non esset, sicut Triumphali in certaminibus equorum, hoc est Circensibus. Eum tamen, quæ fuit viri moderatio, semel tantum hoc honore usum, idem Dio tradit.

De Sago. Cap. VII.

S Agum non tantum pro veste militari, sed pro quouis tegumento vsurpatum, notauit Casaubonus ad Capitolinum de L. Veri equo Volucre, *quem sagis fuce tinctis coopertum in Tiberianam ad se adduci iubebat*. Vbi ex artis Veterinariæ magistris equos sagis coopertos fuisse demonstrat. Nos vestem militarem exsequimur.

Quemadmodum ergo paludamentum proprie loquendo fuit vestis Imperatoria in bello, ita sagum, siue chlamys, vestis militaris, qua tamen omnes milites, non tam gregales, & manipulares, quam ordinum duces, Centuriones, & Tribuni utebantur. Suetonius Vitellio cap. xi: *Urbem denique ad classicum introiit paludatus, ferroque succinctus inter signa, atque vexilla, sagulatis comitibus*. Capitolinus in Marco Philosopho: *Per Brundisium veniens in Italiam togam & ipse sumpsit, & milites togatos esse iussit, nec usquam fuerunt sagati sub eo milites*. De Centurionibus Suetonius Augusto xxvi: *Cum quidem cunctante Senatu Cornelius Centurio princeps legationis, reiecto sagulo ostendens gladii capulum, non dubitasset in Curia dicere. Hic faciet, si vos non feceritis*. Liuius lib. vii. *Hæc omnia Tribunus sagulo gregali amictus, Centurionibus item manipularium militum habitu ductis, ne ducem circumire hostes notarent, perlustrauit*. Vbi tamen apparet, fuisse aliquod discrimen inter saga Tribunorum, Centurionumque, & manipularium militum, quod infra expendemus.

Milites ergo in bello sagati. Suetonius Iulio xlviii. *Conuiuatum assidue per provincias duobus tricliniis, uno quo sagati, palliatine, altero quo togati cum illustribus provinciarum discumberent*. Torrentius cum Turnebo Sagatos Gallos interpretatur, quod Galli sagum gestarent: sed simplicius fuerit, sagatos milites dicere, qui in comitatu Cæsaris. Quod & Casaubono placet, qui palliatos etiam interpretatur Græcos, qui in ministerio & comitatu Cæsaris, ut medicos & eruditos. Sed cum Suetonius loquatur de prouincijs per
quas

quas conuiuaretur Cæsar, pallium autem commune fere gentium gestamen, palliati fuerunt prouinciales, ad quos Cæsar diuertebat. Verè & Galli Sagati. Strabo de Belgis lib. IV. Σαγγορῆσι δὲ καὶ κοιωτορῆσι. de quibus infra aliquid dicemus. Ceterum rebus turbidis, magnoque Reip. discrimine positis togis sumpta in vrbe saga, alias docuimus. Quibus adjice Liuij Epitomen LXXI I. *Italico bello, saga populus sumpsit.* Sequenti libro: *Obeam victoriam Romæ saga posuit sunt.* De eadem re Paterculus lib. II: *Tam varia, atque atrox fortuna Italici belli fuit, ut ad saga iretur, diuque in eo habitum maneretur.*

Chlamydis, Sagi, Paludamenti forma. Valtriny non unus error in Re Vestiaria. Cap. VIII.

Chlamydem, Sagum, Paludamentum, idem vestimentum fuisse, aut non admodum dissimile, ex forma etiã apparebit, quam veteres statuae repræsentant; & ratio ipsa confirmat, quod scilicet indumentum esset apertum, idque tunicæ superindueretur, & fibula neceretur. Chlamys quidem duplicis generis fuit, Macedonica, & Vulgaris. Macedonicam in extrema parte clausam testatur Ammonius. *Εἰς τέλειον περὶ τὰ κάτω συνήκται.* At vulgaris tota aperta. Macrobius: *Veteres omnem habitabilem terram extenta chlamydi similem esse dixerunt.* Hinc facile fuit, in re subita chlamydem pro clypeo sinistro brachio inuoluere: quod fecisse Alcibiadem in rebus extremis diximus. In prima tabula Adrianus cum chlamyde. In altera diuersis nummis milites chlamydati, siue sagati, Imperator paludatus. Ita tamen, ut breuiores chlamydes; longius, ac fufius paludamentum.

Tabula. XXIII. & XXIV.

Tab. XXIII



Tab. XXIV.

Hadriani




Hadriani



Hadriani



Commodi



Et quia aperta erat, ideo in humeris, vel ad ceruicem fibula neſtebatur, vt ex veterum monumentis apparet. Ouidius lib. xiv. Metamorph.

Pheniceam fuluo chlamydem comprehenſus ab auro.

Et paulo infra de eodem Pico in auem conuerſo:

Purpureum chlamydis penna traxere colorem

Fibula, quod fuerat, veſtemque momorderat aurum.

Pluma ſit, & fuluo ceruix praeingitur auro.

Statius:

Emicat, & torto chlamydem diſſibulat auro.

Codicis lib. xi. Tit. xi. lib. i: *Fibulis quoque in chlamydidibus utantur, quae ſolo auro, & arte pretioſae ſunt.*

Sagum item veſtimentum apertum & inſibulatum, quodque reliquis veſtimentis ſuperindueretur. Silius lib. xvi:

Humeris imponit honorem

Fulgentis ſaguli.

Caeſar lib. i: *Siniſtras ſagis inuoluunt.* Inde etiam patet, apertum fuiſſe, quod eo extenſo homines per ludibrium in ſublime iactabantur. quod a Nerone factitatum tradit Suetonius, & Martialis lib. i.

Ilis ab excuſſo miſſus in aſtra ſago.

Suetonius Othone cap. ii. *Ferebatur, & vagari noctibus ſolitus, atque inuolidum quemque obuiorum, vel potulentum corripere, ac diſſento ſago impoſitum in ſublime iactare.* Plinius lib. xvi. de Viſco: *Sacerdos candida veſte cultus arborem ſcandit, falce demetit, candido id excipitur ſago.* Quod autem fibulam haberet, Varro apud Nonium. *Quum neque aptam mollis humeris fibulam ſagus ferret.*

At ſagulum breuius ſagum fuit. Tacitus de moribus Germanorum: *Nudi, aut ſagulo leues.* Neque tamen audiendus Vualtrinius de re militari, qui contendit ſagum fuiſſe veſtimentum talare: quod Trebellius in Saturnino: *Huius inquit inſigne eſt, quod in conuiuiſio diſcumbere milites, ne inferiora denudarentur, cum ſagis iuſſit, hieme grauib, aeſtate perlucidis.* Hoc enim ſolum indicat ſaga fuiſſe tunicis longiora, non autem talaria. Nam cum tunicæ militum breuiiores

uiores essent, & fere tantum ad genua pertinerent, cum paganorum ad medium crus descenderent, cum iacerent milites in lectulis tricliniaribus periculum erat ob breuitatem tunicarum, ne ea renudarentur, quæ melius est tegi: itaque iussit Saturninus discumbere cum sagis, quibus inferiora velarentur. Casaubonus existimat depositas a militibus in conuiuio braccas: sed mihi verisimilius videtur, eas nondum receptas in communem usum, cur enim discubaturi braccas ponerent, quasi illuc ituri quo saturi solent?

Sed non semel peccat in re Vestiaria idem Vualtrinius vir alioqui doctus. Scribit ab Imperatore ad sagum paludamentum addi solitum. quod cum idem vestimentum fuerit, duo paludamenta gestassent Imperatores. Subjicit talare fuisse, quod supra arguimus. Id dextro brachio exerto in sinistro humero nodo alligari solitum. quod falsum veteres statuæ demonstrant. Hinc veluti solutis frenis in auia & absurda abripitur. Trabeam cum paludamento confundit, id est pallium cum toga: latos clauos, & angustos a Tribunis ad sagum additos fuisse, qui tamen soli tunicæ induebantur: milites frigoris causa sago pænulam superinduisse, & alia non docto solum viro, sed ipsis tyronibus, quique literas vix attigerunt, indigna.

Paludamentum etiam apertum fuisse, illud Liuij de Graccho demonstrat: *Paludamentum brachio inuoluens*. Etiam fibulatum veteres statuæ indicant: sicuti Imperatorium vulgari laxius fuisse, & fufius, tum supra allata numismata, tum Tabula proxime sequens.

Tabula XXV.

Tab. XXV.



Jac. Ruphotus F.

De Sago Gallico. Non fuisse fibulatum. Plutarchi

Interpres notatus. Cap. IX.

Non omnia tamen saga fibulata fuisse, declarant verba Claudii ad Regillianum apud Trebellium: *Arxus Sarmaticos, & duo saga ad me velim mittas: sed fibulatoria, cum ipse miserim de nostris.* Sed quinam populi gestarent saga minime fibulata, non ita certum est. Viri docti talia fuisse Gallorum sagula existimant ex Polyæno. *Ἰματίῳ δὲ χρῆσθαι σισύρα Γαλατικῇ. καὶ πρῶτος ἐμπροπρίατο σισύραν μέλαιναν.* Sed si Romanorum sagum fibulatum fuit ex Varro- ne: Hispanorum ex Appiano, vt infra dicturi sumus: Illy- ricorum, vt ex Claudii verbis intelligimus, Germanorum ex Tacito, qui ait *spina sagulum infibulare solitos*: Gallorum ex Polieno, vix inuenire erit, apud quas gentes sagum non in- fibularetur. Mihi Gallorum saga sine fibula fuisse viden- tur. In quo etiam falli Torrentium apparet, qui ad Sueton- ium tradit sagum a Gallis ad Romanos venisse: nam Gal- licum sagum, quantum coniectura assequi possum, a Roma- no diuersum. Hoc apertum, & fibulatum: at Gallicum ad- instar tunicæ, & quidem manicatum, qualia nostra saga sunt, & Sarii appellantur. Tacitus lib. II. Hist. de Cecinna: *Ornatum ipsius municipia, & colonie in superbiam trahebant, quod versicolore sagulo, braccas tegmen barbarum indutus toga- tos alloqueretur.* Si Romanum sagum id fuisset, hoc est Im- peratorium paludamentum, non fuisset mirum, aut inso- lens, si Romano militari habitu municipia, & togatos ho- mines adisset. Sed totus ducis cultus Gallicus fuit: brac- cæ, siue femoralia, & sagum manicatum. Plutarchus in Orthone rem eandem narans: *Γαλατικῶς ἀναξυρίσι, καὶ χειρί- σιν ἐνεσπινασμένους συμείοις, καὶ ἄρχεσι Ρωμαίωνις διαλεγόμενος.* Verus Interpres Gallicis subligaculis, thecisque ornatum Cecin- nam producit. Rectius Crusenius manicas vertit. Sed quæ nam illæ? nempe sagi. nam in tunica infames, ac pro- brosæ fuerunt. Quare Cecinna barbaro cultu incessit brac- cis, & versicolore sagulo, quod Gallorum proprium, & quidem manuleatum. Præter saga Celtas gestasse loco tu- nicæ vestes scissas & manuleatas vsque ad pudenda tradit

Strabo lib. iv. de habitu Gallorum : Οἱ γὰρ Κέλται ἀντὶ χιτῶνων χιτῆς χειρῶν τες φέρουσι μέχρι αἰδοίων καὶ γλέτων.

Ideo autem hæc aperta, & manuleata vestimenta gerebant, quod cū braccati essent inferiora corporis velabantur: at reliquæ gentes, quibus nullus braccarum usus, ob id claufas, & longiores tunicas habebant.

Si ergo Gallicum sagum manicatum, & ad instar tuniculæ nullus in eo fibulæ usus, quæ ad vestes stringendas, ne humeris defluerent, inuenta est. Quare apud Polyænum Sisyra non tam fuerit commune Gallorum sagum, quam chænæna, vestisque villosa, & fere ex pellibus caprarum confecta, quæ cum esset aperta, & reliquis vestimentis superinduere-tur, opus fibula erat, quæ illam ne cteret in humeris & colligaret. Σισύρα veteribus Grammaticis dicitur χλαῖνης εἶδος εὐτελές. Οἷον ἐξομῆς, ἢ ἀπλῶς τὸ τοῖστον. τινὲς δὲ ἱμάτιον τραχὺ. περιέολαιον ἀγροικίον. δελικὸν παλαιόν. ἢ χιτῶν δερμάτινος. Sed fermè pro crasso vilique stragulo, quod torale crassum & villosum interpretatur Budæus. Marcellinus de Iuliano lib. xvi: *Nocte dimidiata semper exurgens non e plumis, vel stragulis sericis, ambiguo fulgore nitentibus, sed ex tapete, & sisyra, quam vulgaris simplicitas sisurnam appellat.* Ad quem locum multa doctissimus Lindenbrogius de sisyra adnotavit, quæ operæ sit videre. Talis cum esset sisyra, non est credibile fuisse commune Gallorum sagum, quod virgatum, & intercurrente purpura distinctum veteres prodiderunt. Quæ autem in veste hirta, ac villosa hoc fieri potuerit, non video. Quidquid sit, etiam si Gallicum sagum more tunicæ indueretur, cum ad pectus apertum esset, fortasse opus ei fibula, qua clauderetur. Nam Diodorus de Gallis: ἐπιπορ-
ποιῶνται σάγες ραβδωτὲς. Atque ita quærendum adhuc apud quas gentes sagum non infibularetur. Nisi quis inde arguat Romanum sagum fibula caruisse, quod nullus veterum præter Varronem fibulæ in sago meminerit. Imo verba ipsa Varonis contrarium ostendere videantur non fuisse scilicet sagum fibulatum: *Quum neque aptam mollis humeris fibulam sagus ferret.* Et Claudius Regelliano: *duo sago velim mittas, sed fibulatoria, cum miserim de nostris, idest Romanis.*

manis: Non igitur ea fibulatoria.

Ceterum Isidorus lib. XIX. cap. XXIV. ait Sagum Gallicum nomen esse: dictum autem sagum quadrum, eo quod apud eos primum quadratum, siue quadruplex fuerit. Vnde hæc acceperit Isidorus haud scio. nusquam enim apud veteres sagi huius quadri, aut quadruplicis mentio. Nam quod sagum cum diploide confundit, idest cum pallio Græcanico, illudque Horatij

Contra quem duplici panno patientia velat.

de sago, & veste militari interpretatur, solens vaticinatur.

Sagum Hispanicum, & Germanicum.

Cap. X.

NON Gallorum modo, sed Hispanorum, & Germanorum sagum gestamen fuisse constat. Saguli Hispanici meminit Val. Maximus. lib. III. cap. II. de Pireso Celtibero. *Nec erubuit gladium ei suum & sagulum utroque exercitu spectante tradere.* Et lib. V. cap. I. exemplo XI. & ultimo Punici sagi mentionem facit. Strabo lib. I. de Lusitanis: *Μελανέριμονες ἄπαιρες, τὸ πλεον ἐν σάγοις, ἐν οἷσπερ καὶ Σιβαδοποιῖσι.* Appianus Ibericis: *Χρῶνται διπλοῖς ἱματίοις παχέσι, ἀντὶ χλαμύδων, αὐτὰ περιπορώμενοι, καὶ τὸ σάγον ἡγέονται.* *Vtuntur autem duplicibus vestimentis crassis, chlamydem vice, & infibulantes, ea saga appellant.* Et paulo infra: *ἐν περιπόρῃσιν αὐτὰ σάγον ἱερικῶς.* *Sagum Hispanico ritu infibulavit.* Sed qualis esset iste Ibericus infibulandi ritus, sicut quomodo hæc saga a chlamyde communi differrent, haud facile dixerim. Nisi illa duplicia, & utramque corporis partem tegentia, ac crassa: hæc leuior, & humeros fere operiens. Illud sane constat, & apertum sagum fuisse, & fibulatum.

Germanos quoque sagum gestasse tradit Tacitus, idque quandoque spina fibulæ vicem nexum. Porro hæc saga argento variegata fuisse, ex Herodiano ostendimus. Qui ait Caracallam sæpe Romana chlamyde deposita Germanorum indumenta sumpsisse. *Ἐντε χλαμύσιν ἀργύρῳ πεποικιλμέναις ἐπόρειτο.* *Sagum Germanicum ex Cluerio viro incomparabili huc transferri curauimus.*

Tabula XXVI.

Tab. XXVI.



Sagochlamys. Chlamys Dardanica Mantuelis.

Cap. XI.

SAgum, & chlamydem diuersa fuisse vestimenta merito quis arguerit, quod Trebellius inter dona dari iussa Claudio recenset sagochlamydes. *Sagochlamydes*, inquit *annuas duas*. Casaubonus interdum ex duplici genere vestium vnum confectum fuisse demonstrat, quod vtriusque figuram participaret. Sic *chlamydem mantuelem* idem auctor nominat: sic *tunicam palliolatam* Vopiscus in Bonoso recenset. Si ergo sagochlamys ex chlamyde & sago composita, quod discrimen inter vtramque vestem fuit? Quidam existimant inter sagum, & chlamydem eandem differentiam fuisse, quæ inter chlenam, & chlamydem, quas Grammatici Græci figura diuersas tradiderunt, quod chlæna quadratum pallium esset, chlamys autem in inferiori parte committeretur. Sed nonnisi chlamys Macedonica, vt ijdem tradunt clausa erat in infima ora; & Romanorum, & reliquarum gentium chlamydes totæ apertæ, vt vetera monumenta demonstrant. Sed esto fuerint chlamydes omnes in inferiori parte commissæ. Velim mihi dicere, quæ forma sagochlamydis. Si tota clausa, nihil ex sago habuerit, quod apertum: si solum in parte inferiori, tantum chlamys fuerit. Ita res magis implicatur, & obscura fit.

Fortasse igitur sagochlamys ex vulgari chlamyde, & sago Gallico composita fuit, ita vt adinstar tunicæ, vt de Gallorum sago diximus, indueretur, & manicas haberet, ceterum ad latera hinc inde pendulas alas adinstar chlamydis haberet. Cui hæc coniectura non placet, is de suo meliorem expromat, & magnam gratiam inibit.

Eadem siue maior difficultas in verbis quæ sequuntur proxime apud Trebellium: *Chlamydem Dardanicam mantuelem vnā*. Si enim mantuelis a manto, vt docti viri censent, mantum autem ἀπὸ τῆς μανδύος, & μανδύς eadem, ac lacerna, cum chlamys, & lacerna idem, aut non multum diffi-

mile vestimentum fuerit, quid diuersum inueniemus, ex quo noua hæc vestis conflata sit? Nisi dicamus Mandyan etiam pro pænula accipi solere: pænulam autem diuersam à chlamyde, & lacerna docuimus, ita vt hæc vestis mixta fuerit ex chlamyde, & pænula. Nec aliud in re tam antiqua, & obscura expedire in promptu est.

Sagi, Chlamydis, & Paludamenti Materia.

Cap. XII.

Sicut forma, ita eadem materia fuit chlamydis, sagi, ac paludamenti, nempe lana; ex qua etiam Togæ & tunicæ, omnisque Quiritium vestitus conficiebatur. Nam cum sericum nondum in vsu vrmano esset, nedum militari, linum etiam aut incognitum, aut processu temporis solis interioribus tunicis adhibitum, vna vestimentorum materia lana fuit.

Sed sicut togæ & Tunicæ ex lana aliæ alijs pretiosiores fuere ipsius lanæ pretio, eadem ratione & chlamydes sagaque, & paludamenta maioris minorisue pretij. Saga scilicet gregalium, & manipularium militum crassiora, ac viliora fuere ipsa lanæ ignobilitate: at Centurionum, ac Tribunorum maioris pretij, ac nobilioris texturæ. *Liuius lib. VII. Tribunus sagulo gregali, amictus centurionibus item manipularium militum habitu ductis, ne duces circumire hostes notarent, perlustrauit.* Cum enim idem color vestimentorum militarium esset, præter Imperatorium paludamentū, quod purpureum, non aliud videtur discrimen fuisse, quam quod Tribunorum, ac Centurionum sagula ex pretiosiore, gregalium ex viliori lana conficerentur: & illorum nobilior, horum vulgaris textura esset: illorum pexa, ac mollior lana, horum crassior, hirta, ac villosa, interdum longo vsu detrita. Ita apud Plutarchum Philopæmen tali indutus chlamyde pro seruo habitus est. Hinc sagum pro veste viliori, ac crassiori, quam Martialis opponit lacernis purpureis potentiorum lib. VI. Ep. XI.

Te Cadmea Tyros, me pinguis Gallia vestis

Viste purpureum Marce sagatus amem?

Vbi pingue, crassumque sagum, quod ferme in Gallia conficiebatur, Tyriis lacernis opponitur. Idem lib. VI II. Ep.

LVI II.

Cum tibi tam crassa sint Artemidore lacerna,

Possum te Sagarum iure vocare meo.

Seneca Epist. XVIII: *Grabbatus ille verus sit, & sagum, & panis durus, ac sordidus.* Paulo ante dixerat: *Interponas aliquot dies, quibus contentus minimo ac vilissimo cibo dura atque horrida veste dicas tibi. Hoc est quod timebatur.* Insignis sed misere corruptus Strabonis locus est lib. IV. de Belgis, & eorum vestitu: ἢ δὲ ἐρέα, τραχεῖα μὲν, ἀκρόμαλλος δὲ, ἀφ' ἧς τῆς δασέως σάγως ἐξυφαίνουσιν, οὐς λαίνας καλεῖσιν. οἱ μὲν τοι Ρωμαῖοι, καὶ ἐν τοῖς προσβορωτάτοις τοῖς ὑποδυφθέρας τρέφουσιν πόμινας, ἰκανῶς αἰσείας ἐρέας. Quæ sic vertit Interpres: *Lana eorum aspera est, sed ipsam proximè pellem detonsa: ex ea densa Saga texunt, quas lænas vocant.* Sane & Romani in maxime Septentrionalibus locis degentes, laneas infra diptheras gerunt vestes siue lanas satis elegantes. Nec mirum infeliciter admodum in hoc loco versatum, quem summus vir Casaubonus difficilem fatetur, & de quo neutram in partem affirmare audet. Sed omnino vera est, atque optima eius interpunctio, quam hæsitanter ponit. Nimirū, οὐς λαίνας καλεῖσιν οἱ Ρωμαῖοι. οἱ μὲντος καὶ &c. Non alia enim sententia esse potest, quam apud Belgas lanam asperā esse, & breuem, ex qua saga conficiuntur, quas lænas Romani vocant. At eos (Belgas) qui ad septentriones magis vergunt habere lanam longiorem, & eximiam. Ἀκρόμαλλος dicitur Interpreti, ad cutem detonsa lana. sed omnes lanæ ita tondebantur. Ἀκρόμαλλος, est brevis, cui opponitur Βαθύμαλλος, & Δασύμαλλος longa, & densa. Omnia autem alia vidit hîc Interpres. Nam quis illa intelligat? Sane & Romani in maxime Septentrionalibus locis degentes laneas infra diptheras gerunt vestes, siue lanas prorsus elegantes. Prorsus ineptissime. Optime vir idem Incomparabilis ὑποδυφθέρας oues pellitis interpretatur, quas

quas Belgæ alebant, unde lanam bonam consequerentur. Eas enim oues pellitas, vel teetas Latini dicebant. Varro de re Rustica. lib. II. cap. II: *Pleraque similiter faciendum in quibus pellitis, quæ propter lanæ bonitatem, ut sunt Tarentina, & Attica, pellibus integuntur, ne lana inquinetur.* Horatius.

Dulce pellibus ouibus Galeſi

Flumen.

Ita ἀσείον appellari a Strabone, quod in suo genere eximium est. Totus igitur ille locus ex Casauboni interpretatione ita vertendus est: *Lana aspera, & brevis villi, ex qua crassa saga texunt, quas Lenas Romani vocant. Qui vero ad septentriones tendunt greges pellitos alunt valde eximia lana vestitos.* Lana aspera densa, ac vilioribus vestibus adhibita, qualia lænæ, saga, & huiusmodi. Idem Strabo lib. v. scribit lanam mollem, & omnium longe optimam prouenire in Italia circa Mutinā & flumen Scutanam. τὴν δὲ τραχέϊαν ἢ λιγυρικὴν, ἢ τῶν Ἰουστῶρων. ἐξ ἧς τὸ πλεον τῆς οὐκίας τῶν ἰταλιωτῶν ἀμύχεται. *Asperam Ligures, & Insubres præbent, ex qua plerique Itali familia vestimenta conficiunt.* At serui in sagis, ac centonibus, ut ex Columella docuimus. Subjicit Strabo eodem lib. I v. Iisdem Belgis tam copiosos fuisse pecorum, & porcorum greges, ut sagorum, & salsamentorum copiam non Romæ tantum suppeditarent, sed et plerisque Italiæ partibus. Et paulo infra sagorum, & tunicarum Ligusticarum meminit. Saga igitur, ut dicebamus, Tribunorum, & Centurionum ex pretiosa lana fuerunt, eaque pexa, ac recentia: at gregalia ex densa, hirtaque, & ferme vsu detrita. Xiphilinus lib. LXXI: *attritum sagulum dat Vitellio in rebus extremis, si Interpreti credimus. Vitellius sordido, laceroque sagulo amictus, se abdit in obscurum locum.* Sed in Græco est. χιτῶν·σκον τε πανώδη ῥύπαρον ἐνέδου. *Lacera sordidaque tunicula amictus.*

Par error in eadem re eiusdem Interpretis. Nam libri LXXIV. initio, ubi de Prætorianis Perrinacis interfectoribus a Seuero exauكتورatis loquitur: *Hi inusti abiectis armis, equisque dimissis, ac discinctis sagis dispersi sunt.* Græca sic habent

habent. ἔντε τοῖς χιτῶσι αἰχμοῖ. Ad verbum *tunicati*, & *disincti*: idest sine sagis, & baltheo. Saga enim non cingebantur baltheo. quoniam enim poterant? sed tunicae, cum sacramentum dicerent: in exauctoratione, & baltheum illis, & vestis militaris ignominiae causa adimebatur. Chlamydes etiam, & Paludamenta ex lana pretiosiori, aut viliori fuerunt, pexa, aut hirta. Spartianus de Seuerio: *Hic tam exiguis vestibus usus est, ut vix tunica eius aliquid purpure haberet, & cum hirta chlamyde humeros velaret.* Quas Seueri chlamydes hirtas, & tunicas a semas ab Alexandro in usum reuocatas tradit Lampridius in eius Vita.

Communes igitur chlamydes, saga, & paludamenta ex lana conficiebantur. Dio lib. LIX. scribit Caium Caesarem, quum per pontem triumphali pompa incederet, quem inter Baulos, & Puteolos struxerat, indutum fuisse thorace Alexandri Magni, & chlamyde serica. Quod nouum ac notabile in monstroso, prodigo, atque effeminato Principe fuit. Idem Commodum tunica, & chlamyde serica purpurea auro inspersa usum scribit.

Chlamys & Paludamentum auratum. Lacerna aurata.

Habitus Citharocorum. Cap. XII.

F Vere & chlamydes auratae, maxime apud barbaros. Spartianus in Adriano: *Cum a Pharasmane ingentia dona accepisset, atque inter haec auratas quoque chlamydes, trecentos noxios cum auratis chlamydis in arenam misit ad eius munera deridenda.* Porro noxios in tunicis auratis, & chlamydis purpureis in Amphitheatrum inductos alij obseruatum est. Auratae chlamydis meminit & Virgilius lib. IV.

Victori chlamydem auratam quam plurima circum

Purpura Meandro duplici Meliboea cucurrit.

At Romae Agrippina in Naumachiae spectaculo auratam chlamydem induta, ut tradit Tacitus lib. XI: *Ipse insigni paludamento, neque procul Agrippina aurata chlamyde.* Dio lib. LX. *Αγριππὶνὰ χλαμύδι διαχρυσῶ ἐκωσμένη.* Chlamis διαχρυσ

hoc est auro distincta, siue aurum distinctum habens: atqui Plinius totam auream facit. Nos vidimus Agrippinam Claudij Principis edente eo Naualis praelij spectaculum adfidentem ei indutam paludamento auro textili sine alia materia. Quod profecto mirum. quomodo enim aurum sine alia materia texi potuerit difficile dictu est. Etiam Caligula teste Suetonio per pontem Baianum aurea chlamyde incessit. Eam Dio lib. lxx. chlamydem fuisse ait σερικὴν ἀλεργὴν πολὺ μὲν χρυσοῦν, πολλὰς δὲ καὶ λίθους Ἰνδικὰς ἔχουσαν. Sericam purpuream, multo auro, multisque gemmis Indicis ornata. Etiam lacerna, quam non multum dissimilem chlamydi notauimus, lacerna inquam aurata citharædorum peculiaris fuit; quorum habitus cultusque notabilis. Iuuenalis Sat. x.

Et quibus aurata mos est fulgere lacerna.

Auctor librorum ad Herennium dat iisdem pallam auratam & chlamydem purpuream: Vti Citharædus cum prodierit optimè vestitus, palla inaurata indutus, cum chlamyde purpurea coloribus varijs intexta, cum corona aurea, magnis fulgentibus gemmis illuminata. Pallam purpuream dat Ouidius Arioni Faustorum. l. i.

Induerat Tyrio distinctam murice pallam.

Ita Citharædorum habitus fuit tunica talaris, & chlamys. Quæ tunica etiam palla dicta videtur, licet pallam proprie fuisse fæminarum pallium dixerimus in verbis paulo ante positis palla inaurata indutus cum chlamyde. Nam si palla ibi pallium esset, quomodo chlamys supra pallium sumeretur? Quod autem ea tunica talaris esset, ideo cum stola Orpheum inducit Varro de re rustica lib. l. iii. cap. xlii. Quintus Orpheæ vocari iussit, qui cum eò venisset cum stola, & citharra, & cantare esset iussus. Ea tunica talaris distincta, quam ὀρθοστάσιον Græci dixere. Dio lib. lxxi. de Neronis habitu Citharædico. Nam cum statuisset ad citharam canere, non sustinuit a Corbulone videri τὸ ὀρθοστάσιον ἔχων. Aliqui hanc tunicam rectam credunt, qualem cum pura toga Tyroni nouæ nuptæ indui tradit Plinius lib. viii. cap. lxxviii. Sed rectas tunicas dici tradit Festus, quæ a stantibus sursum

sum versus texerentur. Simplicior notatio est, quod cum non cingerentur starent rectæ, siue non interruptæ vinculo descenderent. Pollux: χιτῶν ὀρθοστάδιος ἐζωνύμενος. Discincta ea tunica, & fluens: vt mirū sit Bathyllum Citharædum ab Apuleio lib. 11. Florid. induci cum tunica cinctā: *Eique prorsus Citharoedici status, Deam conspiciens canenti similis, tunicam picturis variegatam ad pedes deiectus ipsos, Græcanico cingulo, chlamyda velat utrumque brachium adusque articulos palmarum.* Tunicam etiam talarem manicatam tribuit Tragoëdis Lucianus in Ioue Tragœdo: καὶ τὰς ἐμβάτας, καὶ τὰς ποδήρης χιτῶνας, καὶ χλαμύδας, καὶ χειρίδας Vbi Interpres χειρίδας chirothecas imperite vertit, cum Manicas vertendum sit. Cothurnos, tunicas talares manilectas, & chlamydes. Idem Icaromenippo iisdem dat τὴν χρυσόπασσον σολῶν Stolam, siue simpliciter vestem auro sparsam, siue intextam.

Præter tunicam talarem, & orthostadion fuit etiam Citharædis chlamys, siue lacerna purpura, auroque distincta. Lucianus aduersus Indoctum, tradit Euangelum Citharædum venisse Delphos, vt in agone certaret: habuisse ἐσθῆτα χρυσόπασσον, & coronam auream gemmis distinctam. mox subiicit: καὶ ἡ πορφύρα δὲ ἐνεπρεπε τῆς ἐσθῆτος, ἢ μετὰ τὴν χρυσὴν διεφαίνετο. Ipsa purpura que auro intexta visebatur, commendabat hunc cultum mirifice. Nec tunica solum talaris fuit, sed & chlamys longum syrma trahens. Horatius:

Traxitque uagus per pulpita uestem.

Habes hic Neronis nummum habitu citharædico.



Tunica militaris color. Tertullianus explicatus. Cap. XIV.

ANtequam chlamydis, sagi, ac paludamenti colorem indagemus, præstat colorem tunicæ militaris exquisere. Togas, tunicasque Vrbanorum albas fuisse ostendimus, natiuo scilicet lanæ colore, mox & fullonis arte. Ita militares tunicas pariter fuisse albas credendum est. Non enim est verisimile Quirites ad bellum ituros tota vestimenta mutasse, & pro alba ruffam, aut alterius coloris induisse. Qui autem iste color? Et quis veterum scriptotum eius mentionem fecit? Valerius Maximus lib. II. cap. I. tradit Lacedæmonios ad dissimulandum, & occultandum vulnereum cruorem puniceis tunicis in prælio vsos. Aelianus lib. VI. cap. VI. *ποινικὴ* appellat. Quod si Romanis idem mos fuisset, non dissimulasset Valerius, & a proximo exemplum petiisset. Isidorus lib. XIX. cap. XXI. scribit Romanos milites sub Consulibus tunica ruffata vsos, vnde & ruffatos vocatos esse. Verū quantū Grāmatico illi credendum sit, toties in hoc opere præfati sumus. Et nullus veterum tunicæ ruffatæ meminit sub Coss. & ruffati modo diceban-

curagitatores in Circo, nō milites, a colore factionis. Iuuen.

Premium ruffati pone Lacerta.

Subjicit melior ille vir, quam Criticus: *Solebat enim pridie quam dimicandum esset, ante principia poni, quasi admonitio & indicium futurae pugnae.* Quod ut verum sit, num propterea illa milites utebantur sub Consulibus? Quare miratus sum viros doctos sola Isidori auctoritate subnixos illud Martialis:

Roma magis fuscis vestitur, Gallia rufis:

Et placet hic pueris, militibusque color.

partim intellexisse de tunicis ruffis Canusinis, quæ servis & militibus in usu fuerint, partim de pænulis; quum nullo pacto de tunicis Martialis loquatur, sed tantum de pænulis, ut titulus indicat. Cum præterea discrimen fuerit inter colorem rufum, & ruffum: ibi autem Martialis de pænulis ruffis loquitur.

Tunicarum etiam punicearum in Salijs sacerdotibus tanquam rei nouæ, & notabilis meminit Plutarchus in Numa.

Atqui *tunica ruffæ militaris* mentionem fecit Trebellius in Claudio. Verum id extremis Romani Imperij temporibus contigit, cum in reliquis etiam vestimentis magna mutatio facta est. Quanquam neque id satis probare potest, tunicas militum promiscuas fuisse ruffas; sed tantum Tribunorum & Ducum. Nam inter dona, quæ Claudio Tribuno Martiæ V. legionis dari iubet Valerianus, sunt etiam *tunicæ militares ruffæ*, duæ tantum, in eius scilicet usum. Apud Vopiscum etiam Valerianus iubet dari Probo electo Tribuno *tunicas ruffulas duas*. Idemque apud eundem iubet dari Aureliano *tunicas ducales ruffas quatuor*. Sane sub Se-uero, non longo tempore ante Valerianum, milites in tunica communi, hoc est alba. Quod patet ex Tertulliani verbis de Corona militis, quibus vir summus, qui nuper eum edidit, usus est, ut contrarium ostenderet. Loquitur ibi Africanus de milite, qui quod laureatus ut ceteri congiarium capere recusasset prius exauctoratus supplicio destinatus est. Adempta autem illi est, dum exauctoratur, pænula, &

cum gladio caliga ſpeculatoria: *Grauiſſimas pænulas poſuit reuelari auſpicatus: ſpeculatoriam moroſiſſimam pedibus abſoluit terræ Sanctæ inſiſtere cupiens.* Subjicit: *Et nunc ruſſatus ſanguine ſuo, ſpe calceatus.* Ex his & Pamelius, & vir ille doctiſſimus, hoc in loco, in quo ab eo diſſentimus, non nominandus, contendit tunicas militum ruſſatas fuiſſe. Sed quis non videt verba hæc; *nunc ruſſatus ſanguine ſuo;* reſpondere, atque opponi illis, *grauiſſimas pænulas poſuit, vt & ſequentia primis: ſpeculatoriam pedibus abſoluit, ſpe calceatus: gladium reddidit ſuccinctus acutiore (gladio) Verbo Dei: Laureæ de manu clauit, martyrii candida laurea melius coronatur.* Certe illi tunica relicta eſt, quæ ſi fuiſſet ruſſata, non ſubiſſet Tertullianus, *nunc ruſſatus ſanguine ſuo.* nam & tunica ruſſatus fuiſſet. Sed pænula ruſſa ad emptam illi: non alia re ruſſatus erat, quam ſanguine ſuo. Ruſſa inquam pænula fuit, non tunica. Neque tamen ijs aſſentior, qui ruſſatas illas militares apud Trebellium pænulas interpretantur, & tunicas cum pænulis confundunt. Ceterum viri eiſdem doctiſſimi, & cui plurimum Tertullianus debet, optima videtur correctio ex veteribus libris: *Nunc ruſſatus ſanguinis ſui ſpe.* nondum enim miles ruſſatus erat, ſed tantum martyrii ſpe, calceatus autem de Euangelii paratura. Quid enim *ſpe calceatus?* *Succinctus acutiore Dei,* ſcilicet gladio. Ita totus ille locus interpungendus eſt. Quemadmodum quod in vulgaris extat. *Grauiſſimas pænulas poſuit reuelari auſpicatus,* recte idem poſuit reuelari. quod ad grauiffimas pænulas referendum eſt. Sed hæc non ſunt huius loci.

Chlamydis, Sagi, & Paludamenti color.

Cap. XV.

VT tunica militaris alba fuit, ita chlamydes & ſaga nullo adſcititio, ſed nativo lætæ colore fuiſſe credimus. Quum Imperatores, Ducesque hoc vno a militibus diſtinguerentur, quod paludamentum purpureum, ſiue coccinum geſtarent.

Et

Et communes quidem Græcorum chlamydes albas fuisse tradit Pollux lib. vi i. cap. xi i i. licet Plutarchus in Philopemene eius exercitus ornatum militarem describens ait chlamydes fuisse floridas: *ερατιωτικῶν χλαμύδων διασημένων. Chlamydem militarium varijs coloribus pictarum.* At Romanorum natio lanæ colore. Porro chlamys siue paludamentum Imperatorium purpureum, siue ex cocco. Plinius lib. xxi i. cap. i: *Atque ut sileamus Galatie, Africe, Lusitania cocci granum Imperatoris dicatum paludamentis.* Dio lib. xli i. de Cæsare, qui in Aegypto subita hostium eruptione prægruante scapha in mare defilierat: ait ipsum magnum vitæ periculum adiisse, cum & veste grauaretur, & iaculis hostium vnus impeteretur, quod eum ex purpura (nempe paludamento) Imperatorem esse cognoscerent. Quod narrans Appianus lib. i i. ciuil. ait *τὴν πορφύραν ἀπέρριψε.* hoc est, purpureum paludamentum.

Ipse Cæsar de se Comment. vi i. *Accelerat Cæsar, ut praelio intersit, eius aduentu ex colore vestis cognito.* Horatius de Antonio fugiente, ac victo.

Terra marique victus hostis Punico

Lugubre mutauit sagum:

Idem Dio lib. xlv i. paludamentum simpliciter *φόνικα* appellat, de ostentis quæ Panfæ Cos. oblata sunt ante praelium, quod illi supremum fuit: *Cum quis illi paludamentum attulisset in effuso cruore (sacrificij) lapsus vestem maculauit.* *Καὶ τις ἐν τέτῳ φόνικα αὐτῷ προσφέρει.* Ita Appianus de bello Punico narrat Senatū Romanū Phameæ, ob strenuam operam bello Punico nauatam, donasse purpurā, & auream fibulam. *Φαμαίαν δὲ ἐτίμησαν ἀλεργῆδι, καὶ ἐπιτορπήματι χρυσῷ.* Purpureo paludamento, quod fibula aurea necebat. *Nō purpura, & bulla aurea,* quod docto Interpreti visū est.

Idem in Parthicis memorans prodigia, quæ Crassi necem præcessere, illud primo posuit, atratum eum non purpuratum ad milites processisse: *οὐκ ἐν φοινικίδι, ἀλλ' ἐν ἱματίῳ μέλανι.* Quæ omnino verba etiam apud Plutarchum in Crasso habentur. Idem Appianus alibi de M. Antonio, qui eodem

Parthico bello Romanis ducibus fatali allocuturus milites pullum paludamentum petierat, quo esset miserabilior, sed dissuadentibus amicis ἐπὶ στρατηγίδι ποινίδι processit. Valerius Maximus idem narrans de Crasso ait Imperatorium paludamentum aut purpureum fuisse aut album. lib. 1. cap. vi: *Pullum est traditum est paludamentum, cum in prelium ex-
euntibus album, aut purpureum dari soleret.* Hirtius de bello Africano: Cum Scipio sagulo purpureo ante Iuba Regis aduentum uti solitus esset, dicitur Iuba cum eo egisse, non oportere illum uti uestitu, atque ipse uteretur. Itaque factum est, ut Scipio ad album sese uestimentum transferret. Appianus de bellis Hispanis: Mandatumque erat, si quid tumultus ab hostibus oriretur, signum extollerent, interdum ποινίδα ἐπὶ δόρατος paludamentum ex hasta suspensum, non pannum rubrum, ut reddit Interpres. Et V. ciuiliū narrat Sextum Pompeij filiū belli successibus inflatum τῷ σωήθῃ τοῖς αυτοκράτορσιν χλαμύδα ἐκ ποινικῆς ἐς κυανὴν μεταλλάξαι. Imperatorium paludamentum purpureum in caruleum mutasse, quasi a Neptuno adoptatus esset.

Hinc paludamentum chlamydem purpuream Græci scriptores verterunt. Dio lib. lxxv. narrans Vitellii æstum atque agitationem animi sub aduentum Flauiani exercitus: *Interdum, ait, τῷ χλαμύδα τῷ πορφυρᾷν ἐφόρει, gladioque cingebatur, interdum vestem pullam sumebat.* Regiam chlamydem appellat Herodianus lib. 11. de Seuero, quem scribit in prælio aduersus Albinum, & fugisse, ἀπορρίψαντα δὲ τῷ χλαμύδα τῷ βασιλικῷ. Nam Regum chlamydes purpureæ. Seneca Ep. lxxvi: *Felix est non magis, quam ex illis, quibus sceptrū, & chlamydē in scena fabula assignant.* Alibi Herodianus Ρωμαικῷ χλαμύδα de Caracalla, quicquid deposita Germanorum cultu incedeabat, præcipue sagulis argento variegatis. Nec multo post tradit eundem aperto Alexandri Magni conditorio χλαμύδα ἣν ἔφερεν ἀλεργῇ corpori ipsius imposuisse.

Si ergo Imperatorum Romanorū chlamys purpurea fuit, cur Dio Commodi habitum notans ait ipsum ingressum esse theatrum purpurea tunica indutum auro inspersa, accepta simili chlamyde more Græco? εἰσὼν χιτῶνα ἀλαμπύρονον χρυ-

σῶ καταπάσον χλαμύδα τε ὅμοιαν τὸν Ἑλληνικὸν τρόπον λαμβάνων. Herodianus lib. I. idem narrans: ἀμφέννιτό τε ἀλεργεῖ, καὶ χρυσοῦ φεῖς ἰδοῦντας: *Deposito Romano, ac Principali cultu*. Non ergo chlamys purpurea, sed tunica, chlamysque serica purpurea auro inspersa, siue variegata probro data est. Cum Romana e lana esset, cocco, siue purpura infecta sine auri mixtura. Hæ chlamydes Græcanicæ dictæ. Capitolinus in Pertinace recensens auctiōnem vestimentorum Commodi enumerat *purpureas chlamydes Græcanicas, atque castrenses*. Græcanicæ scilicet auro distinctæ, castrenses purpureæ. Talis Neronis e Græcia reuertentis triumphantis more, *In veste purpurea*, ait Suetonius, *distinctaque stellis aureis chlamyde*.

Gallici Sagi color. Cap. XVI.

Sicut Romanum sagum natiuo lanæ colore, Imperatorium purpureum, vel cocco infectum, ita Gallicum intexta purpura distinctum. Virgilius lib. VI I I. de Gallis:

*Aurea casaries illis, atque aurea vestis,
Virgatis lucent sagulis, tum lactea colla
Auro innectuntur.*

Vbi Seruius auream vestem barbam interpretatur, & sagula virgata, quæ habebant in virgarum morem deductas vias. Et bene, inquit, adlusit ad Gallicam linguam, per quam virga purpura dicitur. Virgatis ergo, ac si diceret purpuratis, quæ sagula virgata, etiam trabeata dicta sunt. Trebellius in Gallieno: *Perdita Gallia arrisisse, & dixisse perhibetur. Non sine trabeatis sagis tuta Resp. est?* Malumus enim cum Casaubono trabeata saga ex Diodoro παλῶτες σάγες interpretari, quam Atrebatia substituere. Vt enim togæ a transuersis purpuræ discurrentis lineis, siue trabibus trabeæ dictæ sunt, sic a virgis purpureis trabeata Gallorum sagula. Turnebus tamen lib. I I. cap. XIV. simpliciter virgatum παλῶτον intelligit, quod virgas quasdam in longum, aut latum varia series, ac colore porrectas haberet, vt in concharum genere sunt

vir-

virgulatæ, idest, *ῥαβδωταί*. Val. Flaccus l. i. Argon. Thracum mulieribus virgatas vestes tribuit, nec purpureas, inquit ille, intellexit, sed barbarorum ritu discolors, & veluti virgatis segmentis contextas.

Iam veniet durata gelu, sed me quoque pulsam

Fama viro, nostrosque thoros virgata tenebit.

Eadem saga scutulata notavit Scaliger dicta, macularum imitar cancellatim, & reticulatim distincta. Scutulas enim esse *τὰ πλινθία*, nimirū quadra similia retium maculis, quas Græci vocant *τῆς ἐρώχους*. Gallos enim Diodorus ait sagas gestasse, *ῥαβδωτὰ πλινθίοις πολυάνθεσι, καὶ πυκνοῖς διαλημμένα*. Scutulata, & reticulatim distincta. Etiam colorata Saracenum sagula fuisse tradit Ammianus lib. xlv.

De Subarmali. Cap. XVII.

INter vestimenta militaria fuere subarmales, siue subarmalia, quorum mentio apud Spartianum in Seuero: *Quum Romam Seuerus venisset Prætorianos cum subarmalibus inermes sibi iussit occurrere*. Trebellius in Claudio: *Subarmale unum cum purpura Maura*. Demum Vopiscus in Aureliano: *Togam pictam, subarmale profundum, sellam eboratam*. Sed quænam ex vestes fuerint, & iniquem usum, non ita compertum est. Turnebus lib. xvi. cap. xix. existimat fuisse crassum sagulum, quod sub armis induebatur, ut eorum durities minus corpus offenderet, sed profundo excepta tegumento mollius corpori insideret, & tolerabilius. Atque ita ab armis subarmale dictum, quod scilicet sub armis gestaretur.

Hæc opinio displicuit Casaubono ad Spartianum, quod scilicet pacis, & pompæ hæ vestes essent. Nam Herodianus eandem rem narrans de Seuero lib. i. scribit ab eo edictum propositum, ut Prætoriani relictis apud castra armis exirent pacis habitu, eoque cultu, quo procedere in pompam consueuissent sacrificante, aut diem festum celebrante Imperatore. Mox subjicit, eos relictis armis processisse

cessisse ἐν μοναῖς ταῖς πομπικαῖς ἐσθῆσι, in pompæ habitû.
Atque ita existimat Casaubonus non ab armis quibus pugnamus sed ἀπὸ τῶν ὀμοπλατῶν subarmale dictum, quod scilicet sub armis fibula necteretur, vel sub armos rejiceretur. Fuisse autem togas militares, vel saga.

Mihi tamen Turnebi notatio non displicet. Scilicet ab armis, quibus pugnamus, subarmale dictum, quod armis ipsis subjiceretur. Nec obstat, eandem vestem fuisse etiam pomparum propriam. Nam cum Prætoriani in comitatu Imperatoris armati incederent, in pompa per dies festos ac ludos inermes procedebant; ut tamen a reliquis ciuibz discernerentur, subarmale tanquam vestem militarem retinebant. Fuisse enim id militare indumentum ex Herodiano fatetur Casaubonus. Nam Seuerus in oratione, qua ipsos exauكتورauit ait: *tubeo vos discinctos, ac vestimentis militaribus exutos inermes discedere*. Nec aliud subarmale fuisse crediderim, quam sagum: quod tamen more tunicæ indueretur, ut scilicet commodè subijci armis posset. nam chlamys, quæ fibula nectebatur, cum brachia velaret armis subijci non poterat. Atqui, inquit, summus vir, subarmali purpura interdum addebatur. Hoc tamen non in omnibus Prætorianis, sed in ducibus vsurpatum, quos etiam subarmalia habuisse, & ad manipularium distinctionem purpura distincta credi par est: quæ minime obstant, cur armis non subjicerentur, & ijs depositis gestarentur in pompa. Ita & commodior interpretatio erit, subarmale profundum fuisse crassum sagulum, ac densiori lana confectum, quo scilicet melius arma corpori insiderent, quam ποδήρες, & infra genua dimissum. Cui tamen altera opinio magis arriserit, is eam per me sequatur licet.

Ceterum non ita rectè Politianus, quod supra tetigimus, illud Herodiani lib. vii. ἐν λιταῖς δὲ ἐσθῆσι, καὶ ἐπερίσω, vertit, *subarmalibus, & sagis induti*. Nam milites illi in veste vulgari, tunica scilicet & lacerna, siue chlamyde fuerunt. Quod si subarmale sagum fuit, aut quid simile, duplici sago, aut sago, & chlamyde induti fuissent.

Finis Libri Tertij.

OCTAVII FERRARII DE RE VESTIARIA

PARS SECVNDA

LIBER QVARTVS

QVI EST DE PALLIO.

Pallium Græcorum indumentum. Comœdia palliata, togata, prætextata. Prolegomena in Terentium expenduntur. Cap. I.



T Toga Romanorum, ita Pallium Græcorum gestamen fuisse, certum est. Et cum tunica vtrique genti communis esset, cui aut toga, aut pallium superinduebatur, diuersa indumenti exterioris forma Romanum, Græcumque habitum distinctum fuisse, apud omnes in confesso est. Hinc Comœdiæ palliatae, & togatae. In prolegomenis ad Terentium, siue ea Donati, siue Cornuti, siue Asperi fuere, *Comœdia formæ sunt tres. Palliata Græcum habitum ferentes. Togata iuxta formam personarum habitum togatum desiderantes.* Post pauca subiicitur. *Hinc Vlysem palliatum semper inducunt.* Causa porro non vna satis friuola adducitur, siue quod cum insaniam simulauit, testis esse voluit, siue ob singularem sapientiam, demum quod *Ithaca habitatores, sicut Locri palliati essent.* Quali vero solus Vlysses, solique Ithacenses, & non Græci omnes, palliati.

Sed nimirum illa prolegomena, vt non vnius scriptoris esse apparet, sed ex variis auctoribus ad instar centonis cōsarcinata, ita quædam bona habent, quædam secus, vt facile obseruabit, cui otium fuerit ea contendere. Nam quæ de Achille, & Neoptolemo, qui cum diademate inducerentur,

rentur, quis non videt eas non fuisse Comœdiæ personas, sed Tragoediæ? Item quæ de personarum Comicarum amictu, quam sunt suspectæ fidei! Cur enim senes tantum in candido vestitu, cum is promiscuus habitus esset? Cur purpureus color diuiti, pauperi phœniceus, quasi non & hic magno pretio staret? Quis puellarum habitus peregrinus? Cur leno pallio versicolore inducitur? Meretrici ob auaritiâ pallium luteum datur, cum in Togatis comoedijs communi scortorum habitu idest togatæ essent? quid autem luteus color ad auaritiâ? Hæc sunt posterioris æui Grammaticorum insomnia. Præterea quis syrmati locus in comœdia, quod ab scenica luxuria institutum ibi dicitur, cum fuerit Tragœdorum proprium. His adjice, quæ proximè sequuntur. *Aulæa in scena in terra sterni solita, quod pictus ornatus erat ex Attalica Regia Romam usque perlatus, pro quibus siparia atas posterior acceperit. Atqui nec aulæa humistrata, nec siparia certum est, sed scenæ obtendi solita. Quæ satis declarant multa a sciolis, atque ineptis hominibus in ea prolegomena fuisse intrusa.*

Sed ut a diuerticulo res repetatur Græcæ Comœdiæ palliata, Latinæ togatæ dictæ sunt. Vetus Interpres Iuuenalis ad illud: *Recitauerit ille togatas. Togata sunt Comœdia Latina, palliata Græca, quales Afranius fecit.* Verum Afranium dedisse togatas notum est. Itaque verba illa, *quales Afranius fecit*, retrahenda sunt, & togatis subiicienda. Togatarum aliæ nobiliores, quæ prætextatæ, in quibus scilicet Magistratus inducti, qui in prætextis, fortasse etiam pueri, & puellæ prætextatæ. Minus nobiles, in quibus censet Scalliger lib. 1. Poetices cap. vi 1. Senatores priuatos cum togis introductos. Sed cur soli Senatores togati, cum gens vniuersa togata esset? Subiicit idem. Vltimum genus fuisse, quod capiebat humilem fortunam negotiorum popularium cum tunicis tantum, eas autem non tunicatas dictas, sed ab habitaculis Tabernarias appellatas, quod cum tabernis scenæ disponentur. Sed si nullus in illis togæ vsus, cur inter togatas recensentur? Auctor prolegome-

non Terentij Tabernarias fuisse palliatas tradit. *Palliata Græcum habitum ferentes, quas nonnulli Tabernarias vocant.* Sed paulo antesi tamen vnus auctor est, *Tabernarias* ab humilitate argumenti, & styli dictas putat. Quod palliatae fuerint, non minus falsum est, quam notatio *Planipedum*, quæ ibidem adducitur: *Quod non ea negotia contineat, quæ personarum in turribus, aut in cœnaculis habitantium sunt, sed in plano, & humili loco.* Quis enim ignorat infimam plebem, ac minutum populū in cœnaculis habitasse? Duplicis ergo tantum generis fuisse videntur Comœdiæ Latinæ, Prætextatæ, in quæis Magistratus, Togatæ in quibus viliores personæ inductæ. Harum solum meminit Horatius: *Vel qui prætextas, vel qui docuere togatas.* Vbi *prætextas* sunt *prætextatæ*. Neque tamen audiendi sunt, qui apud Acronem Prætextatam Tragœdiam dixerunt, Comœdiam togatam: multo minus, qui ibidem Togatas fuisse, in quibus Græca argumenta, Prætextas, in quibus Latina. Nam, vt diximus, cum Latinæ essent, omnes erant togatæ, sed hæ Viliorum, Prætextatæ nobiliorum, & Magistratuum. Sed vix videtur potuisse dari Comœdiā, in qua soli magistratus introducerentur. Vt probabilius sit, dictas prætextatas ab argumenti grauitate, atque honestate, nulla iocorum licentia, atque obscœnitate, quæ Magistratuum, & pueritiæ sanctitatem dedeceret. Quamquam contra a verborum prætextatorum licentia quis dictas suspicari possit. Sed tales togatæ omnes, viliorum scilicet personarum, lenonū, meretricum, nepotum, quibus vitæ licentiæ congruens lasciuior oratio. At Prætextatas serias totas, ac graues, omnique turpitudine vacuas fuisse credere par est. Hisce affines fuisse videntur Trabeatæ, quod nouum genus Togatarum edidisse dicitur a Suetonio *de claris Grammaticis* Melissus, qui fuit ab Augusto Præfectus bibliothecæ in porticu Octauiae. Sed vndenam Trabeatæ haud facile dixerim. Cum enim Trabeæ olim Regum fuerint, ijs pulsas penes Equites in solemnifunctione remanserint, inde a triumphantibus usurpatæ, nescio quis earum vsus in Comœdiis esse potuerit.

Diomedes lib. I I I. Togatas nomen genericum facit ad prætextatas. & tabernarias: Nihilominus togatas pro tabernarijs usurpari non communi tantum errore, sed poetarum auctoritate; Nam Horatius. *Vel qui prætextas, vel qui ducere togatas.* Prætextatas in quibus Imperatorum negotia agebantur & publica, & Reges Romani, vel duces personarum dignitate, & sublimitate Tragœdijs per similes, quod ex personæ prætextæ utantur. Secundam speciem tabernarias fuisse, in quibus non magistratus, Regesque sed humiles homines, & priuatæ domus inducuntur, & quod olim tabulis tegerentur tabernaria dicebantur. Vbi videtur indicare tabernarias dictas, quod in ijs introduce rentur homines in tabernis habitantes, ita enim domos vocatas, quæ tabulis tegerentur. Verisimilius est tabernarias dictas, quod opifices, institores, ac sellularii, qui in tabernis degerent, inducerentur.

Ceterum togatarum auctores ab Acrone hi recensentur: Aelius Lamia, Antonius Rufus, Melissus, Afranius, Pomponius. Qui omnes magno literarum damno præter Afranii fragmenta interciderunt. Primum autem Stephanionem togatas saltare instituisse, auctor est Plinius lib. VII. cap. XLVIII. *Minus miror Stephanionem, qui primus togatus saltare instituit.* Sed legendum est togatas, ut & Sabellicus monuit, & de pantomimo intelligendum.

Pallium. Græcè ἱμάτιον, Φᾶρος. Cap. III.

VT igitur ad pallium propius accedamus, cuius contemplationi extremam operis huius curam dicaui-
mus, id vestimenti genus, quod tunicæ injiciebatur, totumque corpus circumiectu suo inuoluebat, Græci variis nominibus extulerunt. Præcipuè tamen ἱμάτιον Attice Φορέματιον, & Φᾶρος dixere. Quanquam utraque vox largè accepta omne vestimenti genus significet, quod Budæo adnotatum. Neque tamen ut pro tegmine capitis accipiatur, ut Hen: Stephano visum; Quod Plutarchus in Pompeio tradat Sil-
lam

Iam aduenienti Pompeio honoris causa assurgere solitum, καὶ ἀπάγοντος τῆς κεφαλῆς τὸ ἱμάτιον . Et alibi de Demetrio Pompeii liberto, cuius tanta importunitas, ut ante herum discumberet, ἔχων δὲ ὧτων κατὰ τῆς κεφαλῆς τὸ ἱμάτιον. Nam & hic, & alibi non de capitis tegmine, pileo, aut palliolo intelligendum, sed de togæ extrema parte, siue latiniâ, quam capiti iniectam interdum arcendo soli, aut inbri, item in re subita, ac calamitosa, alias docuimus. Ita quod tradit Plutarchus in Apopthegmatis Scipionem minorem, cum in Aegyptum venisset, nauique egressus ἐβάδιζε κατὰ τῆς κεφαλῆς ἔχων τὸ ἱμάτιον ἡξίεν ἀποκαλύψασθαι. Quod toga caput rectum haberet, intelligendum est, non pænula: quod vertit Interpres .

ἱμάτιον etiam pro stragula veste sumi Budæus obseruat ex Athenæo lib. xi i. Κατεσκέυατο ὁ οἶκος πολυτελῶς, καὶ μεγαλοπρεπῶς ἱματίοις τε καὶ ὀθονίοις πολυτελέσιν. Sed quod etiam apud Matthæum pro stragula veste ἱμάτιον sumatur, non facile persuaferit. Nam cap. ix. οὐδεὶς δὲ ἐπιβάλλει ἐπὶ βλημαράκης ἀγνάφῃ ἐπὶ ἱματίῳ παλαιῷ . Ibi ἱμάτιον non pro stragula, sed pro qualibet veste accipiendum est, quemadmodum Lucæ V. & Marci II. accipitur . Subiicit idem vir doctissimus, ἱμάτιον alias significare palliū, hoc est tribonium, quod supra tunicam induitur . Quod neque ex toto verum est . non enim quodcumque tunicæ induebatur tribonium erat; Sed pallium detritum, ac vile, pauperum ferme, ac Philosophorum, ut infra dicturi sumus .

Licet ergo ἱμάτιον quodlibet vestis genus etiam stragule significaret, proprie tamen id modo indumentum, quod tunicæ superinduebatur. Demosthenes: Ὅστε μὲν φοιματίων ἰστέοναι, καὶ μικρὰ γυμνοὶ ἐν χιτῶνίσκῳ γενέσθαι φεύγοντα . Plutarchus in Lycurgo de disciplina adolescentium : Γεγόμενοι δὲ δωδεκαετῆς, αἶψα χιτῶνος ἥδη διετέλεον ἐν ἱματίον εἰς τὸν ἐν αὐτὸν λαμβάνοντες . Emenso autem duodecimo ætatis anno sine tunica iam debebant, unum pallium in annum accipientes . Idem in præceptis connubialibus xi. de Borea, & Sole ex certamine hominem despoliantibus . *Flante Borea viator ἱματίον cor-*

pori

pori vehementius adpressit: at sole ardente καὶ τὸν χιτῶνα τῷ ἱμάτι-
 τῷ προσαπεδύσατο. Vna cum pallio etiam tunicam exuit. Ae-
 lianus Variæ lib. I. cap. XVI. de Apollodoro, qui Socrati
 morituro attulit tunicam pretiosa lana, pulchreque contextam,
 simile item pallium, & rogavit ἐνδύσθαι αὐτὸν τὸν χιτῶνα, καὶ
 δομάτιον περιβαλλόμενον bibere cicutam.

Quoniam ἱμάτιον etiam pro pallio muliebri idem Plu-
 tarchus posuit eodem libro Præceptorum connubialium.
 XXXI I. θεῶν παρέφνε τὴν χεῖρα περιβαλλομένη τὸ ἱμάτιον. Thea-
 no dum pallium imponit manum, & cubiti partem renudauerat.
 Non recte Interpres. Vestem induens. Quare idem in Lycur-
 go ad distinctionē pālūm virile appellat, quo de more La-
 cænae cum nuberent amiciebantur: ἱματίῳ δὲ ἀνδρείῳ, καὶ
 ὑποδήμασιν ἐνσκευάσασα. Immo & pro tunica ab eodem po-
 nitur de Claris mulieribus. Laudans enim mulieres Chias
 narrat Chios a Coronensibus bello victos deditionē fecif-
 se ea conditione, vt vrbe egredierentur, χλαῖναν μίαν ἑκάστων
 καὶ ἱμάτιον Chlænā modo & tunicā habentes, repre-
 hensos a mulieribus, quæ dicerent, ὅτι χλαῖνα μὲν ἐστὶ τόξου σὺν
 χιτῶνι δὲ ἡ ἀσπίς, quod hasta pro chlamyde, clypeus pro
 tunica viris fortibus esset.

Φᾶρος etiam appellarunt Græci indumentum exterius
 quod tunica imponebatur, tam virile, quam muliebri. Ho-
 merus Od. O: Χιτῶνα δυῶν, καὶ μέγα φᾶρος ἐπὶ σιβαρίδς βάλετ' ὤ-
 μοις. Tunicam induit, & magnum pallium humeris iniecit. Vbi
 notat Eustathius proprie de tunica dici indui, quæ vestis in-
 terior, at de pallio, quod exterius, iniici, siue imponi. Ἔσκε
 γὰρ μανδοειδὲς τι νῦν τὸ φᾶρος εἶναι, καὶ ὁ δὲ αὐτὸν ἀλλὰ ἀναπατόν.
 Quod non indueretur, sed imponderetur, siue circumponeretur.
 Pro pallio fœmineo Od. ε. ἀργύρεον φᾶρος μέγα ἔκαστο νόμῳ.
 Argenteum siue candidum pallium magnum induit Dea. In-
 terpres stolam vertit, sed stola tunica fuit, non pallium. Quā-
 quam fuisse eam tunicam ex ijs, quæ sequuntur conficere li-
 cet. Quod scilicet auream zonam lumbis circumposuit.
 Quomodo enim pallium zona cingi potuit? Sed fuisse pal-
 lium, siue peplum muliebri apparet Od. θ. de Penelope.

πορφύρεον μέγα φᾶρος ἔλων χερσὶ σιβαρῆσι κακκικεφαλῆς εἵρυσσε ,
 κάλυψε δὲ καλὰ πρόσωπα. *Purpureū magnum pallium præbentem
 manibus grauib. In caput traxit, obtexitque pulchram faciem.*
 Quomodo enim tunica trahi in caput, osque obnubere po-
 terat? Quare credere licet φᾶρος generice pro quavis veste
 usurpatum. Pro pallio virili passim Homerus. *Od. d. de*
filia Nestoris postquam Telemachum hospitem lauacro
fouerat. Ἀμφὶ δὲ μιν φᾶρος καλὸν ἔαλεν ἡ δὲ χιτῶνα. Circumposuit
autem pallium pulchrum, & tunicam. Philippus in Antholo-
 gia lib. i. cap. i. de Xerxe, qui cum Leonidæ corpus mortuū
 aspexisset honoris causa, *ἐχλαίνε φάρεϊ πορφύρεω. Inuoluit pal-*
lio purpureo. Hæc tamen vox nonnisi apud poetas reperitur,
 & inter poetica vocabula a Polluce recensetur lib. vi i. cap.
 xi i. *λῶπη δὲ, καὶ ῥάκη, καὶ φᾶρος, καὶ ἱμάτια, καὶ λῶπος ποι-*
τιὰ. Hesychius φᾶρος, ἱμάτιον, περιβόλαιον interpretatur.
 Omne enim vestimenti genus exterius quod tunicæ imposi-
 tum corpus circumiret, atque inuolueret Græcis περιβό-
 λαιον, περιβολή, περίβλημα: item ἀναβολή, ἀναβόλαιον, ἐπί-
 βλημα dicebatur. Quod Latini Amictum, quod *Am*, siue
ἀμφὶ, circa corpus iniiceretur. Plutarchus Præceptis con-
 nubialibus xi. vestem, quæ tunicæ superinduitur, modo
ἱμάτιον, modo *περιβολὴν* appellat.

Pallium. Eius notatio. Vestis stragula Romanorum.

Amictus Græcorum. Pallium Proconsu-
lare. Cap. III.

QUOD Græci ἱμάτιον, & φᾶρος Latini Pallium dixere,
 à pellibus deducit Isidorus, quod *super indumen-*
ta, inquit, *pellicia veteres induebantur.* Satis ine-
 ptè. Nam commune pallium ex lana fuit, sicut reliqua ve-
 stimenta. Illud etiam ineptius, pallium esse, quo admini-
 strantium scapulæ conteguntur, vt dum ministrant expedi-
 tius discurrant. Haud vidi magis. Cur enim non expedi-
 tiores in tunica, in qua sola olim ministros fuisse docuimus?
Locus Plauti nihil ad rem. Si quid factururus es, appende in humeris
pallium

pallium, & pergat quantum valet tuorum pedum pernitas: de quo infra. Rectius ergo idem *pallium* a *palla* deriuari ait. Quæ inde dicta, teste Varrone, quod *palam*, & foris esset. Alibi ab irrigatione, & mobilitate, qua circa finem huiusmodi vestium, ἀπὸ τῆς πάλλειν. Nam vere in Romano cultu, non alius pallij vsus, quam in fæminis, quarum habitus exterior *palla* dicebatur: quæ nihil aliud fuit quam *pallium*, apertum scilicet, quodque corpori circumiectum illud vestiret. *Pallam* præterea citharædorum, & tragædorū fuisse alias demonstraui: item vestimentum virile, sed peregrinum, quæ heic non reponam. Latinam tamen *Pallū* vocem inferiores Græci suam fecerunt. Hesychius Τριβώνιον πάλλιον, & alibi. ῥήγεια πάλλια βαπτὰ. Glossæ. *Pallium*, πάλλιον, *Gausapa* πάλλια βαρβαρίζα.

Ceterum quemadmodum ἱμάτιον pro veste stragula Græcis vsurpatum notauimus, ita & *pallium* apud Latinos. *Quidius Amorum* I. El. II.

Hæc tamen aspiciam, sed qua bene pallia celant;

Illæ mihi cæci causæ timoris erunt.

Et paulo infra.

Sæpe mihi, dominaque mea properata voluptas

Veste sub iniecta dulce peregit opus.

Hoc tu non facies, sed ne fecisse puteris

Conscia de tergo pallia deme tuo.

Propertius lib. IV. Eleg. III.

At mihi cum noctes induxit vesper amaras

Si qua relicta iacent, osculor arma tua.

Tum queror in toto non sidere pallia lecto,

Lucis & auctores non dare carmen aues.

Et *Iuuenalis Sat. VI.*

Tunc corpore sano

Aduocat Archigenem, onerosaque pallia iactat.

Vbi vetus *Interpres*. Simulat agritudinem socrus, vt babeat facultatem ad se filia veniendi, causa adulterij. Item *Martialis lib. I. de catella Publij.*

Et desiderio coacta ventris

Pars II.

S

Gutta

*Gutta pallia non fefellit ulla.
Sed blando pede suscitatur toroque
Deponi rogatur, & monet leuari.*

Proprie tamen Pallium nonnisi Græcanicū indumentum fuit, ut toga Romanorum. Suetonius Augusto cap. xcv i i i. *Sed ceteros continuos dies inter varia munuscula togas insuper, ac pallia distribuit, lege proposita, ut Romani Græco, Græci Romano habitu uterentur.* Id est Græci cum toga, Romani cum pallio incederent. Idem Claudio. xv. *Peregrinitatis reum orta inter advocatos contentione, togatumne, an palliatum dicere causam oporteret, mutare habitum sæpius iussit.* Quod scilicet nullus gestandi togam ius haberet, nisi ciuis Romanus. Val. Maximus lib. i i. cap. i i. Inter cetera Romanæ grauitatis indicia illud ponit, quod Græcis numquam nisi Latinè responsa darent: immo eosdem etiam in ipsa Græcia per interpretem loqui cogerent. Quo scilicet Latinæ vocis honores per omnes gentes venerabilior diffunderetur. *Nec illis, inquit, deerant studia doctrine, sed nulla non in re pallium togæ subijci debere arbitrabantur.* Plinius lib. iv. Epist. xi. De Liciniano qui exul in Sicilia profitebatur. *Idem cum Græco pallio amictus intrasset (carent enim togæ iure, quibus aqua, & igni interdictum est) postquam se composuit, circumspexitque habitum suum, Latine, inquit, declamaturus sum.* Plautus licet in Comœdia palliata seculi sui morè respexerit, cum in Curculione Philosophos perstringit, qui in Græco pallio.

*Tum isti Græci palliati, capite operto, qui ambulant,
Qui incedunt suffarcinati cum libris, cum sportulis.
Constant, conferunt sermones inter se se drapeta
Obstant, obstitunt, incedunt cum suis sententijs.*

Quare Appianus lib. v. ciuil. pallium appellat *σολὴν ἑλληνικὴν*: vestem Græcanicam. Ceterum licet Vlpianus pallium inter communia vestimenta recenseat (quo loco fallitur Baysius, qui communia vestimenta interpretatur, quæ promiscuæ vestes Tacito dicuntur, nam Tacitus ibi promiscuas vestes sericas appellat, quæ cum propriæ fæminarum etiam a viris vsurparentur) licet inquam Iuriconsultus pallium

inter communia vestimenta connumeret, nullus tamen Romę pallij vsus in viris, etiam postquam togę depositę sunt. Ut propterea veteres illi duces notati sint, quod aliquando in prouinciis deposita toga pallium induerint, Scipio in Sicilia, Germanicus in Aegypto. Ita Rabirio obiectum est, quod homo *Consularis soccos habuerit, & pallium*. At inferiori quo aliquis pallij vsus ipsis Imperatoribus fuisse videtur. Nam apud Vopiscum iubet Valerianus dari Aureliano inter reliqua, *tunicas ducales ruffas quatuor, pallia Proconsularia duo*. Ibidem iubet idem Probo dari *pallia Gallica fibulata duo*. Et in Epistola Commodi ad Albinum: *Sane ut tibi insigne aliquod Imperialis maiestatis accedat, habebis vtendi coccinei pallij facultatem me presente*. Sed quodnam fuerit hoc pallium non ita certum est. Nam Procos. domi in prętexta, in exercitu paludamentum habuere. quod cum esset, aut album, aut coccineum, nihil noui largitus est Albino Commodus, qui & antea ius paludamenti coccinei habebat. Nisi dicere velimus sub Imperatoribus priuatis ducibus, Legatis nempe, & Proconsulibus ademptum ius coccinei paludamenti, solisque Imperatoribus seruatum.

Pallium commune. Eius figura. Cap. IV.

Q Videre Vestiaria scripserunt, pallium Gręcum gestamen esse, sed & Philosophorum habitum fuisse obseruant, ex Gellio lib. ix. *Video, inquit Herodes, barbam, & pallium, philosophum nondum video*. Sed si omnes Romę Gręci, & quicumque ius togę non habebant palliati erant, illud sequitur, aut omnes Romę peregrinos pro philosophis habitos, aut aliquod discrimen inter vulgare pallium, & philosophicum fuisse. Videndum ergo prius, quale fuerit commune pallium, vt inde philosophorum habitus, cultusque noscatur.

Et pallium quidem fuisse vestimentum apertum, quod tunica imponeretur, laxū, atq; ad pedes fusum, nullus dubitat. Tota difficultas in eo vertitur, num etiam omne pal-

lium, immo vestimenta omnia aperta quadrata fuerint, siue quadrangula, quod doctis viris visum est. Quia scilicet Athenæus tradit Romanos in Asia, vt Mithridatis iram effugerent, depositis togis quadrata vestimenta sumpsisse. Et Appianus lib.v. ciuil. narrat Antonium in Aegypto pallium Græcanicum quadratum sumpsisse. Sed, vt in superioribus libris adnotauimus, quo minus huic opinioni assentiamur, non vna ratione ducimur. Nam si omnia vestimenta aperta eadem & quadrata fuere, cur quædam quadrata a scriptoribus peculiariter notantur? Vetula apud Petronium *quadrato pallio incincta*, hoc est pallio in nodum coacto succincta vt toga Gabino ritu cingebatur. Festus *ricinium*, & *ricam quadratum pallium famineum fuisse* dicit, cum tamen omne pallium apertum esset. Quid autem proprie ricinium esset, ne ipse quidem Festus intellexit, qui modo pallium fuisse, modo togam dicit: sed qui fieripotuit vt idē pallium rotundum sit, & quadratum, non intelligo. Verba Festi sunt: *Ricinium omne vestimentum quadratum ē, quod duodecim interpretati sunt, esse dixerunt: vel togam qua mulieres utebantur*. Toga rotunda, pallium quadratum. Neque audiendi sunt, qui flāmeum cū ricinio cōfundunt. Nam *flammeum* velum fuit amiciendo capiti, quod perpetuo a Flaminia gestatum, boni ominis causa ad nuptias translatum est, vt idem testatur. Hoc pallium, illud palliolum, quæ distincta fuere.

Præterea omne sagum istorum sententia apertum, ergo & quadratum. Atqui Isidorus Sagum Gallicum quadratum fuisse tradit. Non igitur cōmune sagum tale fuit. Sed, quod miror viros doctissimos effugisse, Tertullianus vetus Carthaginensium pallium fuisse dicit quadrangulum, quod ipsius ætate tantum a sacerdotibus Aesculapii gestabatur: non ergo quod Tertullianus, & reliqui sanctiorem philosophiam professi gerebant tale fuit. Tamen & vobis *habitus aliter olim: tunica fuerant & quidem in fama de subterraneis studio*: & quæ sequuntur. mox subijcit: *Pallium extrinsecus habitus, & ipse quadrangulus, ab utroque laterum regebus, & cer.*

& cernicibus circumstrictus, in fibula morſu humeris æquiſcebat. Inſtar eius hodie Aſculapio Sacerdotum eſt. Quid opus erat vetus pallium ad illud ſacerdotum Aſculapij exigere, ſi illud, quod togę prætulerat Africanus, quadrangulum, & antiquo ſimile fuit? Quæ manifeſto vincunt, diuerſum ab antiquo pallium Tertulliani fuiſſe: vt illud quadrangulum fuerit, hoc nequaquam. Illud ergo deſcribit, quod in uſu eſſe deſierat, non quod in oculos incurrebat.

Alias exiſtimauimus, pallium quadratum fuiſſe, quod duabus plagulis diuiſum, quatuor in inferiori parte angulos haberet, quodque fibula in humeris neceſſebatur: idque commune Græcorum, at philoſophorum non fuiſſe quadratum, ſed ſemirotundum noſtrisque pallijs haud abſimile, quod non inſibularetur, ſed dextra pars in humerum finiſtrum iniiceretur. Sed mutare ſententiam nos cogunt veteres ſtatue palliate, in quibus nec duę iſtę plagulę nec fibula uſquam apparet: ſed pallium omnino noſtri ſimile eſt, fuſum ſcilicet & ſemirotundum, quale proſus pallium Romanarum mulierum, ſiue palla, cuius formam ex antiquis monumentis antè reddidimus. Ex ijs etiam quæ mox de modo geſtandi pallium apud veteres dicturi ſumus, neque fuiſſe duas plagulas, neque fibulę morſu nexum fuiſſe apparebit. Si eſt igitur aliquis in re difficillima coniecturę locus, crediderim pallium quadratum non fuiſſe Græcorum, ſed Aſiaticorum, & reliquarum gentium ad Orientem colentium, & ideo Romanos, qui in Aſia negotiabantur, vt Mithridatis crudelitatem euaderent, poſitis togis, quadrata veſtimenta gentis illius propria ſumpliſſe: Antonium etiam in Aegypto ſtolam quadrangulam induiſſe, vt Cleopatrę gratificaretur. Id autem pallium tantum poſteriore corporis partem operuiſſe, & vere quadrangulum fuiſſe, cuius anguli duo ſuperiores fibula cernicibus adſtringerentur, duo ad latera, & infra caderent. Nihil tamen certi affirmare auſim, quia Appianus lib. v. ciuilem ſtolam illam ſiue pallium quadrangulum Antonii Græcanicum appellat. *Και πολλὸν ἔχει τετράγωνον Ἑλληνικὸν ἀντὶ*

ἐντὶ τῆς πατρίδος; Eodemque habitu Athenis verſatum cum Oſtavia, quem Alexandria cum Cleopatra habuerat: vbi credibile eſt Græcum pallium more gentis induiſſe. Itaque amplius cogitandum cenſeo.

Modus geſtandi pallium. Brachium cohibere. Manum chlamyde inuoluere. Cap. V.

Quemadmodum non vnus geſtandi togam modus fuit apud Romanos, cum antiquiſſimo tempore ita vtrumque humerum, & brachium operiret, vt ſola manus extaret, poſteriori æuo dexter cum brachio humerus exereretur. Ita apud Græcos non eodem modo ab omnibus geſtatum pallium videtur. Cum enim veſtimentum apertum eſſet, potuit, quemadmodum nunc fieri videmus, ita geſtari, vt pars vtraque ad pedes fuſa caderet, vel vna pars ſiue ala, dextra ſcilicet ſiniſtro brachio imponeretur, aut eidem ſubiiceretur, aut demum ſiniſtro humero iniiceretur. Communis tamen ratio præcipue honeſtiorum veſtiendi pallii vltima fuit, nempe vt pars pallij dextra ita ſiniſtro humero imponeretur, vt totum corpus atque vtrumque humerum inuolueret, ſolaq; fere dextra ad pectus extaret inuoluto brachio, interdum ipſa quoque operiretur. Quintilianus lib. xi. cap. iiii. ait veteribus Romanis nullos ſinus in toga, mox perquam breues fuiſſe: *Itaque inquit etiam geſtu neceſſe eſt uſos eſſe in principijs eos alio, quorum brachium, ſicut Græcorum veſte continebatur.* Græci igitur brachium veſte, hoc eſt pallio continebant. Ita vt aliquando ipſa manus pallio inuolueretur. Plutarchus in Politicis narrat Periclem inceſſu tardo, atque oratione leni uſum, compoſitū os ſolitum præferre, poſtremo manu intra pallium cohibita vnā omnino uſurpaſſe viam, quæ ad forum, & Curiam perduceret. Καὶ τὴν χεῖρα συνέχεν ἐντὸς τῆς περιβολῆς. Xenophon de Rep. Lacedæmoniorum tradit Lycurgum, quum in Græcia qui ex ephebis exceſſerant ſoluti, ac liberi a præceptoribus eſſent, inſtituiſſe vt Lacones iuuenes facti ἐντὸς τῆς ἱματίου τὴν χεῖρα ἔχεν.

Manum

Manum pallio cohiberent . Ephebi omnes in Græcia in chlamyde erant, ijdemq; anno tyrocinii manum chlamyde inuoluebant ; vt Romę tyrones brachium toga cohibebant. Vbi ex ephebis exceſſerāt, ſumpto pallio more virorū cohibito brachio dextra exerebant : Lycurgus quo modeſtior ſuorum inceſſus eſſet decreuit, vt etiam dextram pallio continerent . Artemidorus lib. I. cap. LV. *Epheborum, ſue tyronum habitum geſtare ſi ſeruus ſibi videatur, liber erit, quandoquidem ſolis ingenuis id lege permiſſum . Artiſcibus autem ſellarijs, ac Rhetoribus otium, ac ceſſationem in annum indicat.* χρῆ γὰρ τὸν ἔφθεον ἐν τῇ χλαμύδι καὶ τῷ δεξιᾷ ἐνελθὺν ἐχειν . *Oportet enim ephebū dextram chlamyde inuolutam habere .* Rationem addit . *Διὰ τὸ ἀργὴν μὴ εἶναι καὶ πρὸς ἔργα, καὶ πρὸς λόγους τὴν χεῖρα .* *Quod ſcilicet manus otioſa ſit, & ad opera, & ad geſtum oratorium .* Quare nemo non videt particulam μὴ delendam eſſe quod monuit præſtantiffimus Rigaltius, tum propter ſententiam, tum quia eadem verba ſine negatione apud Suidam leguntur. Et tamen non deſunt, qui in commentarijs Orationum Ciceronis retinendam eſſe contendunt, & Suidam ex Artemidoro corrigendum. Nimis profecto imperite . Nam hoc pacto tota ſententia perit. Ideo enim manus intra chlamydem cohibita ceſſationem ab opere, & ab orando indicabat, quia ita inuoluta, neque operi faciundo, neque actioni oratoriæ apta erat. Quod ſi Græci per annum tyrocinii feriabantur, nō tamen ſequitur etiā Romanos eodem anno ceſſaſſe licet brachium velle continerent, ſed de manu loquitur Artemidorus, quæ apud Romanos exerebatur, & ideo in opere, ac geſtu minime otioſa erat, vt Græcorum epheborum .

Reliqui omnes palliati, ſaltem honeſtiores vt dicebamus pallio brachium continebant, vt ſola manus extaret . Val. Maximus lib. VI. cap. XI. de Polemone Athenienſi, qui e conuiuio temulentus in Xenocratis ſcholam petulanter irruerat : *Orta vt par erat omnium indignatione, Xenocrates vultum vt par erat in eodem habitu continuit, omiſſique re, quam diſſerebat, de modeſtia, ac temperantia loqui cepit. Cuius grauitate*

iate sermonis reſpiſcere coactus Polemon, primum coronam capite detractam proiecit, paulo poſt brachium intra pallium reduxit. Quintilianus lib. xii. Quapropter falli mihi multum videntur, qui ſolos eſſe Atticos credunt tenues, lucidos, & ſignificantes, ſed quadam eloquentia frugaliter contentos, ac ſemper manum intra pallium continentes. Hoc habitu ſtatuam M. Aurelij palliatam videre eſt in atrio Palatii Veneti, quam beneficio Andreae Moreti Mathematicorum hac ætate clariffimi hic damus. Altera exſtat in hac vrbe in domo Quirinorum inde Venetias translata.

Tabula XXVII. & XXVIII.

Tab. XXVII.



Gio. Geor. sculps.

Tab. XXVIII.



Iac. Rumphius sculp.

Magna Veterum cura in pallio decorè, & civiliter componendo. Αναβάλλεσθαι ἐπιδείξια. Cap. VI.

Quanta veterum Græcorum fuerit cura in vestitu decoro palliique modesto atque ingenuo circumiectu, vel vnus Athenæus docuerit lib. i. Magnopere enim veteres adlaborasse tradit κοσμίως ἀναλαμβάνειν τὴν ἐδῆταν, ornatè, ac decenter pallium componere: vt eos irriderent, quibus id negligeretur. Adducit Platonis locum in Theæteto, qui cōparans inter se hominē liberaliter educandum, & eum qui ingenua educatione caruerit, notas, quibus dignosci queant, profert. Ait enim inter alia liberaliter institutum, si ad seruilia ministeria adhibeatur, ineptum & nihil futurum: alterius autem, qui liberali cultu caruerit, mores esse, qui talia quidem prompte, ac celeriter obire nouerit ministeria, ἀναβάλλεσθαι δὲ ἐκ ἐπιστάμινου ἐπιδείξια ἐλευθέρως, ceterum qui àextrè, & vt liberum decet componere pallium nesciat. Ita rectè hunc locum magnus Casaubonus contra interpretum oscitantiam constituit, atque explicauit, cap. viii. Επιδείξια enim, vt Pindari scholiastes docet, esse δειξίως, idest dextrè, & vt liberum hominem decet: contrarium ἐπαρίσσεια περιβεβῆσθαι, sinistre, & indecenter vestem gestare apud Artemidorum, & Aristophanem. Itaque idem esse ἀναβάλλεσθαι, quod apud alios περιβάλλεσθαι, nempe palliū componere, vt Lucianus de componenda Historia, notam hominis minime ingenui ab indumentis, & cultu ponit. ὁ ἔτι τὴν ἐδῆτάν οἱ δὲν ὡς χρεὶν περιβαλλεσθαι, qui nescit pallium, vt oportet, componere. Idem de sectis veteres Stoicos describens: Videas ipsos ornatè incedentes ἀναβεβλημένους ἐν σαλῶς, pallio decenter composito. Et in Timone de Philosophi cultu modestiam præferente: τὸ γῆμα ἐν σαλῆς καὶ κόσμιος, τὸ βάδισμα, καὶ σωφρονικὸς τὴν ἀναβολὴν. Cultu decorus, atque ornatus, incesu, ac pallio modestè composito.

Ceterum pallium fuisse vestimentum fusum, & ad pedes vsque fluens, non solum ex statuis, & auctoritate Quinti-

liani constat lib. xi. *Togam veteres ad calcēos usque dimittebant, ut Græci pallium*. Sed etiam ex eo colligitur, quod qui illud in amictu supra genua subducerent, negligentiae ac rusticitatis arguebantur. Aelianus lib. x. cap. xi. *Variae*, Zoili habitum describens. *Barbam promissam alebat, radebat caput ad cutem, καὶ τοιμάτιον ὑπὲρ τὸ γόνυ λῶ. Pallium supra genua cadebat*. Athenæus ibidem affert verba Philæteri, siue Amphis veteris poetæ, quæ ex emendatione Casauboni sic lege. *Ἀμφέβαλε σέρποις φᾶρος, ἔκαθήσεις τάλαν; μὴ δ' ἀγροίκως ἄνω γόνατος ἀμφέξῃ*. Iubet pectori injici pallium, vetatque rusticorum more supra genua aduolui. De quo more plura idem Casaubonus notavit ad Theophrasti Characteres περὶ ἀγραικίας. *Καὶ ἀναβεβλημένος ἄνω τῶ γόνατος κατίζενεν ὥστε τὰ γυμνὰ αὐτῆ φαίνεσθαι*. Sape etiā pallio ita supra genua contracto sedet, ut denudata corporis partes appareant. Casaubonus genericè, *subducta veste*, qua voce etiam tunica significatur. Sed de pallio intelligendum est. nam proprie ἀναβεβλημένος de pallio dicitur, quod injicitur, siue circumponitur. Vbi non est præter rem apud utrumque scriptorem fieri mentionem sedendi. nam, cum tunicæ viriles tam apud Græcos, quam apud Romanos paulo infra genua caderent, eueniebat ut in sedendo contraherentur, fierentque breuiores, cumque nullus fæminalium, aut braccarum usus esset poterant illa renudari, quæ melius teguntur, nisi vel obducta toga, vel demisso decenter pallio velarentur. Huc pertinet apophthegma Philippi Macedonum Regis apud Plutarchum. Cum sub corona captiuos venderet, αἰετὸς ἄρην τῶ χιτῶνι, καθήμενος οὐκ ἐν ὤρεπῳ, tunica contracta indecore sedens, vnus ex ijs qui vedendebantur accessit, & ad aurem Μικρὸν, inquit, κατωτέρω τῷ χλαμύδα ποίησον. ἀχνημοῖς γὰρ ἔτι καθήμενος. Paulo inferius chlamydem dimitte, sic enim sedens indecore te habes. Qui ergo ita sedebant, ut supra genua pallium, vel chlamydem contraherent, indecore atque illiberaliter facere dicebantur.

Pallium in humeros reijcere. Casauboni opinio expensa.

Aristophanes non uno in loco explicatus.

Notatus eius Interpres. Cap. VII.

DEcorus igitur, atque ingenuus pallii amictus erat, cum eius pars dextra ad pedes cadens attollebatur, atque ita sinistro humero imponebatur, siue injiciebatur, ut latente brachio sola dextra extaret, quod proprie ἀναβάλλεσθαι Græci dixerunt, & pallium ἀναβολὴν, quod scilicet de inferiori corporis parte attolleretur, siue subduceretur, ac sinistro humero poneretur siue iniiceretur. Casaubonus tamen ad Theophrastum observat, si Græcis aliquid diligentius esset faciendum, aut pallium deponere solitos, aut in humeros retrorsum reijcere. Quod nostram de modo gestandi pallium opinionem euertere videtur. Si enim actiui, & festinantes pallium in humeros reijciebant, non ergo communis ille pallii amictus fuit. Sed subiicit ille, ab expeditis solum, atque iter aggredientibus in humeros retrorsum reijci solitum. Aliud igitur erat, unam tantum pallii partem, siue alam, nempe dextram sinistro humero imponere, qui habitus ferme honestiorum, aliud totum pallium, idest utramque partem, dextram in sinistram, sinistram in dextrum humerum retrorsum reijcere, ut nempe ita subducto, atque in collum coniecto pallio utrumque brachium exerent, minimeque pallium festinantes impediret, quod cum ad pedes funderetur, cruribus inuolutum cursuræ moram objiciebat.

Ceterum quod subiicit vir ille incomparabilis, hoc etiam Athenis factum, quando in publicum, aut in concionem prodibant homines, qui naui, & actiui haberi volebant, longe eum fugit ratio, neque id ullo modo ex Aristophanis Concionantibus colligi potest, ut mirum sit summum virum nimis secure, ne dicam oscitanter, in eo loco versatum esse. Ibi enim mulieres persuasuræ viris, ut sibi Reip. regimen traderetur, prodituræ in concionem, quo fallerent viros,

viri-

virilem habitum mentiuntur, seque ad omnia componunt, atque instruunt, vt cultu, gestuque esse viri viderentur. Inter reliqua Praxagora sycophantiæ huius magistra hortatur mulieres, vt tunicas virorum more succingant. Verba eius sunt.

Ἄγε νυνὶ ἀνασέλλεσθ' ἄνω τὰ χιτῶνια
 Ὑποδεῖδε δὲ ὡς Τάχιστα τὰς Λακωνικάς
 Ὡς περ τὸν ἄνδρα δεῖσθ', ὅτ' εἰς ἐκκλησίαν
 Μέλλοι βαδίζων ἢ θύραζ' ἐνάσσοιτε,

Perperam Interpres. *Age nunc trahite supra vestes. Ver-*
tendum fuit. Agite nunc subducite tuniculas, subligate quame-
citissime Laconicas, quemadmodum virum videtis, quando in con-
cionem vult ire, vel foras procedere. Nulla hic mentio reji-
ciendi in humeros pallii, ac ne pallij quidem. Nam de in-
iectu pallij paulo post sequitur.

Καὶ φοιμάτια τὰ ἀνδρεία τάπερ κλέψατε
 Ἐπαναβάλλεσθε.

Et pallia virilia, quæ furata estis superiniicite, siue componi-
te. Tam viri, quam fæminæ vbique terrarum tunicas gesta-
bant, sed tunicæ sequioris sexus longæ, ac talares erant,
vt Romanarum stolæ, virorum ad medium ferè crus perti-
nebant. Iubet igitur, dum mimum instruit, Praxagora mu-
lieris χιτῶνια, tunicas subducere ad instar virorum, tum La-
conicas virile calceamentum subligare, vt viri faciebant,
cum in publicum, atque in concionem prodirent: tum pal-
lium virorum superinjicere, vt viri esse crederentur. Pau-
lo ante eadem veteratrix interrogat mulieres, an habeant
barbam adsciritiam, baculos, laconicas, pallia virilia, quæ
virorum insignia: nihil de tunicis, quæ communes fuere,
quasque infra monet more virorum subducendas.

Cum autem vt diximus breues admodum virorum tuni-
 cæ essent, atque ita periculum esset vt mulieres, quæ suas
 tunicas vt viri subduxerant, ne dum tribunal ascenderent
 nisi recte pallium componerent in sedendo sexum detege-
 rent, præstigiatrix monet illas occupare sedes antequam
 veniant in concionem viri, ne scilicet subductis altius tuni-

cis in actu sedendi mulieres apparerent. *κἄπειθ' ὑπερβαίνε-
σαι τις*

Αναβαλλομένη δείξει τὸν φορμίσιον.

Αναβαλλομένη non est *rejiciens pallium*, vt Interpres credit, sed, dum pallium iniicit in actu sedendi, & componit, præ inscitia ostendat id, quæ mulier est. Quare subiicit. *Si autem sedebimus, latebimus*: *Ευσελαμέναι φοιμάτια*, componentes pallia, non contrahentes vestes, vt Interpreti placuit.

Frustra ergo Aristophanis locum de more coniiciendi in humeros pallii magnus vir aduocauit: neque hic habitus ciuium, atque honestiorum hominum fuit, sed ferme seruorum, cum se ad versuram expedirent in Comædiis pal-liatis. Plautus Captiuus:

Nunc certa res est, eodem pacto vt Comici serui solent

Conjiciam in collum pallium, primo ex me hanc rem vt audiat.
Et Epidico:

Age nunc orna te Epidice, & palliolum in collum conjice,

Atque dissimulato, quasi per urbem totam hominem quaesueris.

Quod & colligere pallium dicebatur. Idem alibi:

Collecto quidem est pallio, quidnam acturus est?

Sic Geta apud Terentium Phormione, vt Cresiphontem properet inuenire; *humerum sibi onerant pallio*. Quod fiebat, quia cum pallium ad pedes flueret festinanti moram ob-jiciebat. Quare in venatione aut depositum aut in humeros coniectum esse pallium, ex Oppiano Casaubonus obseruat. Quod sane mirum est. quis enim pallio locus in venando? Certe nullus eius vsus in bello, propter eandem causam, sed eius vicem chlamys sumpta, quæ breuior, ac fibula adstri-cta, nec defluere, nec morari præliantes poterat. Fuisse autem pallium pacis habitum vel vnus Herodotus docue-rit lib. 1. Nam cum Cyrus Lydorum gentem toties re-bellem exitio daturus esset, consulto Cræso eius monitu, ne iterum defectionem molirentur, iussit arma tradere, & tunicis pallium imponere, & cothurnos induere. *κέλευε δὲ σφίνας κισθῶνας τε ὑποδύειν τοῖς ἑμάσι*. Quod non minus mi-ram videti debet. Satis enim erat iis armorum vsus inter-dicere

dicere. Sequebatur enim vt in pallio, & tunica commune tunc vestitu verſarentur. Sed, quod initio primi libri notauit Thucydides, ea tempeſtate Græcia fere omnis propter frequentia latrocinia, & crebras incurſiones etiam in pace armata degebat, itaque tunicæ ac pallii communis vſus ferme exoleuerat, cum lineas tunicas ſiue loricas paſſim geſtarent, & propallio chlamydes. Quem locum Thucydidis infra, cum de pallij materia agemus, examinabimus. Iuſſit igitur Cyrus Lydos deſcripto terrore chlamydem, & loricarum pacis habitu, id eſt cum tunica pallium, vſurpare.

Quando brachium pallio exerebatur. Επιδέξια: ἐπαρίτερα.
Aristophanes explicatus. Cap. VIII.

Sed vt reuertamur vnde digreſſi ſumus, magnam curam veteres adhibuerunt, vt pallio decenter compoſito incederent. Zeno Stoicus apud Laertium lib. vii. conuenire maxime iuuenibus dicebat in omnibus vti ornato decenter cultu, καὶ πορεία, καὶ χήματι, καὶ περιβολῇ. Athenæus loco laudato. Hermippus ſcribit Theophrastum ad horam condictam in Peripaton ſcholam ſuam ire ſolitum λαμπρὸν καὶ ἐξησκημένον, nitido & bene compoſito corporis cultu. Idem Hermippus ſcribit a Theocrito Chio reprehendam fuiſſe, ὡς ἀπείδωτον Anaximenis περιβολῶ, tanquam illiberalem pallij compoſitionem. Callistratus Ariſtophanæus maledictis inceſſit Ariſtarchum ἐπὶ τὸ μὴ εὐρύθμως ἀμπέχεσθαι. Quod non decore, ac concinne pallium aptaret. Totus autem compoſiti pallii decor in eo erat, vt dextra parte, quemadmodum dicebamus, ſiniſtro humero impoſita contineretur brachium, aliquando etiam ipſa manus. Ἀντὸς πάνυ κοσμίως προσηλθεν ἐπὶ τὸ ἱμάτιον τῷ χεῖρα ὑποσεύας. Dio Chryſoſtomus in Boſiſthenica de Callistrato adoleſcente: Ipſe modeſte admodum acceſſit, manum pallio inuoluens. Sed fuerit iſte ciuium habitus, cum otioſe per Urbem incederent: quid actum in concione dicemus, cum in ſuffragijs ferendis manus porrigi, & extendi ſoleret? Quid cum oratores ad populum verba facerent? num ſine geſtu bra-

brachio ita inuoluto perorarunt? Tunc non manum modo, sed totum quandoque brachium exertum fuisse credere par est. Apud Aristophanem Concionantibus facere admodum quærent mulieres, quomodo in concione aptè manus mouere, ac tollere possent, quæ nonnisi tollere crura didicissent. Respondet Praxagora difficile negotium esse, ceterum χειροτοντίον, *consentiendum* inepte vertit Interpretes, sed χειροτοντίον est *manum tollendam esse siue eleuandam*, vt fiebat in concione, cum aliquid decerneretur. Sequitur. Εξωμισάσαι τὸν ἑτερον βραχίονα. *Exercentibus alterum brachium.* Ita vetus Scholiastes: ἄχρι τῶν ὤμων γυμνωθεῖσαι, *exerto, siue renudato usque ad humerum brachio.*

Aeschines tamen in Timarchum clare ostendit, morem exerendi brachium non esse antiquum. Quod nunc, inquit, omnes in more habemus, τὸν χεῖρα ἔξω ἔχοντες λέγем, *exerto brachio verba facere, hoc tunc temporis audax videbatur, summamque, cum id facerent, cautionem adhibebant.* Subjicit in foro Salaminorum positam Solonis imaginem, quæ ἐντὸς τοῦ χεῖρα ἔχων, *manum pallio continebat*, idque monumentum, ac simulachrum Solonis esse eo habitu, & compositione corporis, qua ad populum perorabat. Quod false eludere conatus est Demosthenes de falsa legatione, *Non oportere* dicens *in orando, sed in legationibus manum eohibere.* Hunc autem morem continendi brachium inter orandum primum a Cleone mutatum fuisse viri docti obseruant, & ideo a Thucydide, atque Aristophane non semel reprehensum. Plutarchus tradit primum C. Gracchum, cum oraret, ex humero togam deiecis- se, quemadmodū de Cleone traditur περισπάσαι τὸν περιβόλῳ, *quod non est, pallium ex humeris reiecis- se*, hoc enim pacto decidisset, sed ita detraxisse, vt brachium exereretur. Quare credibile est Aristophanem loco adducto notare Cleonem, atque arguere voluisse.

Eadem ratione tanquam inepti, & illiberales vulgo notabantur, qui pallium non eo modo componerent, qui est a nobis h. & genus explicatus. Apud Athenæum eodem lib. r. Hermippus scribit a Theocrito Chio Anaximenis περιβόλῳ

tanquam illiberaliter educati reprehendi. Et Callistratus Aristarchum inſeſſit ἐπὶ τῷ ὑποθμῶς ἀμπτέχεσθαι, quod indecore amicaretur. Qualis autem eſſet iſta indecens, atque illiberalis pallii compoſitio, docet Ariſtophanes in Auiſus loco maxime inſigni. Neptunus enim ad Deum Triballum, qui legatus cum eo venerat, ait :

Οὗτος τὸ δρῶς ἐπ' ἀριτέρ' ἀμπτέχη,

Οὐ μεταβαλὲς δομάτιον ὥς ἐπιδέξια.

In quo infelicitè Interpretes verſati ſunt ?

Hic quid facis, in ſiniſtras ſic indueris ?

Non mutas pallium tanquam in dexteras ?

Sed ad intelligendum Interpretem, interprete opus eſt. Nec minus ineptit Cælianæ nuperus enarrator. *Iſte quid agis ? pallio lanam obtegis : Ad dextram tu pallium non tranſferes ?* Subjicit ex hoc ſequi : ne dextrum brachium apud Athenienſes fuiſſe expeditum. Quomodo id ſequatur, ipſe viderit : aſſert deinde veteris Scholiaſtæ verba, quæ de vera loco huius ſententia dubitare non ſinunt. *Hic, inquit, Neptunus barbaro dicit, qui ipſi aderat ad legationem ὥς ἐν ἐπιπιδέκῳ σιλλομένῳ τῷ ἐσθῆτι, ἀλλ' ἐπ' ἀριτέρᾳ περιβαλλομένῳ, quod inepte, & indecore pallium iniiceret, & a ſiniſtra illud circumponeret more Thracum. Quid planius ? Athenienſes, ut dicebamus, & Græci omnes ita pallium componebant, ut ab dextro in ſiniſtrum induerent, ſive eius partem dextram in humerum ſiniſtrum conjicerent; Barbarus iſte contra morem ab ſiniſtro in dextrum humerũ pallium mittebat ; quod Thracæ faciebant. Ait ergo Neptunus ad eum :*

Tu quid agis ? ab ſiniſtra ſic pallium imponis ?

Non illud dextrè, ac decore compones ?

Επιδέξια, ut diximus, rectè Caſaubonus obſervat eſſe dextrè, & decore, utque liberum hominem decet pallium induere : ἐπαριτέρᾳ, contrario modo. Sed vocis huius notatio ab hoc more petenda erat.

Poſtremo qui pallium non apte ſubducerent, ſed illud traherent, partim tanquam ſoluti, & effœminati, partim ut negligentès notabantur. Plutarchus in Alcibiade aſſert

verba Archippi de Alcibiadis filio. Βασίλει φησὶ διαχειλιδῶς
 φοιματῖον ἔλκων. *Incedit, inquit, diffuens pallium trahendo.*
 Apud Terentium Eunuchō ait Thais Chremeti: *Attolle pal-*
lium. Vbi Donatus. *Vel quia Simplex est, vel quia ebrius pal-*
lium trahit Chremes.

An pallium fibula neceſſetur. Tertullianus de pallio
explicatus. Cap. IX.

I Sta cum ad hunc modum se habeant, viris doctis in men-
 tem venisse demiror, vt crederent ipsi atque alijs per-
 suaderent, in communi pallio fuisse aliquem fibulæ locum.
 Siccine ipsos nullam vnquam statuat palliatam vidisse, cu-
 ius aspectu erroris arguerentur? Nullum ibi fibulæ vesti-
 gium, nullus fibulæ in communi pallio vsus fuit. Quippe si,
 vt diximus, magna olim cura in pallio decore componendo
 veteribus fuit, totaque illa ciuilis habitus confirmatio in
 eo posita erat, vt pars dextra pallii sinistro humero impo-
 neretur, & velato brachio dextera exereretur, vt quoties
 deflueret ea pars reponeretur, ac decenter infra genua ca-
 deret; vt a dextro in sinistrum conjiceretur; vt non sub-
 duceretur altius, aut fluens traheretur. Nihil horum ef-
 fici potuit si pallium fibula nixum fuisset, hoc est, si vtraque
 pars pallii in humeris fibulæ morsu acquieuiſſet. Quomo-
 do enim pars dextra ab imo subducta in laeuae humero col-
 locaretur, si cum altera ad ceruicem adstricta erat? Eadem
 fuisset in omnibus pallii compositio, nullus in cultu negli-
 gentiæ notatus, quando pallium semel fibula nexum, nec
 cadere, nec reponi poterat, non ἐπιδέξια, non ἐπαρσιπὰ
 injici, non labens fulciri, ac suo loco reddi.

Atqui Tertullianus horum sententia in pallio fibulam
 agnoscit. *Pallium extrinsecus habitus, & ipse quadrangulus,*
ab utroque laterum regeſtus, & ceruicibus circumſcriptus in fibu-
la morsu humeris ac quieſcebat. Quibus verbis inducti docent
 de vulgari pallio Græcanico loqui Africanum, quod in hu-
 meris fibula nexum sedebat, & vtrumque humerum ad-

pelabat, quod scilicet elegantiores circa ceruices studiose & cum cura in rugas dispositum stringerent, ac morose ordinarent. Sed de communi pallio non esse locutum Tertullianum illa indicant. *Tamen & vobis habitus aliter olim.* Nempe pallium quale describit. Id a communi, quod tunc gestabatur, & paulo ante Tertullianus induerat, diuersum fuisse, quæ sequuntur manifesto cōprobant. *Instar eius hodie Aesculapio sacerdotium est.* Si de communi pallio, quod ipse gerebat, verba habuisset, quid opus erat illud morose describere, quod in oculos incurrebat? Pallium ergo describit, quod olim Carthaginenses ferebant, antequam togam induerent, cuius forma tunc obsoleuerat, & tantum apud Aesculapii sacerdotes remanebat. Si idem pallium fuisset cum vulgari, dixisset Rhetor: sed vos etiam olim tale pallium gestastis, quale in me denotatis. Diuersum ergo fuit, hocq; illius proprium, vt fibula necteretur, quam commune non habebat. Id eo confirmatur, quod Cap. i.v. hoc pallium sacerdotum Aesculapii morosius ordinatum arguit, id est, est constrictum ceruicibus, & in rugas formatum: quod non fecisset, si tale etiam vulgare fuisset.

Alter Tertulliani locus paulo infra mirifice ad rem nostram facit male a Criticis acceptus. *At enim pallio nihil expeditius, etiam si duplex, quod Cratetis more nusquam vestiendo componitur: quippe tota molitio eius operire est solutum, id est, vno circumiectu, licet equidem, nusquam inhumano, ita omnia hominis simul contegit: humerum velans exponit, vel includit, cetero, qua in humerum adharet, nihil circumfulcit, nihil circumstringit, nihil de tabularum fide laborat, facile sese regit, facile reficit: etiam cum reponitur nulli cippo in crastinum dimandatur.* Ita extat in veteribus editionibus. Quomodo Interpretes totum locum interpolauerint, quam multa inuerterint, nihil attinet dicere. Quod ad rem præsentem pertinet, verba illa, *nihil circumfulcit, nihil circumstringit*, commune pallium fibula caruisse indicant. Sed aiunt nonnisi de pallio Cynico loqui Tertullianum, in quo nullus fibulæ locus. De Cynicorum indumento verba facit, sed non de eo

tantum. Communis pallii illa defensio est, quam ille aduersus noui habitus obtrectatores instruit. Nisi quis existimat Tertullianum, & reliquos seuerioris disciplinæ Christianos in pallio Cynico incessisse. Sed pallium vulgare, ac Cynicum idem forma fuisse, materia, colore ac gestandi modo diuersum, infra ostendam. De communi ergo pallio ibi verba facit. Nam cum in superioribus togæ vestiendæ, ac componendæ tædium, atque incommodum exaggerasset, tabulasque, & tiliæ, vmbonis figmentum, custodes forcipes, totamque illam moram, ac sarcinam facunde executus esset subiecit, nihil pallio esse expeditius, hoc est communi. Addit enim, *etiam si duplex*, nempe Cynicum. non enim verisimile videbatur, quod est duplex esse simplici expeditius. Sequitur. *Quod Cratetis more nusquam vestiendo componitur.* Explicat quale fuerit hoc pallium duplex Cynicorum. Commune pallium componebatur eo modo, quem supra attulimus, dextra eius parte sinistro humero iniecta. Cynicum alia ratione induebatur; excluso brachio atque humero dextro totum hominem inuoluebat. Redit ad pallium commune. *Quippe tota molitio eius est operire solum.* Togæ mora, atque incommodum erat, quod contraheretur in rugas, contabulabatur in vmbonem: at pallium nullis plicis, nulla contabulatione, sed fluens, ac solutum hominem velabat. hoc est *operire solum*. Adjicit, quo res clarior sit, *id est uno circumiectu*. Quibus verbis aiunt Interpretes designare pallium Cynicum, cuius proprium fuerit circumjici, καὶ περιβάλλεσθαι. Sed hoc etiam de communi dicebatur: vnde περιβόλαιον, & περιβλημα pallium dictum supra notauimus. Immo hoc magis vulgaris peculiare fuit, quam Cynici. Hoc enim vnum tantum humerū velabat, illud vtrumque. Hoc indicant verba, quæ sequuntur: *licet equidem nusquam in humano, ita omnia hominis simul contegit.* In prioribus latere mendum, nullus non vidit. Quare enim circumiectus nusquam inhumanus dicitur? Aliqui nusquam inelegantem interpretantur. Sed quæ hæc elegantia: deinde quæ ratio est elegans, quia omnia hominis contegit.

Latinius *licente quidem, sed nusquam inurbano*: quod non displiceret, si librorum MSS auctoritate niteretur. Fortasse ad togæ molitionem respexit, quæ cum potius oneraret, quam vestiret, incommoda ac veluti in humana videbatur: secus pallij circumiectus nihil habuit inhumani. *Ita omnia simul contegit*, cum toga non totû corpus velaret, dextro humero brachioq; exertis. Hæc porro de Cynico pallio capi non possunt: quod omnia simul non contegebat, sed humerum cum brachio excludebat. Ergo de pallio generatim: *humerum velans exponit, vel includit*. Quomodo vestimentum corpus velando exponere possit, nisi serica vestis, quæ regendo renudabat, non video. Recte corrigunt Interpretes *humerum vel includit*: non recte tamen explicant, idest, exponit, & includit; quod scilicet alter humerus exereretur, alter includeretur. Sed de pallio generice intelligendum est. Nam pallium commune humerum vtrumque includebat, ac velabat: Cynicum alterum excludebat; ergo humerum quandoque exponit, quandoque includit. *Cetero qua in humerum adhaeret, nihil circumfulcit, nihil circumstringit*. Toga ita sinistro humero hærebat, vt rugarum congestu humerum premeret, & fulciendo sinu, atque vmbone brachium laboraret: pallium, quæ parte humero imponebatur, nullis plicis, nulla contabulatione græue erat; nullo artifice nodo, aut fibula circum stringebatur. *Facile se regit, facile reficit*, non fibula infrenatur, & cum deciderit facile reponitur. Demum, *Si quid interula subter est, vacat zonæ tormentum*. Sub communi pallio tunica gestabatur, quæ hic interula, quod intus siue intra pallium esset dicitur. Sub cynico pallio nulla erat. Quæ etiam indicant, de pallio in genere loqui Tertullianum. Quandocumque igitur tunica gestaretur, illam vacasse zonæ tormento, quod Afri discincti essent, vt alias dictum. Non igitur tantum de Cynico pallio loquitur ibi Tertullianus: alioquin merito illi quis reponere poterat. Est Crætis pallium fuerit expeditum; vulgare non itein. Nam & fibula constringebatur, & ad ceruices more in rugas ordinabatur, quæ operosa molitio non mul-

tum togæ contabulationi dissimilis erat. Solum vetus Carthaginienſium pallium tale fuit, quod penes Aesculapii myſtas eo tempore remaſerat. Quod Tertullianus, & reliqui tunc geſtabant: nec fibula ſtringebatur, nec ita gerebatur, vt duæ laciniae ab vtroque latere retrorſum rejicerentur: neque hoc ἀναβάλλεσθαι fuit; hoc enim ſignificat attollere, & de inferiori parte ſubductam laciniam humero ſiniſtro injicere, vt dicebamus: neque qui pallium eodem modo regeſtum vtrinque habebant, ἀναβεβλημένοι τὸ ἱμάτιον dicebantur, ſed qui communi Græciæ more illud componebant. Immo ſi commune pallium fibula nexum fuiſſet, etiam, quod ait Tertullianus, ab vtroque laterum regerebatur. Fruſtra ergo veteres laboraſſent in illo decore habitu componendi pallii, vt dextre ſcilicet aptaretur: fruſtra eos negligentiae, & inurbanitatis notaſſent, qui in ſiniſtrum illud veſtiebant. Nam ſic neutro modo componi poterat, neque in dextram, neque in ſiniſtram: ſed tantum vtrinque in latera rejici poterat.

Præterea cedo mihi veterem ſcriptorem, qui fibulæ in cōmuni pallio meminerit. Iſidorum nihil moror. *Pallii fibulati Gallici* mentio extat apud Vopiſcum in Probo, cui Valerianus inter cetera iubet dari *pallia Gallica fibulata duo*. vbi viri doctiſſimi, qui ad Tertullianum commune Græcorum pallium fibulatum fuiſſe docent, illa Gallica pallia fibulata ſagochlamydes fuiſſe obſervant, cauſamque addunt, cur Valerianus pallium non ſimpliciter dixerit, ſed pallium fibulatum, quod pallia vulgo non eſſent fibulata, vt nec ſaga. Perſicum etiam pallium fibulatum apud Suidam: Φιβλατώριον περιβάλλειον Περιſικόν. Quod ſi commune Græcorum fibulam habuiſſet, non hæc tanquam diuerſa ſcriptores notaſſent. Chlænæ igitur, & chlamydes fibulam habuerunt: & ideo Homerus in chlænæ voce περιόνησας uſus eſt, *in fibulavit*, nuſquam in pallio. Aliqua in hanc rem adjiciemus cum de Tribonio diſputabimus.

*Pallium cum crepidis ſumptum . Tertullianus
de Pallio explicatus . Cap. X.*

C Alceos togæ proprios fuiſſe alias adnotauimus . Sic crepidæ pallii peculiareſe fuere, nec vnquam ſine illis pallium ſumebatur . Liuius lib. xxix. de Scipione in Sicilia oriante : *Ipfius etiam Imperatoris, non Romanus modo, ſed ne militaris quidem cultus iactabatur : cum pallio crepidiſque inambulare in Gymnaſio.* Quod imitatus Germanicus in Aegypto, vt Tacitus loquitur, *pedibus inteſtis inceſſit, & pari cum Græcis amiſſu.* Dio Caſſius lib. lx. tradit Claudium Neapoli tanquam priuatum egiſſe, atque in ludis Muſicis *ἰματίου καὶ ἀποτίδας* geſtaſſe, *pallium & crepidas* . Interpres inepte, *togam, & ſoleas* .

Tertullianus de Pallio: *Niſi quod & philoſophi puto ipſi aliquid eiſmodi adſectant . audio enim, & in purpura philoſophatum: ſi philoſophus in purpura, cur non & in baxeâ Tyria calciare? niſi aurum minime Græcos decet: atquin alius & ſericatus, & crepidam auratus inceſſit.* Heic antiquum Critici obtinent, totumque locum turbant, atque inuertunt, cum tamen nulla mutatione opus ſit. *Si Ariſtippus in purpura, cur non etiam in Tyria baxeâ ſiue baxeâ? Baxeam non fuiſſe calceum muliebrem pretioſum, ſed virilē, immo philoſophicum, quod cum pallio ſumeretur idem ac crepida, notum eſt.* Apuleius lib. xi: *Nec deerat, qui pallio, baculoque; & baxeis, & hircino barbitio philoſophum fingeret.* Alibi de ſacerdote Aegyptio: *Inducit iuuenem quendam palmeis baxeis indutum.* Si ergo, inquit, Ariſtippus veſtem purpuream ſumpſit, cur non & calceamentum, ſiue baxeâ philoſophicam purpura infeſcit, vt eſſet æqualis habitus? *Cur non & baxeâ Tyria calciare? id eſt, cur non Ariſtippe etiam baxeam purpuream induiſſet?* Quæ olim Turnebi, & Merceri opinio fuit. Sed non videntur cohærere, quæ ſequentur. *Niſi aurum minime Græcos decet. Cur non ſumis & crepidas purpureas? Quia aurum Philoſopho indecorum.* Sed quicumque ſciat calceos purpu-

reos, eosdem & auro distinctos fuisse, constare optime sententiam intelliget. Clare Epictetus in Enchiridio cap. LXI. *Vt & in calceo, si ultra pedem progressus fuerit, γίγνεται κατά-χρυσον ὑπόδημα, ἔτα πορφυρῆν, ἔτα κεντρίον*: Fit auratus, siue auro distinctus calceus, deinde purpureus, deinde interpunctus. Vbi Simplicius, Tanta autē, inquit, fuisse videtur apud Romanos in conficiendis calceis purpureis, & interpunctis curiositas, ut auratis etiam preferrentur. Calcei alij auro inducebantur, alij inficiebantur, purpura alij compungebantur, siue aureis notis distinguebantur. Ideo occurrit obiectioni Tertullianus. *Cur non & baxeæ Tyria calciaris*. Respondere poterat Aristippus. *Quia aurum Gracatos, idest palliatos non decet*. Atqui inquit Tertullianus, alter nempe Empedocles, si non auratus, saltem aeratus crepidam incelsit. Quicumque hæc cum doctorum virorum emendationibus conferet, is profecto intelliget, non semper Interpretes de Tertulliano bene mereri.

Quod ad crepidam attinet, idem paulo post de Sacerdotibus Aesculapij, quos palliū retinuisse inter togatos Charaginienses initio dixerat: *Cum hoc ipsum pallium morosius ordinatum & crepide Gracatim Aesculapio adulantur*. Vbi *Gracatim* est, quod notavit Mercerus, more Græco, siue Græco habitu, ut paulo ante dixerat *Gracatos decet*. Sed de crepidis, & toto veterum calceatu in tertia parte huius Operis, si vita suppedabit, disputabimus.

De Pallij materia. Vestimenta lanea. An lineæ vestes in usu.
Thucydides explicatus. Lintea lorice. Cap. XI.

Non pallia modo, sed tunicas, chlamydes, chlénas, & reliqua vestimenta tam virorum, quam foeminarū lanea fuisse, non est dubitandum, licet aliquis in mulieribus interdum lineæ vestis vltus reperiatur, de quo infra. Nec alia apud Græcos, atque Romanos quam lanæ textura, licet ex ipso lanæ pretio plus minusue æstimeretur. Aelianus lib. I. Variæ cap. xvi. tradit Apollodorum Socrati in

carcere morituro attulisse χιτῶνα ἱρίων πολυτελεῖ, καὶ ἐνύπριον, καὶ ἱμάτιον τοιοῦτο. *Tunicam ex pretiosa lana, pulchreque textam, simile item pallium.* Plutarchus de audiendo. *Neque pallium induere hieme, ἔι μὴ προβάτων Ἀπτικῶν ἔῃ τὸ ἔριον, nisi ex lana onium Atticarum.* Plautus Milite Glor. Act. I I I. Sc. I.

*Eme mi vir lanam, unde tibi pallium
Malacum, & calidum conficiatur, tunicaque hibernæ hōnæ,
Ne algeas hac hieme.*

Nec aliud olim muliebre, opus quam lanificium fuit. Aristophanes Concionantibus de muliere, quæ in concionem prodibat. *Hæc attuli (lanam) ut completo concilio ξαίνομοι, carpam, siue pectam.* Vetus Scholiastes: *Mulier venit ferens lanam, eamque pectens, siue carminans* (non recte Latinus Interpretes *diuidens*) subicitque se id facere, *quod filij sibi nudi essent.*

Rarus apud Græcos serici, rarus admodum lineæ vestis usus fuit. Sanè apud Homerum lineæ vestis mentio. Sed etiam cubicularem fuisse, quæ nempe dormientibus substerneretur, veteres critici observant. τὸ ὑπερσπρονόμερον τοῖς καμνωμένοις, ait Hesychius. *Odyssææ. N. ait Phæaces strauisse in naui Vlyssi dormituro ῥηγῶντε λίνοντε. ἵνα νήρετον ἔυδοι.* Paulo post subjicit, sublatum eundem dormientem ex naui αὐτῷ σιῶντε λίνῳ, καὶ ῥηγῆι. Apud eundem II. B. inducitur Ajax Oilæus λινόθωρηξ, hoc est, ut interpretatur Hesychius, lineo thorace vtens: de quo infra. Alias non ita facile occurrit apud Græcos lineæ vestis mentio in communi vestitu.

Thucydides tamē ipso operis initio indicare videtur veteres Athenienses lineas tunicas gestasse. οὐ πολὺς χρόνος ἐπειδὴ χιτῶνας τε λινῆς ἐπάυσαντο φορεῖν, καὶ χρυσῶν τεττίγων ἐν ἑρσεί κρωβύλον. *Nec multum tempus est, quo apud eos (Athenienses) qui ex senioribus locupletiores erant ferre deserunt lineas tunicas, cicadasque in seriem aureas.* Verum tunicae illæ non aliud fuerunt, quam loricae, siue thoraces linei, quibus pro armatura in bello utebantur. Narrans enim antiquissimos Græcorum raptō viuere assuetos perpetuo, veluti con-

cesso

cessu latrocinio vitam egisse, subjicit. *Quin etiam arma ferre apud hos ex vetere latrocinio permansit. Omnis enim Græcia arma gestabat, quod videlicet, nec penates munitionibus cincti, nec tuto commeari ultro citroque possent: vitamque assidue sub armis agebant more barbarorum. Indicio autem sunt hæ regiones Græcia, quæ usque adhuc illoritu habitantur, similem cultum, similiaque vitæ instituta aliquando apud omnes fuisse. Primi autem inter hos Athenienses ferrum deposuerunt, & pacato cultu utentes ad lautius quoddam, & mollius vitæ genus transferunt. Athenienses ut ceteri Græci militari cultu perpetuo incedebant: nō multo ante Thucydides tempora ad pacis habitum transferunt, & cum reliqua armatura lineas quoque tunicas deposuerunt. Quod si illæ fuissent interulæ, ut subuculæ lineæ, potius illas induissent, cum ad mitius, magisque lautum vitæ genus transire in animum induxissent.*

Nemo autem lineas tunicas siue thoraces pro armatura gestatas mirabitur, nisi qui in veterum scriptis plane peregrinatur. Talis Aiæcis thorax apud Homerum lineus, ut paulo ante diximus. *θώρακις λιῶν, thoraces linei dicuntur Pausaniæ in Atticis, qui ait has lineas loricas, siue thoraces non æque esse utiles prægnantibus, quod ferro vehementius immisso lædantur, ac venatoribus. In illis enim leonum, ac pantherarum dentium impetum eludi, ac debilitari. Nepos in Iphicrate: Idem genus loricarum mutavit, & pro ferreis, atque aneis lineas dedit. Quo factò expeditiores milites reddidit: nam pondere detractò, ut aequè corpus tegerent, & leues essent, curavit. Suetonius Galba xix: Eoricam tamen induit lineam, quamquam haud dissimulans, parum aduersus tot mucrones profuturam. Sed quomodo lineæ loricae, siue thoraces conficiebantur, ut ferro resisterent? Titius in Controuersiis existimat lineas chlamydes bombyce, spongia, lanaque minutatim dissecta ad instar culcitæ fartas. Sed eum merito magnus Antagonista ficto nomine reprehendit, primo quod chlamydes cum tunicis confundit: deinde quod puerili errore bombycem, quod erat sericum, pro gossipio, quod Itali vulgo bambaggio appellant, posuerit,*

quod Italiae ignotum per multa ſecula. Negat ipſe ex goſſipio, aut lana, aliaue materia minute conſecta farctum thoracem fuiſſe. nam quare potius lineum diceretur, quod ex alia materia conſectum erat? Itaque thoracem lineum a loricis non niſi materia diuerſum fuiſſe, quod illae eſſent annulis, & catenulis aeneis conſectae, hic autem ex torulis trilicibus, quadrilicibus, aut bilicibus. Toroſ appellat funiculos ex multis filis tortos, qui propterea a numero dicebantur bilices, & trilices: qui deinde tori inter ſe filis conſerebantur, & firmiſſimum opus praestabant. Talis Amasius Aegypti Regis filis contexta, quorum ſingula trecentis ſexaginta quinque filis conſtarent. Quin idem in caſſium deſcriptione, ſtamina ſingula centenis quinquagenis filis conſtare ait, vocatque ſtamina, quae alii toros, Graeci Βρόχες in reſtibus. Fila autem, ex quibus ſtamina illa ſiue tori conſtabant, licia etiam vocata docere loricis bilices, ac trilices apud Virgilium. Haec Scaliger de loricis lineis.

At Caſaubonus ad Suetonium diuerſa ratione huiusmodi linteos thoraces factos credit. Nempe opera, atque artificio coactiliariorum, & πιλοπιῶν, qui linum aceto, vel auſtero vino, cui ſal eſſet adiectum, probe macerabant, deinde ita cogeant, vt ſoliditatem, ac craſſitiem lintei octies, decies, aut ſæpius in ſe complicati haberent. Adducit ad hoc comprobandum locum Nicetae Aconinati lib. 1. rerum Iſaaci Angeli: *Ipſe Conradus ſine ſcutō tunc dimicabat: ſed pro lorica textum quoddam geſtabat e lino factum, vino auſtero probe ſalito maceratum, ſæpius replicatum: quod quidem ſale & vino coactum adeo firmum aduerſus icſus erat, vt penetrari a nullo telo poſſet. Erant autem huius texti pagella octodecim, & eo plures.* Veriſimilior tamen Scaligeri opinio eſt, propter loricis bilices, & trilices, quae in coactilibus locum haberi non poterant.

*Lineus Apolloniæ Thianæi vestitus. Byssus. Ὀδών,
Pollux notatus. Cap. XII.*

N Vllus igitur lineæ vestis vsus in communi Græcorum vestitu fuit. Nam Apollonii Thianæi id peculiare fuisse dicendum est, vt tunica lineæ vteretur, quemadmodum Pythagoræ, quam ille imitatus est. Quæ vestitus a vulgato diuersitas cum illi apud Domitianum obiecta fuisset, hac defensione vsus est, vt narrat Philostratus lib. viii. cap. iiii. quæ etiam Pythagoræorum, atque Aegyptiorum ratio fuit. Quod scilicet vestes ex pellibus, aut animantium lana confectæ impuræ essent, contra puræ, quæ ex lino texerentur. Mox subiicit: *Si quis animati, aut inanimati rationem auferat, ob quæ purus quis, aut impurus videri potest, quid in se præclarior habeat lintea, quam lanæ vestis?* τὸ βελτίον ἢ Ὀδών τὸ ἐπὶ; Lanam si quidem ex animali mansuetissimo natam, quam curæ Dæus fuisse, illud indicat, quod eorum quidam pastores fuerunt. Vnde & aureum vellus poetarum carminibus nobilitatum. Linum vero inquit seritur, utcumque euenit, auri vero circa illud nullus est sermo: sed quoniam ab inanimato decerpitur, purum quidem Indis, purum etiam Aegyptiis esse videtur: & propterea Pythagora prius, deinde etiam mihi hoc etiam in vestem assumptum est, quam conuenire nobis putauimus tam disputantibus, quam orantibus & sacrificantibus. Idem Philostratus lib. i. cap. ix. narrat quasdam in India linteis vestibus uti, nobiliores vero Byssu, quæ lini species fuit: cumque Apollonius vidisset Byssum, gauisum fuisse, quod fusco amictui, quem gestabat, non dissimilis esset: quæ verba infra examinabimus. Alibi Brachmanum in India vestitum describit: Καὶ τὸ ἐοικὸς ἡμῶν ἐξ ημετέρου τοῦ παραπλάνους τῆς ἐξωπύου. Vestem in exomidis formam compositam esse, ipsius materiam esse linum, quod sponte sua in illis locis nascitur, album quidem, vt Pamphylum, mollius autem propter pinguedinem, quæ ab ipso instar olei stillat, ex eo sacram vestem confici; idque linum si in alia parte seratur, non prouenire. Ad quem locum doctissimus Interpres notat, Exomides fuisse laneas

laneas serarum lacernas, angustas, & breues, circa humerum desinentes. Verum non fuerunt exomides lacernæ, sed tunicæ, neque illæ seruorum tantum, & istæ Indorum tunicæ, siue tuniculæ erant, strictæ scilicet, nec vltra humeros velatus brachium, quales exomides fuerunt.

Adjicit Philostratus, Apollonium, cum in India esset, audisse Byssum in Aegyptum ex India deferri, quod illa in plerisque sacris vtuntur Aegyptij. Lineam enim siue byssinam vestem Aegyptiorum peculiarem fuisse, quis nescit? Hinc *turba linigera, grexque liniger* de Sacerdotibus Isidis poetis dicitur. Et Apuleius lib. xi. in pompa Isidis describit viros feminalque *lintea vestis candore laminosas*. Et paulo infra *Antistites sacrorum procures candido linteamine cinctum pectorale adusque vestigia strictim iniecti*. Ideo Anubis a Luciano Deorum concilio inducitur *sindone amictus*. Seneca item de breuitate vite: *Cum linteatus senex laurū, & medio lucernam die proferens*. Quare & linteæ vestes ex Aegypto Romam delatæ. Cicero pro Rabirio: *Audita, visaque merces fallaces quidem, & fucosæ, chartis & linteis, & vitro delata*. Non tota tamen Aegyptiorum vestimenta linea fuerunt, sed tunicæ tantum. Nam pallia ex lana. Herodotus lib. ii. *ἐνδεύκασιν δὲ κιθῶνας λεῖους περὶ τὰ σκέλεα δυσσανώτερες, ἢς καλασίρις καλέουσι: ἐπὶ τούτοις δὲ εἰρινέα ἔμματα λευκὰ ἐπαναβλιδὸν φόρευσιν*. Induunt tunicas circa crura fimbriatas, quas Calasiris appellant, quibus circumiecta lanam pallia alba gestant. Addit tamen lanea vestimenta neque in templa inferri, neque vna cum mortuis sepeliri: hoc enim prophanum esse. Similemque morem seruari in sacris Orphicis, ac Bacchicis, in quibus nefas esse, ijs initiatos in vestibus laneis humari.

At Byssus lini species pretiosissima, quæ indidem proueniebat, ex qua vestes mollissimæ, ac tenuissimæ conficiebantur. Vnde dictum Parysatis Reginae, in Regum alloquio vtendum esse verbis *Βυσσίνους*, idest *mollissimis, ac lenissimis*, quidquid aliter viri docti interpretentur, qui *sublimia, grauias, & ornata* reddunt, & nescio quæ *Εύσωα* comminiscuntur. Apud Theocritum Idil. ii. Simætha inducitur *Εύσωοιο*

καλὸν σύποισα χιτῶνας, *trahens pulchram ex bysso tunicam*. Quoniam autem hæ vestes byssinæ essent pretiosissimæ, & vt ait Plinius, *mulierum luxui destinata*, ideo ferme purpura tegebantur. quæ res veteres Grammaticos in errorem impulit, vt byssinum, colorem purpureum interpretarentur: quem errorem satis iam viri docti redarguerunt. Talis fortasse Tyria sindon Martiali lib. i v. quæ etiam in vsum virorum ea ætate transisse videtur. De Endromide.

Ridebis ventos hoc munere tectus & imbres.

Non sic in Tyria sindone tectus eris.

Byssi frequens mentio in sacris literis, præcipuè in apparatu vestis sacrificialis, velisque, & aulæis tabernaculi. *Byssina Iosephi stola* Genesis cap. xli. Diues etiam epulo *purpura, & bysso indutus* dicitur, quod a purpura distinctam fuisse vestem byssinam satis declarat.

Ceterum linea vestis ὀδόνη & ὀδόνιον Græcis dicitur, quæ quoniam interdum muliebris erat, ab Homero in i i. Iliados inducitur Helene ἀργεννήσι καδυφάμενῃ ὀδοῦσῳ. Hefychius: ὀδόνη συνδών. ὀδόνια λινὰ ἱμάτια. Idem Homerus lib. xvi i i. Il. puellis tripudiantibus dat λεπτάς ὀδόνιας, adolescentulis autem χιτῶνας ἐυνήτες. Quamquam Hefychius ὀδόνιον πᾶν τὸ ἰσχυρὸν καὶ μὴ λινοῦ ἢ interpretatur. Aristophanes etiam Lyliæ frata lineas tunicas mulieribus adscribit.

Καὶ τοῖς χιτωνίοισι ἀμοργίνοι.

Vbi lineas tunicas interpretantur, quod a morgina vestimenta ad iustar byssi, siue carbali tenuissima essent. Veteres tamen critici Amorginum coloris genus dixere, nempe purpureum secundum glossam, vt ait Eustachius: vt non satis constet, vtrum ea vox lini speciem, an colorem, an vtrumque significet.

Pueri etiam meritorii in linea tunica. Lucianus Nauigio: *Quando opinor formosus ille adolescens ex interiore parte natus progrediebatur, τὴν καθαρὰν ὀδόνην ἐνδεδυκὸς puram lineam tuniculam indutus*. Qualem fuisse ministrantium in conuiuio habitum ante diximus.

Ceterum Pollucem falli necesse est, qui lib. vi i. cap. xvi. tradit

tradit Athenienses *linea tunica talari* usos esse. Omnia enim virilia vestimenta *lanea* fuisse ostendimus: tunicæque talaris nonnisi mulierum fuerunt, ut ex Aristophane docuimus, & aperte declarat Pausanias lib. 1. qui narrat Theseum cunctis incognitum Athenas venisse indutum *χιτώνα ποδήρη tunica talaris*, non pallam, ut vult Interpres: & plexa eleganter coma, ac per contumeliam interrogatum, quid ita nubilus virgo sola oberraret? Eadem prorsus ratione, qua apud Plautum in Comædia palliata dicitur *genus mulierosum*, cum dimissit *is tunicis*. Hallucinatur igitur Grammaticus ille, quemadmodum cum *ὀδόνν* apud Homerum interpretatur album vestitum, ac tenuem e lana, non lino confectum, contra veterum Criticorum sententiam. Suntque alia non pauca his similia doctis viris castigata.

De Pallij colore. Alba Græcorum vestimenta. Artemidorus, & Lucianus explicati. Aelianus notatus. Cap. XIII.

Romanae togæ, tunicæque colorem album fuisse exposuimus: talem & Græci vestitus præcipue apud honestiores colorem fuisse credimus. Nam & simplicior hic cultus, ac naturæ ipsi proprius, immo & ciuilius videtur, cum pullus in luctu lumeretur. Insignis locus est Artemidori lib. 11. cap. 11. *Alba vestimenta solis sacrificis conferunt, & seruis Græcorum: reliquis turbationes significant, propterea quod hi, qui in turba versantur, albo vestitu utantur. Opificibus autem manualibus cessationem, & otium portendunt: & quanto pretiosiora fuerint vestimenta, tanto plus otij prædicunt. Neque enim operarij, maxime qui mechanicas artes exercent, albis vestibus videntur. Seruis autem Romanorum, solis his qui recte agunt, conferunt: reliquis mala sunt. Manifestos enim faciunt male agentes, & propterea quod eundem cum dominis vestitum ut plurimum habent, ob hoc somnium liberi non fiunt, sicut serui Græcorum. Viro agrotanti alba vestimenta habere, morrem prædicit, propterea quod moritur in albis efferantur: Niger vestitus salutem præannuntiat. Non*

enim mortui, sed mortuos lugentes huiusmodi vtuntur. Noui autem ego multos, & pauperes, & seruos, & vinctos egrotantes, qui etiam cum viderentur sibi nigra habere vestimenta, mortui sunt: verisimile enim erat, his non in albis propter inopiam offerendos esse: Est autem alias niger vestitus omnibus malus, exceptis his qui clancularia operantur.

Ex his discere licet Græcos ingenuos vulgo albis vestimentis vsos: quod declarat illud, eos qui in turba, siue foro versantur, albis vestibus indutos, idest omnes vulgo liberos homines. Illam autem perturbationem, quam talia vestimenta indicabant, ad Comitia candidatorum, ac prensantium molestias retulit doctissimus Rigaltius. Ceterum alba vestimenta in somnis visa Græcorum seruis fausta erant: quia scilicet illis libertatem portendebant, quod ingenui in ea veste conspicerentur. Sed honestiores tantum: nam opifices, ac sellularij, populique fæx, vt apud Romanos, ferme in fordida, nigraque veste erant. Et ideo his hominibus cessationem ab opere portendi ait, quod albis vestibus non vterentur. Subjicit, Romanorum seruis alba vestimenta per quietem visa solis illis qui recte agerent auspicata fuisse, seruis autem nequam improspira. Futurum enim vt occulta delicta manifestarentur, quod scilicet album in tenebris latere non potest. Infra ait, purpuream, & variam vestem occulta reuelare, quia scilicet conspicua est, quemadmodum alba: vbi eadem voce vsus est: τὰ κρυπτὰ ἐλέγχει, *occulta manifestat*, vt supra de veste alba ἐλέγχει τοὺς κακῶς πράσσοντας, *male agentes arguit*. Idcirco autem Romanis seruis vestem albam nihil boni prædicere docet, quod eundem cū dominis vt plurimum vestitum haberent. quod de tempore intelligendum est, cum depositis togis, sumptisque laceranis, nullum fuisse inter ingenuos ac seruos in habitu discrimen supra memorauimus. Cum igitur albis vestimentis ingenui Romæ vti desinissent, ea in somnis visa Romanis mancipijs libertatem non prædicebant, quum color cum ipsa libertate publica excesserat: contra cum in Græcia perseueraretis color in ingenuis visus in somnis seruo libertatē præ-

dicebat. Quoniam autem mortui viuentium veste efferebantur, Romani toga, Græci pallio: ideo agrotanti alba vestimenta visa mortem prænuntiabant. Contra niger vestitus salutem, quod is in luctu à viuentibus usurpatus. Addit multos, & pauperes, & seruos, vinctorumque, quibus nigræ vestes per quietem obuersatæ erant, nihilominus mortuos esse, quod scilicet id genus hominum, cum ob paupertatem alba vestimenta non gestarent, in pullis etiam efferrentur.

Porrò ita alba vestimenta in Græcia vulgo usurpata, ut vestis infectæ vsus in populi conuentu, ac in spectaculis legibus esset interdictus. Lucianus Nigrino Veterum Atheniensium continentiam, ac paupertatem commendat: adeo enim non puduisse eos paupertatem fateri, ut vulgata vox sit in Panathenaicis ab omnibus emissa. Deprehensum enim quendam ex ciuibus fuisse, & ad præsidem Ludorum adductum eo quod βαπτὸν ἔχων ἱμάτιον, *pallium colore infectum gestans* ad spectaculum venerat. Vniuersos autem misertos illius, ac veniam precatos esse. Atque ubi præco iam proclamaret, quod in leges commisisset quia tali veste ludos spectaret, omnes vna voce, quasi antea super hoc deliberassent, exclamare cœpisse, ut venia daretur talibus induto: nec enim aliam vestem habere illum. Quod sane mirum est, cum pauperi facilius esset vestem natiuo colore, quam tinctam, atque infectam comparare. Sed pallium illud nuptiale erat, quod βαπτὸν siue tinctum sponsis modo gestare licebat. Aristophanes Pluto Act. II. Scena v. Disputat ibi Paupertas, si omnes diuites essent, fore ut artes e vita tollerentur: nemo domos strueret: nemo vestimenta pretio lauarèt: & post cetera futurum, ut nullus venderet vnguenta, quibus madescerent, qui nouam nuptam ducerent, οὐδ' ἱματίων βαπτῶν δαπάναις κοσμήσαι ποιητομένῶν, *neque sumptuosius vestibus infectis, ac versicoloribus ornandos*. Vet. Interpres. Βαπτὰ γὰρ ἱμάτια φορῶσιν οἱ νυμφίοι. *Tincta enim vestimenta ferunt sponsi*. Ille ergo pallio tincto in spectaculis deprehensus non aliud amiculum habebat, quam nuptiale: quod magis paupertatis indicium, quod ipso spectaculorum com-

mife-

miserationem commouit.

Præterea vestes vulgo albas fuisse crebra fullonum mentio declarat, qui vestimenta eluebant, interpolabant, poliebant. de quibus Pollux lib. vi i. cap. xi. Vbi eadem ratio in lauandis vestibus, ac Romæ fuisse apparet. nam & pedum insultu pressas, & coactas, & adhibitam cretam præcipue Cymoliam, sulphurque iisdem dealbandis, demum carduorum spinis pexas, ac politas legimus, vnde proprie κναφεῖς, κναφεῖον, κναφικοὶ, κνάφα. Apud Homerum Od. i i. Nausicaa ad fluuium pergit ἐμαῖα πλυνέουσα, vestes lotura. Et Alcinous discessuro in patriam Vlyssi inter munera hospitalia dat φάρος ἐνπλωῆς, ἢ δὲ χιτῶνα pallium bene lotum, & tunica. Aristophanes etiam loco paulo ante laudato ait, si omnes diuites essent, futurum vt artes e vita tollerentur, nemo domos strueret, ἢ πλυνέω, neque vestimenta lauaret. Idem Vespis. Απέδωκ' ὀφείλων τῷ γναφεῖ περιώβολον. Triobolum impendi in operam fulloniam. Vetus Scholiastes. Nam cum pisciculos edissem, & pallium iure perfusum esset, triobolum fulloni dedi pro mercede. κναφεῖ τῷ πλυνόντι τὰ ἱμάτια. Artemidorus lib. ii. cap. ii. Prestat autem semper habere vestimenta καθαρά, καὶ λαμπρά, καὶ πεπλυμένα καλῶς, munda, & splendida, itemque probe lota, quam sordida, & illota, exceptis his qui sordida opificia exercent. Apud Athenæum Aeschines Socraticus in Dialogo objicit Telaugi ἱματίον μὲν φορήσεως κατ' ἡμέραν ἡμιαβόλιον κναφεῖ τελέντα μισθόν. Quod pallio carens a fullone utendum sumeret pactus pro diurna mercede semiobolum. Diogenes Laertius Socratem ferme tribonium gestasse ait, cumque hoc vitæ instituto ageret, interdum tamen temporari seruiens λαμπρὰ ἡμίχρετο, ut in Platonis Symposio ad Agathonem profectus, splendidam vestem induebat, nempe commune pallium albo colore. Lucianus in vita sua tradit Pædiam sibi in somnis obuersatam, vt ad sui cultum pelliceret, inter reliqua dixisse. Ac vestitum quidem talem indues (demonstrans suum: παντὶ δὲ λαμπρὰν ἐφορε gerebat autem admodum splendidum.) Subjicit post paulo: si statuaria adhæresceret, fore vt χιτῶνόν τε πικρὸν ἐνδύειν tunica sordidam indueret, qualis nemo.

pe operariorum, atque sellulariorum, ut ex Artemidoro dicebamus.

Quare mirum est Aelianum lib. iv. cap. xxi. prodere veteres Athenienses pallia purpurea, tunicasque variegatas gestare solitos, ἀλεργῇ μὲν ἡμπέροισι ἱμάτια, ποικίλες δὲ ἐξιδίων χιτῶνας. Quod mihi verisimile non videtur. Nam cum purpura in magno pretio esset, idque Regium insigne, quis credat privatos homines vulgo purpuratos incessisse? Præterea tunica variegata non nisi muliebres fuere. Purpuream autem Regium fuisse gestamen quid attinet dicere? Certe tantū abest purpurea vestimenta Athenis in usu fuisse, ut Alcibiadem reprehensum tradat Plutarchus, quod delitj's diffluens purpureis, ac pretiosis vestibus interdum uteretur. Immo nimii, ac peregrini luxus notarentur, quicumque improbum colorem vestibus adhibuissent. Lucianus Negrino narrat graues fuisse ciuium oculis, qui cultum luxu notabilem importassent. Subjicit, cum quidam diuitijs affluens Athenas venisset turba seruorum stipatus, auroque, & varia veste excultus, quoties ciues purpuram, cultusque mollitiem, ac varios vestis colores inspicerent, hæc in eum scommata iacere solitos. *Iam ver adest. Vnde nobis hic panno?* Et. *Fortassis matris ipsius est.* Quo loco crediderim Romanos designari, quorum lacernas variis coloribus, interdum purpura infectas diximus. Ait enim, τὴν δὲ ἐδῆτα τὴν ποικίλιν, καὶ τὰ πορφυρίδα, tunicam variam, & lacernas, siue chlamydes purpureas. Alibi de paupere, qui repente diues factus fuerat, ἀλεργῇ καὶ ὀστροβαφῇ ἀμπεχόμενος. Idem ait diuites ostentare τὰς πορφυρίδας, & annulos, ubi Romanorum mores perstringit. Purpureus ergo color semper luxus, & superbiæ notatus. Mitto Aristippum, quem saltasse in purpura nota Regiæ seruitutis fuit. Polæmonem & corollas collo detraxisse, & erubuisse ob purpuram, postquam est impransus correptus voce magistri, notum est. Lucianus Hermotimo De eo qui philosophiæ cultum eiuraturus erat. Fortasse neque purpuram inducere grauabor, ut omnibus fiat perspicuum, mihi priores angas non amplius curæ esse.

Basilii minor Orationum Gregorij Nazianzeni Interpretæ indicare videtur Rhetores olim in purpura incessisse. Aie enim Tribones fuisse indumenta siue pallia, Rhetorum quidem rubra, & purpurea, nigra autem philosophorum. Sed Tribones, siue Tribonia, non nisi Philosophorum, & quidem seuerioris notæ infra ostendemus, & fortasse ætatem suam Interpretæ ille respexit. Subjicit enim illud fuisse insigne, sicut magistratibus *συναμύσιον*. Sane quomodo vestis detrita, ac lacera purpura infici posset aut decens esset, non video. Sed de Tribonio paulo post agemus.

*Pallium Philosophicum. Tribonium. Philostratus,
& Laertius explicati. πάνος, Πάννυς.
Cap. XLV.*

Pallium philosophantium amictum, ac peculiare sapientiæ tegmen fuisse, in confesso est. Nec vnquam ferme Philosophi a scriptoribus inducuntur, quin hac veluti nota atque insigni à reliquis distinguantur. Lucianus Timone. *ὁ δὲ τρίβων εὐτος πορφύρεος ἀμείνων.* Pallium hoc quantis purpura potius. Et Dialogis mortuorum, Diogenem describens ait senem esse caluum, gerentem pallium lacerum, & pertusum. Alibi, mala multa sub Philosophi palliolo latere scribit. Item multos philosophiæ studium professos solo habitu, atque incessu meros philosophos videri. Idem in Mercede conductis, de eo, qui pro Philosopho, ac Græcullo indiuitis familiam adscitus erat. Num te pudet, inquit, cum in tanta Romanorum turba solus *ξενίζων τῷ τρίβωνι*, in peregrino pallio versaris? Et infra: *καὶ μᾶλλον Ἑλληνικὸν εὐσαλῶς περιέβλησαι*, Pallium Græcicum decenter circumponere. Eodem Libro veluti in scena producitur Catella Milesia in Philosophi pallio cubans, immo & pariens. Et alibi passim, quæ putidum esset persequi.

Ita & Latini scriptores. Plautus Curculione:

*Tum isti Græci palliati capite operto qui ambulant,
Qui incedunt suffarcinati cum libris, cum sportulis,*

Conſtant, conferunt ſermones inter ſe ſe drāpetas,

obſtant, obſiſtunt, incedunt cum ſuis ſententijs

Quos ſemper videas lubentes eſſe in Thermopoli.

Vbi haud dubie licet Græca Comœdia Philoſophos exagitat ſine ſub Philoſophi habitu latentes homines nequam, qui pallio inſcitiam, & vitia velarent, fugitiui, flagitijs oper- ti & vulgo inuiſi. Alioqui mirum eſſet, ſi Comœdia pallia- ta Græcos, & palliatos traduceret. Gellius lib. ix. *Video* inquit *Herodes barbam, & pallium, philoſophum nondum video.* Capitolinus tradit M. Antonium Philoſophiæ operam vehe- menter dediffe, & quidem adhuc puerum. *Nam duodeci- mum annum ingreſſus habitum Philoſophi aſſumpſit, & deinceps to- lerantiam, cum ſtuderet in pallio, & humi cubaret.* Ammianus etiam lib. xv. ſcribit Iulianū a Constantio patruele ab Acha- ia, vbi ſtudijs operam dabat, euocarum, etiam tum palliatum atque in ſocietatem Imperii adſcitum.

Sed ſi pallium philoſophi habitus, ac nota fuit, cum om- nes in Græcia palliati, vt diximus, nullum inter philoſophos, & reliquos vulgo in cultu diſcrimen fuiſſe videtur. Romæ autem Græci omnes cum in patriâ veſte verſarentur, pro phi- loſophis habiti fuiſſent. Caſaubonus ad Capitolinum phi- loſophi habitum interpretatur pallium Græcanicum, ſine tunica, cum totius corporis illuſie, Huncque communem habitum omnium philoſophantium fuiſſe, quo ſeparabantur a ceteris. Fuiſſe præterea proprias ſingularum ſectarum no- tas, & propria geſtamina. Sed cum ſoli Cynici, vt dicemus, ſine tunica incederent palliati, merito doctis viris Cauſa- bonus reprehenditur, qui tamen, qualis philoſophorum habitus eſſet, quo a ceteris diſcernerentur, non prodide- runt.

Ergo ſoli ſeuერიore, ac ſanctiorem philoſophiam pro- feſſi, vt Pythagorei, Stoici, ac Cynici, tam in Græcia, quam Romæ pallio a ceteris diſcreti, quod peculiare eorum ho- num fuit. Nempe cum commune pallium Græcorum la- neum eſſet, & album, philoſophantium tegmen pallium ætæcum tuit, obſoletum, ſordidum, ac pullum, quodque

à Cynicis solis diuersa ratione gestabatur, ac sine tunica, vt infra explicabimus. Id τριβων, & τριβώνιον Græcis dicebatur, nec alia ferme voce, cum pallij philosophici mentionem faciunt, scriptores vtuntur, præcipe Lucianus. Hesychius: τριβώνιον, πάλιον, περιβόλαιον. Idem: τριβωνος ἱμάτιον. Cicero *palliolum* appellat Tusculana 111. *Sæpe est etiam sub palliolo sordido sapientia*. Apuleius *palliastrum*. *Ecce Socratem contubernalem meum conspicio: scdebat seruli palliastro semiamictus*. Festus: *Adtritum & tritum, vestis trita*, τριβώνιον. Pallium scilicet longo vsu detritum, quodque, vt loquitur Euripides apud Athenæum lib. x., villosam lanuginem amiserat. Τριβωνες ἐμβαλόντες ὄρχονται κρόκας. *Tribonia enadunt, qua pilos, siue languinem amiserunt*. Loquitur de athletis, cum senes facti sunt. Ad quem locum fallitur vir doctissimus, qui existimat Persium in eadem sententia contrarium dicere Euripidi ijs verbis.

Mibi trama figura

Sit reliqua: astilli tremat omento papa ceter.

Non enim cōtraria sunt (etsi id ad Persium adstruere conetur) κρόκας ἐμβαλῆν, & tramam solam habere reliquam. Immo cum vestimenta κρόκας, siue pilos, ac languinem longo vsu amiserunt, tramareliqua apparet: nam villosa lanugine connexio staminis & tramæ siue subteminis occultatur, qua dilapsa lanugine reliqua trama apparet.

Porro vestis detrita amissis longo vsu pilis, floccisque tenuior fiebat, & leuior: & ideo Glossæ Vet. τριβώνιον *velum* interpretantur, vestem scilicet attritu tenuem leuemque factam, & ideo arcendo frigori minus aptam. In quo veteres philosophi tolerantiam, siue patientiæ imaginem ostentarunt, cum in ea etiam hieme incederent, Cynici ea sola velarentur. Philostratus de vita Apollonij lib. 11. cap. 19. narrat eum cum apud Indos versaretur, videretq; illos vestibus byssinis indutos lætatum esse eo habitu, ἐπειδὴ ἐόντες φαιῶ τριβωνί. *Vertunt: quod fusco amictui, quem gestabat similis esset*. Quod prorsus admirandum est. Quæ enim similitudo bysso, quod erat linum candidum & pretiosum, cum fusco

fusco vestimento esse poterat? Gaudebat Apollonius quod ea vestis Tribonio suo similis esset, non propter colorem, sed propter tenuitatem. Ex bysso enim vestes tenuissimæ conficiebantur: Apollonii pallium ex lana, sed longo attritu attenuata, & per hoc lino haud dissimili. Non alium huius interpretationis auctorem dare possum, quam Philostratum ipsum eodem libro, capite ultimo. Nam cum Apollonio Rex dari in discessu pro xeniis iussisset aurum, καὶ ὀδύνας, hoc est vestes lineas, siue byssinas, aurum quidem respuit, se autem othonia perlibenter accepturum dixit, quod εἰσάγει τριβώνι, quod essent similia Tribonio veterum Atheniensium: scilicet ob tenuitatem, nō ob colorem, qui omnino diuersus, vt infra ostendemus. Quia ergo Tribonium sordidum erat, ac pullum, ait Philostratus lætatum Apollonium vestitu byssino Indorum, quod ob tenuitatem similis pullo tribonius esset. Ita enim verti debuit.

Propter eandem causam Artemidorus lib. i i. cap. i i i. Ὀδύνα, καὶ τριβόνα ἱμάτια coniunxit, id est vestes lineas, & tribonia. Ait enim lintea vestimenta, & lanea detrita aestate gestare videri in somnis, bonum esse, & sanitatis signum: hyeme vero ἐπὶ νῦν, καὶ ταῦτα κατὰ. Vbi apte lincis lanea opponit, detritis autem κατὰ, id est noua siue pexa. Tribonio enim opponitur pallium καινόν, nouum, pexum, quod attritu pilos non amittit. Quo perfacete alludit Stilpon Megarensis apud Laertium lib. i i. Qui cum vidisset Cratem χειμῶνος συγκεκαυμένον, hieme frigore adustum (scilicet tribonio male opertum tenui, & ventis peruiro.) Videris mihi, inquit χρεῖαν ἔχειν ἱματίε καινῆ, indigere pallio nouo. Acumen est in voce καινῆ, quæ diuisa καὶ vñ alium sensum reddit, nempe, videri mihi indigere, & pallio, & mente, quasi demens esset, qui sponte talia pateretur. Sequitur ὅπερ λέω σοι, καὶ ἱματίε, quasi diceret, & pallio, & mente.

Tribonium igitur pallium detritum, ac ferme lacerum, præcipuè Cynicorum. Egregie illud describit Lucianus in Dialog. mortuorum, de Menippo. Senex caluaster τριβόνιον ἔχων ποδύδυρον ἀπ᾽ αἰτῆς ἀνέμῳ ἀναπτεταμένον, καὶ ταῖς ἐπιπλο-

χαῖς τῶν ῥάκων πομῖλον. Palliastrum gestans lacerum, & uento peruium, ac diuersorum pannorum asumentis variegatum. In quo veteres illi philosophi seueriores delicias faciebant, præsertim Cynici. Apud Laertium in Socrate Σπρέφαντος Αντισθενος το διεργῶδες τε πρίβωνος εἰς τούμπανον, ὁρῶ σου, ἔφη, διὰ τῆς τρίβωνος τὴν κενοδοξίαν. Cum Antisthenes laceram tribonij partem ostentasset: Video, inquit per Tribonium tuam vanitatem. Quod narrans Aelianus ait lib. ix. cap. xxxv. Socrates cum videret Antisthenem τὸ διεργῶδες ἱματίον, αἰετοῦντα φανερόν, laceram tribonij partem in conspectum dare. Quin desinis, inquit, apud nos te ostentare? Sic ipse Socrates ab Amipsia in tribonio productus vanitatis arguitur, vt paulo post dicam.

Quod igitur Tribonium vestis detrita esset, & ferme lacerassetiam simpliciter ῥάκος dicebatur. Laertius de Aristippo, quod modo luxuria diffunderet, modo continentiam fecletaretur, dictum prodit, ipsi soli datum esse χαλμύδα φορεῖν, καὶ ῥάκος: chlamydem ferre, & Tribonum, siue pannum. Vbi ῥάκος siue pannus chlamydi opponitur: sicut Aristophanes Pluto ἀνδ' ἱματίου μὲν ἔχειν ῥάκος. Pro pallio pannum. Panni enim pro vestimentis laceris Latinis scriptoribus accipiuntur. Seneca de Ira lib. iiii. cap. xix. Cum spongie non inueniuntur scindi vestimenta miserorum, & in os farciri pannos imperauit. Et Epist. xx. Magnificentior, mihi credere sermo tuus in grabato videbitur, & in panno. Et paulo infra. Nemo nascitur diues: quisquis exit in lucem iussus est lacte & panno esse contentus. ῥάκος igitur lacerum pallium, siue pannus. Hesychius: ῥάκος διεργῶδες ἱματίον. Male ergo Pollucis Interpretis lib. vii. cap. xii. ῥάκον saga interpretatur, cum vestem laceram siue Tribonum vertere debuisset. Quanquam Eustathius ῥάκος distinguit à τρίβων, quod illud vestis lacera sit, hoc ἱματίον ἀποβεβληκὸς τὰς προκίδας ἔπεν πρόκας. Pallium quod pilos, siue lanugininem amisit. Sed huiusmodi pallia defloccata ferme etiam erant lacera, & ideo τρίβων, & ῥάκος a scriptoribus confunduntur. Poeta de Vlysse sub mendici specie: ἔμμενος κακὸν ῥάκος, ἢ δὲ χιτῶνα ῥωγαλέα. Indutus pallium lacerum, tunicamque discissam. Alibi idem Nausicaam rogat δὲς δὲ

ράκος ἀμφιβαλέσθαι . Aristophanes Pluto . ἀνδ' ἱματίε μὲν ἔχεν
 ράκος . Et Ranis objicit Euripidi, quod Reges ράκι ἀμπίχων
 in pannis, ac tribonio induxerit, quo essent miserabiliores . Quod
 tangit Acharnanensibus, vbi hæc mendicorum vestimenta
 appellat ράκια, τρίχη, λακίδας πέπλων, δυσπῆν πέπλωματα,
 σπάργανα, ρακόματα .

*Tribonium non modo pauperiorum gestamen, sed priscis
 temporibus vestis forensis, ac Iudicialis. Aristophanes explicatur. Cap. XV.*

C Eterum priscis Græciæ temporibus Tribonium communis pauperiorum habitus fuit . Apud Aristophanem in Pluto Carrio ab hera interrogatus, quomodo ea, quæ in templo Aesculapii euenerant, vidisset, cum capite inuoluto fuisset, respondet, διὰ τῷ τριβωνίῳ, ὅπως γὰρ ἔχεν ἐν ὀλίγας, per tribonium, quod plures rimas habebat . Vbi vetus Scholiastes notat pallium vetus, ac detritum ab Atticis tribonium appellari . ὅπως αὐτὴν τρώγλας, idest foramina ex erosione facta . Nuperus autem fallo credit tribonium eandem esse vestem, quam Latini lacernam a laceranda dixere . Ac ne quis tantum vestem seruilem fuisse credat, paulo infra Iustus diues factus affert τὸ τριβώνιον ad Aesculapium, vt ei illud consecret, rogaturque a seruo, num illa vestis sit, in qua initiatus fuerit : quod illæ tamdiu gestarentur, donec attritæ penitus, ac laceræ essent, ait, eam esse vestem, in qua totos tredecim annos riguerit . Nec multo post sycophanta Iustum eundem diuitem factum interrogat πόθεν δομάτιον ἔληφας τοῦτο; ἔχδεις δ' ἔχοντ' εἰδόν σέγω τριβώνιον . Vnde tibi hoc pallium . nam heri te tribonio amictum vidi ? Mox idem sycophanta rigens inducitur, quod tribonio amictus sit . Idem Acharn . At neque ἐν τοῖς τριβώσι lateant lapides reliqui . Nec pauperes modo, sed vulgus omne Atheniensium in Tribonio . Idem Vespis : Mihi visa primum est per quietem in Pnyce pecudum sedentium frequens conuentio βακτηρίας ἔχοντα, καὶ τριβώνια cum scipione tribonium gerentium . Vbi Scholiastes . Erat autem prisci

sci moris, ut honorati senes cum tribono, & scipione populum conuocarent. Paulo infra de eo qui domi attinebatur, ne forum, ac iudicia frequentaret: Itaque custodimus hunc ferrisque vinetum claudimus, ne huc exeat. Primum ergo dictis allocutus molibus, suadebat μὴ φοβέειν τριβώνιον, ne ferret tribonium. Philostratus lib. I. I. cap. ultimo cum Apollonio Indorum Rex aurum in discessu, & vestes lineas dari iussisset, aurum reiecit, vestes perlibenter accepit, quod τριβωνί veterum Atheniensium similes essent, scilicet obtenuitatem, ut diximus. Idē lib. VI. I. cap. XI. Dicis namque velim, nunquid Aristides ille sit, quem cum ex Græcia venientes ad insulas dicitis nauigasse tributorum componendorum causa? quæ cum ille æqua ratione constituisset, ξυὸ αὐτῷ ἐπαυλθεῖν τριβωνί, tribonio amictus redijt.

Quare successu temporum postquam pexæ vestes ac peregrinæ in vsum venerunt, boni illi senes grauate admodum ut tribonum deponerent animum inducebant. Eadem fabula prope finem suadebat patri Bdelycleon, ut tribonium exueret, & gaunacum induerat. At senex negat se viuo ac vidente nunquam depositurum tribonium, quo se olim in prælio flante Borea inuoluerat. At filius parenti. τὸν τριβῶν ἄρες. Τῷ δὲ χλαῖναν ἀναλαβὲ τριβωνικῶς. Interpres. exue decotem, istamque vestem sume commodam seni. Sequutus nempe veteris Scholiastæ interpretationem. Τριβωνικῶς. vel vicem, inquit, pallij tui detriti, & decotis, vel ut senem detritum decet. Neutra explicatio Aristophani conuenit. Duplex discrimen erat inter tribonium, et chlænā, siue gaunacum. Illud detritum, ac tenue; hoc pexum, ac villosum. Tribonium ita induebatur, ut pars dextra sinistro humero imponeretur, quemadmodum supra diximus; at chlæna siue gaunacum fibula ad ceruicem necebatur. Natus ergo quo facilius persuaderet patri ut chlænā indueret, iubet eum more tribonii induere, hoc est nō fibula stringere, ut moris erat, hoc est τριβωνικῶς. Ex duplici ergo causa senex recusat gaunacum, quod esset villosum, & quod fibula neceberetur. Vetus Schol. Gaunacum, chlæna Persica. Palamedes ait Persicum pallium ex altera parte villosum, siue genus pallij quod & Persi-

da vocant. Ex eo autem quod villos haberet, sequebatur non esse ita facile sordes fullonis opera eluere, ut fiebat in tribonio. Proinde ait: *Prius cum pisciculis saturatus essem, & aliquid iurulenti condimenti super tribonium effusum esset, ad eluendas maculas tres obolos fulloni persolui. Sed maius incommodum putabat senex, quod veste vellis densa plus nimio incallescere deberent, quo pertinent illa.*

PH. *Quid istud esse per Deos dicam mali?*

BD. *Quod Persida isti nominant, hi Gaunacum.*

PH. *Ego arbitrabar Sisyrā Thymetida.*

Subjicit sibi illud videri simile Morychi *μάρυτι*, idest *sago villoso*. Morychus enim, ut notat Scholiastes, Tragicus erat poeta, vir delitijs fluens, & ad arcendum frigus villosis, ac crassis vestibus utens. Subdit Bdelycleon eam vestes Ecbatanii confici, cui parens perfacete. Ergo Ecbatanis *γίγνεται πρός τις χλόη*, ubi villos siue floccos in panno extantes comparat bonis intestino, quod crispum est, & velut pellitum. Sequitur.

BD. *Bona verba, at ista, (ut scias) cum maximo sumptu, & labore barbari texunt, & hac vestis talentum in lanam facile absumpsit.*

PH. *Iure ergo fas est laniperdam dicere.*

Et iustius, quam gaunacum. BD. *Tene, o bone,*

Et indue illam. PH. *Me miserum, vah quid est*

Quod hac scelestā eruēt in me feruidum.

Sed si necesse est clibanum oro inducite.

Quae omnia declarant vestem villosam fuisse, qua sumpta metuebat, ne plus satis incallescere. Alterum inde commodum verebatur, quod cum chlæna, ut diximus, fibula cernicibus stringeretur, metuebat ne ab ea suffocaretur.

PH. *Quo procreamus liberos & tollimus,*

Quando iste suffocare me nunc postulat?

Iubet ergo filius eam induere *τρίβωνίως* more tribonii, solum scilicet, nulloque fibulae morfu. Nec alius eorum verborum sensus esse potest.

Nec Athenis modo, sed alibi in Græcia honoratiores quique

que in Tribonio. Aelianus Variæ lib. v. cap. v. de Epaminondæ paupertate: *Επαμινώνδας ἕνα εἶχε τρίβωνα, καὶ αὐτὸν ὀυπῶντα. Epaminondas unum modo Tribonium habebat, illudque sordidum. Quando vero illud ad fullonem mittebat, necesse habebat se demi continere, quod alterum non haberet.* Idem lib. vi. i. cap. xiii. narrat Agefilaum Lacedæmoniorum Regem iam senem sæpe sine calceis, & tunica prodire solitum in publicum, *τὸν τρίβωνα περιβαλλομένον, tribonio inuolutum.* idque per hiemem matutino tempore. Postquam vero pexa pallia, & recentia, tum gaunaca, & peregrinæ vestes incessere, tribonium penes solos pauperiores remansit. Lucianus Somnio, siue Gallo, cum Mycillus diuitem salutasset, illico se subduxisse ait, ne forte pudori illi esset, quod *ἐν πενιχρῇ τῷ τρίβωνι* eum affectatus esset. Et Cataplo ait *τὸ τρίβωνιον*, quod antea fidum videbatur, apud Inferos æque preciosum esse, ac ipsius Regis purpuram. Idem de amicitia, ubi narrat fidem Demetrii in amicum carcere detentum: *καὶ διελθὼν τὸ τρίβωνιον, τὸ μὲν ἡμῖν αὐτὸς ἀναβάλλεται, τὸ λοιπὸν δὲ ἐκείνῳ δίδωσιν.* Tum dissecto Tribonio, dimidato induitur ipse, *reliquit autem ipse donat.*

*Tribonium non Cynicorum modo, sed Philosophorum
seuerioris notæ pallium fuit. Item Sophistarum.
Laertius explicatur. Cap. XV. l.*

Postquam Tribonium penes solos pauperes remansit, seuerioris sapientiæ cultores hoc veluti ipsius sapientiæ velamen, atque insigne arripuerunt, & coluerunt. Plutarchus de Iside, & Osiride: *ἔτε γὰρ φιλοσόφες παγογοντροφίαι, καὶ τριβωνοφορίας ποιεῖσιν.* Neque enim philosophorum densa barba, & tribonij gestatio facit. Valde enim falluntur, quicumque Tribonium solius Cynicæ sectæ gestamen fuisse tradiderunt. Nam & Socrates, & Pythagorei, Stoici item, & reliqui seuerè philosophantes hanc vestem peplis omnibus Regum, quæ indumentis prætulerunt.

Et reliqui sane philosophi præter memoratos in commu-
ni

ni habitu incessere, nullusq; quod sciam Platona, Aristotelē, eorumque sectatores cultu à vulgo distinctos prodidit. Immo Aelianus lib. III. cap. XIX. Variæ Aristotelis vestitum operosiores Platoni displicuisse tradit, hocque initium dissidii inter eos fuisse, quod Aristoteles ἐδῆτι ἐχρῆτο περιέργω καὶ ὑποδίσαι, vestitu, & calceatu pretiosiore uteretur, tonsura etiam, quam Plato improbareret pluresque annulos gestaret. Laertius de eodem: ἐδῆτι δὲ ἐπισήμω χρώμενος, καὶ δακτυλίοις καὶ περᾶ. *Veste insigni, & annulis, & tonsura utens.*

Idem de Lycone lib. V. ὡς δὲ καθαρῶτατος τῶν πολλῶν, ὡς ἀν ἐπιρβλήτω χρῆσθαι μαλακότητι ἱματίων. *Erat vero mundissimus cultu, adeo ut vestium incredibili mollitie, ac nitore uteretur.* Et de Heraclide. οὗτος ἐδῶτι τε μαλακῇ ἐχρῆτο. *Molli veste utebatur.*

Primus sanctioris disciplinæ parens Socrates Tribonium sapientiæ aptauit. Quapropter ab Amipsia hac etiam parte Aristophanis æmulo in Tribonio traducitur, atque irridetur apud Laertium: Ἀμειβίας δὲ ἐν τρίβωνι παράγων αὐτὸν. *Amipsias ipsum in Tribonio produciens ait, Socrates paucorum optime virorum multorum verò vanissime, & ipse, ad nos tandem venis, toleransque es.* τίθεν ἄν σοι χλαῖνα γένοιτο. *Nec verba, nec sententiam Interpres assecutus est.* Εὐμ inquit palliatum inducens. Atqui omnes tunc palliati. Mox. *Vnde tibi pallium bibernum?* Tota vis est in voce τρίβωνι, & χλαῖνα, quæ opponuntur. Tribonium enim, ut diximus, vestis detrita, ac tenuis: contra Chlæna crassa, ac villosa, ad arcendum frigus. Ironice igitur Socratem tenui palliolo amictum interrogat, vnde chlænā habeat, & ob id eum vanitatis insinuat: nam quod id hominum genus ob tolerantiam faciebat, vulgo ad vanitatem, atque ostentationem trahebant.

Quod sequitur apud Laertium, neque ipse satis capio, neque alium intellegendum puto. τοῦτ' ἐπὶ τὸ κακὸν τῶν σκυτοτέρμων κατ' ἐπήρειαν γεγέννηται. *Hoc illi incommodum evenit per sutorum malignitatem.* Sed aut omnia me fallunt, aut locus iste inutilis est. Quid enim sutoribus, siue coriariis cum chlæna, & Tribonio? Nunquid vestimenta lanea illi conficiebant,

aut lacero reficiebant? Deinde quæ sententia? Hoc illi incommodum per coriarij malignitatem contigit. Suspicio ergo vocem desiderari ἀνολόγητος, hoc est discalceatus, quæ paulo post sequitur in verbis Aristophanis, quæ adducit Laertius: καὶ νοπόδητος καὶ πολλὰ ἀνέχῃ. Et discalceatus mala multa tolerat. Nam qui in tribonio, ferme etiam sine calceis, & nudipedes incedebant, vt ex Aristophane apparet, qui talem Socratem inducit. Ita apud eundem Phidippides interrogat patrem, qui Socrati in disciplinam traditus fuerat, & ideo nudipes erat, vbi calceos reliquerit? Perstringit igitur Aimipias Socratis cultum, quod pro communi pallio tribonium gerat, quod Ironice chilḗnā appellat: deinde quod discalceatus incedat: eum autem morem secum ferre ait sutorum damnum, nam ἐπίσεια id significat. Quod enim Socratis, & eius sectatores sine calcei incederent, id vero in detrimentum sutorum ac coriariorum cedebat. Vt Iuuenalis ait ephebos castrari damno tonsoris Heliodori. Hoc si non est, quid esse possit ignoramus.

Socratem tamen nō semper in Tribonio incessisse declarat paulo post Laertius, cum ait: Cumque hoc vitæ instituto degeret, interdum tamen temporis seruiens λαμπρὰ ἡμπύχετο, vt in Platonis Symposio ad Agathonem profectus. quod nō est, venustiore habitu utebatur, sed communi, quem album fuisse diximus, nisi quis conuiuij causa candidum sumptum existimet. Sanè nulla vestis pretiosæ mentio in conuiuij Platonis, vt notauit Aldobrandinus, sed Socratem accessisse, λελουμένον τὲ, καὶ τὰς ἐλαυτὰς ὑποδεδμένον, ὃ ἐκείνος ὀλιγάκις ἐποίει, non calceis ornatum, vt vertit Interpres, sed lotum & calceatum, quod ille raro faciebat. Scilicet Socrates ferme in Tribonio, & discalceatus, ita & raro balneis utebatur. Iturus ad conuiuium lauacro sordes pellit, tum commune pallium, & calceos de more induit, siue, vt Laertius loquitur, λαμπρὰ ἡμπύχετο, candidum vestitum induit: nulla pretiosa vestis, quam frustra in Platone quærit Aldobrandinus. Ita in commune vestitu, & lotus, καλὸς γεγενημένος videbatur, qui ferme in tribonio nudipes sordebat: & ideo bonus ille lenex se id fecisse ait, ἵνα

καλὸς παρὰ καλὸν ἰοί: *ut pulcher ad pulchrum iret.* Quo loco apparet Socratem, quod dicebamus, fere in tribonio nudipedem incessisse, sicut ibidem inducitur quidam Aristodemus ἀνυπόδητος αἰεὶ, *qui semper nudipes erat.* Philostratus etiam lib. vi. cap. vi. *nuditatem pedum cum tribonio coniungit.* ἀνυπόδητος δὲ, καὶ τρίβων.

Nec Socrates modo in Tribonio, sed & reliqui seuerius philosophantes. Nam licet Pythagoras veste alba, puraque semper vteretur, ut Laertius atque Aelianus testantur, Pythagorei tamen in tribonio, & sordibus. De ijs Antiphanes apud Athenæum lib. iv:

*Sordes paululum oportuit ferre, ieiunium,
Cali rigorem, silentium, tristitiam, illunium.*

Et Aristophanes ibidem:

Quid per deos censemus, eos, qui olim

Pythagorici fuerunt sponte reuera.

ῥυπαῖν ἐκόντας, ἢ φορεῖν τρίβωνας ἡδέως;

Sordibus squaluisse, & tribonia gestasse libenter?

Mnesimachus apud Laertium: *Comedunt olera, & aquam portant, pediculos vero, καὶ τρίβωνα, atque squalorem nemo ex alijs perferre posset.* Horum princeps fuit Diodorus Aspendius, cuius meminit Archestratus apud eundem Athenæum post paulo, qui cum Pythagoreus esset Cynicis moribus usus, κομῶν, καὶ ῥυπαῶν, καὶ ἀνυπόδητων, capellatus, sordidus, & discalceatus; unde & Pythagoreorum, qui comam alunt, familia originem duxisse creditur. Socrates ibidem de philosophorum successionem refert Diodorum hunc βαθεῖ παύγωνι χρῆσασθαι, καὶ τρίβωνα ἀναλαβεῖν, κόμην τε φορῆσαι, profundam barbam aluisse, tribonium gestasse, nec communi comæ tonsura usum: Pythagoricis qui præcesserant solitis λαμπρῶ ἐοῦντι, amiciri, idest, alba siue candida, ad exemplum præceptoris, quod idem est ac Laertius de Socrate λαμπρὰ ἡμπερέχοντο, ut diximus.

Stoici etiam in tribonio, quos a Cynicis sola tunica distinctos tradit Iuuenalis. ergo idem pallium vtriusque sectæ, hoc est Tribonium. Immo Lucianus nunquam philosophiæ mentionem facit, quin & Tribonium nominet. Nam Keni-

uiscientibus ait se, cum Philosophiam sedulo quæreret, incidisse in homines τριβώνια περιβεβλημένους, tribonijs circumamictos. Et paulo post: Si quis vero, inquit, alicui, quemadmodum multi sunt, viro execrando, qui philosophum mentitur, obuiam factus fuerit, τὸ τριβώνιον περιπάσας, Tribonium dilacerans. Item de mercede conductis, vbi describit eum, qui in alicuius diuitis familiam pro philosopho, vel Græculo adscriptus esset, ait, quoniam Græcanico pallio decenter amictus sit, eum ab omnibus existimari Grammaticum, siue Rhetorem, siue philosophum, & propterea anteambulonum turba immixtum herum comitari, ac deducere, qui ex hoc eruditi opinionem affectaret, ut facile quis suspicaretur Græcum illum non tam ob sapientiam, quam ob barbam, καὶ τὸν τριβῶνα conductum esse. Ille autem conductus Cynicam non profitebatur. Ex quibus colligitur Grammaticos etiam, & Rhetores aliosque literalium disciplinarum professores Romæ tribonium gestasse, quod indicat Tertullianus de pallio: Viderit nunc philosophia quid prosit: nec enim sola mecum est, habeo & alias artes in publicum utiles: de meo vestiuntur, & primus informator literarum, & primus edomator vocis, & primus numerorum arenarius, & Grammaticus, & Rhetor, & Sophistas & Medicus, & Poeta, & qui Musicā pulsat, & qui stellarem coniectat, & qui volaticam spectat: omnis liberalitas studiorum quatuor meis angulis tegitur. Lucianus eodem dialogo Thesimopolidis Stoici faciū memorat, cui hera catellam custodiendam dederat, quam ἐν τῷ τριβῶνι peperisse ait, & paulo post de pseudophilosophis τριβῶνας ἀμπεχόμενοι.

Quis porrò Apollonium Thianæum Cynicum fuisse dixit? Ille autem in Tribonio. Philostratus lib. II. cap. IX. supra laudatus. Cum byssum in India vidisset, gaudisus est, quod non dissimilis admodum esset παῖς τριβῶνι, quod ipse gestabat. Eodem lib. cap. ultimo. Cum Rex Indorum dari ipsi in discessu aurum, & lineas vestes iussisset, illud respuit, has libenter accepit, quod similes essent τριβῶνι veterum Atheniensium, quale ipse gestabat. Ita lib. IV. cap. VI. de adolescente a quo Apollonius dæmonem deiecerat: Tum versicoloribus, ac mollibus vestimentis, ceterisque delitijs depositis, parcatatem victus, καὶ τριβῶνος com-

plexus est, seque ad Apollonij vitam moresque contulit. Et cap. xi r. eiusdem libri, de Nerone qui philosophos insectabatur, quod ignava philosophorum opera ipsi videretur, quodque philosophia quædam esset artis diuinatoriæ species: καὶ ἦν-δη ποτὲ ὁ τριβών ἐσ' ἀναστήριον, ὡς μαντικῆς χημᾶ. Tribonium in iudicium vocatum est, ut artis diuinatoriæ prætextus. Et lib. v. cap. xiv. Lasthenes una mecum philosophatus chlamydem postea, & militarem vitam adamauit. Hunc quoniam tribonium rursus cupere aiunt, militia misum facias rogo. Et lib. vi r. cap. viii. Apollonius iturus Romam iubet Damini sumere habitū popularem, ac tribonium deponere (vbi perperam doctus Interpres lacernā vertit, quæ tunc Romæ vestis popularis erat) ne philosophus videretur, hocque illi periculum arcesseret apud Neronem; ille autem philosophicum habitum, idest tribonium retinuit. Et lib. vi r. cap. vi r. Trophonii specum ingreditur αὐτῷ τριβώνι.

Sophistæ etiam in Tribonio. Eunapius in Hedesio: de Eustathio: Paret ille, & ad epulum Regale accedit, ubi tanta eius eluxit eloquentia, ut parum abfuerit, quin Rex tiaram rectam abiecerit, & purpureis vestimentis, ac monilibus depositis τὸ τριβώνιον Ἐυσταθίᾳ μεταμφιάσασθαι, Eustathij tribonium induerit. Male Interpres penulam vertit: quemadmodum infra. Ἡ γοῶν αὐτοῖς φιλοσοφία τὸ τριβώνιον penulam reddit, quæ longe à Tribonio diuersa. Idem in Proæresio, vbi admirandam eius, atque Hephæstionis paupertatem memorat, ait vtrique vnicum Tribonium fuisse, & tria, quatuorue stragula, ita ut Proæresio in publicum prodeunte, Hephæstion delitesceret domi stragulis inuolutus, idemque Proæresio eueniret egrediente in publicum Ephæstione. Sed quid sit, quod ait Eunapius ἐν γοῶν αὐτοῖς ὑπὸ ἱματίον, καὶ τριβώνιον, non satis capio: nam & hic Interpres penulam reddit. Quid enim hoc loco barba cum tribonio? Fortasse legendum ὑφὸς ἱμάτιον: cum enim ὑφὸς interdum pro sindone, aut pro velo accipiatur, ὑφὸς ἱμάτιον, καὶ τριβώνιον erit tenue pallium, & detritum. Non multo post idem Interpres Tribonium lacernam interpretatur de eodem Proæresio, cuius tolerantia miraculo erat, quod

ἀπὸν ἔχον τριβώνιον, & discalceatus Gallicas hyemes, & frigora in delicias conuerteret.

Ceterum Philosophos tribonio tanquam nota, atque insigni à reliquis mortalibus distinctos Romæ fuisse apparet: at in Græcia nullū discrimen fuisse videtur inter ipsos, & pauperes, a quibus gestatum tribonium diximus. Sed non sola, ut vetus verbū est, Tribonophoria Philosophum faciebat: alia quoque erant, quæ Philosophos notabiles redderent. In primis opaca, & profunda barba, pedum nuditas, longa & profusa coma, quodque peculiare Cynicorum fuit, pera, & baculus, & diuersa ratio gestandi Tribonium, de quo infra dicemus. Vnde illud eueniebat, ut plerique rudes, atque indocti his insignibus inscitiam, atque ignauiam obuolarent, atque egestatis imagine egestatem effugerent. Extat in hanc rem Lucillij Epigramma lib. 11. Anthologiæ cap. 111. cuius sententia est, pauperes, & indoctos non ut prius in pistrino molere, nec humerorum operam locare, sed nutrire barbam, & in triuijs baculum tollere, tunc virtutis sectatores primos dici: Hermodoti hoc dogma esse, si quis pecunia careat, fore ut non amplius esuriam, si posita tunica in pallio incedat. Loquitur autem de Cynicis.

Pallij Philosophici color. Petronius correctus.

Cap. XVII.

Sicut Tribonium vestis detrita ac lacera fuit, ita eius color fuscus, atque obsoletus. Philostratus lib. 11. cap. 18. ut supra innuimus, tradit Apollonium, cum byssum apud Indos vidisset, latatum esse, quod ῥομφαία τριβώνι, quod similis esset fusco tribonio, quod ipse gestabat. Quomodo autem esset similis, ibi declarauimus. Porro ῥομφαία pullum, siue subnigrum, ac fuscum significat: qualem fuisse pænularum colorem, item ferme lacernarum, immo & tunicarum Romanæ plebis, ac vilissimi cuiusque, vnde pullatus circulus, & pullata multitudo, alias ostendimus. Qui color partim latine natiuus, ut Canusina, cui pulliginem suam adscribit Plinius,

nus, partim ex albo vestium usu, ac sordibus in pullum degenerans.

Basilus Orationum Gregorij Nazianzeni Interpres supra adductus: *τρίβωνες περιβλήματά τινα. Τῶν μὲν ῥητόρων ἐπιθροῖ τε καὶ θοινικοί. Φαιοὶ δὲ τῶν φιλοσόφων, Tribones pallia quædam, Rhetorum purpurea, Philosophorum fusca.*

Videtur tamen Lucianus alios etiã colores Tribonio adscribere: nam de mercede conductis, ait, illi, qui se in familiam diuitum adscribi optet, vestitum etiam supra facultates apparandum, ac colorem deligendum, quo herus potissimum gaudeat, ne illius oculi offendantur. Ille porro, quẽ ab eius vitæ instituto dehortatur, philosophus erat, eam artem in illa familia mercede locaturus. Subjicit enim non multo post: *Cum in tanta Romanorum turba μόνος ξενίζων τῷ τρίβωνι, solus peregrino in pallio versaris.* Et paulo infra: *Quoniam tibi barba ingens propendet a mento, καὶ ἱμάτιον ἐκλάμινει, εὐσελῶς περιβεβλησας, quia pallio Græcanico decenter amictus es.* Quis autem in Tribonio, idest veste detrita, ac lacera colorum varietatem quæsitam credat, cum id præterea sectæ grauitatem dedeceret? Verisimile igitur est, ad augendam rei inuidiam in vniuersum de omnibus locutum esse Lucianum, qui sese aulæ seruitio manciparent, ac diuitibus eruditam operam addicerent, ijs scilicet eos in vestitu colores quærendos, qui heris maxime placerent. Nam ad captandam ingenij famam stulti diuites omne genus doctorum familiæ aggregabant, Poetas, Rhetores, Geometras, Græculos fere, quos credibile est exceptis philosophis in pallio quidem, nam hoc eorum insigne, traductos, eo tamen colore, qui esset reliquæ familiæ peculiaris; fortasse etiam philosophos ipsos, ne fusco, pulloque tribonio heri oculos læderent, ac veluti familiam funestarent, coactos esse, quæ pars seruitutis erat, pallio eos colores adsciscere, quis reliquus seruientium grex enitesceret. Nam apud veteres variis vestium coloribus ad genium heri, & Circi studia familiam excultam fuisse, quam nunc colorum synthesin *Liream* appellant, vel vnus Petronius docuerit, apud quem

in Trimalcionis familia. In aditu ipso stabat ostiarius prasinatus, cerasino succinctus cingulo, atque in lance argentea pisum purgabat. Quicolor apud Trimalcionem in pretio. Nam paulo ante inducitur pila prasina ludens. Ita enim ibi legendum in Electis docemus: hæcenus in illa pila sparsina explicanda in, feliciter Critici luserunt.

*Christianorum Ascetarum Tribonium, Quando Tertullianus
librum de pallio ediderit. Tribonium
fuscum. Cap. XLIII.*

Christianos vulgo communi, ac ciuili vestitu vfos satis constat. Tertullianus Apologetico: *Quo pacto homines vobiscum degentes, eiusdem victus, habitus, instructus. Et Cyprianus de bono patientiæ: Nos autem fratres, qui philosophi non verbis sumus, sed factis, nec vestitu sapientiam, sed veritate preferimus.* Sicut autem apud Ethnicos seuerius philosophantes tribonium adamarunt, ita Christiani, qui se sanctiori, atque austeriori disciplinæ tradebant, eandem vestis vilitatem, & squalorem assumebant. Lucianus Philopatro: *Alius cui nomen Eblenocharmus, τριβώνιον ἔχων πολυσαφρον ἀνυπόδητος τε καὶ ἀέσκατος, tribonium habens admodum putre, sine calceis, & capitis integumento.* Paulo post: *Vt demonstratis mihi τίς κακοῦμενων, male vestitus, quidam qui ex montibus aduenerat detonsa coma.* Vbi monachus, siue anachoreta describitur. Nam ex Christianis, qui durum ac seuerum vitæ genus sequerentur communi habito relicto, togis scilicet, laceris, pænulis, pallium lacerum, ac fuscum sumpsisse aliis adnotatum est. quod cum Tertullianus fecisset, popularium reprehensionem incurrit, quæ res ipsum impulit, vt edito libro sibi patrocinaretur. Ad quem tam multa Interpretes disputarunt. Alii enim Tertullianum a toga ad pallium transiisse existimant, cum est factus Christianus, idq; omnes vulgo Christi nomen professos fecisse. Hieronymus ad Furiam: *Vbicumque viderint Christianum, statim illud de trinitate: ὁ γραικος ἐπίδότης, Græcus Impostor.* Ipse Tertullianus: *Cum hanc pri-*

nam sapientiam vestit, quæ vanissimis superstitionibus renuit. Et in fine libri: Gaude pallium, ex quo Christianum vestire cœpisti. Quod verisimile videtur primis illis Ecclesiæ temporibus, qui Christo nomen darent, ipso etiam habitu cultuq; Christum, & Apostolos imitari voluisse, quos palliatos Hebræorum more fuisse constat. Contra alij, non cum Christianus, sed cum Sacerdos factus est, habitū mutauisse censent. Quod scilicet librum de pallio multo post editum Apologeticum conscripserit, quem ab eo vulgatum, cum Christianus esset, non est dubitandum. Induisse autem pallium, cum est factus Sacerdos, ex verbis ipsius colligunt de pallio: Enimuero cum hanc primum sapientiam vestit, quæ uanissimis superstitionibus renuit; tunc certissime pallium super omnes exuias, & peplos angusta uestis, superque omnes apices, & tutulos sacerdos suggestus. Ita enim corrigunt, pro eo quod est in editis sacer suggestus. Sed si pallium non nisi sacerdotum erat, soli sacerdotes cum pallium sumerent, vanissimis superstitionibus renūciabant. Reliqui ergo Christiani ante pallium in iisdem permanebant. Quod indicat, verba illa de Christianis omnibus, non solū de sacerdotibus accipienda. In qua tamen sententia veluti fluctuant: modo enim pallium sacerdotum fuisse aiunt, omniumque Episcoporum, & Clericorum, ac postea Monachorum: modo non omnium sacerdotum, sed eorum tantum, qui ἄσκησις, & vitæ genus asperius profiterentur: modo eorum tantum, qui ascetæ essent, licet non sacerdotes. Quæ cum ita sint, nondum plane compertum erit, quandonam hanc defensionem ediderit Tertullianus. Non quando Christianus factus est, non enim omnes in pallio: non quando sacerdos, non enim omnes palliati: multos quippe ex laicis aiunt propter ἄσκησις hac veste philosophica vsos, & ex presbyteris, eos solos, qui asceticam profiterentur.

Rectius ergo, ad pallium transiisse Tertullianum, cum primum ἄσκησις, & strictiorem disciplinam profiteri cœpit, siue ante sacerdos esset, siue tum primo factus austerius vitæ genus iniiit. Id fuisse docuerat Baronius ad Annum cccc. vii. contra Pamelium disputans: vbi non vno argumento ostendit

dit, non fuisse pallium omnium Christianorum, sed eorū tantum, qui arctioris vitæ studijs se mancipassent, & sublimiorem viuendi normam amplexi eminentioris philosophiæ se esse cultores profiterentur: & ideo Christianæ Philosophiæ, atque arctioris vitæ pallium insigne fuisse. Christianos enim eodem habitu, quo Gentiles vsos esse, ex Tertulliani ipsius & Cypriani locis supra adductis ostendit. Ascetas vero, & strictiorem disciplinam professos pallium induisse docet ex Eusebio lib. vi. cap. xi. de Heracla presbytero: *Propterea non modo vulgari veste, & communi, qua antea usus fuisset exuta, philosophi habitum cultumque, quæ adhuc retinet, sibi assumpsit: verum etiam libros gentilium euoluere non desistit.* Idem Eusebius lib. vi. cap. xxi. laudat Porphyrium Christianum adolescentem, quod habitum philosophicum gestaret. Et reliqua, quæ nuperi suppresso Baronii nomine transcripserunt.

Soli ergo Christiani ascetæ in Tribonio, qui quoniam philosophorum habitus, eadem in illos atque in hos conuicia expetebant. Et quoniam plurimi erant, qui sola barba, ac pallio philosophiam mentiebantur, reliqua impostores, ac sycophantæ, tales & Christiani sub eadem schema putabantur, vt ad Tertullianum Rhenanus adnotauit: & ideo quoties in publico apparuissent, statim illud de triuio, vt diximus, *Ἰπαυδὸς ἐπιδέρνεις, Græcus Impostor.* Neque tamen omnes Christiani: nam cum subolescente in immensum multitudine Christiani, vt loquitur Tertullianus, *urbes, insulas, castella, municipia, conciliabula, castra ipsa, tribus, decurias, palatium, senatum, forum impleuissent*, si omnes in tribonio, quomodo notari, & peregrini cultus insimulari potuissent, qui vbique occurrerent, & spectarentur? Cum igitur ait Hieronymus: *Vbicumque viderint Christianum, statim illud de triuio Græcus Impostor*, de asceta, & strictiorem disciplinam professo intelligendum est. Ita cum Tertullianus ait, *pallio Christianum, & sapientiam, quæ superstitioni renuit vestire*, de hac seueriori sapientia, ac vitæ genere durior capendus est. Bulengerus lib. v. de veste Pontificia cap. v. ideo impostores Christia-

nos per scommatis lasciuia dictos esse censet; quod pallium tunicæ imponerent. Quod si verum est, & olim, & nunc, qui pallium gestant, magni impostores sunt. Sed quis vel puer ignorat, postquam Philosophiæ maiestas per planos, ac nebulones violata est, sycophantias, & imposturas plerumque sub pallio latuisse, vt quod olim frugalitatis, & continentia index erat, sceleratorum fraude, omnis nequitia, atque impudentia velamen esse coeperit, & ideo impostores creditos, quicumque eo habitu imponerent, ac credulos mortales fallerent.

Eiusdem habitus præiudicio tales crediti Christiani ascetæ, & sicubi apparuissent conuiciis proscissi. Hieronymus ad Marcellam: *Nos quia serica veste non utimur, Monachi iudicamur: quia ebrj non sumus, nec cachiinnis ora dissoluimus, continententes vocamur: si tunica non canduerit, statim illud e trinio, Impossor, & Græcus est.* Quod ait *si tunica non canduerit*, declarat communis habitus colorem album fuisse, vt diximus.

Neq; in eo viris doctissimis assentiri possumus, qui Christianos religionis attentiores tribonium gestasse Apostolorum imitatione tradiderunt. Christum quidem Dominum, & sectatores more gentis palliatos fuisse credimus: id pallium fuisse tribonium, credere non possumus. Cum tam Christum, quam Apostolos communi vulgarique habitu vfos certū sit. Quod si Christus Dominus in tribonio incessisset, frustra milites super pannucea, ne centonibus quidem bonis digna, sortem misissent. Sed de Hebræorum vestitu alias disputabimus. Neque in hoc Cynicis Apostolos similes fuisse, quod vnam tantum tunicam gestarent, ostendemus, cum nec tunicam, nec interulam gestasse Cynicos demonstrabimus.

Ceterum non diu apud Christianos durasse hanc tribonophoriam, inde apparet, quod cum aliqui, sicut quidam philosophi sapientiam in tribonio positam credebant, solos veros Christianos existimarent, qui hoc pallium circumferrent, ac præcipue Constantini ætare Eustatius Sebastenorū Episcopus contēderet Episcopos omnes, ac Presbyteros

teros ad vetus Tribonii gestamen reuocare, eosque qui non gestarent damnaret, in Synodo Gangrensi Canone XII. aduersus hanc opinionem in hæc verba sancitum est : *Si quis virorum propter ἀσκητικὸν νομίζοντες pallio utitur, & despicit eos, qui cum reuerentia byrris, & alijs communibus vestimentis utuntur, anathema sit.* Vbi Vetus Interpres διὰ ἀσκητικὸν νομίζοντες vertit continentiam, quæ putatur, cum sit, propter seueriorem, ut credebatur uitæ normam, & strictiorem disciplinam. Immo & mulieres ascetrias Tribonium gestasse, ut Cratetis vxor Hipparchia, apparet ex sequenti Canone. *Si quæ mulier propter ἀσκητικὸν habitum mutat, & pro solito muliebri amictu uirilem sumit, anathema sit.* Nam per virilem habitum intelligi pallium contra sententiam Balsamonis recte docti viri statuerunt.

Ceterum dicto Canone non tam sublatus est vsus pallij ab ascetis, quam ij notati, qui in illo positam τὴν σεμνότητα credebant, & eos, qui pallium non gestarent, contemnebant. Certe Episcoporum vestitus ferme erat fuscus, qui tribonij color. Baronius ad annum cdxvii. narrat ex eius actis D. Ioannē Chrysostomum, cum morti proximus esset, exuisse vestimenta, atque alba sumpsisse. Mutata deinceps Episcopalis cultus simplicitas, & primo quidem varijs, ac flori di vestium colores sacris adhibiti, mox non ita probi etiam extra sacra vsurpati. (Et adhiberi sacrorum maiestatis intereat.) Ammianus Marcellinus lib. xxvi. i. vestitus vilitatem in Episcopis prouincialibus commendat. *Qui esse poterant (loquitur de Episcopis Urbis) beati reuera, si magnitudine Urbis despecta, quam uitijs opponunt, ad imitationem Antistitum quorundam prouincialium uinrent: quos tenuitas edendi potandique parcissime, uilitas etiam indumentorum, & supercilium humum spectantia, perpetuo Numinis, uerisque eius cultoribus, ut puros commendant, & uerecundos. Diu tamen penes ascetas, & monachos pallium fuscum, nigrumque remansit.* Eunapius in Aedesio, cum monachos in Serapidis a Cōstantino diruti locum inductos, indignatur, subiicit: *quicumque ea tempestate μέλαιναν φορῶν ἐδῆντα, nigram vestem gestasset;*

cum illico tyrannicam auctoritatem obtinuisse . Idem Maximo :
Quando Alaricus cum barbaris per Thermopylarum fauces peruasit : eas Græciæ angustias illi prodidit , ἢ τῶν τὰ φαιά ἱμάτια ἐχόντων ἀχώλυτος προσπαρεισιλθόντων ἀσέβεια , impia natio fusca pallia gestantium , qui nullo prohibente simul cum eo irruerunt . Synesius Ep. cxlvi. ad Ioannem , qui asceticum habitum sumpserat : καὶ φαιὸν περιβώνιον ἀμπέχεσθαι σε φασὶ .

Tribonium Cynicum . Modus illud gestandi . Pallium διπλῶσαι . Duplex pannus . Cap. XIX.

TRibonium commune philosophantium tegmen fuisse diximus . Illud tamen Cynicam sectam profitentium peculiare gestamen fuisse apparet , in quo illi delitias facerent , præcipuè si attritum maxime , & lacerum esset . Quo habitu sese Herculem Cynicæ sectæ auctorem , ut ait Ausonius Epigrāmāte xxvi. & Lucianus Cynico , imitari gloriabantur , quem reliqua nudum , sola leonina amictum veteres induxerunt . Sed diuersus fuit a ceteris philosophis Cynicorum Tribonium gestandi modus . Nam cum illi ita tribonium gestarent , ut ceteri mortales commune pallium , extrema scilicet parte pallii dextra in humerum læuum imposita , ut manus sola extaret : Cynici totam tribonii partem dexteram ita in sinistrum humerum conjiciebant , ut cum toto brachio dexter humerus nudus exereretur , & pars etiam pectoris renudaretur . Hoc illi idcirco agebant , quia , ut doctis pridem obseruatum est , sine tunica incedebant , prorsusque ἀχίτωνες erant , Iuuenalis .

Et qui nec Cynicos , nec Stoica dogmata legit

A Cynicis tunica distantia .

Non quod Stoici simplici pallio vterentur , Cynici duplici , ut vult Interpres : sed quod hi sine tunica essent , quam illi gestabat , in doctrina conuenirent . Extat Oratio Dionis Chrysostomi περὶ σχήματος , in qua accurate causam quaerit , cur , cum homines in sola tunica conspicerentur , nemo eos notaret , aut irrideret : quod si aliquem ἀχίωνα ἐν ἱμα-

Tū viderent sine tunica solo pallio amictum, coma, barbaque prolixa, illico deridiculo habitum, omniumque ludibrio, ac contumeliis expositum. Et tamen horum hominum tantam fuisse multitudinem, ut plures tunc essent, quam fullones, aut sutores, alique artifices. Eam autem causam præcipue affert, quod hi homines rigidi morum censores, & publici pædagogi essent, & vel palam, vel tacite ipso habitu, ignaviam, molliem, inscitiam, ac nimias delitias exprobarent. Illuc demum Orationem flectit, ut fateatur etiam hoc contigisse propterea, quod plerique solo tribonio philosopharentur, reliqua stolidi, & flagitiis cooperti. Lucianus Cynico: *Quid tu tandem barbam quidem habes, & comam, χιτῶνα δὲ ἔχεις, καὶ γυμνοσπῆν, tunicam non habes & nudus conspiceris, ac nudipes, delecta nimirum, vaga, inhumana, ac ferina vita: tum proprio corpore, contra quam faciunt ceteri, semper usus incommodè, nunc huc, nunc illuc circumis, in arido praterea solo cubans, adeo ut plurimum etiam sordium istud τριβώνιον referat, aliqui nec ipsum, vel tenui filo, vel molle, vel floridum.* Et in fine hunc etiam Deorum habitum esse ait in templis, ubi statuæ sine tunicis conspiciuntur.

Cynici igitur ob tolerantiam sine tunica erant, καὶ τριβώσι μόνον utentes, ut ait Laertius in Menedemo. Quæ laus veterum Laconum fuit. Nam Agesilaus, ut narrat Aelianus, iam senex prodibat in publicum ἀνυπόδετος, καὶ ἀχίπιν τον τριβόνα περιβαλλόμενος, nudipes, sine tunica, tribonio amictus, idque per hyemem matutino tempore. Hancque adolescentum educationem fuisse tradit Plutarchus in Lycurgo, ut exacto duodecimo anno sine tunica incederent, pallium unum in annum accipientes. Quod pallium tribonium fuit. Infra enim ait: *Spartam una scytale, & tribonio Græcia volenti imperitasse.*

Quod igitur tunica Cynici carerent, necesse habuerunt diuerso more a tunicatis pallium induere. Non quidem, ut docti existimant, quod cum commune pallium ita gestaretur, ut duæ eius laciniae ab utroque latere retrorsum rejicerentur, ita ut tunica tota in anteriori parte pateret; cum Cynici nullam haberent tunicam se pallio inuoluerunt, ne

corpus nudaretur : nam commune palli um non ita vtrin-
que rejici solitum ostendimus : sed cum ita gestaretur, vt
dextra eius pars extrema sinistro humero imponderetur, eue-
niebat vt in actu, in incessu, aliisque de causis interdum ea
pars laberetur, & tunica appareret. Cynici ἄχιπτες dextrū
cum humero brachium exerentes totam pallii partem dex-
tram in sinistro humero injiciebant, vt retro ad pedes cade-
ret, atque ita totum corpus inuolueret, & constringeret, vt
nisi detraheretur dilabi non posset. Quod duplicare pallium
dixerunt, quemadmodum fusc ad Tertullianum viri docti
demonstrarunt.

Primum huius habitus auctores fuisse Antisthenem docet
Laertius. Diogeni enim tunicam petenti iussisse πλύσαι κοι-
μάτιον. Vbi contrario sensu *pallium explicare* Interpres ver-
tit. Nam πλύσαι est complicare, siue duplicare. Idem enim
paulo infra de eodem : Καὶ πρῶτος ἐδίπλωσε τὸν τρίβωνα, καὶ
μόνον αὐτῷ ἔχρητο: *Primus Tribonium duplicavit, atque eo solo ute-
batur.* Ideo duplicavit, quia sine tunica id solum gestabat.
Ex aliorum tamen sententia Diogenes eius moris auctorem
facit Laertius : Τρίβωνα διπλώσας πρῶτος διὰ τὸ ἀνάγκη ἔχει,
καὶ ἐν εὐδαιμονίᾳ αὐτῷ. Primus pallium duplicans ob necessitatem,
& vt in eo cubaret. Διὰ ἀνάγκη non est ob necessariū vsum,
vt credit Interpres, sed ob necessitatem. Nam cum tunica
careret, necesse habuit tunicae vicem se pallio inuoluere. Al-
tera causa duplicandi pallii fuit, vt in eo dormirent. Nam
cum Cynici humi cubarent, sine culcita, ac stragulis, ea ve-
luti nimias delitias respuentes, eodem pallio inuoluti som-
num capiebant, quod gerebant interdum. Et ideo lepide
Martialis abollam Cynici uxorem grabbati vocat : non vt ait
Raderus, quod abolla Cynici vxor esset. Apage talem vxor-
em, sed abolla grabbati vxor dicitur, quod grabbato pro
stragulis iniecta, veluticum eo dormiret. Nam Cynicos
tribonio incubantes dormire solitos docet eiusdem Dioge-
nis dictum, qui cuidam obiectanti, quod aurum pallio oc-
cultaret : ita sane, inquit, propter hoc illi dormiens incubo. Hoc
eodem cultu Xeniadis liberos, quos in disciplinam accepe-

rat, a Diogene productos tradit Laertius, *ad cutem tonsos, incomptos, ἀχίτωνας, καὶ ἀνυποδίτες, sine tunica, discalceatos, & propterea duplicato pallio inuolutos.*

Illud tamen quod de Antisthene subjicit Laertius perobscurum est: Πρώτον δὲ καὶ Νεάνθης φησὶν ἀπλῶσαι τοιμαδίον. *Primum etiam explicasse pallium tradit Neanthes.* Aliqui sic interpretantur: cum pallium commune vtrunque a latere rejiceretur, veluti duplicatum fuisse; Antisthenem autem illud explicasse, cum in humerum conjiceretur. Sed hoc supra refutauimus. Itaque verisimile est, quod iidem suspicantur, corruptum esse Laertii locum, & pro ἀπλῶσαι legendum διπλῶσαι, id est duplicasse. Nam licet supra dixerit eum primum pallium διπλῶσαι, duplicasse, vt tradit Diocles, hic idem a Neanthe scriptum esse subjicit. Nisi ἀπλῶσαι est vnicopallio contentum esse.

Ab hac pallii duplicatione Diogenes διπλοέματος a vetere poeta appellatur, *duplici pallio tectus.* Et pallium ipsum διπλοῖς. Antipater de Diogene: *Cui una pera, μία διπλῆς, baculus unus.* Et infra: *Baculus, & pera, καὶ διπλόον ἔμα.* *Diogenis vita onus leuissimum.* Alibi. *ρυθῶντι τῶν πεπυλαγμένον ἔδος διπλάσιον.* *Obsceno luto conspersa vestis duplex.* Quamquam inter διπλῆν, & διπλάσιον discrimen ponat Ammonius: illud de pallio duplicato vsurpari, hoc nequaquam. quod ex poetæ verbis adductis falsum esse apparet.

Latini pannum, & duplicem pānum Cynici pallium vocarunt. Horatius lib. I. Epist. xvi. de Diogene:

Quem duplici panno patientia velat.

Acron. *Laudat Aristippum ex sententia Platonis, qui cum inuenisset illum naufragio, panno duplici inuolutum, id est diploide, laudauit eum dicens: Omnis Aristippum decuit color, & status, & res.* Legendum est. *Naufragio facto, vel, e naufragio.* Vnde autem hoc de Aristippi naufragio acceperit Acron non mihi constat. Dictum quidem Platonis siue Stratonis refert Laertius: *soli Aristippo datum καὶ χλαμίδα φορεῖν, καὶ ῥάκος, chlamidem ferre, & pannum.* Cum scilicet tres meretrices a Dionysio acceptas, vsque ad vestibulum deduxit, dimi-

dimisitque. Quare hic quoque, vt alibi non ſemel mutilum eſſe Laertii codicem ſuſpicamur. Non enim cohæret ſatis, quod repudiaſſet amicas, & quod eum tam chlamys, quam pannus deceret. Fortaſſe igitur ſequebatur, cum a Stratonem repertus eſſet poſt naufragium diploide inuolutus, dixiſſe Stratonem, quod tam deceret eum pannus, quam chlamys. Chlamys ſcilicet purpurea, in qua ille traductus eſt. Quo reſpexit Horatius:

*Alter Mileti textam cane peius, & angue
Vitabit chlamydem.*

Quod nempe ex lana Mileſia pretioſiſſima texeretur, & purpura tingeretur.

Alter purpureum non expectabit amictum.

At diploidem pannum appellat ſimpliciter:

— *Moriatur frigore, ſi non*

Retuleris pannum.

Interdum tamen Diplois pro pallio communi uſurpatur. Eusebius lib. vii. cap. xviii. de ſtatua Chriſti Domini, atque Hæmorrhoiſæ. διπλόδα χωσμίως περιβεβλημένον. Cy-nici duplicato pallio inuoluti figuram, quam Roma Illuſtriſſi-mus Puteus traſmiſit, hic exprimendam curauimus.

Tabula XXIX.

Tab. XXIX.



Gio. Georg. sculp.

An Cynici interulam gestarent . Laertius explicatus .

Eius Interpres notatus . Cap. X X.

I Deo Cynicos pallium duplicasse diximus, quod tunica carerent, cuius vicem Tribonii circumiectus præstabat: propterea dextro brachio atque humero, bonaque pectoris parte nudierant . Quo magis miror credidisse viros doctissimos interulam a Cynicis gestatam. De quo aliqua in tertio libro huius commentarii disputauimus . Duo sunt quæ illi afferunt, vt hoc confirment. Cratetē teste Laertio ab Atheniensibus reprehensum, quod in sindone præter morem incederet, eam autem sindonem fuisse interulam . Deinde quod Proteus apud Lucianum pyram conscensurus depositis pera ac Tribonio ἔση ἐν ὁδῶνι ῥυπαρίᾳ ἀκρυβῶς. Sed Cratetis sindon pallium fuit, non tunica, siue interula . Tanta enim fuit viri illius tolerantia, vt graue pallium, ac villosum, æstate tenue ac linteum hieme gestaret . Cuius exemplum postea Cynici æmulati sunt Ammianus in Anthologia de Cynico:

Καὶ σόλιον, παγώνιον, ὦμιον ἔξω,

Vestis villosa, barbula, humerus exertus.

Vestis villosa patientiam Cynicam dedecuisset, nisi per æstum gestata fuisset. De Cratete Philemon Comicus apud Laertium:

Καὶ τὸ θέρους μὲν ἔχεν ἱμάτιον δασυῖ

Ἰν ἑκαταῆς ἥ, τὸ δὲ χειμῶνος ῥάκος.

Æstate crassum vestiebat pallium,

Vt tolerans esset, hyeme vero tribonium.

Idem fastitasse Zenonem tradit Laertius: *Erat patientissimus, & simplicissimi victus, crudisque tantum cibis utebatur, καὶ ἐπιβῶνι λεπτῷ, & tenui tribonio, ita vt de illo diceretur.*

Τὸν δὲ ἐκ ἁρ χειμῶν κρυεῖς, ἐκ ὁμβρὸς ἀπειρον

Οὐ φλόξ ἡελίου δαμάσσει.

Hunc non acris hyems demuit, non frigidus imber,

Non solis radj.

Quod

Quod scilicet in tenui palliolo sævas hyemes perferret !
quod fecisse Eustachium ex Eunapio notauimus, qui gerens
λεπτόν ἱμάτιον Gallicas hyemes tolerabat.

Ad maiorem igitur patientiã, quo tenuius pallium hyeme esset, illud lineum Crates induebat. Laertius : *ὑποτῶν ἀθλητῶν ἀσυνόμοι ἐπιτιμηθεῖς ὅτι σινδὼνα ἡμφίετο, ἔφα, καὶ Θεόφραστος ἡμῖν δεῖξω σινδὼνα περιβεβλημένον.* Illis non credentibus induxit illos in tonstrinam, ostenditq; Theophrastum *κειρόμενον*, operam tonsori dantem, & ob id sindone inuolutum, siue lineo inuolucro opertum. Sed quinam sunt isti ciuilis iuris periti, quos Crateris censores nobis obtrudit Interpretes? *ἀσύνμοι* sunt Aediles, quorum munus erat, vt & Romæ, prouidere, ne quis in peregrino cultu incederet, vt erat tunc pallium lineum. Ab his ergo Crates reprehensus, quod sindonem præter morem gestaret, perfacite respondit; se ijs ostensurum Theophrastum sindone inuolutum; vtque fidem faceret, induxit in tonstrinam, vbi de more linteo amiculo, ne pili vestibus adherescerent, amictum ostendit. Non posse autem sindonem pro interula accipi, declarant verba *ἡμφίετο*, & *περιβεβλημένον*, quæ non nisi de veste exteriore, & quæ corpori circumponeretur, siue injiceretur, dici possunt.

Proteus autem apud Lucianum ideo *ἐν ὀθόνῃ* inducitur pyram consensurus, vt qui deposito pallio tragœdiam illam in humani generis conspectu daturus erat, saltem honeste moreretur, qui vitam inani gloriæ impendebat. Nam si interulam vulgo Cynici induissent, aut illa partes verendas velabat, & tunc pallio duplicato minime opus fuisset, aut pectus tantum tegebat, & tunc nulli vsui fuisset, & linea insuper mollitiæ suæ rigorem Cynicum minime decuisset. Non aliud igitur othoniam illud fuisse existimamus, quam fasciam, siue perizoma lineum, quo se ille in conspectu frequentiæ renudaturus veluti campestri succinxit, vt spectatorum oculis extremo illo actu parceret. Præterea quomodo exerto humero, ac seminudi Cynici scriptores produntur, si interuala pectus obuelabat? In veteri Epigrammate

supra adducto ὤμιον ἔξω: *humerus exertus, id est nudus*. Lucianus Cynico: *Tunicam quidem non habes, & nudus conspiceris*. Seneca Epist. LXII: *Demetrium virorum optimum mecum circumfero, & relictis conchyliatis, cum illo seminudo loquor, illum admiror*. Arriani Epictetus. *Obuios conuicijs lacera- re, ac pulchrum ducere*. τὸν ὤμιον δεικνύειν, *humerum reuelare*. Herodianus de Cynico: *Baculum manu gestans ἡμυγύμνω δὲ αὐ- τῷ ἐκχερμῆς πῆρα, peram seminudus ab humero suspensam ge-rens*.

Cum igitur ita se pallio Cynici inuoluerent, vt cū dextro humero brachium exereretur, facilis erat & expeditus illius brachii vsus. At læuum sub tribonio, qua duplicabatur, latebat pressum, nec inde exeri poterat, nisi pallium subduceretur, atque ita corporis inferiora paterent, aut totum de- mum tribonium dejiceretur. Quare cum vtriusque brachii ministerio opus foret, tunc ad pectus ipsum tribonium cir- cumcingebat, atque ita superiori corporis parte renudata, vtrumque brachium expediebatur. Lucianus de scribenda historia narrat, cum Corinthiis bellum a Philippo immine- ret, ciuesque trepidi, alii aliud negotium curarent, pars muros reficerent, pars arma comportarent, Diogenem, ne nihil agere videretur, dolium suum sursum ac deorsum ver- sare cœpisse, διαζώσάμενος, inquit τὸ Τρίβωνιον. Ita ille ad in- star proparum succinctus superiori corporis parte nudus agebat.

Ipsæ etiam mulieres Cynicam sectam professæ in tribo- nio, & quidem solo. Menander apud Laertium Cratete:

Συμπεριπατήσεις γὰρ Τρίβων' ἔχουσα ἐμοί,

Ὅσπερ κράτῃ τῷ κυνικῷ ποτ' ἠγυῶν.

Mecum ambulabis gerens tribonium, vt nuper vxor cum Crate- te Cynico. Hæc est Hipparchia, quam tradit Laertius Crate- tis vitam atque verba deperisse, vt nullo procorum ambi- tu, non opibus, nobilitate, aut pulchritudine, ab hoc in- tempestiuo amore abduci potuerit, cui hæc omnia solus Cra- tes erat, vt parentibus minitaretur, nisi se huic traderent, sibi mortem illaturam. Cum ergo Crates a puellæ paren-
tibus

tibus rogaretur, uti illam ab hoc proposito auerteret: postquam egit omnia nec persuasit, exurgens omni sua supellectili ante illius oculos exposita, hic ait sponsus, hæc eius possessio, ad hæc delibera. Neque enim esse nostri consors poteris, nisi eadem studia attigeris. Elegit continuo puella, καὶ ταυτὸν ἀναλαβῆσα χῆμα, eiusque habitu sumpto una cum viro circumibat. Gestasse autem solum tribonium, sine vlla tunica aut interula, apparet ex sequentibus. Nam cum ad conuiuium venisset, ubi Theodorus Deum contemptor discumbebat, ut eum argueret, hoc illi obiecit: *Quod faciens Theodorus, iniuste agere non diceretur, id Hipparchia si faciat, facere iniuste non dicitur. Theodorus autem se ipsum feriens, iniuste non agit: ergo ne Hipparchia quidem Theodorum cadens. Tum ille ad hoc quidem minime respondit, ἀνέσυρε δὲ αὐτῆς δοματίον, sustulit ipsi pallium, ut scilicet eam esse feminam ostenderet. Interpres reddit, traxit pallium: quod nullum sensum habet. Theodorus a muliere laceffit, in eius contumeliam pallium sustulit, ut cum sine tunica esset, id quod esset cōuiuiis ostenderet. Eadem voce in re simili usus est Laertius in Stilpone. Nam cum hic apud Areopagitas delatus esset, quod Mineruam non esse deum dixisset, respondit, negasse esse deum, quæ esset dea, deos quippe mares esse. Tunc Theodorus false. unde inquit hoc Stilponouerat? ἢ ἀναούρας αὐτῆς τὸν κῆπον εἰδεῖσθαι; Nunquid sublata veste locos muliebres inspexit? Vbi etiam non recte Interpres amota palla: nec animaduertit, pro ἐπὶ κλῶν θεὸν legendum esse ἄθεον. Theodorus enim ille ob impietatem ἄθεος dicebatur. Male etiam κῆπον in κόλπον mutat. nam κῆπον id quod mulieres sunt, significare notum est. Ideo aut sublato tribonio Hipparchiæ a Theodoro esse, ut foeminam argueret, declarat, quod subiicit Laertius, propter hoc nec territam, nec perturbatam esse more mulierum Hipparchiam: iam enim pudorem decoxerat, quæ luce palam cum vino congregiebatur, sed obiectanti Theodoro, quod radios apud telam reliquisset, hoc quidem sapienter respondisse, se foeminam esse, ceterum non sibi male consuluisse, si tempus, quod in texendo con-*

sumptura erat, sapientiæ studio impendisset.

Ceterum Cynici, ut dicebamus, ideo se solo pallio contentos profitebantur, ut Herculem referrent, qui cum sola leonina incederet, nec Herculem modo, sed Deos omnes, quorum simulachra, ut testatur Dio *περί σχήματος*, solo pallio velata in templis cernebantur, ut etiam in nummis Aesculapii apparet, quos hic damus.

Tabula XXX.

Tab. XXX.



Ruffonius. f.

*Serui palliati. Plautus explicatus. Diphthera. Scortum.
Festus emendatus. Cap. XXI.*

Non ingenuos modo, sed seruos in Græcia vulgo palliatos fuisse certum est. Plautus Captiuis Act. iv. Scen. i.

*Nunc res certa est, eodem pacto, ut Comici serui solent,
Coniiciam in collum pallium, primo ex me hanc rem ut audiat.*

Et Scena sequente.

Sed Ergasilus est ne hic, procul quem video?

Collecto quidem est pallio: quidnam acturus est?

Epidico Act. i. Sc. i. ait Thesprio Seruus.

Quis properantem meprehendit pallio?

Et paulo post.

Age nunc iam ornate Epidice, & palliolum in collum conice.

Itaque assimulato, quasi per urbem totam hominem quasiueris.

Terentius Phormione.

Sed ego nunc mihi cesso, qui non humerum hunc onero pallio,

Atque hominem propero inuenire?

Ex quibus intelligimus, seruos cum properarent, ne fluens pallium cursuram impediret, solitos, illud in collum conijcere, hoc est dextram partem in sinistrum humerum, sinistram in dextrum rejicere, ut essent expeditiores. In Prolegomenis Terentij: *Serui Comici amictu exiguo conteguntur paupertatis antiquæ gratia, vel quo expeditiores agant.* Quo habitu interdum, & liberi, ut parasiti trechedipni, cum ad cænam festinarent. Ibidem. *Parasiti cum intortis pallijs veniunt, id est in collum coniectis.*

Idem etiam seruilis pallij color fuisse videtur, qui liberorum, nempe albus, & lætitiæ causa candidus. Plautus *Casina* de Olympione villico nuptias celebrante:

At candidatus cedit hic mastigia.

Et infra:

Villicus autem hic cum corona candide vestitus.

Vbi Lilius ad morem libertorum refert in mutanda veste,
Olym-

Olympionem enim iam libertum fuisse. Quod est falsum. Paulo post.

OL. *At non opinor fieri posse hodie.* ST. *potest*
Si quidem cras censes te posse mitti manu.

Et Actu III. Scena VI.

OL. *Quid est? quis hic homo est?* ST. *herus sum.* OL. *qui herus?*
 ST. *Cuius tu servus es.* OL. *Servos ego?* ST. *atq; meus* OL. *Non*
sum ego liber?

Memento, memento.

Servus adhuc Olympio erat, & vulgi more in nuptiis candidatus. Licet servi palliati, propria tamen eorum vestis fuit *Exomis*, & *Diphthera*. Apud Aristophanem Vespis conquerruntur urbani senes Philocleonem herum a servis suis domi clausum sub custodia teneri, oblitis munerum, quæ ab eo acceperant. Neque eos subit memoria *διφθέραν*, καὶ ἐξωμίδων, quas ipsis emerat, καὶ νυνᾶς. *Diphtheram* quidem veteres Grammatici vestem ex corio, siue pellibus interpretati sunt, quæ propria pastorum, & agricolarum. Aristophanes Nubibus: *Vbi grandior eris, capellas agito e Phelleo, ut & pater tuus διφθέραν ἐνυμμένους* (scorteam vestem indutus). Vbi Scholiastes *περιβόλαιον ποιμενοικὸν ἐν δέρματος* interpretatur: non quidem quod pallium vulgare fuerit, fuscum, ac longum; quis enim credat pastores, atque agricolas eo inuolutos opus fecisse? sed brevius indumentum, sagum scilicet ex pellibus, quod exomidi injiceretur, inde *περιβόλαιον*. Quod autem viliorum tegmen esset, propterea chlamydi, ut & *ράνος*, & tribonium opponebatur. Lucianus Timone: *Promolli chlamyde hanc diphtheram tibi paupertas circumponit*. Ibi enim Timon ad inopiam redactus *ἐναψάμενος διφθέραν* terram exercet. Infra idem a Ioue appellatur *παρὰ διφθέρας*: item *διφθέρας* dicitur, id est *sago ex pellibus confecto amictus*. Dio etiam Chrysosth. Orat. LXXI I. inter vestes pastorum, & agricolarum *diphtheram*, & *exomidem* recenset. Philostratus in Heroicis de eo qui relicta Vrbe se agriculturæ tradiderat: *διφθέραν τὲ προσαρμυσάμενος, & bidentem ferens*. Polluci tamen lib. VI I. *Diphthera* dicitur *tunica stricta ἐπὶ ἱμασίων ἔχων*, habens

bens cucullum, non cervical vt vult Interpres . Potuit quidem & tunica ex corio confici, vnde & diphthera appellari: proprie tamen de sago, siue veste exteriori sumebatur. Eadem *Paῖν* dicebatur, cuius tamquam vestis pastoralis meminit Theocritus Idyllio 111. & v. quam vetus scholiastes *meloten*, & *diphtheram* reddit. Pollux tunicam prælongam interpretatur, quæ nescio an pastori congrua esset. Rectius Hesychius: *ὑπερῶν ἐνδυμα ὅτι περ ἐν τοῖς σισύραις*: ἐν τοῖς δὲ σκυλῶνι *ὑπερῶν*, οἱ δὲ διφθέραν,

Has pelles caprarum fuisse docet Varro de re rustica lib. 11. cap. vltimo: *Neque non quaedam nationes harum (caprarum) pellibus sunt vestitæ, vt in Getulia, & in Sardinia. Cuius vsus apud antiquos quoque Græcos fuisse, apparet, quod in Tragædys senes ab hac pelle vocantur διφθέραι, & in Comædys, qui rustico opere morantur: vt apud Cæcilium in Hypobolimeo habet adolescens, apud Terentium in Heautontimorumeni senex. Aliquis etiam harum vestium vsus in ingenuis fuit, tempore pluuiæ, vt scortæ pænulæ apud Romanos. Laetius tradit Anaxagoram profectum in Olympiam súdo ac sereno cœlo sedisse ἐν ὑπερῶν, quasi breui eruptura pluuiæ, sicque euenisse. Idem narrans Philostratus lib. 1. cap. 11. ait venisse Anaxagoram in Olympia, cum nulla pluuiæ suspicio esset, ὑπερῶν pellicea veste indutum.*

Eam scorteam Latini appellarunt, nam scorta pelles. Vnde auctore Festo meretrices sic appellatæ, quia vt pellicula subiguntur. Varro de lingua Lat. lib. vi: *Scortari est sepius meretriculam ducere: quæ dicta a pelle. Id enim non solum antiqui dicebant scortum, sed etiam nunc dicimus scortea, ea, quæ ex corio, & pellibus sunt facta. Inde in aliquot sacris, ac sacellis scriptum habemus. Ne quid scortum adhibeatur, ideo ne morticinum quid adsit. In Atellanis licet animaduertere rusticos dicere, se adduxisse pro scorto pelliculam. Ex his facile erat corruptum Festi fragmentum restituere: Scorta appellantur meretrices ex consuetudine rusticorum, qui vt est apud Atellanos antiquos solebant dicere se attulisse pro scorto delicularum. Quis enim non videt ex Varrone legendum pelliculam? Scortum etiam pro pelle*

pelle leonina apud Tertullianum de Pallio cap. IV: *Qualis ille Hercules in serico Omphales fuerit: iam Omphale in Herculis scorto designata descripsit*. Supra enim ad eandem vocem alluserat: *Tantum Lydia clancularia licuit, ut Hercules in Omphale, & Omphale in Hercule prostitueretur: nempe in scorto, siue pelle Leonina*.

Εξομῖς. Ἑτερομάσχαλος. Κατωνάκη.

Cap. X XII.

EXomides ἱμάτια δελικὰ, καὶ ἑτερομάχαλα veteres Critici interpretantur, vestes serviles ex altera parte manuleatas. Vox ipsa nihil aliud significat, quam vestem strictam & angustam, ex qua humeri exererentur, siue nudi conspicerentur. Hesychius partim tunicam, partem pallium. Ἐξομῖς, χιτῶν μου, καὶ ἱμάτιον: πλεὺν γὰρ ἑκατέρωθεν χρῆσαν παρῆχεν, καὶ χιτῶνα μὲν διὰ τὸ ζώνουσαι. ἱμάτιον δὲ, ὅτι τὸ ἕτερον μέρος ἐβάλλετο. (Lege περιβάλλετο) παρὰ καὶ οἰκονομικοί, (Lege κόμικοί) ὅτε μὲν ἔνδυδι, ὅτε δὲ περιβαλῶ. Exomis tunica pariter, & pallium. Vtriusque enim vsum praebebat: & tunica quidem, quod cingeretur: pallium autem quod altera pars iniiceretur, siue circumponeretur. Quare & Comici de exomide aliquando dicunt quod indueretur, aliquando quod superindueretur. Ita ille locus corrigendus est. Quomodo autem eadem vestis tunicae & pallii vsum praestaret, nō aliter intelligi potest, quam quod alam quandam, siue manicam latiore habet, quae more pallii injici, ac circumponi posset. Talis enim exomis. Pollux: ἔξομῖς δὲ περιέλιμα, καὶ χιτῶν ἑτερομάχαλος. Tunica uncam manicam habens. Hesychius: Ἑτερομάχαλος. Tunica servorum, atque operariorum, quod alteram tantum alam adsutam habet. Alibi Polluci Exomis dicitur vestis Comica, tunica scilicet alba, siue ornamentis, in sinistro latere, ῥαπῶν ἐκ ἑξῶν, suturam non habens. Subjicit huic adiectum fuisse palliolum album, quod ἐγκόμβωμα dicebatur. Verisimilius tamen est, alam, quae ad instar pallioli, potius in sinistra parte fuisse, quo dextra liberior atque operi expeditior esset. Sicut tunica servilis

ἑτερομάχαλος erat, ita ingenuorum ἀμφιμάχαλος, vtrimque manuleata. Hesychius. Ἀμφιμάχαλος tunica manicata liberorum, vt Plato, duas habens manicas, quas etiamnum μαχάλας appellant. Eius meminit Aristophanes Equitibus: *Sed cum nudum videres hunc populum, ne quidem ἀμφιμασχάλε ἤξήσας, tunica manulea dignum censuisti. Etiam durante hyeme.* Scholiastes: χειρὶ δὲ ὅτ' ἐμάτις. ἀλλ' ὥς, μεμπῶς χιτῶνός τε.

Non fuisse tamen solum seruorum exomides, declarat Aristophanes Lysistrata, vbi ciues senes aiunt.

Ἀλλὰ τὴν ἐξωμίδ' ἐκδύομεθ' ὥς τὸν ἄνδρα δεῖ.

Sed exomidem exuamus, vt virum decet.

Et Aelianus Variæ lib. ix. cap. xxxiv: Diogenes cum venisset Olympiam, & Rhodios quosdam adolescentes videret pretiosis vestibus amictos, ridens inquit, hic est fastus. Deinde cum incidisset in Lacedæmonios ἐν ἐξωμίσι φαύλαις καὶ ρυτώσεσιν, in vili, ac sordida exomide. Hic inquit, alius est fastus. Quare Suidas interpretatur tunicam ingenuorum, quæ brachia non tegeret, esset tamen vile indumentum. Gellius præterea lib. vii. capite xii. eas antiquissimo tempore a Romanis gestatas tradit, breuesque ac substrictas tunicas interpretatur citra humerum desinentes.

Porro tam Festus, quam Pollux, Exomidem Comicum vestimentum fuisse aiunt. Scilicet seruorum. Postquam enim ea vestis in desuetudinem abiit, antiquus seruorum habitus in scena retentus est. Quia autem hoc exomidis proprium erat, vt inde humeri extarent, Cynici, qui, vt diximus, dextrum humerum exertum habebant, inde ἐξωμίαι dicti, & eorum Tribonium ἐξωμίδες, vt alii adnotarunt.

Vestis etiam seruilis mentio apud Aristophanem Lysistrata. Nescis vt olim vos quoque κατωνάκας φοροῦντας adiuerint Λακόνες. Vos inquam liberauerunt. πάντι τῆς κατωνάκης τὸν δῆμον ὑμῶν χλαῖναν ἡμπιχον πάλιν. Et pro seruili amictu chlenam populum induerunt. Hesychius interpretatur pallium, quod in inferiori parte, ῥάκος assutum habet, quod est pellis ouina. Videri autem Athenienses illud induisse a Tyrannis coactos, qui Pisistrati tempore fuerunt, vt propter vestis illius vilitatem

cives urbem non ingrederentur.

Pallio caput operire. Palliolum. Plantini loci correctio tentatur. Cap. XXIII.

Quemadmodum Romani, cum caput operire volebant, togæ laciniam superiorein ab humeris in caput trahabant: ita & Græci adducto in caput pallio illud operiebant, præcipue cum latere volebant. Lucianus Dialogo mortuorum, de Philosopho: *Flet, quia non amplius tam opiparas canas habebit, neque noctu exiens clara omnibus τῶ ἰματίῳ τῷ κεφαλῷ κατεϊλήσας ordine omnia accedet scorta.* Plautus Pænulo *Quin si voles:*

Operire capita, ne nos leno nouerit.

Et alibi.

Tum isti Græci palliati capite aperto qui ambulant.

At Romanos cum latere vellent, item valetudinis causa palliolo caput obnupsisse alias docuimus, quod breue, & angustum pallium fuisse vox ipsa declarat. De quo Lipsius in Saturnalibus, qui nonnisi ab ægrotis palliolum adhibitum obseruat ex Quintiliano: *Palliolum sicut fascias, & focalia sola excusare potest valetudo.* Seneca lib. iv. nat. quæstionum: *Videbis quosdam graciles, & palliolo, focalique circumdatos, pal-lentes, & ægros.* Ex quo docti illud Ouidij

Aegrum tu facito ut simules, nec turpe putaris

Pileolum nitidis imposuisse comis.

Recte palliolum legunt. Quod etiam meretricum fuisse ostendunt Martialis:

Hanc volo, quæ simplex, quæ palliolata vagatur.

Et Iuuenalis:

— *Dorida nullo.*

Cultam palliolo.

Alius Plauti locus est, qui huc referri potest, si tamen aliqua spes restat posse illum recte constituti. Pseudolo Act. v. Sc. i. ait seruus ebrius.

Sed postquam exsurrexi, orant med' uti saltem;

Pars II.

D d 2

Ad

*Ad hunc me modum intuli, ut illis satisfacerem ex
disciplina: quippe ego*

*Qui probe Ionica perdidici: sed palliolatim amictus
Sic huc incessi ludibundus.*

Veteres editiones Mediolanensis, & Veneta, licet multum a recentibus discrepent, constanter retinent *palliolatim amictus*. Lambinus supposuit *palliolatus*, hocque extare in veteribus libris testatur. Quod si verum est, facilis erit interpretatio, Pseudolum palliolo caput tectum saltasse: quæ fortasse causa fuit, ut dum orbem illum saltatorium versat opertis oculis lapsus sit. Sed cum omnes fere editiones, etiam nouissima *palliolatim amictus* habeant: & in veteri MS. *palluratus* se reperisse dicat Lambinus, suspicor legendum esse, *pallulatim amictus*. Scilicet seruus procax, atque ebrius, quo magis risum excitaret, pallam siue pallulam, muliebrem pallium induerat: idque ex disciplina. Ionicam enim saltationem mollem fuisse, ac parum virilem; item saltatores in palla, satis constat. *Pallulatim amictus*, est more foeminarum palla inuolutus. Neque obstat, quod infra pallium appellat: nam muliebrem amiculum, & *pallam*, & *pallium* dictum fuisse, alias notauimus. Nam quæ de tunica palliolata Interpretes afferunt, ἀποποδόνουσα sunt. Immo paulo post idem seruus ait se commutasse pallium: non quia illud reiecto ex crapula vino infecisset, ut iidem interpretantur: ait enim, *iam penè inquinavi pallium*, id est, parum abfuit, quin pallium temeto inquinarem. Sed egressurus in publicum, pallium muliebrem deponit, virile sumit. Sic illa verba intelligenda *commuto illico pallium: illud posui: inde huc exij*: id est, pallium muliebrem, siue pallam, in qua saltavi. Si enim pallium pro pallio sumpsisset, satis erat, si diceret: *Commutaui pallium: sed quia pro muliebri virile sumebat*, ait *illud posui, inde huc exij*, nempe in communi habitu.

Ceterum totus iste locus in veteribus editionibus admodum variat. Nam quod nunc legitur, *plaudunt partem: clament me, ut renortar*. Ibi, *plaudunt parum*: quod rectum est. Prima enim illa saltatio non arridebat: volebant enim ipsum

ita in orbem rotari, ut caderet. Ita quod sequitur. *Occæpi
denuo hoc modo nolui: recte Gulielmius, hoc modo volui*, id est
verti: quod tamen extat in Veneta editione. Cœpit salta-
torium orbem versare, quo magis sibi amicam conciliaret.
Vbi circumuorter cado: id fuit nania ludo. Naniam ludi finem
intelligunt, quod nania ijs caneretur, qui vitam finissent.
Simplicius tamen fuerit interpretari, ludo illi atque hilari-
tati rem hanc tristem veluti naniam interuenisse, nempe
casum.

Hæc de Pallio. De capitis, ac pedum tegmine in tertiâ
huius Operis parte, si vita suppedabit, disputabimus;

Laudes Deo, Deipara Virgini, ac D. Antonio.



I N D E X A V C T O R V M.

Qui in hoc Opere laudantur , illustantur ,
aut emendantur .

Prior numerus Partem , alter Paginam denotar.



A
Cron reprehensus I. 16.
25. M.S. 29: 77. 207.
lapsus. 223. II. nota-
tur. 14: 60. 78. emen-
datur. 197.

Aelianus; I. 177. 229.

237. II. 29. 98. 122. 135. 148. 161.

172. 177. 181. 182. 184. 195. 210.

Aeschines. II. 153

Afranius explicatus. I. 46. 424

Albinus. I. 109

Nicolaus Alemannus. I. 107

Andreas Alciatus. II. 250

Aldobrandinus notatur. I. 183

Alcuinus. I. 187. 199

Clemens Alexandrinus. I. 252

Alexander ab Alexandro. II. 31

Anthologia. I. 48. II. 136

Amnianus in *Anthologia*. II. 200

Ammonius. II. 22. 105

Appianus. I. explicatur. 6: 12. 14. 44.

71. 136. 127. 139. 143. 146. 155. 156.

176. 206. 209. exponitur. 256: 258.

261. II. 111. 113. 125. 138. 140.

141.

Eius Interpres notatur. I. 12. 260.

II. 101. 126.

Fortunatus Amalarinus. I. 110. 111

Ammonius. II. 197

Anastasius. I. 188

Apuleius. I. 71. 98. 183. correctus,

189. 241. 253. II. 11. 94. 121. 160.

166. 175. explicatur.

Archestratus apud *Athenæum*. II. 182

Ioannes Argolus. I. 114

Aristophanes. I. 241. II. 147

Ei Scholiastes ibid. I. 153. 167. 168. e

Interpres. 171. 184. 207.

Aristophanes explicatur. I. 11: 149.

153. 154. 170. 171. 177. 184. 207.

210.

Eius interpres notatus. II. 150.

Vetus interpr. 153. 170. 178. 210

Aristoteles. II. 52

Arrianus. II. 202

Arnobius. I. 75

Artemidorus. I. 24. 71. 93. 184. 224.

252. II. 5. 30. 54. 57. 65. 68. 82.

96. emendatus. 143: 147. 168. 171.

176.

Asper, *Prolegomenon* in *Terentium*

auctor. II. 130

Athenæus. I. 2. expenditur, & expo-

nitur: 5. 242. II. 6. 22. 66. 68. 134-

140. 147. 148. 152. 153. 171. 175.

184.

Athenæi interpres notatur. II. 22

Auctor librorum ad Herennium. I. 12.

II. 120.

Auctoris Electa. I. 38

Auctor Dialogi de Causis corruptæ elo-

quentiæ. I. 99. 106. 210. II. 55. 70. 82

I. *Libri de vtraque Penula*. I. 90

D. Au-

Index Auctorum.

D. Augustinus. I. 195. II. 59.
Antonius Augustinus. I. 163. notatur.
Aufonius I. 99. declaratur: 141. 143.
 153. 154. 155. 156. 202. II. 194.

B

H *Ermolaus Barbarus.* II. 33
Cæsar Baronius reprehenditur. I.
 50. 91. 104. 105. 110. 112. 201. pro-
 batur, 221. II. notatur. 59. 190.
 193.
Balsamon. I. 158. II. 58. notatur: 193
Basilus minor. II. 173
Gregorii Nazianzeni interpres.
 188.
Lazarus Baysius I. 149. notatur, 170:
 226. II. 23. 138.
Philippus Beroaldus. I. 164. 181. 184.
 141. II. 38.
Iannus Boissardus. I. 123. 194.
Bonifacius. I. 110
Ioannes Britannicus. I. 192. 225. II.
 44. 48.
Cæsar Bulengerus I. 101. reprehendi-
 tur. 191. 202. 221.
Brodæus. II. 32
Georgius Buchananus. I. 212. II. 46.
Guilielmus Budæus. II. 112. 133. 134

C

I *Oachimus Camerarius.* I. 246
Isaacus Casaubonus. I. 6. 41. 50.
 91. 101. 122. 156. notatur, 158: 163.
 181. 182. 183. 188. 200. 211. 215.
 220. taxatur, 221. II. notatur. 16.
 35. 38. 44. 45. 62. 65. 66. 73. 104.
 109. 115. 117. 118. 127. 128. 129.
 147. 148. 149. notatur, 151: 164.
 174.
Cæcilius. I. 247
Iulius Cæsar. I. 31. explicatur,
 II. 108. 125.

Domitius Calderinus. II. 28. 40. 44
Paulus Caotorta. I. 50
Martianus Capella. II. 93
Iulius Capitolinus. I. 79. 80. 150. 154.
 156. 157. 163. 199. 200. 213.
 II. exponitur, 39. 42. 44. 46. 104. 107.
 174.
Cassianus. I. 198. II. 59
Cassiodorus. I. 153
Dio Cassius. II. 2. Eius versio expendi-
 tur. 3
Catullus. I. 88. 247. 250
Canallerius. II. 15
Dio Chrysostomus. I. 220. 222. II. 152.
 194. 207.
Iulius Censorinus. I. 251
Cornelius Celsus. II. 37
Ludonicus de la Cerda. I. 110. notatur
 200. II. 58.
Charisius. II. 12
Petrus Ciacconius. I. 91
Cicero. I. 2. 22. Eius Interpres notan-
 tur ib. Cic. explicatur 24. 25. Inter-
 pres eius tangitur. 25. 36. 37. 40. 56.
 65. 66. 70. 71. 72. 73. 74. 81. ex-
 plicatur. 82. 83. 94. 136. 139. 140.
 142. declaratur. 145. 227. 147. 148.
 expositus. 172. 189. 193. 194. 195.
 203. 204. 208. 222. 248. 249.
 II. explicatur. 1: 38. Eius interpres no-
 tatur. 60. 68. 82. 98. 99.
Cic. mutilis exponitur. II. 101. 102.
 154. 166. 175.
Philippus Cluverius. II. 113
Codex. II. 108
Concilium Ratisbonense. I. 113
Ephesinum. I. 113
Gangrense. II. 58
Cælerus. I. 223
Columella expositus. II. 45. 118
Sebastianus Corradus. I. 139
Cornificius. I. 133. 232
Cornutus in Terentium. II. 130
Petrus Crinitus. I. 52

Index Auctorum.

Crusertius. I. 52. II. 111
Iacobus Cuiacius. I. 59. II. 92
Q. Curtius. I. 197. 234. 237
S. Cyprianus. I. 48. 98. 179.
 II. 189.
S. Cypriani Acta. I. 112. II. 59

D

I*acobus Dalechampius* notatur I. 5.
 probatur. 149. II. 66. arguitur.
Ioannes Diaconus. I. 110
Demosthenes. II. 134. 153
Dio Cassius. I. 33. 35. emendatur. 41.
 41. 63. 69. 72. 73. 80. 81. 82. 84. 93.
 101. 136. 137. 138. 139. 141. 153.
 157. 167. 169. 177. 195. 197. 201.
 205. 210. reprehensus, 211: 213.
 214. 216. 252. exponitur. 209. 261.
Eius interpres notatur.
Dio vellicatur II. 22. 54: notatur. 54.
 62. 69. 73. 74. 96. 98. 103. 119. 120.
 125. 126. interpres eius taxatur 160.
Diodorus Siculus. I. 241. II. 112. 127.
Digesta. II. 11. 90
Domitius Calderinus. I. 164
Marcellus Donatus notatur. I. 5: 11.
 II. 31.
Donatus. I. 250. II. 53. 130. 153.
Io. Baptista Donus. I. 65. 82. 83

E

E*nnius.* I. 210
Epictetus. II. 161. 202
Erius autor vitæ S. Germani. I. 134
Epiphanius. I. 9
Etymologus I. 2
Etymologici Auctores. II. 97
Eunapius. II. 186. 193. 201
Interpres eius deceptus. ib.
Euripides. II. 175
Eusebius. II. 191. 198
Eustachius. II. 29. 135. 167. 177

Euthymius. I. 181. 227

F

P*etrus Faber* refellitur. I. 82: 232.
 253. 258. 259. II. 45. 60.
Thomas Farnabius. I. 164. 197
Franciscus Bernardinus Ferrarius. I.
 18. 101.
Sex. Pomp. Festus. I. 6. 31. 44. 55. 57.
 77. 135. 151. 152. 153. 156. 165.
 168. 170. 177. 205. 209. 221. 223.
 237. 239. 242. 243. 247. emenda-
 tur. 75. II. 18. 33. 57. 77. 120. 140.
 210. emendatur. 208.
Ferrinus Placcus. I. 152. II. 128
Curius Fortunatianus. I. 114. 118. 119.
 122.
Frontinus. I. 43. 44
Fronto apud Gellium. I. 250

G

G*allus.* II. 2
Ioannes Galuanus. II. 94
Sigismundus Gelenius. I. 57
Aul. Gellius. I. 3. 50. 67. 100. 173. 177.
 196. 198. 250.
 II. 2. 22. explicatur 70: 76. 82. 92.
 139. 174. 210.
Gemma Anima. I. 106
Glossarium. I. 44. 152. 197. correctum
 198. *Vetus.* 240. II. emendatum. 14:
 23. 43. 83. 137. 175.
Glossographi Sacri. I. 105
Gotofredus. II. 37
Grammatici veteres. I. 179. II. taxan-
 tur. 37: 167.
Græci. II. 115
Ioannes Fredricus Gronovius. I. 22
Ianus Gruterus. I. 133. vindicatur.
 240. 244.
Gulielmus. II. 213

E e

D. 3-

Index Auctorum.

H

- D**ionysius Helicarnassensis. I. 11 rejicitur 52: 71 correctus 14: 4. 11. in tratur. 145. 146. 216. II. 32.
- Nicolaus Heinsius. I. 248
- H. rodianus. I. 71. 72. 80. 81. 138. emendatus 154: 201. 213. 216. 11. 6. 7. 73. 93. 99. 113. 126. 127. 128. 129.
- Eius interpretes notatus. II. 202. 6.
- Hesychius. I. 172. 179. 180. 188 11. 5. 6. 20. 21. 29. 39. 46. 47. 92. 95. 136. 137. 162. 167. 175. 177. 208. 210 emendatus 209.
- D. Hieronymus. I. 188. 11. 46. 189. explicatur, 191. 192
- Hirtius. II. 101. 126
- Homerus. I. 179. II. 20. explicatur, 21. 39. 135. 159. 162. 163. 167. 168. 171.
- Homeri interpres taxatur. II. 21. 135.
- Horatius exponitur. I. 16: 24. Eius interpretes notantur. 29. expositi. 224. *Vetus interpres M S.* 29. explicatur. 43: 148: 56. 64. 69. 73. 166. 175. 180. 183. 190. 191. 192. 195. 207. 222. 223. enodatus: 226. 227. 231. 232. 253. 254. 255: 225. 259.
11. explicatur. 12. 14. 53. 60. 77. 101. 113. 118. 121. 125. 132. 197. expositus 198.
- Horatii Interpretes. I. 72
- Franciscus Hottomannus. II. 91. 92
- Hygenus. I. 30

I

- D**ioannes explicatur I. 176. 217. Isidorus. I. 7. tentatus 45: 57. 66. 67. correctus 107: 160. 188.

205. 224. notatur 225. 231. 237.
11. 5. notatur explicatur 29. reprehenditur. 37. 47. emendatur 57: 58. 122. 123. 136. 140. taxatur 159. corrigitur. 113.
- Isidorus Pelusiota. I. 221.
- B. Ivo Carnotensis. I. 109. 111. 183
- Franciscus Iuretus. I. 100
- Jurisconsulti. I. 158. II. eorum lapsus. 91.
- Juvenalis explicatur. I. 9. 55. 64. 71. 93. 96. 97. 99. declaratur 101. 139. 155. 165. 167. 170. 178. 191. 203. 204. 209. 210. 215. 224. 232. 251. 253. 255. 256. 260. 11. exponitur 9: 19. 20. 24. 25. 27. 35. 41. 42. 43. 44. 47. 49. 55. 58. 69. 88. 102. 120. 123. 131. 137. 183. 194. 211.
- Eius vetus interpres notatur I. 48.
- M S. Ambrosiana bibliotheca. 134. 155. emendatur 171. explicatur. 192. 193. 210. correctus 216. 224. 251. 255. 257.
- Interpretes reprehenduntur. I. 101. 216
- Vetus Interpres. II. 9. 24. emendatur. 25: 41. 58. 59. 102. 131. 137. notatur. 42. 43. explicatur 47. taxatur. 49.

K

- Kercoetius. I. 6 97. 200

L

- L**actantius Grammaticus. I. 31
- Diogenes Laertius. I. 179. 188. 11. 152. 171. 177. 182. restitutus. 183. & declaratur. 184. 195. emendatur 197. suspectus. 198. 200. 201. 203. Interpres eius notatur. II. 6
- Dionysius Lambinus. I. 16. 25. notatur. 29. 133. 175. notatur. 208. 224. 238. 29. 244. 245. 246. 247. 272.

Aelius

Index Auctorum.

Aelius Lampridius. I. 63. 79. 80. 101. 135. 150. 151. 152. 154. 156. explicatur 158: 170. 181. 182. 183. 188. 200. 212. 213. 214. 215. 216. 258. declaratur. 260.
II. 19. 70. 72. emendatur 73. 74. 95. eiusdem lapsus. 76. 90. 119.
Ioannes de Lazara. II. 83
Ioannes Leonclanius notatur. I. 210.
Pedricus Lindenbrogius. II. 112
Carolus Stephanus Litta. I. 4
Iustus Lipsius refellitur. I. 3. 4. 31. 32. 33. 36. 54. 55. 60. 64. 66. 67. tangitur 68: 69. 71. 79. 86. redarguitur 88: 91. 95. 96. 97. 98. 139. 143. 146. 155. 163. 184. 185. 197. notatur 203. 213: 222. 242. 256. 257.
Titus Linius. I. 14. 16. 33. 45. 52. 66. 67. 93. 94. 97. exponitur 129: 136. 137. 153. 166. 173. 174. 232. 237. 240.
II. probatur. 5. notatur. 16: 18. 50. vindicatur 54: 56. notatur. 69: 87. 89. 100. 101. 102. 104. 109. 160.
Linii Epitome. I. 81. II. 105
D. Lucas. I. 17. 611. 134
Velius Longus emendatur, & exponitur. II. 92
Lucanus explicatur. I. 16. 29. 71. 140. 242.
Lucianus. I. 5. 175. 178. 179. 232. 242
II. 121. interpretatio eius notatur 147: 167. 170. 171. 173. 175. 180. 184. 185. 188. 189. 194. 195. 201. 202. 207. 211.
Lucilius. I. 243. 246. II. 12. 14. 29. 68. 147. 187.

M

A *Mmianus Marcellinus*. I. 60. 68. 96. 183. 258. 201. expositus

203. II. 31. 38. correctus 56: 112. 128. 174.
Macrobius rejicitur. I. 17. correctus & explicatur. 39. 40. taxatus. *ibid.* *MS. ib.* 77. 78. *MS.* 143. 228.
Ioannes Maldonatus notatur. I. 176
Nonius Marcellus. I. 46. 65. 67. 71. 75. 83. 160. emendatur 165: notatur 166: 169. 175. 178. 180. 215. 231. 239. 240. 241. 242. 243. 244. notatur 247: 248. II. 68. tentatur 77: 98. 108.
Theodorus Marcilius. I. 68
Martialis Scholiastes notatur. I. 87
Martialis Interpretes. I. 86
Aldus Manutius. I. 2. refellitur 3: 17. 23. 24. 39. 42. 48. 66. 70. 77. 84. 93. 94. 134. 136. 140. 142. 153. 172. 173. 175. 184. 193. notatur. 204: 222. 252.
D. Marcus. I. 176. II. 39
D. Matthæus. I. 175
Rabanus Maurus. I. 188
Valerius Maximus. I. 2. 11. 14. 37 40. 43. declaratur 44: 49. 71. 72. 143. 144. 153. 176. correctus 222: II. 99. 100. 113. 122. 126. 138. 143.
D. Marcus. II. 134
Martialis. I. 16. 36. 53. 54. explicatur 55: 56. 59. 68. 71. 73. 79. 86. 121. 122. excusatur 127: notatur 131: 149. 105. 211. explicatur. 91: 92. 94. 96. 98. 100. 101. 136. tentatur. 155. *MS. Florentinus*. 164: 165. 166. 169. 170. 180. 192. 215. exponitur. 223: 228. 237. 251. 256. 259.
Martialis. II. 9. 10. 12. exponitur. 13: 18. 19. 20. 24. 26. 28. 30. 31. 32. 35. 37. 40. 41. 43. 45. 47. 49. 50. 52. 54. 55. 56. explicatur & emendatur. 60: 66. 70. 71. declaratur. 77: 87. 88. 89. 92. 95. 108. 110. explicatur 123: 137. 167.

Index Auctorum?

Masambertus. II. 54. explicatur 196
D. Matthæus. II. 134
Menander. II. 22. 202
Iosias Mercerus. II. 23. 160. 161
Hieronymus Mercurialis notatur. I. 192.
Paulus Merula. II. 50
Messala. II. 14
Andreas Moretus. II. 144
Morychus apud Scholiastem Aristophanis. II. 180
Moses. II. 167
Antonius Muretus. I. 96. 143. II. 4. refellitur.

N

N *Acuius.* I. 241. 247. II. 37
Cornelius Nepos. I. 147. 163
Niceta. I. 200.
Niceta Aconinatus. II. 164
Nomus. I. 183. 241. correctus, 243. II. 29.

O

O *Opianus.* II. 151
Sertorius Orsatus. II. 85
Ovidius. I. 15. 30. 56. 60. 69. 77. 88. 91. 99. 101. 148. 180. 196. 208. 212. 214. 223. illustratur 224. 226. 227. correctus 228. 231. 232. 233. 240. 242. 243. 244. expenditur 248. 249. 250. explicatur. 253. 255. II. 2. 12. 120. 137. correctus 211.

P

P *Acuius.* I. 12
Asconius Pædianus. I. 3. notatur. 49. 76. 173. 174.
Papias. I. 160. 165. 166
Palladius. II. 63
Velleius Paterculus. I. 11. 141. II. 105

Pamelinus. II. 124
Guidi Panciroli lapsus. II. 51
Pandectæ Florentini taxantur. I. 232
Ianus Parrhasius notatur. I. 30
D. Paulus. II. 67
Paulus Festi abbreviator I. 77. 151. II. 5.
Pausanias. II. 163. 168.
Eius interpres notatur. ib.
Aul. Persius. I. 17. 69. exponitur. 117. 135. 170. 246.
II. 12. 14. explicatur 16. 20.
Persii vetus Interpres. I. 2. mutilus. 46. 69. 106.
II. 5. 57. taxatur 78.
Petronius. I. 6. 12. 37. explicatur. 38. 88. 194. 215. emendatur 222. 227. II. 16. explicatur 17. 24. 39. 83. 140. emendatur. 189.
Thædrus. II. 39
Iunius Philargyrius. II. 59
Philemon Comicus apud Laetium II. 200.
Philon. I. 283.
Philostatus I. 242. II. 22. 34. 91. 165. 166. 175. dilucidatus 176. 179. 182. 184. 185. 186. 187. 207.
Pindari Scholiastes. II. 147.
Pincianus. I. 149
Pithœus. II. 58.
Baptista Pins. I. 241. 243. 247
Plato. II. 57. 147.
Plautus. I. 31. 37. 40. 175. 180. 184. 189. 194. 197. 232. 233. 238. 239. declaratur. 241. 242. emendatur 243. 244. 245. 250. 255. 257. explicatur 258. II. euodatus 27. 33. 97. 138. 147. 151. 162. 168. 173. 180. exponitur. 206.
Eius interpretes notantur. II. 211. 212.
Plinius maior. I. 11. 48. 53. 54. declaratur 55. emendatur. 57. *M. S.* 58. 59. restitutus, 60. defenditur,

Index Auctorum

tur, 61. 62. 67. 73. 134. 135. 137.
144. 147. 148. emendatus, 149. il-
lustratus, 150. correctus. 152:
153. 156. explicatur, 160. *M S. in bi-
bliotheca Ambrosiana.* 161. 174.
180. 185. declaratur 209: 227. 244.
247.
II. emendatus, & explicatus. 12:
26. 32. 33. expositus. 35: 38. 48. 53.
54. 77. 96. 100. 101. 102. 108. 120.
125. correctus 133: 138. 162. 167.
187.

Plutarchus. I. 3. II. 12. explicatur, 14:
18. 20. 22. 26. 32. 33. 35. 37. 38.
39. 43. 44. 49. 52. 66. 71. 77. 95. 98.
Versio eius reprehensa. 136.

Eius Interpres 137. 142. 148. 153.
176. 162. 163. 172. 195. 168. 173.
154. 177. 178. 192. 193. 195. 196.
carpitur. 198: 199. 204. 205. 226.
252. 257. explicatur 111. 116. 123.
125. 132. 133. 134. 135.

Plutarchi Interpres damnatus II. 102.
111. 134. 135.

Angelus Politianus taxatur. I. 72. 138.
154. laudatur. 201.
II. 129.

Trebellius Pollio Vid. T.

Iulius Pollux I. 169. 199. 251. II. 20.
24. 28. 29. 31. 39. 67. 121. 125. 136.
167. refellitur 171: 207. 208. 209.
210. II. 6. *Eius interpres* notatus.
ibid.

Antonius Popma reprehensus. I. 162.
Isacus Pontanus. I. 78
Polybius. I. 2. 67. 156
Polyenus. II. 111. 112
Porphyrus emendatus. I. 29. 148. 224.
225. II. 101.

Priscianus. II. 12. 14
Propertius. I. 71. exponitur. 141. 190.
251.
II. 2. 11. 48. 137.

Cassianus a Puteo laudatus. II. 7. 78.
198.

Q

Ab. Quintilianus. explicatur. I. 4
11. declaratur 13. 18. 23. 42. 40. 73.
illustratur. 74: 102: 114. 118. 119.
tentatur 121. emendatus. 122: 126.
127. 169. 170. 194. 206. 207. 208.
209. 256.
II. 33. explicatur. 52. emendatus.
53: 54. 69. 70. 142. 144. 211.

R

Mattheus Radernus notatur, II.
61. 196.

Ramiresius. II. 54

Beatus Rhenanus. II. 191

Ioannes Rhodius. I. 51. 123. II. 33. 35.

Nicolaus Rigaltius. II. 89. 143. 169

Philippus Rubenius tangitur. I. 18. ad-
feritur 118. 229. 256.

Ianus Rutgersius notatur II. 43. pro-
batur. 44.

S

Marcus Sabellicus notatur. I.
165. II. 38.

Claudius Salmasius. I. 2. 6. 11. 13. 17.
42. notatur, 47. probatur. 60. 66.
149. 150. 158. 159. 166. 182.
200. refellitur, 217. 225. 227: lau-
datus 261.

II. 23. refellitur, 45. laudatus. 46.
57. 58. 62. 63. 73.

Eunapii Sardiani interpres notatus. I.
137.

Sallustius. I. 84. II. 101. 102

Iulius Scaliger. II. 131

Ioseph. Scaliger notatur. I. 51. 162. 163.
206. 240. 251.

II. notatur. 12. 13. laudatur 33. 37.
128. 163.

Gaspary

Index Auctorum.

- Caspar Scioppius.* I. 48. II. 23
Petrus Scriverius. I. 164
Q. Serenus expositur. I. 243.
Marius Sernius Honoratus. I. 30. 31.
 emendatus, 45: 46. 144. 146. notatur,
 153: 166. 168. 170. 194. 195. 197. 231.
 232. 258. II. 44. 53.
Seneca Philosophus. I. 15. 24. 37. 59. 62.
 67. 68. 87. 96. 98. 100. 139. declaratur
 143: 163. 183. 184. expositus
 & emendatus: 185: 190. 195. 196. 197.
 222. 227. 260.
 II. exponitur, I. 3. vindicatur, 4.
 16. 18. 19. notatur. 42. explicatur 50:
 54. 55. 56. 57. 69. 83. 87. 88. 117.
 126. 127. 166. 177. 211.
Serrarius. I. 9
Antipater Sidonius. I. 153
Carolus Sigonius. I. 2. refellitur 5: II.
 eiusdem lapsus. 30: 39. 43.
Silius Italicus. I. 30. II. 108
Simplicius. II. 161
Nicol. Perottus Sipontinus notatur.
 II. 10.
Sosierates apud Athenæum. II. 184
Aelius Spartianus. I. 33. 46. 63. 79.
 84. 85. 121. 209. 215.
 II. 62. 74. 75. corrigitur, & expli-
 catur. 75: 76. 119. 128.
Statius. I. 31. 71. 208. 209. 212.
 exponitur, II. 108.
Henricus Stephanus. II. 57. 66. 133
Strabo. I. 93. 173. 215. 237
 II. 13. 105. 112. 113. 117. 118.
 Eius interpres tangitur. I. 237
Valefridus Strabo. I. III
Suidas. I. 71. II. 6. 39. notatur 57: expo-
 nitur. 58. 67. 143. 210.
Suetonius. I. 3. exponitur. 13. 14. 15.
 30. 33. 35. 36. 39. 41. 42. 56. 79. 80.
 83. 84. 88. 95. 100. 102. 122. 129. 144.
 145. 153. explicatur 163: 164. 175.
 emendatur 181: 184. 187. 194. 197.
 207. 209. 210. 211. expositus, 213:
 215. 234. 256. 259.
 II. 38. 63. 88. 90. 94. 103. 104. 108.
 III. 120. 127. 132. 138. 163.
Seuerus Sulpitius. I. 29. eius lapsus. 30.
 II. 59.
Sulpitia. II. 47
Fridericus Sylburgius. I. 145
Symmachus. I. 100. 154. 155. II. 23.
 correctus.
Synesius. II. 194
Synodus Gangrensis. I. 158. II. 193

T

- Cornelius Tacitus.* I. 62. 63. 71. 80.
 93. 95. 97. 135. 146. 155. 156. 167
 213. 258. 260. II. 96. 100. 108. III.
 113. 119. explicatur. 138: 166.
P. Terentius. I. 250. II. 53. 151. 153
Tertullianus. I. 1. explicatur 10: nota-
 tur 17: 47. lapsus. 48: 78. explica-
 tur 79: 102. expenditur. 115. emen-
 datur 117: 119. 120. 121. 127. 178. 179:
 198. 240. 243.
 II. 23. 63. 67. 140. 155.
 Eius interpres. *ibid.* correctus, &
 emendatus 89: 123. exponitur. 124:
 160. 161. 185. 189. 191. 196. 209.
Theocritus. II. 22. 39. 166. 208
Theodosius. I. 183. 184. 261. II. 59
Theophylactus. I. 220
Theophrastus. I. 246. II. 149
Thucydides. II. 152. 153. 162
Thylesius notatur. I. 250
Tibullus tentatus. I. 15. explicatur. 122:
 131. 223. 233.
Titinius. I. 67. 244
Robertus Titius. I. 31. II. 12. 163
Leuinus Torrentius. I. 164. refellitur
 181: 184. 210. 213.
 II. notatur. 10: 104. III.
Trebellius Pollio. I. 81. 157. 158. expli-
 catur. 159: 205. II. 34. emendatur. 35.
 108.

Index Auctorum.

108. III. 115. 123. 124. 127. 128.
Adrianus Turnebus notatur I. 15. 18.
 24. 25. 30. 101. 135. 136. 144. 151. 158.
 159. 162. 190. notatur 195. 196. 205.
 210. 212. 213. 223. 224. 239. 241.
 245. 246. 248. 250. 251.
 II. 13. 25. 28. 43. 44. 50. 58. 104.
 127. 128. 160.

Turpilius.

I. 243

V

V *Alesius.* II. 31
Valtrinius. II. 99. 109
M. Terent. Varro. I. 53. 56. 65. 71. 75
 77. 78. 83. emendatus 160. 162.
 tentatus 163. declaratus 175. 178.
 180. 208. 231. dubius 239. 240.
 241. 242. 243. 244. 247. 251.
 II. 12. 18. 19. 37. 46. 65. 68. 102.
 108. 111. 118. 120. 137. 208.

P. Vegetius explicatur.

I. 251

Ioannes Veslingius.

I. 114

Sextus Victor.

II. 62

Petrus Victorius refellitur.

I. 5

Virgilius. I. 59. 60. 145. 146. 154. 166.
 168. 170. 171. 194. 231. 233. 241. 250.
 251.

II. 96. 119. 127. 164.

M. Vitruvius Pollio. I. 223

Vlpianus. I. 51. 206. 231. correctus 232.
 252. II. 29. 91. 138.

Flavius Vopiscus. I. 63. 65. 81. 151. 182.
 203. 205. 258. II. 56. 57. 115. 123.
 128. 139. 159.

Gerardus Vossius. I. 164. II. 12

Fulvius Vrsinus. I. 91

X

X *Enophon.* I. 173. II. 142
Xiphilinus taxatur. I. 42. 88
 II. 6. 62. 99. 103. explicatur 118.
Xiphilini interpres. I. 41. notatur 133.
 II. 90. 118.

Guilielmus Xylander notatur II. 173.
 215.

Z

Zonaras. I. 158. II. 58.



RERVM, ET VERBORVM

Memorabilium

I N D E X.

A



Bolla non fuit toga, nec
vestis senatoria. I. 164.
sed pallium. 165. Du-
plex. 166
Aduocati toga usi, I 98
Ædilium munus. II. 201

Ægyptiorum vestes laneæ, tunicæ li-
nea. II. 166

Æsculapii nummi. II. 204

Ἀκρόμαλλος. II. 117

Alicula. II. 91. 92. Eius notatio. 95

Alicula, chlamys puerilis. 93

Alica. 95

Amictus. II. 136

Amiculum chlamydi simile. I. 237

etiam meretricum. 238

Amorginum. II. 167

Amiphtas æmulus Aristophanis. II.
182.

Amphimalla. I. 58

Amphitapetes. II. 29

Amphimallum. Ἀμφιμαλλον, ἀμφιμαλλον
I. 171.

Amphimallum à gausapa diuersum.
II. 12. 28.

Ἀμυμαλαλός. Ingenuorum. II. 209

Ἀνακόλη· ἀνακόλαιον. II. 116. 149

Ἀνακέλευσαι· ἀνιέξια· II. 6. 147

Ἀνακάμεσαι. II. 149. 159

Ancillarum vestis. I. 253

Angusticlauii. I. 212

Antonius Caracalla. II. 62

Antoniana, talares, II. 62

ἀπλάσσι.

Arcularii.

Ἀρράφα.

Ascetrix mulieres tribonium gesta-
runt. II. 193

Asema tunica. II. 215

Assyria, & Serica vestis. I. 62

Ἀσένον. II. 112

Aue togatorum. I. 96

Ascetarum Christianorum habitus.

II. 189.

Aulæum. I. 155

Aurum meretricibus concessum. I. 254
255.

B

Balneatis vestis. I. 170

Baltheus togæ, vmbro. I. 116. 127.

quid. 118.

Quando delapsus. I. 121

Bardocucullus. II. 43

Basilica. I. 239. 245

Βαθύμαλλος. II. 117

Baxeæ calceus. II. 160

Benedictinorum vestis. II. 46

Belgæ Romæ salsamenta suppedita-
bant. II. 218

Birrus, & Berus idem. II. 58

Birrus, Lacerna. I. 112.

171.

Birretum. II. 43

Birri I. 158. 159. lacerna, & chlamy-
des. 181

Birri Lacerna, à chlamydis diuersi.
261. II. 59. non penula. II. 57. nec

F f

lem-

Index Rerum,

<i>semper preciosi.</i>	58	Cato senior sophisticas vrbe eiecit. I. 48
Birrus pro lacerna.	II. 43. 57. 59	Canusinata penula. II. 4
Biri Canusini.	56	Capitium ignoratur. §. 46. quid 49
Blatteus color.	I. 151	Celtarum habitus. II. 111. 112
Bombycinum, Sericum duplex. I. 60		Centones, seruorum vestis. II. 118
Bombycina vestis.	I. 63	Cerinum. I. 244
Brachium toga continebatur. I. 22		Cerinarii. 245
exerere. I. 29. 152		Cethegi exerti, & cinctuti. I. 29. &
cohibere. 142. 153		cur. 30.
Buccinum. II. 54		<i>χερὶς.</i> II. 121
Bulla aurea laribus appensa, toga sum-		<i>χιτών.</i> I. 171. 210
ta. I. 135		Chlamys Romanorum. I. 9
Burrus, Rufus. II. 57		militaris. 82. II. 91. Sagum. 97.
Byrrhus Lacerna; communis. I. 112.		Imp. Græcorum, & Romanorum Pa-
172.		ludamentum. II. 98
Byssus. II. 169. 166.		Græcanica diuersa a Castrensi. I. 163.
<i>Byssina verba.</i> 166		II. 12. alba.
C		Macedonica. I. 68
Adurcum. II. 47		Silofontis. <i>Prouerb.</i> 237
Cæfium linteum. I. 240		<i>χρῶμα ἀλνθιδόν.</i> I. 159
Calcei nobilium nigri. I. 258		Chlæna. II. 20. eius vsus. ib. 21.
Calcei togæ proprii. I. 36. II. 160		Simplex: duplex. ibid. 21
Calendæ Ianuariæ solennes. I. 154.		<i>χλαμύς.</i> II. 5. eius synonyma. 68. no-
Callaica. II. 47		tatio. 91.
Calula. I. 241		<i>χλαῖς. χλαῖδιον.</i> 22
Camæ. I. 188		<i>χλαῖνα χλαῖς</i> , vt differant. II. 22.
Camisa. I. 109. Camisia. Camisium.		à tribonio diuersa. 179
187. 188.		<i>Chlæna purpurea.</i> 124
Candidum pro albo. I. 67. splendescere.		Chlæna à chlamyde diuersitas. 23.
ibid.		115.
Candis vestis Persica. 173		Chlamydis species. 97
Canusina vestis, Penula. II. 67.		Chlamys muliebris. 96
Caput inuolueretoga. I. 32. pallio. 36		Cinctum & Campestre, idem. I. 30
aperire. 32.		Cincticulum. 31
Caput qui opertum à Romanis, &		Cinctus. I. 194
Græcis. II. 210		Cinctus Gabinus. 43. 44. 48
Cappa. I. 213		Eius origo. 46
Caracalla, vestis. II. 62. clericorum.		Cinctura pro tunica cincta. 74
63.		Cincti, idest, habentes tunicas cin-
Carpetta. I. 200		ctas. ibid.
Carinum. I. 244. Carinarii. ib.		Chlamyda. I. 96
Castula. I. 241		Chlamydis magnitudo. 38
Casula Sacerdotum. I. 104. 105. 107.		Chlamys Xerampelina. 38
113.		Chlamydis forma. 105
		Chla-

& Verborum.

Chlamys Macedonica, & vulgaris.	105	Ferrugineus.	
Chlamys breuior.	ib.	Galbeus, & galbinus.	ibid.
Fibulata.	108	Glaucus.	
Chlamys Mantuelis.	115	Hyalus.	
Chlamys Macedonica; Romana.	115.	Hyacinthinus.	I. 249
Aurata barbarorum.	119	Myrcus.	250
Græca varii coloris.	125	Roseus.	
Græcanica Castrensis.	127	Venerus.	
Romana alba.	ibid.	Vindulatus.	ibid.
non contrahebatur supra genua.	148	Commodi Imp. habitus.	I. 80
Christus pedes lauat deposito pallio.		Comœdiæ Palliata, ac Togata.	II. 130.
I. 183.		ideſt Græcæ, & Latinæ.	131
Craſſa, villoſa.	182	Togata nobiliores ſiue prætextatæ.	
Circulus pullatus.	I. 102	minus nobiles.	131
In circo factionum color.	II. 51	Comœdiantum Togatarum autores.	
Citharoedorum lacerna aurata.	120	133.	
Ciuilis habitus, ideſt, toga communis.		Latinæ Prætextatæ, ac Togata.	132
157.		Trabeatæ.	ib.
Clauitunica purpurei, anguſti, lati.		Tabernariæ.	131. 133
I. 206. quid 208. 240.		Compedes aureæ.	I. 227
Clauum latum tribuere; adimere.	207	Conſules ἐπὶ τῶν μοι.	I. 114
Clauus anguſtus.	212	Conſuiuiorum miniſtri.	I. 181
Clau purpurei inappis, & linteis aſſuti.	215	Cotta. I. 189. Cottula.	190
aurei in tunica triumphali, iue palmata.	216	Coloratum.	II. 4
Clauilati, & anguſti ſoli tunicæ indi- ti.	II. 109	Creta Cimolia, Sarda, Vmbrica.	I. 67
Coccina lacernæ coccinæ.	II. 51. 52	Crocotula.	241
Colobium. I. 109. 197. 198. in ſacris.		Crocotularii infectores.	189
199. eius uſus.	258	Crocotarii.	248
Color varius muliebris cultus.	I. 249	Crepidæ pallio peculiares.	II. 160
improbuſ.	II. 54	Critici laus, quædam ignorare.	I. 161.
Canuſinus.	56	239. multa ſis obſcura.	248
Fuſcuſ.	ibid.	Critici recentiores notantur.	I. 153
Amethiſtinuſ.		Cuculluſ. I. 113. etiam ingenuorum.	
Amygdalinuſ, ſiue Caſtaneuſ.		259.	
Aureuſ.		II. quid. 41. Eiuſ notatio. 46. cum lacerna. 41. cum penula.	83
Caſiuſ.	I. 249	Liburnicuſ. 41. Monachorum.	46
Ceruiuſ.	250	Cynicorum palliuſ. I. 9. duplicatuſ.	
Cœruleuſ.	250	178. 179. Veſtiſ. 48. Subucula. 50.	
Croceuſ.	ibid.	178.	
Cumatiliſ.	244	Cynici ſine tunica, & interula. II. 194.	
		195. 200.	
		Comati. 179. tonſi.	197
		Cynicorū autor Hercules. II. 194	

Index Rerum.

Cynici figura. II. 198
Cynicorum patientia. II. 200
Cynicæ sectæ mulieres tribonophoræ. 202.

D

D Almatica. I. 111. tunica. 199
Eius vsus sacer, & profanus. 111.
199. non fuit regium vestimen-
tum. 200. sed Diaconorum. 203
Δασύμαλλοι. II. 117
Deorum statuar sine tunica. II. 195. 204
Dextram trans pondera porrigere. I. 24
Djabathurari. I. 247
Discinctus. I. 195
Diogenes διπλομήατος. II. 197
Διπλοῦς. pallium. II. 197. etiam com-
mune. 198
Diphthera seruatorum quid. II. 207.
Item pastorum, & agricolarum. ib.
Scorteæ. 208
Donum Senatus Toga picta. II. 153
Duces nunquam paludati intra vr-
bem. II. 103
Duplex vestimentum quid. II. 21

E

E γρόμωμα. II. 209
Electa Ferrarii. I. 114. 132
Endromis quæ vestis; eiusque vsus. II.
23. athletarum. 23. 24. etiam cal-
ceus. 24
Ἐντυτάς. II. 21
Ἐπίβλημα. II. 136
Ἐπίδιδια. II. 147. 152. 154
Ἐπαριστέρα. II. 154
Ἐπέρρι. II. 5. 6
Episcopi veteres communi vestitu vsi.
II. 59.
Episcoporum vestitus simplex, ferè
fulcus. 193
deinde floridus. ibid.
Ἐπίδης Græcis togam semper deno-

tat. 173
Ἐτερομάχαλοι. II. 209
Eunuchis chlamys vetita. I. 182
Exauclorationis ritus. II. 119. 123. 129
Exerti. 29. 30
Exomis. I. 113. 177. 198. II. 165. seruis
propria 207. 209. etiam liberorum.
210.
& Cynicorum. ibid.
qualis 209
Eius vsus. 210
Ἐκπαπίλλατος. I. 31
Ἐξομίαι, Cynici. II. 210

F

F Ano. I. 110
Feminae gratis lauabantur in bal-
neis. I. 193
Festiuatatum togæ. I. 69
Fibula togæ nulla. I. 51
Fibulae, φαῖαι, & φαφίδες, Suturae. 217
Fibula nececebatur lacerna, & chlamys.
II. 30.
Tunica. 31. Trabea. 32
Fibula non est insigne Tribunitium. ib.
Fibulae vestiariae figura. 33
Fibula chlamydis. II. 108. 159. & Chle-
næ. 159
Sagi Gallici. 112
Iberici. 113
Germanici. ib.
Palli nulla. 155
Fibula Theatralis quænam. I. 35
Fibrum. II. 37
Fimbria. 37. quibus addita. 38
Flaminum vestis. I. 168
Flammeum. I. 245. II. 140
Flammearii. I. 245
D. Francisci cucullus. II. 46
Frangia. II. 38
Fucus herba. II. 53
pro fraude. ib.
tinctura. 54

Fusca

& Verborum.

Fusca penula.
Fullonum officium.

II. 87 Holoferica vestis. I. 65
II. 171 Holouera vox Græca. 159
Humerus dexter num exertus è toga.
I. 114. 123.

G

G Alea. Galerus. II. 46
Galbus, idest, viridis. I. 151
Galbeus color. II. 50
Galbani mores. ib.
Gallicæ. II. 2
Galerus. 42
Galericulum. ib.
Gaunacum. 179
Gaulapæ. I. 58
Gausapina vestimenta. II. 12. 18
Gausapa, Gausape, & Gausapum. ib.
quid. 13. II. 137. ab amphimallo
diuersum. 12
Gausape quadratum: rotundum. 13. 14
balanatum. 14
Gausapina cubicularia, triclinaria, 14.
22.
Gausapa quando Romanis nota. 14
Gausapina coccina. 24
Gausapæ Taperes. 29
Gladiatores togati. I. 79. II. 45
Gossipium Italiæ diu ignotum. II. 163
Græcorum ingenuorum vestis alba.
II. 169. 170.
Græci, idest, Philosophi seu Sophistæ.
I. 48.
S. Gregorii pater num in clero. I. 110
Græcia armata. II. 152
Grus, color vestis femineæ. I. 243

H

H Litera. II. 93
Habitus communis candidus.
II. 192
Hebræorum vestitus. II. 192
Hercules Cynicæ sectæ autor. II. 194.
204.
Herculis sacerdos apud Coos vestem
femineam indutus. I. 252

I

I Illustres Equites. I. 213
eorumque filii ius lati clauis ha-
buere. 214
ιμάτιον. Toga. I. 177
Pallium. II. 133. muliebre. 135
Stragula vestis. 134
Quælibet vestis. ib.
Tribonium, siue Pallium. 134
Proprie vestis, quæ tunicæ
superinduebatur. ib.
Imperatores togati. I. 79
Purpura vestiti. 157
II. numquam penulati. 74
Impluviata vestis. I. 239
Impuberes gratis lauabantur. I. 193
Indui. Initi. II. 135
Indusium. I. 175. Intusium. 240
Instita. I. 223. matronarum. 224
Interula Cynicis nulla. II. 200
Isidorus excrispsit Seruium. I. 231
Iter facientium habitus. II. 1.
Iuuenalis vetus interpres Probus. I. 49

K

K Ἀρπυτοί. I. 200
Κατωγάκη. 209. 210
Κναφεύς, Κναφεύς, Κναφικοί. Κναφί-
II. 171.
Κολοβός. I. 187
Κόκκος. II. 46
Κράσπεδον. II. 39
Κρωστός. II. 39

L

L Acerna Romanorum. I. 9. qualis
106.
ple-

Index Rerum;

plerumquē nigra.	104	Belgis copiosa.	118
Causidicorum.	209	Latus clauus, est lati clauī tunica. I.	
Neutiquam muliebri vestimen-	43. 207.		
tum.	255. II. 90	Laticlauiā textura.	I. 59
Pulla. I. 259. etiam alba.	ib.	Laticlauii sine cinctu.	194. 207
chlamydi similis.	II. 115	Senatorum filii.	210
Lacinia.	I. 13	Ius equitum.	213
Laconica vestis.	244	Latinorum χλαῖνα.	20
Lacōnes sine tunica.	II. 195	vestimentum virile.	63
Lacernarum vsus quando Romæ cœ-		non muliebri.	27
perit. II. 1. Notatio incerta.	5	Læna.	II. 18
Lacernæ Birrhi.	57	quī duplex amictus.	19
Chlamys.	ib. & 3	Lacernæ non dispar.	19
Lacernæ vsus.	9. 10	Eius vsus.	19
Lacerna indumentum militare. 2. qua-		Lænula. 22. probrosa.	ibid.
le.	7.	Latino sermone Romani etiam in Græ-	
Eius Materia 9. Forma.	30. 82	cia vsi.	II. 138
aperta.	78	Lectus toga sternebatur.	I. 75
non cum pileo.	40	Lentulus spinther.	II. 33
pro Cucullo.	43	Leuitonarium.	I. 198
à chlamyde diuersa. 59. item à pe-		Leucophæatus color.	II. 50
nula. 78. non seruilis tantum ve-		Limbolarii.	I. 248
stis. II. 60. non equitum duntaxat.		Limus.	I. 30
sed & populi.	73	Linea vestis serò inuecta.	I. 180
Togæ luce sit.	3	Iliacorum.	187
Color.	9. 48. 50. 51. 56. 57	in sacris.	ibid.
aurata.	120	Linteones. Lintearii.	I. 247
coccina.	24	Lineæ vestis usus apud Græcos rarus.	
acu picta.	ib. 2	II. 162.	
Purpurea.	3	Lineus Apollonii Thianei vestitus. II.	
Pulla.	I. 4. II. 187	169.	
Gausapina.	19. 26. 27	Lipsius Mureto aduersus.	I. 14.
Leuior.	27	Liurea.	I. 185. II. 26. 18.
Eius pretium.	49	Luctus vestimentum. I. 21. II. insignis	
Honoris specie deponēbatur. 63		73.	
Læna à Synthesi diuersa.	I. 88	Veri luminis chlamys.	I. 159
χλαῖνα. 168. qualis.	ib.		
Eius Notio.	II. 18		
non fuit toga.	I. 168. II. 18		
sed pallium breue.	I. 169		
λαμπρά, idest, candida.	I. 67		
Lanæ genera.	I. 53		
Ist rica Liburnica. Ægyptia.	55		
Capulina.	II. 56. 187		

M

Macenatis epicedium.	I. 19
Malcum pallium.	24
Μαδύας. II. 5. Lacerna.	7
etiam Penula.	114.
Μαδύν.	74. 75. 8.

Μαδύν.

& Verborum :

<i>Maſſis.</i> Lacerna.	54
Manicæ.	I. 199. II. 111
Mantile.	II. 33
Mantuelis.	II. 115
Manulearii.	I. 246
Manutii exſcriptores.	I. 172
Manum chlamyde inuoluere.	II. 142
Mappula.	I. 110
Mauorte, Veſtis.	I. 75
Matronarum cultus.	I. 223. 225. 255
Melinus color.	I. 244
Mendicula, veſtis.	I. 239
Meretricum cultus.	I. 253. 254. 255
Menſæ rotundæ.	II. 13
Menſarum circuli.	ibid.
Miniſtrorum cultus.	I. 182. 184
regiorum veſtitus.	184
Mollicina.	I. 241
Molochinarii.	I. 247
Multitia.	I. 64. 65
Murex facer.	I. 158
Murrobathrarii.	I. 246
Myrobrecharii.	I. 246

N

N Atalis diei roga.	1. 69
Negotiatores qui.	II. 11
Noxi in tunicis auratis, & chlamydi- bus purpureis.	II. 119
Nudus.	I. 29
Nummi veteres.	I. 4
Nummus Neronis.	II. 121

O

O Peris pars tertia promittitur.	II. 213.
<i>Ὀπιδαστριον.</i> Recta tunica.	II. 120
<i>Ὀδών.</i> Cynicorum.	I. 178
<i>Ὀδών.</i>	II. 167. 176
<i>Ὀδώνια.</i>	I. 180. II. perizoma. 201
<i>Ὀδώνιον.</i>	II. 176

P

P Alla proprie. II. 120. qualis. 137
Palla mulierum tantum. 232. vi-
rorum apud barbaros. 234
Palla pepłum. 232
Citharædorum. 232
Tragoedorū, & Saltatorum. 233
Palla longa. 234
Galloorum. 237
Pallii notatio. II. 136. 137
Pallium lata ſignificatione. I. 7. II. 133
propria. I. 7
Pallium pro ſtragula. II. 137
Pallium commune, eiꝯque figura. II
139. 140.
non fuiſſe fibulatum. 191
commune nulla fibula neceſſe ba-
tur. 155. 159
ut geſtatum. 142. 147. 151. 152
quale. 147
Pallium Gallicum fibulatum eſt Sa-
gochlamys. 159
Item Perſicum pallium fibula-
tum. ibid.
nuptiale infeſtum. 170
Philophicum. 173
Pallio peculiareſ crepidæ. II. 160
Pallii. Materia lana. II. 161
Color albus. 168. 206.
Philophici color fuſcus. 187
Palliolum. 175. eiꝯ uſus. 211
Palliolo caput obnubere. II. 211
Palliaſtrum. ib.
De Pallio Tertulliani Liber quando
editus. 189
Quando is pallium ſuſceperit. 190
Pallium à Chriſto, & Apoſtoliſ geſta-
tum, non tribonium. 192
Pallium fuſcum aſcetarum, & mona-
chorum. 193
Pallium duplicare quid Cyniciſ. 196
explicare. ib.
in

in

Index Rerum,

in collum conijcere.	206	reis.	II. 55
Palliati omnes Græci.	II. 296	Pauerata toga.	I. 163
Pallio usi Imperatores Romani post-		Pauera.	ib.
rioris æui.	139	Parthorum Regis statua gausapata.	
Pallium coccineum folis Imperatori-		II. 15.	
bus consuetum.	ibid.	Πίζα, Fimbria.	II. 39
Vulgare, Philosophicum.	I. 8	Penula quid	I. 9. 113. qualis 104
Judaicum.	9	Eius vsus sacer, ac profanus.	111
Græcorum proptie.	II. 130. 138.	Conuiujs aliena.	184
139.		Colore in ministris distincta.	185
Pallium virile.	II. 135	Penula non gestata ab Imperatoribus.	
muliebri Romanis.	139	nisi in funere.	II. 73
Pallium. II. 133. virile, & muliere.		Vestis feruilis.	73
135.		non cingebatur.	82
quælibet vestis.	136	Φαλόνης, & Φαινόλης. Pænula I. 105. 106	
pallium vt plurimum virile.	ib.	Φαινόλης. Φαινέλα.	II. 65
Palliolum.	I. 36. 88	Φαινόλιον.	I. 113
Palliolutus, id est, prætextatus.	36	Φερόνη, Φερόνη: Φερόλη. Φαινώλη	II. 67
Pallium Carthaginensium.	10	Φαός, color geminus.	II. 187
Maius philosophicum.	I. 166. II.	Φάρος vox Poetica.	II. 126
139.		Pænula pulla. I. 259. II. eius notatio.	
Pallium siue Pallamatronarum atque		65. 66. 67. 187.	
ingenuarum.	II. 222. 231	Origo. 67. intra vibem 69.	
Palliari.	II. 104	Oratorum.	ibid.
Paludamentum. II. 96. 98. longius, &		Cucullata.	II. 40. 83
fusius.	105	Mulionia.	69
Imperatori in bello proprium.		Inter preces deposita.	II. 63
102.		Distincta à Lacerna.	65. 68. 76
Paludati milites manipulares.	101.	Vestimentum itinerarium.	68
item Lictores.	ibid.	Penulis intra vibem non utebantur	
Paludamentum apertum.	109	Senatores ante Seueri Alexandri	
& fibulatum.	ibid.	tempora. 72. nec Principes.	75.
Imperatorium vulgari laxius, &		Tribuni ac Senatores vsu in pluuia.	
fusius.	ibid.	76.	
Eius materia.	116. 119	Penulæ Materia.	76
Color purpureus.	ibid. 124. 125	Figura.	78
aureus.	120	Penula scortea.	77
cæruleus.	126	Lanea; Camusina, Gausapina.	77.
Panni quid?	177	87.	
Pannus.	157. 158	Eius color.	87
Pannus duplex.	197	non fuit purpurea.	89
Paragandes.	182	Penula rusta.	124
Patagium.	I. 240	Penula breuior quam lacerna.	78
Patroni causarum in lacernis purpu-		clausa.	78

Index Rerum;

Rasa vestis, *I.* 55. toga, 162. 240.
 Recinum, Recinium. *I.* 75. 226
 Regilla vestis. *I.* 239
 Retiarii sine galea pugnabant. *I.* 216
 Rhetores olim purpurati. *II.* 173
 Rica. *I.* 243
 Ricamato. *I.* 162
 Roan scuro. *II.* 56
 Rotundum quid. *II.* 42
 Rustati agitantes in circo. *II.* 123
 Rufus, & Rufus color discipant. *II.* 113.

S

Sacerdotum vestis aliquid togæ habet simile. *I.* 104. habitus promissus. 187
 Sacra vestis, sacra purpura. 143
 Sacrificantium vestis linea. 187
 Sagum, paludamentum. *II.* 101
 Sagum militi proprium. *II.* 82. 102. 104.
 diuersi tamen generis. 104
 etiam quoduis tegumentum. *ib.*
 Sagati. *ibid.*
 Sagum fibulatum. 108. non omne. *I.* 11
 quale Gallicum. *ib.*
 Sagulum. *ibid.*
 Sagum Romanum apertum, & fibulatum. *II.* 111
 Gallicum manicatum. *ib.*
 intexta purpura distinctum. 127
 quadratum. 140
 Hispanicum. 113
 Punicum. *ibid.*
 Germanicum. *ib.*
 Sago chlamys. 115. mixta ex chlamyde ac penula. 116
 Sagi, & chlamydis diuersitas. *ib.*
 materia varii pretii. *ibid.*
 Sagum, pro veste viliori. *ibid.*
 Sagum vestis feruilis. 118

Baltheo non cingebatur. 119
 Sagi Romani color albus. 124. 127
 Imperatorii purpureus. 127
 Sagula Gallorum trabeata intertexta purpura. 127
 Saga scutulata. 128
 Saracenorum colorata. *ibid.*
 Sarii. *ibid.*
 Ire ad saga. *II.* 98
 Esse in Sagis. *ib.*
 Sumere sagum. 105
 Saltatio Ionica. *II.* 212
 Sarcinator. *II.* 247
 Scortea. *II.* 77. 208
 Scortum. *ibid.* 208
 Scortari. *ib.* 208
 Scutulæ in veste. *I.* 55. *II.* 128
 earum forma. 251
 Sedentarii. 1247
 Segmentarii. *ibid.*
 Semizonarii. *I.* 248
 Senatoria vestis. *I.* 257
 Serici vsus apud Græcos rarus. *II.* 162
 Serta crinium. 223
 Seruorum habitus. *I.* 181. *II.* 207
 Serui cucullati. *II.* 45
 palliati. 207
 Siluanus virorum genius, cui soli sacrificabant. *I.* 192
 Siluanus Augusti. *ib.*
 Sindon Cynicorum. *I.* 178. *II.* 200.
 non est interula. 201
 Tyria. *II.* 167
 Sinus togæ. *I.* 12. quid 116. 118. duplex. maior. minorque. 15. 116.
 127. 131. superior. inferior. 128.
 Eius vsus. 14. 15
 Sinus quid. 128. vestium, littoris. *ib.*
 Sisyra chlamæ non sagum Gallorum. *II.* 112.
 σκαπαμαζιον. *II.* 173
 Solox filium. *II.* 23
 Solonis simulacrum. *II.* 153
 Sordida vestis. *I.* 67

& Verborum.

Soriculata vestis.	I. 161
σπιδνται ιδήτες.	I. 163
Spissa toga. I. 162. vestis.	240
Spina Germanis fibulæ vice.	II. 113
Spinther Lentulus.	II. 33
Statuæ togatæ.	14
Statua palliata.	II. 144
σιβάς.	I. 183
Stibadium tricliniare.	ibid.
Stilatum, idest latum.	I. 209
Stillicidium impluviatum ignoratur.	
239.	
Stoicum pallium.	I. 9
Stola mulieribus propria.	I. 172
honestis, & ingenuis. 222. item	
libertinis. 228. qualis.	225
barbatis & Græcis vestis com-	
munis.	222
pro matrona.	223
σολή ἀρχική. Toga prætexta. I. 141.	
II. 105.	
σελευτική, latus clauus.	I. 209
ιμενική.	II. 138
Stola tunica, non pallium.	II. 135
Stola cingebatur zona.	I. 228
muliebris.	231
Stola cruceium.	I. 243
Stragula gausapina purpurea.	II. 14
Strophium.	I. 147
Strophiaris.	ibid.
Subarmalia. II. 6. & Subarmale.	128
vestis militaris.	129
Sagum.	ib.
Purpurea.	129
Subucula.	I. 109. linea. I. 181.
Supparum à subucula differt.	I. 242
Supparum Tertulhani.	I. 243
Sutela.	I. 247
Sutor.	ib.
Sutura fibulæ loco.	II. 31
Synthesis. I. 87. 88. qualis. 88. 91.	
Eius vsus.	II. 20
Syrma Tragedis proprium.	II. 131

T

T Aneto.	II. 56
Tapetes.	II. 29
Tebenna. Τηγενο. vestis.	I. 1
Τηγενο. Toga.	I. 138
Τύσανος.	II. 39
Thorax quid.	I. 181
Thoraces linei.	II. 163
Θοιμάτιον pallium.	II. 133
Tirocinii anno dextra chlamyde inuo-	
luta apud Græcos, apud Romanos	
toga.	II. 96. 143
Toga vetustas. I. 1. noticia difficilis.	
114.	
Toga Romanorum.	II. 130
Eius materia.	116
Ius.	II. 138
exteris tyrannis à Romanis con-	
cessus.	2
forma dubia, ib. vera. 119. 127.	
vestimentum rotundum, & clau-	
sum.	5
Gestatio. 12. duplex.	50
magnitudo. 15. mensura, & lon-	
gitudine.	73
color albus. 54. 66. sed urbano-	
rum. II. 122. non communis.	
69.	
Rasa. Lewis. 56. Pinguis.	ibid.
Regia undulata.	53
Alba.	258
Alba discrepat à candida.	66
Splendens, id est nitida.	67
Pulla.	71
Laxior, angustior.	72
Talaris.	73
Tam virorum quam feminarum.	
74. 76. 222.	
meretricum.	77
Imp. Purpurea.	80
Togulæ.	16. 72
Toga caput inuoluebatur.	32

G g 2 cum

Index Rerum

- cum calceis gestata. 36. II. 160
Toga nõ cingebatur. I. 39. nisi vbi ad
manus ventu, & spolia cremaretur. 44
item dum mappa mitteretur. 46
Togati Romani. 74
Id est Salutatores. II. 74
Toga deposita in luctu, & calamitate
publica. I. 81
item in deprecatione. 83
cuius loco angusti clauia, etiam
apud consulares. 82
Vestis olim domestica. 83
Toga, stola forensis. 84
Toga in conuiuiis induta. ibid.
Toga submissa. ibid.
Cœnatoria. 85
quæ Synthesis. 86
muliebris. 88
Toga præfidiaria. 84, 122, 131.
Toga vsus extra urbem, Italici pene
omnibus communis. 92, 93. etiam
in militia. 94
desuetudo. 95, 102
vsus etiam in populo. 95
Toga saluatorum. ibid.
meretricum. 238
Toga pro clientibus togatis. 96
Togati Augustorum. 97
Aduocati. ibid.
Præfectorum. ibid.
Togatus. Aduocatus. 98, 100
Togati vulturii. ibid.
Toga Imperatorum auro non penitus
deposita. 100
Festiuatatum. I. 69
in ludis vsurpata. 101
Toga successit lacerna, & penula. 102
Toga sinus ab umbone diuersus. 117
Toga submissa. 121
Virilis, pura, & libera. 134
Communis. 139
Triumphalis primum purpurea:
deinde picta. 152. itemque
Capitolina. 153. Iouis. 155.
palmata. 156. Consulium, ac
Prætorum. 154, 155
itemque Tribunorum. 155. etiam
priuatis concessa. 156
Toga palmata figure intexta, vel pi-
cta. 156
Triumphalis, Regia. 157
Vndulata. 161. Cumatilis. ibid.
Soriculata. 161
Phryxiana. 162. Rasa. ib. Pau-
erata. 163
Græcanica. 163. Germanica. 164
Flammata. ib.
Duplex, id est Lana. 170
Togati nudo capite incedebant. II. 40
Tomentum. I. 57
Lingonicum, & Circense. 58
Tori bilices, trilices. II. 164
Trechedipna vestes gymnice. II. 25
Trabea qualis. I. 144. triplex, ib. eius
vsus ib. 239. II. 132.
toga. 145. II. 127. picta 146. noui
paludamentum. 145. II. 109.
Eius vsus. I. 145.
Consulis vestimentum. 146
toga palmata. 153
Tribonium. II. 134. τριβών. τριβωνίον.
175. 176. 177. non pauperiorum
modo gestant, sed etiam honestio-
rum, & vestis forensis, ac judicialis,
179, 181.
à lacerna diuersum. 178
τριβωνίδης. 180, 194
Cynicorum. 176. Stoicorum, &
Philosophorum. 181. 184. item
Pythagoricorum. 184
Professorum liberalium discipli-
natum. 185. eiusque colores.
188.
Eius color. 187, 188
Primus induit Socrates. II. 182
Triboniū ascetarū Christianorū. 189
Tribonophoria Christianorum breuis
moræ. 192
Cyni-

& Verborum.

Cynicorum peculiaris.	194
Tribunus angusticlauius.	213
Triumphalis habitus.	80. 156
Tunicæ initium.	I. 173
Tunicæ Carthaginensium, I. 8. Mat- ria. II. 116, color albus. I. 54. 103. 203.	
Tunica sola cingebatur. I. 42, præter- quam à Senatoribus, & laticlauiis. II. 122.	
in petitione honorum deposita.	
177.	
sola cingebatur.	178. 194
superior, & superaria.	190
laticlaui non cingebatur.	74
Tunicæ mensura.	190
Tunica talaris.	194
Tunica quæ. 109. 172. virorum. 172. interior, & exterior.	176. 178
Palmata.	153. 205
Tunicula.	177
sacricolarum talaris, & manulea- ta.	189
Tunica Græcis, & Romanis.	II. 130
Tunica centurionum, ac militum.	194
Tunicæ manuleatæ.	196
Tunicata iuuentus. 173. plebs.	257
Tunicatus populus.	ibid.
Tunica plebeia.	204. 257
Ruisa militaris.	205.
Purpurea recta. 123. militaris, ib.	
Tribunorum, & Ducum.	123
Fusca.	II. 187
Galbina.	I. 205
Punicea, ib.	II. 122. 123
Senatorum, & Equitum clauis purpureis distincta.	206. 216
pro lata claua.	209
Virilis. 211. Muliebris manicata. 229.	
Laticlaui. Angusticlaui.	205
Afema.	215
Eius ornamenta.	ibid.
Tunica indusiata.	240

ἀνάκαλθι.	II. 38
Christi inconsultis.	63
Tunicarum alæ.	226
manicæ.	II. 83
In agro, & municipijs communis. 257.	
Tunicæ Patauinæ.	II. 13
Gausapinæ.	26
Lineæ Atheniensium quæ.	162
Tunica paganis communis.	91
militum breuior. 108. alba. 122. 123.	
paganorum longior.	109
palliolata.	115
cingebatur militibus.	119
Recta.	120
muliebris virili promissior.	150
Cynicis nulla.	158

V.

Georgius Valla multa ex Interpre- te Iuuenalis habuit.	II. 49
Ventralia.	I. 58. 59. 60
gausapina.	II. 26
Vestimenta quadrata.	I. 8
Vestes poliebantur erinacei cute.	68
Vestis domestica; forensis.	83
balnearis.	II. 19
cœnatoria.	ib.
sacra.	143
peruerfa.	ibid.
triumphalis in Capitolio seruata. 156.	
Alethina. 158. ἀληθινὸν χράμα.	
159.	
holoferica. Holouera. Vid. H.	
Senatoria, latus clauus.	209
Equestris, id est militaris. I. 214. II. tunica.	73
Vrbana. Toga.	I. ibid.
muliebris varia.	I. 238
florida. 252. pulla.	II. 73
prælo subiecta.	II. 55

Ve-

Index Rerum

Vestis discrimen cum Toga sublatum.

X

I. 260.

Vestimenta militaria.

II. 91

Xerampelinæ, chlamydes

II. 58

alba.

II. 169

Vitreæ togæ.

I. 65

Y

Violarii.

I. 245

ὕπερδιδία. ouis pellita. II. 117. tecta.

Virgata vestis.

I. 251

118.

Z

Virilis habitus pro pallio.

II. 193

Vmbo togæ. I. 17. nihil à sinu diuersus.

Z Ona quid.

I. 248

118. 127. quid 128.

Semizona.

ibid.

Vndulata vestis.

I. 161. 244

Zona muliebris.

I. 129

F I N I S.

ERRATA

Operarum grauiora sic corrigenda.

Par. I.

Pag. 3 v. 30	Scäuro,
32	32 pars.
35	3 inuoluere.
42	1 spatium
55	22 Ægyptia
67	26 candelceret
	17 ταν
85	25 conuiuio
98	26 compendio
104	18 inde
106	9 chlamydes, saga.
109	9 lithurgiam
110	15 indecorum
111	14 Leuitas
114	26 κνπλσν
117	10 à vulgatæ
119	3 vestimentum
122	28 strangulare
124	21 perbreues
126	23 caderet;
130	15 exhausta
132	1 studiis.
136	12 περὶ πορρῦ
138	7 τὴ βεννός
	14 Pratorii
140	19 prætextæ.
149	7 conatus est doctissimus
150	21 castrensia
	33 Galatie,
	36 colores :
153	21 postquam
154	7 Quirinali
	34 curuleum
156	2 omissum,
162	19 à stando
171	11 coccineam,
176	32 incertum

177 v. 9	indiscincta
180	17 alteram
181	1 hiems,
	18 thorace
185	21 factionibus
187	26 Alcuinus
190	15 Centurionum
	34 mutandum
191	32 de scriptoribus
195	32 Inuide
	35 Apophthegma.
207	2 vestis
	35 Palestina
	36 texendi
226	16 incessu.
227	8 è collo
229	12 constrinxere.
240	6 tunica
241	6 πατάρας,
	11 diabathrarii,
	32 Inde
246	20 malobathrarii à ma
	lobathro
249	22 Roscida
252	18 ἀνδραῖς
	22 Vopiscum
260	25 togatis Quiritibus

Par. II.

Pag. 2 v. 24	intexitur
5	32 Χλαμὺς.
16	24 delecteris,
26	31 pluuiæ
29	16 villis
30	25 σῶμα;
32	31 ephetica
57	32 Canusini,
63	6 inconfutis
70	25 Lampridius,

Pag. 117 v. 31 βαθύμυλλος

- 119 15 Baias
120 34 XLVIII.
134 6 lacinia,
11 αποκαλύψαι.
161 9 inficiebantur purpura,
163 11 Thucydidis
167 21 θόδιον
172 9 Purpuram
174 3 Thermopolio
175 21 lanuginem
177 30 τριβών

179 v. 1 tribonio

- 19 unquam
181 19 dimidiato
28 τριγωνοφορία
189 35 Γραμμός
197 18 διπλοῖς
201 36 interula
202 24 poparum
203 33 viro
207 12 Aristophanem. Ve-
spis





80
12
QT

SPECIAL 82-B
2404-2

